



15

1

-83

BIBLIOTECA NAZIONALE
CENTRALE - FIRENZE

15. 1. 83

~~Ad. Juan F. Bernardi M^{re}~~
~~a S. Bartolomeo~~

S. Paolino
N^o 10450.

Se. J. J.

15.1.83

ALEXANDRI POLITI

DE CL. REG. SCHOLARUM PIARUM

E T

IN ACADEMIA PISANA

HUMANIORUM LITTERARUM

CELEBERRIMI PROFESSORIS

ORATIONES OMNES

NUNC PRIMUM IN UNUM VOLUMEN
COLLECTAE.

FLORENTIAE

TYPIS ALLEGRINI, PISONI, ET SOC.

FACULTATE PUBLICA.

AN. MD. CC. LXXII.

THE NATIONAL ARCHIVES

1910

RECORDS OF THE DEPARTMENT OF THE INTERIOR

1910

RECORDS OF THE DEPARTMENT OF THE INTERIOR

RECORDS OF THE DEPARTMENT OF THE INTERIOR

RECORDS OF THE DEPARTMENT OF THE INTERIOR

RECORDS OF THE DEPARTMENT OF THE INTERIOR

RECORDS OF THE DEPARTMENT OF THE INTERIOR

RECORDS OF THE DEPARTMENT OF THE INTERIOR

AVERARDO.MEDICEO

PATRICIO.FLORENTINO

GENERIS . NOBILITATE . MAIORVM . GLORIA

CVM . IN . PACIS

TVM . IN . BELLI . ARTIBVS

LONGE . SPECTATISSIMO

PROBITATE . VERO . SVA . RELIGIONE

AC . LIBERALITATE

SINGVLARIQVE.IN.DOCTOS.VIROS.BENEVOLENTIA

OMNIBVS . PROBATISSIMO

ALEXANDRI.POLITI

SVMMI.ORATORIS.ET. IN . GRAECA . LATINAQVE

ERVDITIONE

AETATIS . SVAE . FACILE . PRINCIPIS

ORATIONES . OMNES . NVNC . PRIMVM

IN . VNVM . VOLVMEN . COLLECTAS

VIRO

LATINARVM . GRAECARVMQVE . LITTERARVM

STVDIO . EXERCITATIONE

ATQVE . SAPIENTIA

CVM . PAVCIS . TEMPORIS . SVI . COMPARANDO

E. A. EDITOR

AD.GLORIAM.MEDICEI.NOMINIS.SEMPITERNAM

DONAT . CONSECRATQVE.

LECTORI SUO S. P.

EDITOR.

* * * * *

ALEXANDER POLITUS antequam quadraginta fere ab hinc annis e patrio Scholarum Piarum Collegio ad Graecas litteras in celeberrima Pisana Academia tradendas immortalis Principis sui Io. Gastonis Medicei M. E. D. beneficio vocaretur, ea apud omnes florebat doctrinae, atque eruditionis laude, quam adeptus erat Eustathii in Homerum commentariis a se latine redditus, atque illustratis: quorum alterum jam volumen in lucem prodierat. Licet enim qua divinarum, humanarumque rerum singulari plane cognitione praeditus esset, aliis a se conscriptis editisque libris Politus antea ostendisset, in omnium tamen sermonibus tunc versabatur Eustathianum opus illud, ex quo uno apparebat in elegantioris Latinae linguae usu paucos, in Graecis autem intelligendis atque explicandis vix quempiam inter Italos parem reperiri posse Polito: quem hac de causa, exteri quoque Criticum, ac Philologum sapientissimum praedicabant. At postquam in Pisano Lyceo Graecae primum linguae, mox humaniorum litterarum, atque adeo eloquentiae professor creatus, munere aliquandiu suo functus est Politus, ea ipsius in dicendo

vis, copia, elegantia visa est, ut gravis, disertus, numeris demum omnibus absolutus Orator iure habitus fuerit. Hoc scilicet cum nomine celebrabant maxime, qui in solenni studiorum instauratione ipsum e superiori loco quotannis dicentem audiebant, viri in quolibet facultatum genere praestantissimi, & qui non solum de doctrina atque eruditione, verum de Oratoria etiam arte, ac vera latini sermonis elegantia rectissime poterant pronunciare. Horum ille iudicio gravissimo confirmatus, atque hortationibus etiam impulsus, quam in Academia singulis annis habuisset Orationem, eam typis committere, atque in lucem edere plerumque consuevit. Quae sane ita seorsim impressae Orationes, quum in alias deinde Urbes atque remotas etiam regiones delatae, in aliorum aliae manus incidereut, eam paulatim de Polito ejusque eloquentia in eruditorum animis opinionem ubique excitarent, ut quicumque amoenioribus praesertim delectabantur litteris, quidquid in hoc genere profectum ab eo fuisset, cupidissime inquirerent. Itaque rem Politus litterarum amatoribus gratissimam fecit, cum anno 1742. octo ex Orationibus suis Romae impressus in lucem prodire jussit, una cum duobus in Eustathium ad Dionysium Periegetam commentariorum suorum libris; multoque majorem ab eruditis hominibus gratiam iniit, cum quatuor alias praeterea Philippo M. Benedinio Lucensi typographo concessit Orationes suas, ut duodecim simul ab eo in lucem edi possent: quod anno 1746. contigit. Quamobrem cum ante viginti annos e vivis ereptus est Politus, hoc a Florentinis cum litterarum, tum Patriae quoque amor postulare omnino visus est, ut quando-

doquidem nullas jam Politus scribere in posterum Orationes poterat, quas saltem antea scripserat atque edendas paraverat, in unum veluti corpus collectas, imprimendas ipsi omnes curarent, & quidquid ad Politum Oratorem pertinebat, uno eodemque comprehensum volumine eruditorum oculis exhiberent. Verum Florentinis diu, & caute deliberantibus, duodecim interea, quae ex Benediniana officina prodierant Orationes, Wratislaviae anno 1759. iterum imprimendas curarunt Germani, iisque, ut auctior ipsarum esset numerus, panegyricam addiderunt Orationem, quam in Francisci I. Rom. Imp. laudem anno 1746. Politus vulgaverat: has vero XIII. Orationes notis quibusdam illustrarunt, multa voluminis illius initio de Politi vita, operibus, & laudibus praefati. Horum diligentia, licet inertiae desidiaque nos arguere videatur, tamen eo revera jucundior nobis accidit, quo clarius certiusque ex ea perspicimus quid de Oratoria Politi praestantia cultiores gentes aliae sentiant, atque adeo quid de ea nos quoque prudentius sentire, ac liberius praedicare possimus. Cum enim animadvertimus, quae de litteris praesertim differens exponenda sibi Politus argumenta proposuit, non ea plerumque aut nova, aut singularia, aut ex penitiorum quadam illius, quae tantum nunc in pretio habetur, Critices, & Philosophiae cognitione esse petita, sed gravitate potius, veritate, ac prudenti quodam communium ceteroquin rerum delectu commendari, facile intelligimus quid in Polito Oratore a Germanis, exterisque hominibus aliis probatum maxime fuerit. Veram illi scilicet Oratoriam facultatem, eamque dicendi artem, quam ex veterum Oratorum assidua lectione hauserat Politus,

su-

suspexere, ac singularem praefertim, qua quum scriberet, usus est Latini sermonis castitatem atque elegantiam, ex qua Latini Oratoris potissima fere laus petenda videtur. De quo sane postremo cum agitur, ex eo nobis gravior Germanorum sententia censetur, quo majus prae ceteris jam omnibus, eruditi gentis illius homines studium atque operam in eo ponunt, ut Latinos aureae aetatis Scriptores imitentur; ut propterea quinam ab optimis illis exemplaribus longius, quinam propius absint, prae ceteris quoque rectissime possint judicare. Haec postquam paullo diligentius perpendimus, justa reprehensione carere jam non posse visi nobis sumus, nisi de omnibus plane, quas soli fortasse nancisci facile poteramus, Politi Orationibus colligendis edendisque cogitarem: ut nempe Florentini hominis clarissimi quotquot supersunt Orationes, ex Florentinis aliquando typis prodirent. Hoc igitur adgressi tandem sumus: atque ut temporum quoque ratio habeatur, tribus ac decem, quae Wratislaviae impressae fuerant, Orationem praemisimus jam ab anno 1709. Florentiae Polito habitam, iterumque anno 1723. impressam, qua probandum Orator suscepit longe breviorum esse optimarum omnium artium quam vitae cursum. Quintodecimo autem loco ac deinceps quinque subjecimus Panegyricas Orationes, quibus Politus in Pisano Lyceo quinque illustrium Etruriae Urbium laudes celebravit: quarum quae duae postremae sunt, Oratore paucis ante mensibus functo, sub finem anni 1752. in lucem Liburni prodierunt. Novum enim hoc postremis annis consilium ceperat Politus, qui, ut ad optimas facultates comparandas adolescentum animi inflam-

*flammarentur, in ipsa studiorum instauratione vix
 opportunius quidpiam esse posse arbitrabatur, quam
 si coram adolescentibus ipsis eae laudarentur Ur-
 bes, quarum laudes ex litterarum doctorumque ho-
 minum gloria maxime penderent: quod in causa
 etiam fuisse videtur, ut quae Etrusci ad Urbium
 suarum laudes pertinere putabant, ea non criti-
 corum modo expendere, sed Oratorum potius more
 efferre Politus voluerit: ne scilicet minus feliciter
 litterarum causa ageretur, si fortasse minus jucun-
 da auditoribus nonnullis patriae suae laudatio con-
 tingeret. Itaque novendecim, quotquot scilicet aut in
 lucem edidit, aut ad umbilicum saltem Politus per-
 duxit, Orationes editio haec nostra complectitur.
 Quarum series atque argumenta in proxima pagina
 exhibentur. Vale, mi Lector, & fave.*

I N D E X

ORATIONUM.

ORATIO I.	<i>Breviorem longe esse optimarum omnium artium, quam humanæ vitæ cursum.</i>	Pag. 1.
II.	<i>De Litterarum Graecarum necessitate.</i>	33.
III.	<i>De liberalium omnium artium ac doctrinarum ad eloquentiam necessitate.</i>	51.
IV.	<i>De litteris humanioribus.</i>	73.
V.	<i>De universo disciplinarum orbe.</i>	93.
VI.	<i>De laudibus Lotharingicis & Medicis.</i>	115.
VII.	<i>De optimorum studiorum assiduitate.</i>	131.
VIII.	<i>De lectionis assiduitate.</i>	147.
IX.	<i>De recto ordine studiorum.</i>	167.
X.	<i>De humanarum disciplinarum ad Religionis Christianæ usum opportunitate.</i>	183.
XI.	<i>De laudibus Academiae Pisanae.</i>	209.
XII.	<i>De laudibus Urbis Pisanae.</i>	227.
XIII.	<i>De nobilitate Litterarum.</i>	249.
XIV.	<i>De laudibus Francisci I. Imperatoris.</i>	273.
	ORA-	

ORATIO XV. <i>De laudibus Volaterranis.</i>	299.
XVI. <i>De laudibus Liburnensibus.</i>	325.
XVII. <i>De laudibus Samminiatisensibus.</i>	349.
XVIII. <i>De laudibus Arretinis.</i>	367.
XIX. <i>De laudibus Cortonesibus.</i>	383.

ORATIO I.

*BREVIOREM LONGE ESSE OPTIMARUM OMNIUM
ARTIUM, QUAM HUMANAЕ VITAE CURSUM.*

QUUM ab Eloquentiae laudibus studia vertentis anni essem feliciter auspicaturus, ut, siquid dicendo possem, ad eam artem, ejus incredibilis vis est ad animos hominum permovendos, optimos adolescentes excitarem, Serenissime Princeps, summi Etruscae linguae moderatores, Archiconsul Clarissime, nobilissimi Academici; celebris illa apud veteres Oratores animum quoque incessit meum dubitatio, cur, quum in aliis omnibus artibus & disciplinis permulti magno ingenio viri excelluerint, perfectio tamen Oratore nihil in hominum genere rarius inveniri posse videatur. Cogitanti autem, undenam uberissima dicendi facultas tanta Oratorum inopia laboraret, uti amplissima ad Eloquentiam praemia alliciebant; illud unum occurrit, quod & visum est. Romanae eloquentiae principi Marco Tullio, rei scilicet quaedam incredibilis magnitudo & difficultas. Neque enim ab elegantia doctrinae rerumque majorum scientia segreganda est Eloquentia, ac tantum in judicia & conciones detrudenda, sicut plerique e Graecis voluerunt: sed, quod, post Mnēsarchum & Carneadem, nostris placuit hominibus, latius longe patet regina rerum oratio, quam ut angustiis Fori terminis contineatur; &, quemadmodum nihil est, quod in hominum disceptionem

A

ca-

cadere non possit, ita ambitu omnia suo comprehendit. Quare cum demum proponite vobis animo Oratorem, qui, ut quacunque de re copiose ornatque dicat, omnem omnium rerum atque artium ingenuarum scientiam fuerit assecutus. Quid vero magis arduum, atque in hac nostra vita varietateque occupationum difficile, quam ab uno homine sciri omnia, quae orationis lumine illustrentur? eae siquidem sunt, quibus humanae vitae cursus coarctatur, angustiae, ut non, nisi brevissimus, videri possit, si, non dico, ad omnium, sed vel unius etiam artis, magnitudinem conficiatur, ut mirandum minime sit, si tam pauci ad veram Eloquentiae laudem pervenerint, quum vix aliquis universum illum disciplinarum orbem, quem Graeci *ὑπερλοπιδείαν* vocant, percurrere unquam potuerit. Ego vero, Auditores, qui, ingeniorum nostrorum viribus bene accurateque perpenſis, nihil humile, nihil abjectum, nihil egregius maximaeque spei adolescentibus indignum meditor; sed omnibus iis, qui ad Eloquentiam contendunt, absolutam omni ex parte summi Oratoris formam propositam volo, quam aemulentur; communem hanc de longo artis, brevi vitae cursu, humani generis querelam ex hominum mentibus exturbare, si heri potest, aggredior; atque ita maximum, quo a Sapientiae studio adolescentes deterrentur, impedimentum remove. Demonstrabo itaque, quam potero, brevissime: breviorē longe esse earum omnium artium, quae sunt libero homine dignae, quam humanae vitae, cursum, argumento sane novo & difficili, sed quod neque a meo docendarum publice divinarum humanarumque artium instituto, neque ab hujus loci amplitudine abhorreat, magnoque, ut puto, futurum sit juventuti ad Sapientiam, sine qua de perfecta Eloquentia desperandum nobis sit, incitamento. Atque unam oratione mea id assequar, ut, hoc auspice studio-

diorum die, adolescentibus, quos Sapientiae pulchritudine allectos video luto frequentes convenisse, quaedam veluti calcaria ad reliquum cursum admoveantur!

Verum, ipso statim orationis lumine, ois mihi vestrum? Auditores, non opponat summam sibi viri auctoritatem, cui nisi primum occurrat, valde verear, ne frustra sim hoc in argumento laboraturus. Quis enim ab Hippocrate dissentiat, maximo illo totius antiquitatis ac propemodum divino ingenio? cuius tanta tamque admirabilis fuit iam exploranda rerum veritate solertia, ut, quo ille non pervenerit, nemo speret se unquam esse perventurum. Immo vero quis principem salutaris adeo humano generi artis auctorem non omni veneratione prosequatur, & quidquid ille senserit, non nisi verissimum iudicet, communique omnium confessione comprobatum? Atque is tamen, cuius sapientiam, veluti e caelo delapsam, admirantur omnes, quum brevissimis acutissimisque sententiis, quas graece aphorismos dicimus, quasi Medicinae oracula esset simul complexurus; ita exorsus est, ut vitam humanam brevitatibus, longitudinis artem, inculcaverit. *Ο βίος βραχύς. η δὲ πρὸν μακρὴ.* Sed istud de trivio argumentum, quo a tanto nomine quaeri solet torpori ignaviaeque nostrae patrocinium, neque orationis sese iam explicantis cursum abruptet, neque a Sapientiae vos studio retardabit, optimi adolescentes, si paullisper consideretis, quod mirum dictu videbitur, sed tamen verum est; causam inde meam confirmari, unde penitus infringi evertique potuisset. Nam cum oculos ad illum, Medicorum veluti deum, converto Hippocratem, eximiamque ejus omnibus in artibus eruditionem perpendo accuratius; satis jam video, nullum aliud ex tota antiquitate opportunius atque ad rem nostram accommodatius exemplum afferri potuisse, quod vobis ad omnem doctrinam proponeretur. Fuit enim, siquis alius, non

in arte solum Medica, sed in toto etiam disciplinarum orbe, exercitatus; eaque vero dignus laude, quae nescio an major ulli unquam hominum contigit, quod & alios fallere, & ab aliis ipse falli, nesciverit. Quapropter, qui volunt, laboriosi scilicet in otio homines, longius multo esse artium liberalium curriculum, quam ut toto vitae tempore perdiscantur, & luculento admodum Hippocratis exemplo, qui eas omnes calculavit quam peritissime, refutantur, & quatenam hominis mens fuerit atque consilium, minime assequuntur. Nisi quis forsitan adeo stellet, ut exstimet, ea de causa, longam artem, brevem autem vitam, dictam esse ab Hippocrate, quod hac potissimum ratione vellet a Medicinae studio alios avertere, quae ipse maxime eniteret. Sed, o prava hominum, minime ingenuorum, qui de ingenio viro tam inique senserunt, judicia! quos etiam gravissime olim reprehendit optimus principis Medici interpres, Medicorum & ipse clarissimus, Claudius Galenus. Quid enim a recta ratione magis alienum, quam ad humani generis bonum, Medicas scribere commentationes, quibus nihil utilius aut esse aut excogitari potest, simulque ab arte universa, cujus doctrina te posterorum saluti consulere, velle profiteris, legentium animos avocare? Aliud omnino voluit Medicinae parens, Hippocrates, aliud in votis, aliud in mente habuit, dum artis magnitudinem eo protrahendam putavit, ut longissima sit, si unius eam hominis vita metiamur. Non ad fovendum ignavorum hominum otium, sed ad solentium diligentiam excitandam; non ad excolendum torporem, sed ad laborem promovendum; non ad deterrendos alienandosque a sapientia animos, sed ad exacuendum, proposita artis difficultate, ingenium, eam retulit de vitae brevitate sententiam; ut nempe, quo vita brevior esset, ars autem longior, eo impensiori cura majorique animi contem-

tione opus sibi esse intelligerent optimarum artium studiosi, ut brevi eas tempore adipiscerentur. Quanquam autem hujusmodi explicationem, veram illam quidem, sed, veluti Hippocratis sensui non satis aptam, minus approbet Galenus; attamen eum ipsum locum ita interpretatur, ut doceat, breve tempus ad artem perficiendam sufficere, si recta studiorum via constansque labor adhibeatur, non posse quidem ab uno eodemque homine, quantum vultis, diligenti, & studioso, artem aliquam & inchoari & ad complementum usque perducere, quod ad inventionem spectat: sed, postquam reperta fuerit, pluresque multorum annorum decursu ad eam constituendam perficiendamque allaboraverint; nihil jam esse, cur breviori temporis spatio quamcunque artem quisque non comprehendat: eaque de re per breves conscribi commentationes oportere, quibus omnia, quae magni quique viri multo tempore magnoque labore observarunt, incredibili quodam & temporis & laboris compendio, sub unum veluti adspectum subiciantur. Sed cur in una tamdiu arte immoramur? quasi non in toto disciplinarum orbe nostra versetur oratio. Age vero, quantus qualisque est quamque hominibus omnibus inditus a natura, cognitionis amor & veritatis! quam nunquam oriatur in nobis haec veri inveniendi cupiditas! quam rerum novitate pueri capimur, & detinemur! quanto discendi ardore impellimur ad studia adolecentes! quam magnam vitae nostrae partem viri, saepe etiam cum maximo rei familiaris detrimento, Litteris rerumque cognitioni impendimus! quo studio, etiam qui a rebus gerendis longe absumus, senes res gestas legimus, & audimus; neque tantum historiis, verum etiam satellis, recreamur! quam denique in omni aetate, ut aliis vacuus curis animus secum esse permittatur, non quietis tamen hoc sciendi omnia desiderium! Solonem ferunt, quem in
Sa-

Sapientum numero Graecia habuit, quum esset ex hae vita discessurus, assidentesque lectulo amicos, de re quam demisse differentes audisset, rogasse, ut vocem attollerent; exitum quippe vitae jucundiorum sibi fore, si aliquid discens moreretur. Tanta humanum genus discendi cupiditas tenet; tantaque inde est, rebus cogitis, animi nostri oblectatio; id enim, quo uno bestiis maxime praestamus, & homines sumus, mentem scilicet nostram, rerum scientia perficit, honestissimaque complet voluptate. An, ergo existimabimus, frustra hunc esse in nobis cognoscendi veri ardorem, eaque in hominum genus iniquitate fuisse naturam, ut, quum tam vehementi perpetuoque impetu nos ad omnium liberalium doctrinarum studia rapiat non repugnantes, adjumenta tamen denegaverit, quibus earundem artium scientiam assequeremur? An totum disciplinarum orbem immensis curis vigiliisque percurrit Galenus, nihil ut in iis proficeret? An Cleanthes Asius, qui noctem hauriendis aquis, diem studiis liberalibus dedisse fertur, nullum alium retulit laboris tanti fructum, nisi ut animum in artibus comparandis desponderet? An inane in Euclide Megarico censuimus studium sapientiae adeo eximium ac singulare, ut, veste muliebri indutus, noctu ad Socratem audiendum venire Athenas non dubitaret, quo nemini uni ex Megarensibus, sub poena capitis, pedem licebat inferre? An, ut innumerabiles alios ex tota antiquitate viros doctissimos omittam, quibus tota vita nihil antiquius fuit, quam pulcherrimo instrui optimarum omnium facultatum apparatu; frustra Pythagoram, frustra Democritum, frustra Platonem, quales, Deus bone, viros! dicemus, patriam, ubi summo honore florebant, reliquisse, ultimatque peragrasse terras, ut, periculosissima per barbaras incultasque nationes peregrinatione, novum non doctrinarum genus a sapientissimis omnium

po-

populorum viris discere vellent, scire autem non possent? O miseram humani generis conditionem! o poenitenda hominum vota, si Sapientiae, qua bonarum omnium artium continetur cognitio, pulchritudinem ardentissime concupiscant, illam quaerant, meditentur, ad illam maximo conatu anhelent, neque unquam tamen complectantur! Sin & nihil frustra molitur optima parens natura, & nulli deest ex reliquis animantibus, ut fines adipiscantur suos; quanto majori cura prospexisse homini reputanda est, animantium ceterorum principi, quem unum ratione uti voluit, omniaque fecit capacem disciplinarum? ut nempe, quemadmodum summam nobis ingeneravit percipiendae veritatis cupiditatem, ita & copiosissime subministret, unde omnium bonarum artium, quanta homini satis sit, scientiam obtineamus. At falsa plerique exilimatione decipiuntur, quibus quum omnia ad omnem doctrinarum elegantiam affatim a natura suppetant adjumenta; otio suo & ingenio abutuntur, maluntque ingrati naturam reprehendere, quam suam ipsorum segnitiam emendare. Quae autem quantaque sit humani ingenii facultas, quid in universo artium omnium studio possit, si annitatur; clarissime ii docent, quos summis laudibus celebrandos duximus, sapientissimi antiquorum viri: quos omni disciplinarum genere ornatos instructosque maxime fuisse accepimus. His vero dum Democritum accenseo, cui atomi, nostris his temporibus, magnam in Peripatetico Regno confluxerunt invidiam; nolim, cogiteris, Auditores, aliquem de grege Philosophum, qui cum majorum gentium Philologis non sit conferendus: sed tanta virum eruditione, ut Hippocrati ipsi Coo maximae fuerit admirationi; & quum plurimos, tum discendi ardore, tum rerum omnium doctrina, vicerit, nemini secundus videatur. Etenim, prae sapientiae, quo incendebatur, studio amplissimas opes humanae omnia

con-

contempsit; peregrinatusque est in Persidem ad Magos & Chaldaeos; in Aegyptum ad Mathematicos; in Aethiopiam atque Indiam ad Gymnosophistas; in omni autem Sapientiae parte adeo profecit, ut quinque certaminum victori non ahsimilis diceretur, quod τὰ φυσικά, τὰ ἠθικά, τὰ μαθηματικά, πρὸς ἱεροκλέους λόγους καὶ περὶ τέχην πᾶσαν ἔμπειροι, perfectissime conjunxisset. Jam vero si artes ipsas propius intueamur, & quarum amore tantopere exardemus, proponamus eas ob oculos; mirum est, Audaces, quanta sit earundem connexio, quantus ordo, quamque uno societatis vinculo coalescant. Non dicam equidem, quod admirabiliter potius, quam vere, dicere visus est Mnesarchus, optimas facultates eodem amicitiae foedere conjunctas inter se esse, & colligatas, atque nectantur copulenturque eae virtutes, quibus humani mores perficiuntur; ut eum, qui una praestet facultate, locupletissimus ceterarum omnium doctrinarum comitatus sequatur; quam homo Stoicus nil voluerit aliud, quam, qui esset eloquens, omnes eum virtutes habere, quod bene dicendi scientiam in virtutum numero collocabat. Sed illud dicam, quod a Platone assertum in Epinomide, faciliorem longe contractionemque, quam vulgus existimet, reddit omnium disciplinarum cursum, miro quodam inter se consensu bonas cunctas artes sapientisque viri proprias concordare; & hanc liberalium doctrinarum in unum veluti conspirationem facillime intellectum iri, si quis vim rationis ejus, unde omnia alia pendent & ordine quodam cognoscuntur, antea exploraverit. Quod si altiora haec esse videntur, quam ut infirmo adhuc accommodata sint captui adolescentium (quantum, ubi de toto doctrinarum orbe loquimur, nihil, nisi excelsum atque a sensibus nostris remotissimum, sapiat, necesse est, oratio) illud tamen constet, non tantam, quantam aliqui volunt, inter disciplinas diver-

sita-

sitatem inveniri, quae omnes ad veritatem unam referuntur. Quid enim tandem spectant illae ipsae artes, quae aliis omnibus majoribus artibus famulantur, & bene ornateque loqui docent, numerisque orationem constringere, ut majori, quam fieri possit, concinnitate, lenocinioque verborum, animi nostri sensa exprimamus? veritatem. Quid profitetur bene disserendi facultas, quam verbo graeco *Διαλεκτικήν* appellamus? veritatem. Quid speculantur unquam Mathematicae disciplinae, quarum vastissimo gyro numeri, sonorum vocumque modulatio; operum, quae vario hominum usui, tum delectationis, tum necessitatis causa, deserviunt, exacta ratio; caeli, terrae Mundique totius dimensio, continentur? veritatem. Quid Physice in amplissimo naturae theatro, ubi infinita rerum varietas, admirabili distincta ordine, pulcherrimum sui spectaculum praebet, contemplatur? veritatem. Eae quoque, quae in agendo versantur, facultates, quo primum, veluti ad certissimam quamdam tutissimamque actionis cujuscunque regulam, respiciunt, nisi ad veritatem? Veritatem Ethice, ut animum curet; veritatem Medicina, ut corpori salubritatem afferat; veritatem Iurisprudencia, ut aequa civium jura conservet; veritatem Politice, ut publico civitatis bono consulat; veritatem Oeconomice, ut rem privatam bene administret; veritatem artes omnes, ut sua rite expleant munera, inquirunt. Denique ipsum veritatis fontem summumque rerum principium & formas ab omni concretionem materiae quam longissime alienas, Theologia, conscia divinarum rerum scientia, intuetur. Quum ergo una veritas in omnidoctrinarum studio maxime quaeratur, eamque humana mens tanta sibi cognitione ac necessitudine devinctam teneat & copulatam, ut nihil, nisi verum, percipere possit, atque in veri perspicientia beatitudinem assequatur suam; quaeenam illa est vana desidiaequae plena ignavorum atque otio marcescentium hominum expostulatio, quod tanta

disciplinarum in diversa tendentium magnitudine simul ac varietate ingenium confundatur humanum ac prope-
modum obruatur? Non ita sane existimavit, summus
dicendi magister Romanaeque juventutis optimus insti-
tutor, Fabius Quintilianus, qui, quum Oratorem, quem
instituentum sibi sumperat, nullius ornamenti expertem
esse oportere ostendisset; primam quoque aetatem plu-
ribus simul artibus imbuendam exornandamque esse, af-
firmavit. Atque utinam tanti apud nos esset Quintilia-
ni auctoritas, ut pueri nostri ea veluti temporum sub-
sidia, quae a Grammatices studio supersunt, erudito illi
Geometriae pulveri aliisque hujusmodi amoenioribus stu-
diis, donare docerentur! O longam illam ad discendum aet-
tatem, si non tesseres, non nugis, non otiosis sermoni-
bus, non denique somno, inutiliter conteri, aut po-
tius prodigi, lineretur! est enim maxime docilis & la-
boris patientissima, tam faciliique fruitur ingenio atque
in omnem partem veloci, ut periculum nullum sit,
ne studiorum onere, plusquam opus sit, fatigetur; sed
varietate ipsa reficiatur potius, minusque sentiat, quam
si uno in labore perseveraret, difficultatis. Quoniam
vero ignavia nostra facit, ut variis simul occupatum
Litterarum studiis ingenium distrahi, aut obrundi, non
perici, aut excoli, videatur, & revera humanae men-
tis facultas, quantacunque illa sit, finita est siutque ter-
minis circumscripta: non id certe oneris adolescentibus
nostris imponam, cui sint ipsi impares ferendo, ut
pluribus, & quam diversissimis disciplinis eodem simul
tempore sufficiant. Satis erit, mihi credite, optimi a-
dolescentes, non confuse aut tumultuaria quadam ope-
ra, vestra pestractare studia; sed eum, quem incepti-
lis, cursum doctrinarum certa ratione moderari, ut a
facilioribus ad difficiliora progressi, unaque quadam &
continua serie unam post aliam adepti facultatem, e-
legantissimum illum orbem conficiamus. Quemadmodum
enim,

enim, si cui uno simul intuitu totius Mundi vastissima compages spectanda exhiberetur, obrueretur plane innu-mera rerum omnium multitudine; neque, quanta quam-que admirabilis sit & divina, Universi pulchritudo, discerneret; si autem ad singulas partes, quibus Mundi machina coalescit, oculos cogitationemque converteret, & veluti distribueret, simulque summum illum, quo suis quaeque aptantur locis, ordinem distincte consideraret, ei quam facillime tota Universitas innotesceret atque admiranda rerum omnium consensus: ita sane confusus ille atque indigestus disciplinarum omnium adpectus, qui primo occurrere tyronibus solet, sua vos magnitudine deterret ac fere opprimit adhuc in limine constitutos. Sed, si diligentiae accedat ordo, & per partes discatur, quod cognosci simul totum non potest; brevi vos intellecturos polliceor, atque experturos, quantum artium magnitudines recta studiorum partitione minuantur. Hic ego quid praedicem, quam non adeptu sit longa Sapientia? quantum ad studiorum omnium metam vobis suppeditet temporis? quanta sit ingeniorum vestrorum celeritas, atque acumen? Quae omnia si amplificare velim dicendo, & per se magna, verborum exaggeratione majora reddere; latissimus quidem sese mihi obtulerit campus, in quo expatietur oratio: sed merito reprehendar, quod, dum brevem artium cursum adolescentibus propono, ut eum alacriter percurrant; tanta orationis longitudine, artis ipse meae oblitus, peccaverim. Attamen danda haec est discantium imbecillitati venia, ut singula, quae in qualicumque illo liberalium artium itinere properantes non parum remorantur, quam brevissime prosequamur. Nam, quod ad exactam rerum omnium cognitionem attinet, ea plerosque summam in desperationem adduxit cogitatio, quod & Plato testatur in Amatoribus, & quotidiana docet omnium experientia, semper aliquid in vita disci;

semperque aliquid esse, quod, quamdiu vivimus, discamus. Neque ego, Auditores, tantum ingenio detulerim humano, ut existimem fieri aliquando posse, ut nihil omnino sit, quod homo unus in qualibet arte non comprehendat. Quam multa enim vel in ipsa Grammatica (ut certius inde de majoribus, quarum doctrinam profiteor, facultatibus judicium fiat) non solum me latent, qui nunquam ab amoenioribus illis Litteris abhorui; sed viros longe doctissimos atque in toto Criticae eruditionis genere exercitatissimos; & de quibus si superbi illi Palaemones interrogentur, erubescere cogantur! Haec autem quauquam ita vera sint atque apud omnes explorata, ut hominem Theologum minime pudeat, in pluribus, quae ad rem Grammaticam spectant, inscitiam fateri suam; eo ne tamen deprimenda vobis vestra erunt ingenia, adolescentes, ut existimetis, aut pluribus discendis plures esse vitas dedicandas, aut unam duntaxat artem pertractandam semper esse. atque in uno vel leviori studio, cum desidiofa quadam voluntate, ita consensendum, ut discentes vita deficiat? ipsa enim unius ejusdemque artis perpetua tractatio semper aliquid gignet, quod investigetis. Sin vos unius artis delectatio non tenet, & aliae sunt, non, opinor, indignae, quae a vobis percipiantur; nequid ego dicam, vos ipsi perspicitis, quis vobis modus sit in toto studiorum cursu adhibendus, ut non usque ad senectutem in re aliqua superstitiose detineamini; sed in qualibet arte non diutius immoremur, quam sobria rei cuiusque cognitio postulare videatur. Quis enim cum in aliis omnibus rebus, tum maxime in studiis, modum non requirat, ubi, non solum absque ullo doctrinae detrimento, verum & magna aliquando utilitate, plurima ignorancur, quorum cognitione nihilo melior, aut doctior evadas? Quare is mihi vere sapiens, non, qui minuta quaeque, immenso quidem studio, sed majore

ri curiositate, quam fructu, perscrutetur; sed, qui ea contentus sit, quae libero homini satis est, scientia: non, qui in puerilibus altercationum nugis, & ceratinis aut crocodilinis quaestionibus semper occupetur; sed, qui breviori, quam fieri possit, compendio, ad unam veritatem collineet: non, qui fabellis conquiendis, Tiberii more, aetatem suam conterat; sed, qui utilissima confectetur: non, qui novus helluo librorum, iis omnibus legendis auctoribus, ad quos, veluti quosdam scopulos, tempestate delatus alliserit, dies noctesque infumat; sed, qui optimos atque in qualibet disciplina praestantissimos auctores vel suo vel alieno iudicio feligat, recolat, attente meditetur. Ille itaque, qui mihi sit in omni doctrinarum genere versatissimus, non inutili rerum multitudine mentem obruet, neque librorum farragine, quam minus digerat, se ingurgitabit; sed exacta imprimis solidaque trium principum linguarum, Hebraeae, Graecae, Latinae, notitia, ad omnem tum divinam, tum humanam eruditionem, imbuetur: in paranda eloquentia Demosthenem atque Isocratem inter Graecos; Marcum Tullium & Fabium Quintilianum inter Latinos, auctores habebit; in Poetica, pro vario carminum genere, illos Poetarum principes, Homerum & Virgilium; Pindarum & Horatium; Euripidem, Sophoclem & Senecam; Callimachum, & tres illos Amorum Poetas, Tibullum, Propertium, Catullum; Aristophanem & cum Plauto Terentium leget: in Philosophia totum Platonem atque Aristotelem tenebit: in Mathematicis Euclidem, Ptolemaeum, Apollonium atque Archimedem, comprehendet: in Iurisprudencia, quidquid Civilibus Pontificiisque Legibus continetur, diligentissime discet: in Medicina Hippocratem & Galenum assidue pervolvit, atque ex nostris, Cornelium Celsum, &, rerum arcanarum sagacissimum exploratorem, Cajum Plinium: in Theologia denique, praeter ac-

cu-

curatam Divinorum Librorum lectionem, in animo penitus suo Patrum eruditissimos imprimet, Origenem, Hieronymum, Augustinum & Thomam illum Aquinatem, qui, miro quodam ordine, totius sacrae Doctrinae summam omniumque Patrum sententias, complexus est atque illustravit. Quibus omnibus addet Graecae Romanaeque historiae, ex Herodoto potissimum & Thucydide, &, qui cis a Latinis opponuntur, Livio & Sallustio; atque ex aliis melioribus auctoribus, antiquitatis totius cognitionem. Neque etiam recentiores negliget, qui, post restitutas a barbarie Litteras, & ingenii praestantia & summa rerum omnium eruditione, ad priscorum prope laudes accesserunt. Quanquam eo libentius veteres, quam recentes, auctores annumeraverim, quod a veteribus, veluti a fontibus rivi, omnem omnium doctrinarum copiam acceperimus; gratique animi sit ac maxime ingenui, de iis bene mereri velle, qui primi omnium de humano genere optime meruerunt. Sed tamen non se capi sinet incautus aut decipi a magnificis phalaratisque inscriptionibus, quibus plerique aetate nostra vani scriptores sordidas suas merces, ut fucum ementibus faciant, imperito vulgo ostentant; libros, inquam, tanta horridos barbarie, tam ridiculos & plenos ineptiarum, ut, postquam legeris, tam male te operam collocasse poeniteat. Nam quo quisque doctior sapientiorque auctor, eo quoque solus esse modestior, maximeque simplices & perspicuos libris suis titulos praenigere, ut veterum praesertim exempla testantur. Haec omnia ille praestabit, vir sapiens, quem oratione jamdudum efformo: superflua omnia atque inutilia rescabito studia; nunquam otiosum se esse patietur: sed mercatores, avidissimum hominum genus, imitabitur, ut, sicut ii, opum parandarum causa, non itinerum difficultate, neque navigationis periculo impediuntur, quominus domum, uxores, liberos, relinquant, vitamque

ma-

ri suam committant ac praedonibus ; ita nullum pro adipiscenda sapientia laborem ipse refugiat aut reformidet. Quantum, putatis, temporis facturus est in longissimo illo disciplinarum omnium cursu compendium ? quam cito ad Sapientiam perventurus ? Latissime aetas nostra patet, Auditores, abundeque ad omnem sufficit scientiam : sed nos ipsi imprudenter contrahimus, dum, ubi minus oportebat, studia nostra occupamus, atque, ut uno omnia verbo dicam cum Poeta,

Exigua pars est vitae, quam nos vivimus.

dolemusque postea, deesse nobis tempus, quum nos tempori defuerimus. An non longum sane tempus iis supererat, doctis alioqui hominibus & eruditis, qui praeclara sua ingenia argumentis adeo ignobilibus depresterunt, ut in turpium vituperaliumque rerum commendatione sibi elaborandum esse existimarent ? Nam infame illud crudelitatis monstrum, Nero, laudatorem habuit Hieronymum Cardanum, injustitia Carneadem, simius Canterum, Lucianum musca, mus Polycratem. Nec febri, caecitati, insaniae, bello, qui celebrarent, defuerunt. An non longissimam ad meliora studia Graecorum illorum vitam crederes, quibus etiam vacabat, curiose inquirere, quot remiges Ulyssem comitarentur, quum non expressisset Homerus ; vel, prior ne scripta esset Ilias, an Odyssea ? O magnos homines in nihil agendo occupatos ! qui tamen peridui temporis culpam, aut in naturae nostrae infirmitatem, aut in circumstantia undique negotia, transferra consueverunt. Tu vero, delicatule adolecens, totum, quod Litterarum studiis impendere debueras, tempus, spectaculis tribuis, intempellivis conviviiis, aleae, pilae, aucupio, venationi aliisque huiusmodi voluptatibus : quidquid laboriosam occupationem adest, vehementer refugis, uno ocio de-

le-

lectaris, atque ita in summo ingenii animique torpore vivis, ut dormienti propior videaris, quam vigilanti: deinde orationi meae obstrepere audes, quasi ad integrum artium omnium absolvendum cursum vita ipsa tua non sufficiat, quae si sufficeret homini in aliis omnibus, praeterquam in Litterarum studiis, semper occupato, jure miraremur. Tantum vero abest, ut humanae vitae spatium cunctarum artium magnitudine superetur, ut potius totum illum artium cursum intra breviores adolescentiae, primatque duntaxat juventutis angustias comprehendam. Quod enim tempus studiis omnibus idoneum magis atque aptum esse potest, quam primus ille adolescentis flos aetatis, qua maxime viget ingenium, doctrinarumque semina facillime in animo imprimuntur, impressa altissime defiguntur, defixa tenacissime inhaerent, & demum liberrima discendi omnia opportunitas suppeditat? Quae contra ad discendum minus accommodata aetas, quam illa maturior, qua induruit ingenium: &, compresso animi vigore, illa percipiendi celeritas evanescit, mentis obtunditur acumen; pudor etiam & vitae ratio saepe prohibet quaerere, quae quis ignorat; &, ut omnia alia adsint doctrinae adjumenta, otium immensa negotiorum turba interpellat, discendi occasio agendi necessitate praevertitur? Sed tu, adolescentior, recte aetatem partire tuam, nec eo tempore apud Grammaticos detinearis, quo, toto percurto Philologiae amoeniorumque omnium Litterarum spatio, gravioribus disciplinis opera tibi impendenda esset; sed, quo brevioris discendi commoditatem breve adolescentiae tempus pollicetur, eo ad sapientiam magis proferandum esse, intelligas. Magis te ergo libri, quam spectacula; labor magis, quam ignavia; magis sobrietas, quam compotationes; vigilantia magis, quam somnus; magis Minerva, quam Venus; Litterae magis, quam ludus, delectent. Non equidem improbos a

te exigam Didymi labores, quem *χαλκίεμπος* appellaverunt, quod tam assiduus ac propemodum ferreus in scribendo fuerit, ut quatuor librorum millia (mirum dictu !) accumularet; imbecilliores sunt forsitan vires tuae, quam ut dies noctibus, noctes diebus, sine ulla vel honestae remissionis interruptione, in disciplinis addiscendis jungas. Sed illud tamen exigo, ut diligentia, qua una virtute, ut testatur Tullius, reliquae continentur, vitae brevitatem compenses: exigo, ut nulla male collocata diei parte, quam longissimam adolescentiam efficias: exigo, ut tecum versari scias, & si societatem amas, studiorum tuorum comites, seu duces potius, viros totius antiquitatis doctissimos nauscifearis, qui te certissime ad Sapientiam perducant: ut Aldum illum seniore, hominem in Graecis Latinisque auctoribus recensendis accuratissimum, ante oculos tibi proponas, qui, ne, importunis amicorum confabulationibus, a suis studiis avocaretur; Musaei ostio inseri ferat, nequis secum agere, nisi paucis, vellet, nisi forsau, tanquam Hercules, defesso Atlanti humeros depositurus, venisset. Exigo denique, ut tempore uti discas & vivere: quod si, sedatis animi perturbationibus, quae te huc illuc transversum agunt, didiceris; tum demum apparebit, quam in longa vita brevis tibi sit artium omnium cursus futurus. Nunc vero, si vos, adolescentes, maxime commovent exempla, quibus, ad animos quaecunque in partem pertrahendos impellendosque, fortius in humano genere argumentum inveniri nullum potest; totius vetustatis memoriam breviter mecum percurrite: & non solum eos, quos hactenus ita laudavimus, ut omni majores laude viderentur; sed & longe plures invenietis, qui, quum omnibus artibus fuerint liberalibusque disciplinis instructissimi, certissimo posteris documento ostenderunt, ad omnem nos scientiam adspirare posse, si eorum exempla sectemur. Sed

in tanta exemplorum copia, in qua praestantissima se-
 ligimus, ne in immensum crescat oratio; quis unquam
 venerabile sacrosanctumque Philosophiae nomen audit,
 cui primus non obversetur animo, Philosophiae hoc
 tempore princeps, Stagirita Aristoteles? de cujus lau-
 dibus eo minus tacere nobis licuit, quo paullo antea
 impensius Democritum commendabamus: ne Democri-
 ticae potius sectae, quam Peripateticae, periculosa a-
 pud nostros homines suspicione, favere videamur. Tan-
 tae autem sunt, quae Philosophorum maximo, Aristoteli,
 debentur atque a doctissimis nostrae & superioris
 aetatis viris tribuuntur, laudes, ut praestet eas omitte-
 re, quam minus pro dignitate recensere, ut jure ab
 omnibus supra modum celebretur, qui non in Philoso-
 phia solum, & iis, quae Philosophiae finibus immensis
 comprehenduntur, facultatibus; sed in ceteris quoque
 omnibus artibus; neque solum, inveniendi judicandique
 acumine; sed summa quadam dicendi copia & suavi-
 tate, modum ingenii excesserit humani. Quid Aristo-
 teli Anicium Boethium adjungam, qui primus Latinis
 Litteris Aristotelis Philosophiam ita illustravit, ut simul,
 quantum in omnibus honestis disciplinis ipse eminebat,
 ostenderet? Quid Avenroem, Arabum longe doctissi-
 mum, etsi posterioris hominem aetatis, qui, ob sum-
 mam suam omnibus in artibus eruditionem, Aristotelis
 mentem, post Alexandrum Aphrodisientem, tanta fide
 expresit atque ingenii felicitate, ut magnificam Inter-
 pretis nuncupationem, *κατ' ἐξοχήν*, promeruerit? Quid
 Mosem Maimonidem Iudaeum commemorem, qui pri-
 mus in nugacissima gente sapere incepit, ne apud solos
 Graecos aut Latinos sedem collocasse Sapientiam arti-
 tremini; Barbarorum autem consortia dedignari? Quid
 paullo verustiorum alium Arabem, Avicennam, qui ar-
 tem Medicam primus in ordinem redegit: tanta autem
 fuit diligentia, ut anno aetatis decimo, impium su-
 per-

perstrictissimae sectae volumina memoria totum comple-
 beretur? omniumque disciplinarum notitiam adhuc puer,
 nullo usus magistro, sibi comparaverit? Quid de Mar-
 co Terentio Varrone dicam, quem Romanorum omnium
 eruditissimum veteres commendarunt? Quid ex nostris
 Origenem repetam atque Augustinum, qui cunctas li-
 iberales artes admodum adolescentes didicerunt? Quid?
 ut ignaviae viros nostrae pudeat, feminae ipsae pluri-
 mae omnibus mirum in modum exculcae Litteris refe-
 runtur, ut, Crateris uxor Hipparchia, Pulcheria & Eu-
 doxia Augustae, Zenobia Regina, Irene item Augusta,
 Alpasia, Theano, Catharina, seminarumque clarissima
 Hypatia Alexandrina, Theonis Philosophi filia, quae
 in Platoniam Plotini scholam successit, tanta doctrinae
 fama, ut quotquot ea aetate Philosophiae studio fla-
 grabant, ad illam undique consuerent. Quin & a Ro-
 mano lapide Eucharis quaedam, quatuor & decem an-
 norum erudita in omnibus artibus virgo, posterorum
 memoriae consecrata invehitur. Ad eos veniam, pro-
 pter quos omnis haec instituta est oratio, nempe ad
 Oratores, de quibus minime est dubitandum, non po-
 tuisse eos existere, quali fuerunt, eloquentia, summa
 atque admirabili, nisi omnem rerum scientiam animo
 comprehendissent. Haec est enim vera eloquentia, quae
 ex omnibus simul artibus omniumque rerum cogniti-
 one, in eruditam quandam ornatamque sermonis elegan-
 tiam exundat; non, quae, clamoroso quodam verborum
 cursu, aut composito ad saltationis similitudinem ge-
 stu, ex communi hominum opinione vulgarique rerum
 notitia, quid apud imperitam multitudinem, cum plau-
 su quodam, dicat, mutuatur: & si obiter licet mihi
 veteri illa Marci Antonii distinctione uti; ex iis pluri-
 mi, quos, e suggestu popularem auram concionando
 captantes, vulgus hodie eloquentes putat: arque admi-
 ratur, in disertorum quidem numero reponi: eloquen-
 tes

tes autem dici non possunt, quod ad dicendum non omnibus ingenuis artibus instructi accedant. Sed, ut ad veteres Oratores revertamur, quos in omni doctrinarum genere praestitisse, argumento est non obscuro ipsa illorum ex omnibus disciplinis eruta eloquentia: illustis imprimis est omniumque gentium Litteris celebranda, Leontini Gorgiae & Elei Hippiae memoria, qui etsi arrogantiores impudentioresque fuerint, quam honestos homines decebat; attamen, si artes omnes ingenuas uterque non quam optime calluisset; neque unus, in magna hominum frequentia, de omnibus, de quibus interrogaretur, rebus se copiosissime responsurum professus esset; neque alter toti pene Graeciae, quae ad ludos Olympicos convenerat, non liberalium modo facultatum, Oratoriae, Poeticae, Geometriae, Musicae, Physicae, Politicae reliquarumque omnium, scientiam; sed &, quae sua manu confecerat, annulum, pallium crepidasque, ostentasset. Eos tamen non commemorato, ne, si a solis Graecis doctrinae petantur exempla, discant ipsi, insolenti quodam fastu, Latinis insultare. Non commemorabo Demosthenem, Graecorum omnium doctissimum simul, atque eloquentissimum Oratorem, quem puerum admodum actiones pupillares habuisse tradiderunt. Non Isocratem, nitidissimum dicendi auctorem, cujus ex institutione innumeri eloquentiae principes prodierunt. Non Thrasymachum Chalcedonium, Prodicum Cejum, Protagoram Abderitam, Lysiam, Hyperidem, Aeschinem, Periclem, Phalereum, Demetrium, aliosque bene multos, quos in omni studiorum genere praestantissimos, atque, ob singularem rerum omnium peritiam, ad dicendum in utramque partem paratissimos, Athenae praesertim, secundae eloquentiae bonarumque artium parentes, tulerunt. Neque etiam in Romanorum commendatione nimis dicendo ditundar, quorum orationes cum admiratione legi olim con-

sue-

suevisse, restatus est Vipsanius Messalla in eo, quem Fabio Quintiliano cum doctissimis viris adscribendum censeo, Dialogo de causis corruptae Eloquentiae. Non Lucii Crassi, quem tantam doctrinarum varietatem in tantis occupationibus adipisci potuisse, summe Quintus Catulus mirabatur, qui sane Crassus, nono decimo aetatis anno, in Cajum Carbonem dixit supra hominum expectationem eloquenter. Non Caii Caesaris, qui, primo & vigesimo anno, Dolabellam; non Asinii Pollionis, qui, secundo & vigesimo, Cajum Catonem; non Calvi, qui, non multo aetate antecedens, Vatinius infestatus esse fertur. Quintum Hortensium omit- tam, doctosque illos viros, Quintum Valerium Sora- num, Titum Manilium, Sext Aelium, Marcum quoque Censorium Catonem, in quem unum virum togae militiaeque ornamenta cuncta confluxerunt, ut idem esset optimus Orator, optimus Senator, optimus Imperator; atque, ut nihil non sciret, quod sciri posset, Graecas Litteras, quas in juventute oderat, senex didi- cerit. Istos omnes, quorum non ex aridis Rhetorum praeceptis, sed ex intimis Sapientiae fontibus, profu- xit eloquentia, praeteribo, ut me porro detinebit, qui Romanorum in se omnium ora prae ingenii aetatisque admiratione convertit, Caesar Augustus, quum duode- cim natus annos, aviam pro Rostris laudaverit. Unus sit nobis Oratorum omnium loco, qui ad summum ar- tem dicendi fastigium, evexit, omniaque omnium alio- rum, qui ubique locorum & gentium eloquentia florue- runt, decora & virtutes, ad Graeciae invidiam admi- rationemque Romae, perfectissime in se complexus es- se videtur, vim Demosthenis, suavitatem Isocratis, sub- tilitatem Lygae, copiam Platonis, Aristotelis acumen. Hic est, quem non, nisi honoris causa, nominandum puto, Marcus Tullius Cicero, quem, siue summum Oratorem, siue summum Philosophum, appellare ve- lis,

lis, nunquam satis pro merito commendaveris. Fuit certe utraque in laude summus, in quem totas suas vires Eloquentia simul ac Sapiencia profuderunt. Neque enim, ut ipse professus est, illa tanta dicendi ubertas, ut, teste Fabio, Cicero jam non hominis, sed eloquentiae nomen habeatur; suppetere illi in tanta varietate rerum potuisset; nisi animum suum doctrina Sapienciaeque studiis excoluisset. Enim vero sic se ab in-
eunte aetate ad omnem eruditionem paravit, ut, quum a Quinto Mutio Scaevola Ius Civile, a principe Academiae Philone omnem Philosophiae partem, a Stoico Diodoto tum alias artes, tum Dialecticam, a Molone Rhodio Oratoriam, penitus hausisset, doctus in Forum, non docendus, veniret; primamque pro Sex. Roscio causam, sex & viginti natus annos, maxima audientium commendatione, haberet. Neque hac contentus, Graeciam Asiamque totam peragravit, ut a sapientissimis atque eloquentissimis ejus aetatis viris, & praetertim ab Antiocho, celeberrimo veteris Academiae Philosopho, a Demetrio Syro, a Menippo Stratonicensi, a Dionysio Magnete, atque ab Apollonio Molone Rhodi, de omnibus rebus erudiretur. O virum immortalitate dignissimum, qui, quum jam summus Orator esset, aliorum se disciplinae, veluti recoquendum, tradere non dubitavit! o admirandam hominis industriam, qui felicissimam, quam a natura sortitus est, dicendi facilitatem tanta cura expolivit! o summam cum summa sapientia conjunctam eloquentiam! Etsi vero omnibus iis artibus, quibus Tullius egregie instructus in Forum processit, non semper in dicendo sit usus; apparet tamen, quantum in amoenioribus Litteris, in Geometria, in reliquis Mathematicis, in Dialectica, Physica, Iurisprudencia, Ethica, facultatibus omnibus, eminuerit. Quis enim illo in Historicorum Poetarumque lectione versatior? in regionum locorumque descriptio-
ne

ne accuratior? in argumentando acutior? in naturae causis peruestigandis perspicacior? in civili vita prudentior? in bonis suadendis utilior? in omnibus quacunque de re disputationibus copiosior? Verum quid Cicero-
nem diutius prosequor, cuius nemo laudes aequaverit, nisi parem illi adhibuerit eloquentiam? quid vetera clarissimaque eorum exempla, quos rerum omnium ar-
tiumque scientia brevi tempore exornavit? quasi scilicet Natura, tam pia in priscos homines parens, quam im-
pia in recentiores noverca; illorum, qui nobis docen-
dis elaboraverunt, ditandis ingeniis totam foecunditatem
exhauserit suam; posteritatem vero miserabili sterilitate
damnaverit. Immo vero, si recentem nostramque ae-
tatem animo reputemus, non habet illa, cur de suo-
rum ingeniorum infelicitate queratur; sed habet potius,
unde nostrae nascendi forti valde invideat antiquitas,
quod omnia, quae vetusti rerum inventores agnoverunt,
minime nos lateant: plura autem agnoverimus, quae
illos latuerunt. Non libet hoc loco, ne patientia ve-
stra abuti velle videar, Auditores, integras Bibliothecas
excutere, aut eos libros proferre, quibus, nostra me-
moria, nonnulli, imbecilliori adhuc aetate, quum non-
dum fere ex ephebis excessissent, magna eruditi Orbis
admiratione, Litterarum Rempubicam locupletarunt.
Sciunt omnes, qui Litteras noverunt, quam vete-
rius Scaliger Oedipum, pulcherrimam tragoediam,
elucubraverit. Sciunt, quam parva aetate Hugo Gro-
tius Martianum Capellam, nobilem in paucis scripto-
rem, ab innumeris mendis expurgaverit notisque illu-
stratum in lucem emiserit. Sciunt, quam adolescentes,
Nicolaus Rigaltius Funus Parasiticum, Ioannes Barchla-
jus Euphormionem, Iustus Lipsius Varias Lectiones,
alii opera alia, quae notis eruditissimis adornarunt, e-
diderint. Nec est, cur huc referatur, quod de Andrea,
Petro & Iacobo fratribus Canteriis scribit Henricus Cor-

ne-

nelius Agrippa, qui, artis, quam ab auctore Lullianam vocant, beneficio, in omni disciplinarum genere decennes disseruere. Nam quam parum vana ista arte confidendum sit, idem ipse in libro de Artium Vanitate Agrippa, tam verax hac in parte, quam in plerisque aliis fallax auctor, ostendit. Unde quod Petrus Daguinus Mediatius, & Iacobus Ianuarius, quum, graviori jam aetate, incumbere in Litteras cepissent, adeo profecerint, ut doctissimis viris monstrari loco haberentur, non id Raymundi arti; sed summae hominum diligentiae studiorumque assiduitati, attribuerim. Utinam vero Agrippa malis artibus optimum ingenium, sub specioso occultae Philosophiae nomine, non corripisset! in ipsa enim adolescentia tanta artes omnes imbibebat sedulitate, ut non perpetuo silentio damnandus (ut optimo eum jure gravissimi Patres damnaverunt;) sed summis ad caelum efferendus laudibus, videretur. Sed omittere tamen non possum clarissima duo seculorum omnium ingenia, Ioannem Picum Mirandulanum, & Iacobum Critonium Scorum, quorum hic alter, vigesimo aetatis anno, decem linguarum peritissimus; Philosophiam insuper, Theologiam, Mathematicas ceterasque omnes disciplinas assecutus fuerat. Picus vero, quem Etrusci sermonis auctorem habere potuissimus, candidum imprimis atque elegantem, nisi amatorios versus, religione tactus, ignibus destinasset; Latinae, Graecae, Hebraeae, Chaldaeaeque & Arabicae linguae cognitioni accuratissimae eam rerum omnium scientiam adjunxerat, ut in omni doctrinarum genere ante fuerit consummatissimus, quam ad aetatis maturitatem perveniret; &, quatuor & viginti vix natus annos, se de omnibus rebus, quae ad Peripateticam, Platoniceam, Pythagoricam, Chaldaeam, Hebraeamque, tum divinam, tum humanam, Sapientiam, juxta quorumcunque sectarum & hominum diversa placita, suamque

que ipsius sententiam, pertinerent, in principe Orbis urbe, adversus omnes illius aevi Sapientes, quos ex omnibus locis suo sumptu evocabat, disputaturum profiteretur. Quibus exemplis nescio an luculentiora ulla afferri possint, ut jam omnes fateantur, multos ad liberales cunctas artes perdiscendas nobis annos superesse, etiamsi vitam nostram, non senectutis, sed adolescentiae spatio concludamus. Sed, quemadmodum pulchrum illis fuit ad omnem doctrinam praecire; ita etiam atque etiam videte, adolescentes, ne turpissimum vobis sit minime eos sequi, quorum plerisque eadem, quae vobis adsunt, discendi subsidia defuerunt. Nescio quem enim veluti stuporem in aliquorum mihi vultu legere videor, quos, Themistoclis exemplo, cui summum Miltiadis trophaea excutiebant, maxime ad honestissimam aemulationem excitari oportuerat: ut, quam in aliis admirarentur, doctrinam assequerentur ipsi. At enim tardiora longe esse adolescentium nostrorum ingenia videntur, quam ut cum maximis illis perspicacissimisque ingeniis comparari ullo modo possint. Verum, ut summorum illorum hominum, quos in omnibus disciplinis perfectissimos haecenus praedicavi, laudibus nihil detrahendum putem; quam tamen ingenii tarditatem non vincit amor veritatis, vigilantia, assiduitas, labor, atque, ut uno verbo omnia complectamur, diligentia? Modico vir ingenio fuit Ephorus, in quo se calcaribus uti solere, sicut contra frenis in Theopompo, eloquentissimus inter Graecos Rhetores Orator, Isocrates dicitur; quam tamen boni scriptoris partes omnes implevit? Tardissimo ingenio fuit Cleanthes, quem arieti Timon comparavit; quam egregius tamen Philosophus evasit, qui Stoicorum principi Zenoni tam sedulo adhaesisse fertur, ut, quae ab illo audierat, testae ossibusque inscribere, chartarum inopia, soleret; neque indignus, qui tanto Philosopho succederet, unus

D

e mul.

et multis judicaretur. Mediocri etiam fuit ingenio Cornelius Celsus; qua tamen arte caruit, qui sua de omnibus fere rebus luculentissime scripta posteritati reliquit? Te, Guilielme Budaee, appello, vir eorum omnium, quos Gallia tulit, diligentissime. Quem in rebus primum percipiendis te tardiores obusioresque unquam audivimus? quem etiam undequaque doctiorem eruditoremque relictas Latinae Graecaeque Litterae habuerunt? quid enim fuit in Romana Graecaque antiquitate; quid in Iurisprudencia; quid in Philotophia reliquisque omnibus facultatibus, tam abstrusum, tam difficile, tam singulare, quod tu graece latineque non minus, quam vernacula Gallorum lingua, eruditus, sine magistro ullo, non investigaveris, erueris, cognoveris? Felicem te tanto viro Galliam! sed, o quanto beatiorem uberrimo praestantissimorum ingeniorum provenit Florentiam! Absit enim, quam longissime absit, Auditores, ut hanc genti meae injuriam irrogari imprudenter patiar, ut, aut adolescentes nostri summam rerum omnium scientiam desperare jubeantur, aut Florentinorum ingenia tarditatis a quoquam infimulentur. Quae enim ulla tam excultra humanioribusque omnibus artibus perpolita natio de ingeniorum acumine & felicitate cum Florentinis contendat? quum paucos, & qui digito monstrentur, alibi locorum doctissimos viros enumeres; hic vero tanta sit sequeperque omnibus retro seculis fuerit maximorum ingeniorum ubertas, ut Athenae Florentiam commigrasse videantur. Quod optimo naturae consilio factum puto, ut ea potissimum regio bonorum sit ingeniorum feracissima, quae, veluti quoddam doctrinarum omnium seminarium, Litteras tum Graecas, tum Latinas bonasque cunctas artes ab interitu vindicavit, e tota Graecia expulsa in hospitium recepit atque in omnem Europam diffudit. Deus immortalis! potest ne quidquam ad gentis alicujus industriam

striam summamque in difficillimis negotiis expediend's dexteritatem comprobendam magnificenter dici aut excogitari, quam ad Bonifacium Octavum, Pontificem Maximum, a duodecim totius Orbis potentissimis Principibus totidem venisse Oratores, a singulis singulos, patria omnes Florentinos? quorum ea cepit Bonifacium, acerrimum illum ingeniorum censorem, admiratio, ut Florentinos, quintum in rebus humanis elementum appellaverit. Hanc vestram patriam, si sapitis, intueamini, adolescentes, quae, perenni immensoque Sapientiae gurgite, in alias omnes terras exundat, easque copiosissime irrigat; ipsa vero beatissima sibi sufficit, atque a nullis aliis irrigatur. Urbium vobis pulcherrimam & doctissimam semper ante oculos patriam obversari velim, & qua optimus quisque ex alienis generibus tantopere capitur, eam animis vestris infixam, ad haurienda inde omnia virtutis & scientiae exempla, penitus inhaerere. Nam si tanta est a natura ipsa charitas patriae, ut Ithacam suam vir sapientissimus Ulysses immortalitati anteponendam censuerit; quo vos tandem studio, honestissimo loco nati adolescentes; hanc eandem urbem prosequi debeat, quae, divino quodam beneficio, patria vobis obigit, ut non aliunde adscitam, sed domesticam, ad propius imitandum, virtutem habeatis? Immortalem intueamini majorum vestrorum memoriam, qui, etsi ad unius aliquando prae aliis disciplinae cultum atque ornamentum studia potissimum sua contulerint; nullus tamen rei scientia caruerunt. Intueamini, non Claudianum aliquem, tumidum magis fortasse quam sanum Poetam, quem tolerabili culpa, patriae amor quibusdam fecit Florentinum videri: sed, Poetarum Etruscorum principem; ipsisque Homero & Virgilio (absit verbo invidia) facile aequandum. Dante Aligherium; Latine Etrusceque doctissimum, Franciscum Petrarcham; nobilissimum historiae scriptorem,

D 2

Fran-

Franciscum Guicciardinum; eloquentissimum simul atque elegantissimum, cujus ex ore melle dulcior fluit oratio, Ioannem Boccaccium; lepidum illum rusticorum amatorumque carminum auctorem, Laurentium Medicem; omnium bonarum artium procerem & patronum, summum in Iurisprudencia virum, Franciscum Accursium, qui, quadraginta natus annos, se ad Iuris studium applicuit, eo doctrinae successu, ut magno esset omnitus documento, nulla vel fera aetate Florentinorum ingenia a Sapientia retardari: celeberrimum Platonicae Philosophiae instauratorem, Marsilium Ficinum; insignem Peripateticae amplificatorem, Cyriacum Strozam; omni eruditionis genere ornatissimos viros, Petrum Victorium, Bartholomaeum Cavalcantius, Benedictum Averanum, Vincencium a Filicaja aliosque innumeros, quorum illustria nomina nulla unquam delebit oblivio. Oculos per omnes late terras circumferre: & post immensa regionum mariumque spatia, quarta vobis terrarum pars occurret, quam, veteribus ignotam atque a se repertam, nomine inscripsit suo Florentinus Vespucius. Oculos ad caelum extollite: & nova statim sidera suborientur, quae primus detexit Florentinus Galilaeus. Sed quid attinet, homines, externis aliis solutos curis atque uni Sapientiae studio deditissimos, confectari? quando Matthiae Palmerio Florentino, nobilissimo civi, qui, ut nostrae civitatis tunc erant mores, pharmacopoeus audiebat, nulli laboriosissima ars fuit impedimento, quominus subcisivis, ut ajunt, operis, eos in Litteris progressus faceret, ut Alphonsus, Rex Neapolitanus, excellentem viri doctrinam miratus, quales Florentini medicos haberent, requireret, quum tali pharmacopoeo uterentur. Quod si persequi singulos patriae nostrae sapientissimos viros pingerit; totas integrasque familias intueamini, quae generis non minus claritatem, quam majorum Sapientiam,

tiam, ad posteros, hereditario jure, transmiserunt: Mediceam in primis gentem, cui, ob summa in Litteras merita, aequissimum Etruriae principatum Sapientia ipsa demandavit: deinde plerasque alias, quas, ne uni plus, quam alteri, me deferre suspicemini, indiscriminatim nominatas volo: Bartholomaeam, Pandolphiniam, Rinucciniam, Guicciardiniam, Strozziā, Alamanniam, Ricasoliam, Niccoliniam, Martiniam, Oricellariam, Datham, Gaddiam, Gyraldam, Bardiam, Salviatam, Capponiam, Martellam, ceterasque, quibus Litterae aeternum nomen pepererunt. Intueamini lectissimum hunc Etruscae nobilitatis, & Sapientiae florem, viros aetatis nostrae clarissimos, qui, pro summa sua artium omnium scientia, dum Florentinam linguam ad pristinum nitorem reducere omniūque expolire ornamento, moliantur; palam cuique faciunt, quam bene de ipsis artibus, quas, Etrusca lingua, auctores nostri explicarunt elegantissime, mereantur. Adest etiam, quem de abstrusissimis quibuscunque rebus atque a vulgari hominum notitia maxime remotis, velut commune quoddam non Italiae solum nostrae, verum & Orbis totius, oraculum, consulatis, singulare patriae ornamentum, vir omnium veterum recentiorumque, post Litterarum memoriam, facile doctissimus, Antonius Maria Salvinus, qui omnes omnium seculorum bibliothecas mente comprehendit sua, ut inexhaustae inde sapientiae thesauros in ceteros diffundat. Me vero, ut libere dicam, quod sentio, valde poenitet, ad inflammandos Sapientiae studio adolescentes nostros, longa exterarum gentium documenta curiosius perquisisse, quum tanta sese nobis offerat domesticorum exemplorum copia, quibus luce ipsa clarius constat, eam esse Florentinorum ingeniorum vim ac praestantiam, ut, quocunque se converteriūt, summa semper videantur. Agite itaque, ornatissimi adolescentes, pudeat vos a majorum vestrorum gloria de-

degeneres inveniri; pudeat, quam sapientiae laudem vobis Patres tradiderunt, non adaequare; pudeat Florentinorum jure censerī, & Florentinorum dignitati non respondere. Quid ergo vos a summa disciplinarum omnium scientia remoratur? patrium nomen vobiscum ipsi perpendite; & cogitate, in maximis Europae tumultibus, quam pacatum otium & rerum tranquillitatem, incomparabili quadam prudentia animique moderatione, sapientissimus noster Princeps vobis praestiterit: ut, quemadmodum aliae gentes armis, ita sapientia vos ceteris; & quam alibi Litterae miserandum in modum faciunt, reparent hic iacturam. Secundos itaque tertiosque gradus generosi altique animi accumulatione despiciite; ad summam contendite Sapientiam; summum Sapientiae fastigium spectate. Neque unus vobis satis sit disciplinae cognitio, quum artes omnes liberales brevi tempore comparari possint, quantum mira atque incredibili suavitate labores in discendo vestri levantur. Ac, si vos, id quod maxime debet, vestra patria delectat; percipietis etiam illam ex omnium cognitione disciplinarum voluptatem, quod, quantum praestiterint vestri majores doctrina ceteris gentibus, tum facillime intelligetis, si eorum doctrinam imitando in votis ipsi expetieritis. Quod meum fuit, hoc pro viribus executus sum, ut videtis, ut, quibus possem argumentis, ad Sapientiae vos studium excitarem: facilis vobis reliquus erit & brevis, omnium doctrinarum cursus, si persuaderi patiamini.

Habita ea est oratio Florentiae in Sinclae Mariae ad Riccios pridie Nonas Decembris Anno MDCCIX. coram Serenissimo Principe Ioanne Gastone ab Etruria, in magna Excellentissimae Academiae frequentia, Archicamerale, Clarissimo Viro, Ferdinando Bartholomaeo; Consiliarius, Friderico Riccio, & Thoma Bonaventurio: Censoribus, Antonio Maria Salvino, & Francisco Maria Salvatore, Viris Clarissimis.

PE-

PETRO. FRANCISCO. RICCIO
 EQVITI. PRIORI. PATRICIO. ET. SENATORI
 FLORENTINO
 VIRO. CLARISSIMO. ATQVE. AMPLISSIMO
 ET. NOBILITATE. ET. IVRISPRVDENTIA
 ET. CONIVNCTIS. VTRIVSQVE
 PALLADIS
 ARMATAE. ET. LITTERATAE. STVDIIS
 SPECTATISSIMO
 ACADEMIAE. PISANAE
 ET. ORDINIS. EQVESTRIS. S. STEPHANI
 PRAESIDI
 PATRONO. OPTIMO. LITTERARVM
 ALEXANDER. POLITVS
 ORATIONEM. PRIMAM. SVAM
 DE. LITTERARVM. GRAECARVM
 NECESSITATE
 QVAM. DICTAM. A. SESE
 AD. ACADEMIAM. PISANAM
 ANNO. MDCCXXXIII.
 EI. POSTEA. IN. EVSTATHIO. SVO
 IN. HOMERVM
 ANNO. MDCCXXXV.
 DE. SE. BENE. MERENTI. PVBLICE. DEDICABAT
 NVNC. DENV. EDITAM
 PRO. VETERIBVS. ET. RECENTIBVS
 SVIS. ERGA. EVM. OFFICIIS
 MAXIMISQVE. EIVS. IN. ACADEMIAM. PISANAM
 ATQVE. IN. LITTERARVM. STVDIA
 PROMERITIS
 HONORIS. GRATIQVE. ANIMI. CAVSSA
 L. M. Q. ITERVM. CONSECRAT.

ORATIO II.

DE LITTERARUM GRAECARUM NECESSITATE.

UTinam tantum mihi ingenii, Auditores ornatissimi, tantum esset eloquentiae, quantum res ipsa postulat, ut in hoc celeberrimo, atque ad dicendum amplissimo loco, hac litterarum hominum frequentia, hoc lectissimorum atque honestissimorum adolescentium concursu, verba ego facturus de linguae Graecae, atque adeo de litterarum Graecarum praestantia atque necessitate, parem argumento orationem invenirem! Namque ipsa quidem argumenti magnitudo atque varietas, quo in argumento maxima sese ingenia saepius exercuerunt, ipso statim dicendi initio me ita perturbat ac propemodum obruit, ut, quid ego potissimum dicam, penitus ignorem, &, quae alias mihi, vel quum de gravissimis rebus disputarem, nunquam defuit, oratio hic me mea deficere prorsus videatur. Quid enim lingua Graeca ad omnem eruditionem accommodatius, quae janua quaedam est ad omnes disciplinas? quid Graecis litteris uberius, atque copiosius? quid ad omnem doctrinam magis necessarium? quitus omnes doctrinae uberrime continentur. Nolite enim errare, adolescentes, qui huc Pisas, ad hoc domicilium, ad hanc sedem sapientiae, studio & ardore quodam animi incredibili, sapientiae ipsius addiscendae causa, quam frequentissimi conveni-

E

stis.

his. Nolite, inquam, existimare, quum de lingua Graeca agitur, leve quidquam agi, quod ad sapientiam parum pertineat. Agitur in linguae Graecae negotio summa universae doctrinae, agitur orbis omnium disciplinarum, ipsa agitur sapientia, cujus summum certe apicem sine Graecae linguae cognitione attingere nunquam possitis. Quare, siue vos Poeticae atque Oratoriae studia delectant, siue tener, quae rerum humanarum sapientia est, Philotopia, siue eruditus pulvis ac reliquae Mathematicorum disciplinae invitent, siue Medicorum praecepta allieunt, siue Iurisprudencia, siue antiquitatis cognitio, siue rerum divinarum scientia, quam Theologiam vocamus, oblectat, quamcunque tandem sapientiae partem sectemini, tum humanae, tum etiam divinae, illud apud vos statuere, ad perfectam atque exquisitam harum omnium rerum notitiam, linguam Graecam non perutilem modo esse, verum etiam pernecessariam. Volo enim, vobis sit penitus persuasum, quod oratione mea breviter ostendam, neminem quemquam sine Graecis litteris fieri posse perfectum, ac consummatum in doctrinis, hoc est, summe perfecteque doctum atque eruditum. Unde facile intelligatis, quo majori vos studio ad sapientiam nitimini, eo magis vobis esse in Graecas litteras incumbendum.

Neque vero, Auditores, Graecae linguae ad omnes doctrinas perfecte acquirendas necessitatem opus est altius referre ex ipsa ejusdem linguae praestantia, & vi prorsus ejus admirabili ad res quaslibet atque naturas, animique nostri omnes omnino notiones, quae infinitae propemodum sunt, omnesque variae, perfectissime exprimendas. Quam quidem vim tantam esse volunt, ut sapientissimus Plato maximam partem sapientiae in vocabulis Graecis interpretandis, eorumque origine indaganda in Cratylo suo posuerit; eaque ipsa vocabula viri doctissimi proprietate quadam sua res, quas

quas significant, melius repraesentare affirmaverint, quam si res oculis subjicerentur. Nam si vellemus quidem Graecae linguae laudes vel leviter attingere, & quae de Graecae linguae dignitate sunt ab aliis magnifice atque ambitiose jactata, in medium proferre, longius sane excurreret oratio mea, quam coarctatio haec & angustiae temporis patiantur. At enim, quo lingua Graeca ceteris aliis linguis excellentior est, atque praestantior, eo etiam magis, quam aliae linguae, est eadem necessaria. Nisi si forte, quia alia est vocabulorum, quae significant, alia rerum, quae significantur, scientia, linguam quoque Latinam ad bonas litteras, atque ad majorum rerum doctrinas parum necessariam judicemus. Nihil est enim Poeticae, nihil Oratoriae, nihil Dialecticae artis, nihil Physicae, nihil Geometriae, Mathematicarumque disciplinarum, nihil Theologiae, nihil denique reliquarum omnium artium, atque doctrinarum, quod a nostris hominibus non sit Etrusci libris traditum, atque eleganter sermone patrio explicatum. Et tamen quod haec ista maximam partem e Latinis sunt fontibus hausta, nemo fere est, quin fateatur, eum, qui Latine nesciat, tamen si Etrusce omnia didicerit, posse quidem doctum esse, bonisque artibus eruditum; perfectum tamen & consummatum in doctrinis esse non posse. Quod si Latina lingua adeo est ad summam doctrinam necessaria, ut sine ea semidoctorum tantum numero quis habeatur; quid tandem censendum de Graeca, quae ad perfectam Latinae linguae cognitionem summopere est necessaria? Non equidem hic ego detractum quidquam velim linguae Latinae, cui tantam aliquando verborum copiam sermonisque ubertatem assereram, ut eam Graecae paene exaequarem. Sed dico id, quod maxima doctissimorum hominum consensione receptum comprobatumque est, quidquid est hujus linguae Latinae, sine Graecis litteris a nemi-

ne quoquam sciri posse, certe quidem perfecte atque accurate. Quod ni ita esset, quid tandem in causa esse existimaremus, quamobrem Quintilianus puerum a Graeco sermone mallet incipere, & doctissimi quique viri unam linguam cum altera conjungendam praeceperent? Scio, illam etiam causam afferri, quia disciplinae nostrae a Graecis fluxerunt. Sed haec etiam causa ostendit, perfectam Latinae linguae scientiam a Graeca prorsus lingua pendere. Et profecto quid est in Latinis, quod germane Graecum non sit, aut Graecam certe originem non redoleat? Graeca sunt Latinae linguae vocabula, Graeca Latinae orationis structura, Graeca Grammaticae Latinae praecepta. Nomina ipsa, quibus tum Grammaticen, tum reliquas fere omnes disciplinas appellamus, sunt Graeca: neque ipsas tantum disciplinas, sed & res quashbet omnium disciplinarum, Graece nominamus, Poeticam, aut Rhetoricam si explicamus, si de Dialectica disserimus, si Physicen, si Ethicen, si Politicen docemus; si Medica, si Mathematica, si Theologica tractamus, quacunque de re, aut arte disputemus, Graecis ubique vocabulis utamur, opus est, quae trito jam usu longaque consuetudine, pro nostris, hoc est, pro Latinis ducuntur. Iam vero si nosmetipsi ad scribenda carmina conferimus, tota haec metrica ratio est Graecorum, neque ad summorum Poetarum laudem adspirare nobis licet, nisi summi Latinorum Poetae Virgilii exemplo, Poetas nobis Graecos imitandos, &, quantum possumus, exprimendos proposuerimus. Operam si damus eloquentiae, ad Graecos oratores unice aemulandos dux nobis & auctor, pater ipse Romanae eloquentiae, M. Tullius, qui sese totum ad Graecorum, atque in primis Demosthenis, exemplum conformavit atque effluxit. Qua de causa non immerito visa est Quintiliano discipula Graecae, sacundia Latina. Dialecticae si studemus, quae scientia est

est differendi; regulas omnes hujus artis, totamque inveniendi, & dijudicandi rationem, ut perfecte recteque teneamus, opus nobis est Graecis magistris atque in primis Aristotele. Quae enim de hac arte subtilius disputant Latini, omnia sunt ii a Graecis Aristotelis interpretibus commode atque opportune mutuati. Locus hic admonet, Auditores, ut, quod vulgo discrimen esse statuunt inter hominem Dialecticae artis penitus eundem, & eum, qui totam Dialecticam ex regulis ejus artis accurate diligenterque didicerit, id ego discriminis inter homines ponam, peritum alterum linguae Graecae, alterum ejusdem plane linguae ignarum atque imperitum. Homo enim bono sanoque judicio, ingenioque perspicaci praeditus, sed Dialecticae expertus, scit ille quidem multa naturali acumine mentis suae: neque ille tamen est perfecte sciens, quia nescit se scire; quia nimirum rationem illam scientiae ignorat; quae ex certa atque evidenti ratiocinatione colligitur. Ita & homo Latine doctus, sed indoctus Graece, scit ipse etiam multa, quae de Dialectica, ac Philosophia, reliquitque omnibus disciplinis, Latinis sunt litteris copiose sciteque consignata; sed tamen scientia caret, perfecta illa atque exquisita, qua sciat se scire: quia nimirum vim minime intelligit eorum verborum, quae majoribus quibusque doctrinis explicandis assignata sunt a Graecis, religioseque retenta a Latinis. Quid dico verborum? ne sententiarum quidem vim percipit, quae reconditiores quasdam Graecorum doctrinas continent, neque eas tamen doctrinas satis patefaciunt, quum redduntur Latine. Age vero, reliquae etiam disciplinae, ad quas quendam veluti aditum aperire videtur Dialectica, quam apte ex Graecis litteris pendent; & cum iis connectuntur! quam Graeca est tota earum doctrina, nec nisi Graece scientibus nota atque manifesta! Sententia fuit olim Aelii Stilonis de nostro Plauto, Var-

roni valde celebrata, Musas Plautino sermone locuturas fuisse, si Latine loqui vellent: tanta in Comico illo Latine loquendi concinnitas atque elegantia. Quanto illud melius ac certius, Musas Graeco sermone uti fuisse, si disciplinas docere homines vellent! Nam quod est a doctis viris egregie animadversum, Plautinum si sermonem Musae adhiberent, meretricio eae plebeioque more loquerentur. At si Musae Graeco sermone in liberalibus artibus tradendis usae fuissent, sermone certe usae fuissent maxime omnium ad sapientiam appposito atque accommodato. Quid autem dico, Graecae Musas locuturas fuisse, si liberalibus artibus, universisque doctrinis erudire homines vellent? Nonne enim & locutae sunt Graecae, & nunc etiam Graecae loquuntur? Sunt enim Musae, artes ipsae liberales, ex Memoria, & Iove, hoc est, intelligentia procreatae; ideoque novem numero esse dicuntur, quod novem potissimum artibus liberalibus universa doctrina atque eruditio est comprehensa. Atqui artes omnes liberales loquuntur Graecae, itaque loquuntur, ut non nisi Graeco sermone tota earum doctrina bene perfecteque explicari posse videatur. Mathematicae disciplinae quid loquuntur, aut loqui etiam possunt, nisi Graecae? quas scriptis suis mirum quantum illustraverint Euclides, Apollonius Pergaeus, Archimedes, Pappus Alexandrinus, Theon Smyrnaeus, Theon Alexandrinus, Proclus, Eutocius Ascalonita, Theodosius Tripolita, Serenus Antissenis, Ptolemaeus. Philosophia, quaeque partes ejus numerantur, Physice, Ethice, Politice, quid loquuntur, nisi Graecae? ubi choros veluti ducunt Philosophorum maximi atque sapientissimi, Plato atque Aristoteles. Sed praesertim in Physica, in summa illa atque incredibili naturae varietate, quam longe, & quam late Graecus semet sermo effert, ac veluti exultat! ubi naturae auctor mundique opifex Deus sese in primis contemplandum objicit, ubi de naturae caus.

caussis, de caelo, de elementis philosophamur, ubi animalium, plantarum lapidum, metallorum, mundi denique universi historiam, ad singulas rerum omnium causas exponendas, non minus varie, quam copiose, summaque cum animi nostri voluptate, conteximus. Horum omnium notitiam quam necesse sit e Graecis auctoribus petere, exemplo satis suo palam fecit C. Plinius, is, qui non e Latinis modo scriptoribus, sed etiam maxime e Graecis, ex quibus illi ipsi Latini doctrinas suas maximam partem hauserant, Naturalem Historiam suam adornavit. O Pliniana illius historiae admirabilem non minus, quam sit naturae ipsius, varietatem! Quali quantoque nos Latini thesauro caruissimus, si Graecae Philosophiae opes nobiscum Plinius in illo libro non communicasset! Quid enim unquam in naturae thesauris latet, quod de Graecorum thesauris Plinius in Latinorum usum non deprompserit? Ferunt, historiam Animalium Aristotelicam maximo olim in pretio, permagnaque in admiratione fuisse, quam, ut Aristoteles, summo vir ingenio summaque diligentia, certius atque exploratius conscriberet, aliquot hominum millibus utus est, qua venatorum, qua aucupum, qua piscatorum, aliorumque omnis generis, per quos de animalis cujusque natura certior fieret. Quanto porro admirabilior Historia illa Naturalis Plinii, qua non quinquaginta modo Aristotelis de animalibus volumina in arcum, ut ipse ait, collegit; sed etiam rerum in primis dignarum viginti millia, & totam naturae universitatem, quantacunque ea est, ex scriptoribus centum, iisque praeclaris, atque exquisitis, atque ex duobus ferme voluminum millibus, in suas veluti classes, pulcherrimo ordine digessit atque disposuit! Et tamen tota illa Naturalis Historia sine eruditione Graeca perfecte intelligi non potest. Adde, quae de Graecis habet Plinius, non omnia cum feliciter, aequè exactè
 sed:

reddidisse; aliqua etiam, cum ne intellexisse quidem; Adde loca, eaque non pauca, in quibus a vero penitus aberravit. In his igitur tute etiam simul erres, oportet, nisi ad veram Graecorum scriptorum sententiam pervidendam lumen tibi Graecae eruditionis praefulgeat. At in Medicis praeceptis, ubi salus nostra ac vita agitur, aliquid offendere quam grave est, quam periculosum! Unde etiam facile colligas, quam sint Graecae litterae ad rem medicam necessariae. Magnus profecto Philosophus Plinius; sed & idem magnus Medicus. Qui enim Plinio obtruncant, eos sane ne audiendos quidem putaverim. Bono ille publico natus, non satis habuit opes omnes naturae de Graecorum scriiniis proferre, nisi etiam optimis medicinae praeceptis corporum salubritati vitaeque nostrae consuleret. At enim, dum medicorum aliquando errata Plinius coarguit, quam graviter & ipse aliquando decipitur atque errat! Quos quidem ejus errores, nisi ex Graecis scriptoribus, frustra nos emendaturos speremus; praesertim quum idem ipse Plinius diserte testetur, neminem antea Latino sermone ea, quae ipse assert, morborum remedia perscripsisse. Unde evidenter appareat, illa cum omnia e Graecorum fere scriptis corripuisse. Sic omnia fere e Graecis, quicumque olim alii, seu ante, seu post Plinium, Latinis litteris rem medicam tradiderunt, Scribonius Largus, Corn. Celsus, Liagoges vetus scriptor, qui vulgo dicitur Soranus, Caelius Aurelianus, Q. Serenus, Theodorus Priscianus, ex quibus Corn. Celsus, quamvis, Quintiliano teste, mediocri vir ingenio fuerit; tamen in legendis Medicis Graecis, maximeque Hippocrate, adeo profecit, ut aut Hippocratis fidus interpret, aut Hippocrates ipse Latinus esse videatur. Quare ita isti omnes legendi, ut, ad perfectam rerum medicarum intelligentiam, Graecos, atque in primis omnis medicinae parentem Hippocratem, identidem consulamus.

Nam

Nam si nostrorum nonnulli Latinos; potissimum medicinae scriptores sunt. postea secuti, ut de se candidè ingenueque profiteretur Marcellus Burdigalensis; tamen, quum ii, quos secuti sunt, ex Graecis profecerint, sit, ut perfecta omnis medicinae cognitio sit ex Graecis tantum repetenda. Quid ego jam dicam de Iurisperititia? Non est quidem nostrorum temporum, quod, sententibus Romanis rebus, vel in ipsa urbe Roma aliquando in usu & consuetudine fuit, ut Iurisperitentes Graece de iure responsitarent. Sed, quando jam omnia foedissime barbaries inquinavit, & Romanarum fere consuetudinum obliterata est memoria, nego, sine Graecarum litterarum scientia rectam saepe haberi posse scientiam legum Romanarum; nego, vobis, persludio, si juris civilis adolescentes, perspectum plane esse posse, quod vel in Codice Iustiniano, vel in Constitutionibus Novellis, vel in venerabili ac sacrosancto Pandectarum volumine, atque adeo in Institutionibus ipsius Iuris civilis, paullo interius magisque reconditum continetur. Quod enim in illo sapientiae prudentiaeque Romanae thesauro inclusum est atque abditum, nobis quidem certe, qui ab illis temporibus, moribusque & ritibus tam longe absumus, apertum nunquam parentque fuisset, nisi illud Graeci fusius distinctiusque explicassent. Neque enim tunc Romanis ea, quae vulgo notissima, ac tritissima erant, opus erat fusius exponi aut clarius. Inde ab illa Romanarum legum ac sententiarum obscuritate tot illae Graecae in Florentino Pandectarum codice explicationes legum, inde Institutiones civiles a Theophilo Graece interpretatae, inde ab eruditione Graeca tanta Romanis legibus lux allata. An ne igitur existimabimus, melius illa homines barbaros, & saepe ridiculos, quam Graecos, esse interpretatos? At enim barbarae illae & ridiculae interpretationes per se satis declarant, quam parum sit his fidendum: quum

B

prae-

praesertim barbari illi homines, ubi Graecis verbis Romanae leges contextuntur, aut certe adiperiuntur, suam Graeci sermonis ignorationem ingenue, ne dicam impudenter, fateantur. Atqui sine Graecis saepe ignoratur Latina. Et id sane quam etiam interdum periculose! quum saepius fortunarum, aliquando etiam capitis periculum in non bene perceptis legum verbis agatur. Ex jure autem civili aptum est canonicum, & cum eo connexum: ut proinde jus canonicum non minus, quam civile, linguae Graecae scientiam, ad perfectam Canonum, tum Graecorum, tum etiam Latinorum, intelligentiam, desideret ac requirat. Video nos jam, ceteris breviter percursis disciplinis, ad reliquarum omnium disciplinarum principem ac magistram, ad Theologiam nimirum, quae prima est princepsque sapientia, veluti gradatim pervenisse. Hic ego valde vereor, ne, dum Graecas litteras ad divinarum rerum scientiam perfecte comparandam summo pere necessarias demonstro, sese oratio mea ambitiosius jaectare, & plus nimio efferre velle videatur. Ubi enim liberius aut certe libentius, excurrat atque expatietur, quam eo in campo, in quo sum ego tot annos Florentiae atque alibi, nec sine aliquo fortasse auditorum meorum fructu, exercitatus? Quorsum autem his omnibus, qui sacras litteras profiterentur, lingua Graeca non minus, quam Latina, a sanctissimis sapientissimisque Patribus commendata fuit, nisi quia Graeca non minus quam Latina, est ad exactam atque exquisitam sacram litterarum notitiam necessaria? Fateor quidem libentissime, quod non nisi impudentissime negari potest, multos fuisse, & esse praestantes Theologos, qui, tametsi linguae Graecae subsidio destituti; tamen, ob excellentem Theologiae scientiam, miris singularibusque laudibus celebrantur. Sed, ut illi multo sane doctiores excellentioresque fuissent, si Graeca cum Latinis con-

junxissent; sic etiam dico, posse quidem unum aliquem sine Graecae linguae scientia bonum esse Theologum; talem tamen Theologum, qualem nos quaerimus, perfectum nimirum omnibusque numeris absolutum, esse eum non posse. Officium perfecti Theologi est, Christianos Patres, qui veritatem nobis divinam veluti per manus tradiderunt, mente sua comprehendere. An ille mihi Patres comprehenderit, qui majorum gentium Patres Graecos, Gregorios tres, Athanasium, Basilium, Ioannem Chrysostomum & Damascenum, Cyrillum, Epiphanium, ne legere quidem possit, nedum ipse per sese intelligere? Officium perfecti Theologi est, verba ipsa sacrosanctorum Canonum, quibus capita quaelibet Religionis Christianae sunt a Latinis Graecisque Patribus in solemnibus conventibus certo definita atque explicata, discernere atque dijudicare. An ille mihi Graecorum Canonum verba dijudicaverit, qui non nisi Latinam, qualiscunque ea est, eorumdem verborum interpretationem percipiat? Officium denique perfecti Theologi est, singula Dei verba, quae in sacrosanctos Canonicosque libros divinitus relata sunt, accurate investigare, atque ex recepto probatoque Christianorum sensu, diligenter exponere. An ille mihi divina Foederis Novi verba, quae certe quidem sunt Graeca, accurate exposuerit, qui ne intelligere quidem ea possit, nisi per interpretem Latinum? Nam ut interpretis huius Latini editio vulgata maximam apud nos auctoritatem obtineat, eamque ex veteri consuetudine, atque ex Patrum Tridentinorum decreto, pro authentica habere debeamus: tamen nonnulla sunt ibi ambigue dicta, nonnulla subobscure, in quibus sit nobis omnino ad codices Graecos confugiendum, ut perfectam, atque accuratam singulorum Deorum verborum intelligentiam, ipsi per nos pro vñibus assumamus. Adde, cognitionem sacrae antiquitatis, totiusque Christianae historiae, quae perfecto consummator

que Theologo ad omnem doctrinam atque eruditionem valde est necessaria. Quam turpiter docti & eruditi homines ex ignoratione linguae Graecae in sacra aliquando historia errarunt! Invitus, fateor, partem hanc attingo orationis meae, quae de magnorum hominum clarissimorumque virorum laudibus nonnihil detrahere posse videatur. Sed, quando argumenti huc me necessitas impulit, ac fere volentem coegit, dare mihi veniam, Auditores, si exemplum vobis assero, meo quidem iudicio, maxime omnium memorabile. Siquis favet, aut unquam favit Caesari Baronio, ut favere omnes maxime debent, qui sacrae historiae studio ducuntur: is sum ego, Auditores. Atque ut omnes intelligant; me Caesari Baronio tantum laudis dare, quantum alteri cuiquam vel clarissimorum virorum post renatas litteras, in sacra certe historia, dandum unquam censuerim: dico, sive operis magnitudinem, ac difficultatem, sive hominis diligentiam, fidem, eruditionem, iudicium attendas, maiora esse Baronij in Christianam historiam merita, quam ut a quoquam aequari laudibus possint; neminem alterum aequae ac Baronium, oblivionis atque errorum tenebras, temporum ac rerum post Christum gestarum continua serie in conspectu posita, ex sacrae antiquitatis memoria dispulisse; plus uni nos Baronio, quam ceteris simul omnibus, qui abhinc ducentis & amplius annis res nostrae Religionis sacrosque ritus scriptis suis illustrarunt, debere. Satis opinor Baronium a me esse laudatum, itaque laudatum, ut nemo fortasse alter majores amplioresque laudes Annalium Christianorum paranti, sacraeque historiae conditori, unquam impertiverit. Atque is tamen, vir talis, ac tantus, quod Graece parum scietat, in re oppido gravissima, quippe quae ad Sanctorum in primis virorum cultum ac venerationem intime pertineret, erraverat quam gravissime. Siquidem Xynoridis cujusdam Martyris nomen

in Fastis ipse Romanis probaverat, tanquam videlicet ex Ioanne Chrysostomo: quum tamen Chrysostomus *Eurapida*, non Martyrem nominet ullam feminam; sed pat notissimum dicat illustrium ac praeclarorum Martyrum, Iuventini & Maximini: itaque ea vox *Eurapic* a Graecis, atque etiam ab Hieronymo, cuius maxime auctoritate abutebatur Baronius, ad Graecorum exemplum, accipitur. Correxerit quidem postea Baronius errorem suum: quod perspicue apparet ex secundis ejus curis in Fastos Romanos, ex quibus suae illius Xynodis memoriam penitus delevit. Sed vos inde clarissime perspicitis, quam sint Graecae litterae non ad profanas modo, verum etiam ad sacras historias, atque ad omnem tum humanarum, tum etiam divinarum rerum eruditionem necessariae. Restat, Auditores, ut iis breviter occurram, qui ad res omnes Graecorum pernoscendas satis praelidii atque adiuventi collocant in interpretationibus Latinis. Quibus sane imperitis hominibus ita ego occurrendum censeo, ut non proinde, id quod faciunt nonnulli, elevari quadamtenus atque imminui velim Latinorum interpretum fidem atque auctoritatem. Est etiam nonnemo, qui genus hoc interpretum Latinorum in contemptum adducere minime vereatur: quasi scilicet qui ad Graecos Latine interpretandos operam suam atque industriam conferunt, homines sint ii tenuiori literatura, qui, quum ex scriptis suis nomen in doctis atque eruditis habere nequeant, ex alienis scriptis interpretandis atque illustrandis nominis sibi celebritatem quaerant. Ego contra sic sentio, ut Graecorum interpretandorum munus difficillimum est, ita viros longe doctissimos atque eruditissimos eos fuisse, qui bonos Graecos scriptores bene Latine sint interpretati, atque illustraverint: qui quum ipsi potuissent boni scriptoris, oratorisque & poetae partes omnes explere; majorem tamen publicae utilitatis, quam

lau:

laudis suae, rationem habendam esse iudicarunt. Quippe homines aliis, & non sibi tantum, nati, labores doctrinaeque omnes suas eo referendas esse duxerunt, ut hominibus prodesse. Non magis autem sese illi nobis profuturos sperarunt, quam si veteres illos Graecos, quos, tanquam homines sapientissimos, & de humano genere optime meritos, tota semper antiquitas coluit atque celebravit, Graecos, inquam, illos, a quibus ad Latinos omnis doctrina, universaque eruditio manavit, nobis legendos traderent, Latine a sese interpretatos. Neque enim litteratis hominibus, quibus litterae ad omnem modestiam moderationemque animi praeluxerunt, nominis sui celebritas proposita esse debuit, sed communis liberalissimorum studiorum, studiosorumque hominum utilitas. Absit igitur, longissime alsit, Auditores, ut quod docti viri publici boni caussa fecerunt, ut Graecos scriptores, Latine a se versos, nobiscum communicarent, id nos inique in malam partem accipiamus, perinde quasi, quum non possent ipsi a suis, voluerint illi ab alienis scriptis inclarescere. Immo vero illud certo nobis penitusque persuadeamus, non potuisse illos Graecorum scripta tam bene ac laudabiliter interpretari, nisi summa iidem eruditione, summaque doctrina fuissent, gratiasque iis agamus, quod e fontibus Graecis rivos uberrimos omnium doctrinarum ad Latinos deduxerint. Nam quod aliqui, quos ne interpretes quidem dici velim, utriusque linguae parum periti, illos, ut ajunt, manibus, ad Graecos fontes aperiendos accesserint, unde lutulentae ad nos spurcaeque aquae sunt derivatae: non certe quidem propter horum istorum inscitiam, atque negligentiam, detrahendum est universo generi interpretum Latinorum. Odysseam Latine transtulit Livius Andronicus, Euhemerum, qui historiam de diis scripserat, Latinum fecit Eanius, Platonis Protagoram & Timaeum, itemque Aratum, & Xe-

& Xenophontis Oeconomica, Demosthenisque & Aeschinidis adversarias orationes M. Tullius Latine est interpretatus. Quid antiqua exempla commemoro? quando clarissima omnium sunt & testatissima recentiora? Quotusquisque enim est doctissimorum atque eruditissimorum virorum a trecentis fere annis, id est, post literas restitutas, qui non in Graecis latine interpretandis operam potissimum suam posuerit, atque inde non sit summam ipse doctrinae atque eruditionis laudem consecutus? Itaque, quantum alii ad Graecae linguae praestantiam simul ac necessitatem extollendam Latinis interpretibus detraxerunt: tantum ego iis laudis, ad eisdem linguae praestantiam ac necessitatem augendam, impertiam. Nam ut summi illi viri in omni doctrinarum genere fuerint, ut artes liberales, disciplinasque universas, pro summorum Criticorum officio, egregie calluerint, ut, propter eximiam utriusque linguae peritiam, maxima illi facultate ad Graecos scriptores enarrandos atque emendandos excelluerint: tamen Graecae linguae tanta est vis atque dignitas, tanta copia atque varietas, ut nec Tullius, nec quicumque alii summo ingenio viri, quae dicta sunt a Graecis, omnia Latinis vocibus perfecte semper expresserint, neque vero exprimere aliquando potuerint. Unde, disciplinarum atque artium liberalium percupidi, perstudiosique adolescentes, tandem aliquando intelligatis, melius omnino vos Graeca esse percipientes, si Graeca ipsi per vos legeritis. Quod quidem satis superque esse arbitror ad id, quod ab initio demonstrandum susceperam, sine Graecarum litterarum adiumento nullo modo fieri posse eum, quem in unoquoque vestrum, optimi Adolescentes, optamus ac quaerimus, perfecte doctum, atque omnium omnino disciplinarum summe atque exquisite scientem. Nec enim sperandum, quae a Graecis de bonis artibus ac disciplinis sunt gravissime ac sapientissime conscripta,

ea vos omnia perfecte per Latinos quoscunque interpretes esse intellecturos. O Graecae igitur linguae praestantiam! O beatam Graecae linguae ad omne genus eruditionis atque ad omnes disciplinas perfecte acquirendas necessitatem! Atque unde putatis, bonas litteras, artes omnes liberales, optimas omnes disciplinas tam diu squallore ac situ obsitas, jacuisse, nisi ex neglecto studio litterarum Graecarum? unde bonas litteras erectas ac restructas revixisse atque refluoruisse, nisi ex recreatis litteris Graecis, posteaquam nimirum Cosmus ille Medices senior, ejusque nepos Laurentius, afflictas tot jam saecula Graecas litteras, ac propemodum intermortuas exsuscitarunt atque resecerunt? Quare, quod in nobilissimo hoc ac florentissimo Gymnasio, prae ceteris aliis Italiae totius Academiis, bonae omnes artes tantopere vigeant, atque efflorescant, quod Pisae, velut alterae Athenae, propria quadam praecipuaque appellatione, doctae vocentur, quod cursus facilis hic vobis, atque expeditus futurus sit, Adolescentes, ad sapientiam atque ad universas doctrinas, debere vos beneficium hoc scitote litteris Graecis, ex quibus magistri vestri uberrimos doctrinarum omnium fructus ad eruditionem vestram retulerunt, Eorum ego vobis clarissima exempla propono, eos vos imitamini, ut, quemadmodum illi, Graecarum litterarum subsidio, summi ac perfecti in circuitu, & quasi orbe disciplinarum exarserunt, ita & vobis Graecas litteras ad summam rerum omnium scientiam pernecessarias existimetis.

G A S P A R I . C E R A T O

PATRICIO . PARMENSI
COMITI . EQVITI . PRIORI . ET . EQVESTRIS
ORDINIS . S . S T E P H A N I

P R A E S V L I
A T H E N A E I . P I S A N I . P R O V I S O R I
ATQVE . MODERATORI
VIRO . MAXIMI . EXEMPLI
ET . DE . ACADEMIA . PISANA
OMNIBVSQVE . DOCTRINIS . OPTIME . MERITO
ALEXANDER . POLITVS

ORATIONEM . SECVNDAM . SVAM
DE . LIBERALIVM . OMNIVM . ARTIVM

A C
DOCTRINARVM . AD . ELOQVENTIAM
N E C E S S I T A T E

QVAM . DICTAM . A . SESE
A D . A C A D E M I A M . P I S A N A M
EI . POSTEA . IN . EVSTATHIO . SVO
IN . HOMERVM
ANNO . MDCCXXXV .

HONORIS . ET . MEMORIAE . CAVSSA
DEDICABAT

NVNC . DENO . PVBLCI . IVRIS . FACTAM
P R O . S V A

ERGA . EVM . OBSERVANTIA
SINGVLARIQVE . EIVS
IN . ACADEMICIS . STVDIIS

PROMOVENDIS . VIGILANTIA
A D . A C A D E M I A E . P I S A N A E . G L O R I A M
ITERVM . CONSECRAT .

200.1.1.1.1

200.1.1.1.1

200.1.1.1.1

200.1.1.1.1

200.1.1.1.1

200.1.1.1.1

200.1.1.1.1

200.1.1.1.1

200.1.1.1.1

200.1.1.1.1

200.1.1.1.1

200.1.1.1.1

200.1.1.1.1

200.1.1.1.1

200.1.1.1.1

ORATIO III.

DE LIBERALIUM OMNIUM ARTIUM AC DOCTRINARUM AD ELOQUENTIAM NECESSITATE.

CUm multa majores nostri, ad ornanda litterarum studia, eaque in dies augenda, praeclare atque sapienter instituerunt, tum illud, meo quidem judicio, multo omnium praeclarissime atque sapientissime, quod eorundem ipsorum studiorum solemnem de more instaurandorum initium ab exculta aliqua & elaborata oratione duci quotannis voluerunt. Nam si tantam quotidie experimur vim esse eloquentiae, ut, quacunque de re copiose ornateque dicamus, auditorum animos, quo volumus, facile impellamus, unde volumus, deducamus; qualem tandem ac quantam apud honestos optimorum adolescentium animos vim ejus orationis futuram existimabimus, quae ab homine aliquo disertio, neque prorsus inerudito, ex hoc amplissimo loco, tanta & tam celebri sapientissimorum virorum audientia, de re longe omnium maxima atque pulcherrima, de omni nimirum doctrina atque sapientia, paullo diligentius atque accuratius habeatur! Hanc qui causam habendae hodierno die orationis filii huc usque ante oculos posuerunt, summa viri doctrina atque eloquentia, magnifica inde atque in primis praeclara orationibus suis argumenta de praestantia atque utilitate litterarum, deque earundem fructu atque utilitate, aliaque talia, sunt disertissime persecuti, quibus

G 2

vos

vos potissimum, praestantissimi adolescentes, vel defudes a languore atque ignavia revocarent, vel ardentes jam atque erectos ad studium artium atque doctrinarum acrius cohortarentur. Verum cum ego, Auditores, ad theatrum hoc amplissimum sapientiae, virtutumque omnium seminarium oculos paullisper converto, cum sapientiam vestram, Patres amplissimi, summamque rerum omnium doctrinam, attente mecum reputo, cum praeclara ingenia vestra, adolescentes, contemplor, atque intueor: altius quiddam majores illi nostri respexisse mihi videntur, atque animo agirasse, cum in cursu hoc ineundo omnium disciplinarum primas veluti partes, totiusque cursus auspicia oratori atque eloquentiae concesserunt. Insederat namque in eorum animis species quaedam perfectae summaeque eloquentiae: quam dum cogitarent, atque, ad incendendos honestissimarum omnium artium amore adolescentes, expressam etiam in aliorum animis vellent, diem hunc celeberrimum, proprium & quasi legitimum ostendendae eloquentiae esse debere censuerunt. Nec enim perfecta esse potest eloquentia, nisi rerum maximarum scientiam, doctrinasque universas complectatur. Quod ut studiosis eloquentiae ac litterarum adolescentibus sit penitus persuasum, illud mihi explicandum, quod est a M. Tullio accuratissime disputatum, summam perfectamque eloquentiam ex omnibus simul doctrinis, omniumque liberalium artium scientia coalescere. Argumentum illud quidem sapientia vestra perquam dignum, Auditores, multoque etiam difficilius, quam ut a me, qui nullam plane eloquentiam, commode pertractetur. Sed, quando ii, qui auctoritate atque imperio plurimum valent, hanc mihi oratoris personam imposuerunt: sinite me, Auditores ornatissimi, si non pro dignitate, pro viribus certe meis, personam hanc sustinere.

Ac primum velim, Auditores, vobis ante animum
pro-

proponatis imaginem illam summae perfectaeque eloquentiae, cujus qui compos fuerit, sit is summus perfectusque orator. Hic ego non disputo, utrum tali ququam existat, aut etiam unquam extiterit eloquentia, summa atque perfecta: quando in magna Romanorum oratorum copia Marcus ille Antonius, vir, siquis alius, temporum suorum facile eloquentissimus, ingenue aperteque profitebatur, disertos a sese cognitos fuisse nonnullos, eloquentem adhuc neminem. Sed dico, iis omnibus, qui rectis ad eloquentiam studiis contendunt, statuendum esse ante oculos id, quod in eo genere perfectum est atque absolutum, eoque latores conatusque omnes esse dirigendos, atque ad summum illud exemplum, unde cetera expressa sunt, universa esse studia conformanda: quo si minime perveniant; tamen, quod ajebat Tullius, honestum est, sequentem prima, in secundis certissimisque consistere. Is igitur mihi eloquens, qui de omnibus rebus, quae in hominum disceptationem veniant, pro rei cuiusque natura, possit copiose ornateque dicere; qui rerum omnium, de quibus potest dicere, scientiam comprehenderit, qui, quaecunque aliarum omnium artium sunt, atque disciplinarum, quaeque in reliquis omnibus studiis sunt longe lateque dispersa, ac propemodum infinita, unus omnia complexus fuerit, qui ad hanc tantam rerum maximarum scientiam ornatum etiam cultissimae atque elegantissimae orationis adjunxerit; cui rerum copia copiam quoque verborum largissime suppediet. Is denique mihi eloquens, qui simul & sapiens; atque ea mihi demum eloquentia, copiose eloquens sapientia. Atque haec omnia generatim damus oratori. Quod si etiam singula, ex quibus constat atque efflorescit eloquentia, enucleate distincteque persequimur, nonne omnia & singula ita in oratorem conveniunt, ut, siquid horum forte defuit, perfectus consummatusque orator nullo modo esse

esse possit? Oratoris in primis est, pure atque eleganter, & quando res nobis est cum hominibus Latinis, Latine loqui. Minimum id certe est in Oratore, quod doctrina litterisque puerilibus, traditum videtur. Sed hoc istud minimum, quod est Latine loqui, quam proprium est Oratoris! quam Oratori prae reliquo hominum genere necessarium! Ceteris hominibus, qui alias artes atque disciplinas profitentur, licet etiam interdum loqui barbare. Oratori si quid vel imprudenti exciderit minus Latinum, nemo ei quisquam violatae Latinitatis veniam dandam putat. Omnes eum unum irrident, exsibilant atque explodunt, perinde quasi ab arte ipse sua prorsus defecerit. Et tamen istud ipsum, quod minimum est in arte oratoria, quanti est Oratori! quanti nobis aestimandum! Recognoscendi Grammatici, legendi Oratores, perdiscendi Poetae, Medici, Iuriconsulti, Historici, Philosophi, omnes ad unum Latinae linguae auctores dies noctesque pervolutandi, exempla-que inde quotidie reperenda atque revolvenda, ut bene Orator loquatur Latine. Quid? Grammatica ipsa Latina quem sibi a reliquis omnibus disciplinis apparatum non adsciscit omnis elegantiae atque doctrinae? Audeo dicere, quod mirum fortasse alicui videbitur, sed tamen est dicendum, artem ipsam Grammaticam perfectam minime omnium fore, nisi omnium prope modum maximarum rerum scientiam in fines & ipsa suos concludat. Quid est enim vel in majoribus disciplinis tam abstrusum, tam reconditum, tam a vulgari intelligentia remotum, quo Grammatica non pervadat, non penetret, non pertineat? Quid in Poetis tam obscurum, quod illa non illustret? quid in Historicis tam involutum, quod illa non evolvat? quid in Philosophis tam difficile, quod illa non expediat? quid in reliquis omnis generis scriptoribus tam ignotum atque ambiguum, quod illa non explicet atque interpretetur? Quos

autem Poetas, quos ex omni doctrinarum genere scriptores non excutiat Grammaticus, non perlegat, non enarret, non corrigat, non judicet? Haec vero omnia qui praestare queat bonus ille & peritus Grammaticus, nisi cognitis perceptisque rebus omnibus, quas ex omni disciplinarum genere quomodocunque complexi fuerint, siue etiam obiter attigerint, tum prorsus, tum vincula numeris oratione, optimi illi & praestantissimi Latinitatis auctores? qui eorundem iudicem atque censorem ille agere, qui non sit ipse etiam omni scientia excultus, planeque quinquertio, hoc est, in universo doctrinarum orbe, quam qui maxime, exercitatus? qualem prorsus apud Graecos fuisse accepimus Eratosthenem. Ut jam Grammatica non exiguis quibusdam, atque angustioribus finibus terminetur; sed fines longe suos ad omnem doctrinam propaget, & per omnes late disciplinas pervagetur. Magna haec sunt (quis enim vestrum non fateatur, Auditores?) sine quibus stare jam nequit scientia perfecta linguae Latinae. Atque haec tamen quaedam veluti elementa sunt eloquentiae. Itaque haec omnia probe teneat, opus est, perfectus Orator, ac praeterea de his omnibus copiose dicat, atque ornate: neque tantum, quod proprium est Grammatici, verba perdisceat, oportet, omnium disciplinarum; sed & res ipsas omnium disciplinarum oratione augeat atque amplificet. Sententia fuit illa notilis in primis & praeclara Aristotelis, initio Rhetoricorum, eloquentiam quasi ex altera parte respondere Dialecticae. Quam quidem sententiam ita exponit Marcus Tullius, ut dicere velit Aristoteles, hanc, rationem dicendi esse latiorē, illam loquendi contraktionem. Fuit illa etiam percelebris & pervulgata in eandem sententiam, utriusque artis comparatio, qua princeps ille Stoicorum Zeno ita Rhetoricam cum Dialectica contendeat, ut contractae in pugnum manus Dialectica,

ma-

manui explicitae & dilatatae similem eloquentiam esse diceret : tanta est, tamque arcta, atque conjuncta artis unius cum altera necessitudo. Qualem igitur, & quantum oratorem futurum putamus, qui sit idem Dialectica disciplina egregie institutus, qui de proposita qualibet re possit in utramque partem copiose simul ac subtiliter disputare, qui cujusque rei naturam explicare possit definiendo, partes dividendo, proprietates judicando atque ratiocinando, qui denique ex ceratinis, aut crocodilinis, spinosisque quibusque quaestionibus sese ipse expediat, aditumque sibi ad omnem veritatem atque doctrinam muniat atque patefaciat ! Magnus ille profecto orator ; sed nondum tamen ille, quem adhuc quaerimus, & oratione, quantum possumus, effingimus, ille, inquam, perfectus omnibusque eloquentiae numeris absolutus. Quam multa enim alia in oratore, ut vera sit ejus & plena, & corroborata, & perfecta eloquentia, requiruntur ! Quis enim hominum mentes, in quamcunque partem voluerit, impellat ? Orator. Quis ab ira ad lenitatem, ab odio ad misericordiam revocet ? Orator. Quis jura civitatis constituat ac moderetur ? Orator. Quis populo leges pro universae reipublicae salute ac dignitate aut jubendas, aut vetandas persuadeat ? Orator. Quis artes omnes liberales, quaeque ad vitam humanam aut tuendam aut ornandam pertinent, oratione illustret ? Orator. Res quoque olim gestas, quaeque veteri memoria continentur, quis nitide ornateque commemoret, nisi Orator ? Orator Physica, Orator Mathematica, Orator Medica, Orator Civilia, Orator omnia, tum humana, tum etiam divina, omni copia & varietate orationis persequitur. Deum ipsum, quo nihil majus, nihil melius, nihil perfectius, non modo verbis exprimi, sed ne animo quidem concipi potest, pro humani ingenii captu atque imbecillitate quis verbis melius adumbret, aut summae ejus

in-

finitaque majestatis, quae omnia ambit ac continet, expressiorem dicendo imaginem referat, quam Orator? O igitur mortalem quendam inter homines Deum Oratorem! o rerum humanarum dominam, o reginam eloquentiam! Et quid porro magis divinum, quam unum hominem scire omnia, quae sciri ab homine possunt, & quae in aliis aliarum quarumcunque professionum hominibus maxime entent genera singula doctrinarum, ea sibi unum illum hominem universa vindicare? Nisi siquis forte tantam illam tamque diffusam, atque, ut ita dicam, luxuriantem eloquentiam circumcidere velit, atque amputare, & Oratorem ex tanta illa doctrinae amplitudine intra forenses dumtaxat cancellos concludere, atque coercere. Quae certe fuisse videtur opinio nonnullorum Graecorum, atque in primis etiam fortasse Carneadis apud Marcum Tullium, excludendum nimirum esse Oratorem ab omni elegantia doctrinae, rerumque majorum scientia, ac tantum in judicia, & conciones detrudendum. Quod ut Graecis illis concederemus, eum nimirum statuendum esse Oratorem, qui tantummodo in judiciis, aut apud populum, copiose loqui posset; tamen, quod Crassus ille Tullianus praeclare animadvertebat, huic isti forensi Oratori quam multa essent tribuenda! perfecta juris civilis ac legum cognitio, exacta atque accurata humanorum morum notitia, aequitatis ac temperantiae, reliquarumque omnium virtutum exquisita scientia, patriarum olim consuetudinum, totiusque antiquitatis, stabilis fidelisque memoria. Dicendum enim huic Oratori de jure civili, de religione in Deum, de pietate adversus parentes, de charitate patriae, de bello, de pace, de amicitia, de officio, de aequitate. Agendum est ei de omni virtutum genere, tractandi mores humani, permovendae in omnes partes hominum voluntates, inculcandae consuetudines patriae, veteris memo-

H

riae

riae exempla recolenda. Haec omnia forensi huic Oratori ad munus suum rite explendum tribuenda: quae si adsunt, ut debent, omnia, quid tum quaeso locorum Philosophiae, quid elegantioris doctrinae, quid rerum maximarum ignotum ei Oratori, miuimeque exploratum fore unquam putabimus? Quid si praeterea ad forenses ipsas causas nonnulla etiam ex obscuriori aliqua disciplina, atque ex reconditis interioribusque litteris assumenda? quod est a Crasso illo Tulliano diligentissime atque accuratissime pertractatum. Nonne forensi quoque Oratori ad summam ejus generis eloquentiam maximarum quarumcunque rerum ac disciplinarum scientia necessaria? Tete appello, Romanae eloquentiae pater, Marce Tulli: tete, inquam, appello, Oratorum omnium, qui sunt, qui fuerunt, qui etiam erunt, facile eloquentissime. Quis enim te magis, aut etiam melius, in forensibus causis exercitatus? Nonne, quum pro Archia illo tuo publico in judicio diceres, diserte libereque confessus es, suppetere tibi non potuisse, quod quotidie in tanta varietate rerum diceres, nisi animum tuum doctrina excoluisses? Ita est, Auditores. Non ex usu tantum forensi, sed & maxime ex doctrinae atque ex sapientiae studiis censenda est forensis ipsa oratio, in qua ut Orator non omnia semper elegantis doctrinae ornamenta adhibeat; tamen inde satis apparet, utrum rudis, an bonarum artium peritus, ad dicendum accesserit. Quanquam autem haec ita sese habent, ut ne forensis quidem Orator perfectus consummatique in suo genere esse possit, nisi & idem fuerit omnibus optimis disciplinis instructus ac perpolitus; adeo ne tamen eloquentiae maiestatem atque dignitatem minuendam censebitis, Auditores, ut eam, tanquam regno suo spoliata, in forenses illas angustias, tanquam in aliquod pistrinum, contrudatis? Quid enim ubique rerum, quid artium, quid cogitationum mentis nostrae, non subje-

ctum

stum sit orationi? & qua proposita de re non dicat ars ipsa bene dicendi? Quod si de omnibus omnino rebus possumus dicere; cur non etiam de omnibus bene dicere? hoc est, & scienter, & compositè, & ornate, & copiose dicere. Haec est autem illa vera, illa perfecta, illa omnibus numeris absoluta eloquentia: qua qui praeditus sit, eum nos dicimus nullius expertem esse ornamentis; sed omnium rerum magnarum, omniumque artium ingenuarum scientiam tenere, atque, ut uno omnia verbo complectamur, compotem eum esse sapientiae. Quis apud Homerum eloquentior Nestore? cuius ex lingua melle dulcior fluebat oratio. Nemo etiam quisquam apud Homerum Nestore sapientior. Neque frustra rex ille regum Agamemnon optabat, ut Nestoris similes decem haberet. Quod si ei contigisset, minime dubitabat, quin brevi Trojam esset expugnaturus. Quis eloquentior Platone? quem sic uberem ac copiosum in dicendo fuisse ajunt, ut, si Graece Iuppiter loqueretur, Platonis instar locuturus fuisset. Fuit ille etiam sapientissimus; neque immerito ipse habitus fuit quasi quidam Deus philosophorum. Quis in dicendo praestantior Aristotele? qui etiam eloquentissimis viris visus est flumen fundere aureum orationis. Certe quidem Aristotele nemo quisquam fuit, qui plura arti Rhetoricae ornamenta atque adjumenta subministraret. At enim tantus hic rhetor, fuit etiam summus philosophus, quem propter sapientiam junctam eloquentiae, Philippus Macedo Alexandro filio doctorem accivit. Quis etiam in eloquendo diviniore Theophrasto? qui a divinitate loquendi Theophrastus est appellatus. Fuit & ipse magnus philosophus, ac propemodum divinus, quem philosophiae, doctrinarumque omnium studia tanto ardore persecutum esse ferunt, ut vel moriens naturam acculaverit, quod cervis & cornicibus vitam diuturnam, hominibus exiguum dedisset: quorum si vi-

ta esset longinquior, omnibus perfectis artibus, omni doctrina facile erudiretur. Quid plerosque alios, de Graecis potissimum, commemorem, quo eloquentiores, eo etiam ab omnibus iis artibus, quae sunt libero homine dignae, atque a sapientia instructiores? Quid Periclem illum Atheniensem, tanta virum eloquentia, ut fulgurare, ut tonare, ut permiscere Graeciam diceretur? cum maximarum rerum scientia imbuerat physicus ille Anaxagoras. Quid Hippiam illum Eleum, virum, quam qui maxime eloquentem? quem fama est quinquennali Olympiacorum ludorum celebritate summam illam suam in omni rerum genere eloquentiam cunctae paene Graeciae audienti, maxima hominum admiratione, ambrosius venditasse. Ille Geometriam, Musicam, Grammaticam, Poeticam, Physicam, Ethicam, Politicam, artes omnes omnesque doctrinas perdidicerat. Quid Gorgiam illum Leontinum, quem primum memoriae proditum est in conventu poposcisse, qua de re quis vellet audire? omnium ille rerum atque artium scientiam fuerat consecutus. Quid Xenophontem, cujus voce Masae quasi locutas crediderunt? permultum ille in Socratica philosophia profecerat. Quid patrem illum eloquentiae Isocratem, cujus aemulatione motum fuisse Aristotelem ferunt, ut rerum cognitionem cum orationis exercitatione conjungeret. Nihil sane videtur Isocrati de maximarum rerum scientia abfuisse, de quo adhuc adolescente extat in Phaedro Platonis gravissimum iudicium Socratis, viri multo omnium sapientissimi, iam tum in hominis illius mente notam philosophiae quandam minime obscuram fuisse. Quid principem illum Oratorum atque eloquentiae Demosthenem, ad quem audiendum, propter summam vim dicendi, concursus ex tota Graecia fieri solicos tradiderunt? Platonem Demosthenes frequenter audisse, plurimum etiam lectitavisse dicitur. Quid? Dies me deficiat, Auditores, si ma-

magnos illos Graeciae Oratores velim singulos enumerare, qui non tam ab eloquentia, quam a doctrina & sapientia, ex qua ipsa eorundem eloquentia exitit, percelebrantur, Thrasymachum Chalcedonium, Protagoram Abderitam, Prodicum Chium, Lyfiam, Aeschinem, Hyperidem, Demetrium Phalereum; alios illos bene multos, ac propemodum innumeros principes eloquentiae, quos ex Isocratis ludo, tanquam ex equo Trojano heroes, prodiiſſe memorant? Quid ſi enumerare etiam velim Latinos? Lucium Crasſum (mitto enim Marcum illum Catonem Cenſorium, Oratorem, ut priſcis illis temporibus, ſatis bonum, atque eloquentem) Marcum Antonium, Q. Scaevolam, Q. Catulum, Publ. Sulpicium, C. Cottam, Q. Hortenſium, Cajum Licinium Calvum, C. Iulium Caſſarem, M. Brutum, ceteros Oratores Romanos, literis ac doctrina non minus claros, quam eloquentia, quos in Bruto ſuo (quid enim & poſteriorum temporum Oratores referam?) acerrimo iudicio perſequitur, ac recenſet M. Tullius, ipſumque Marcum Tullium Ciceronem. Quem, Deus bone, Oratorem nomino, cum Ciceronem nomino! cujus nomen non hominis jam nomen eſt, ſed eloquentiae, ut in uno jam Cicerone, tanquam in perfectio quodam eloquentiae exemplo, conqueſcendum nobis tandem eſſe videatur. Quis enim in dicendo perfectior Cicerone? quo, tanquam regula, progreſſus in eloquentia ſuos metiantur, opus eſt, quicunque eloquentiae ſtudia exercent. At enim Cicerone quis etiam, ſapientior? quis reconditis interioribuſque literis eruditior? quis in omni optimarum diſciplinarum genere verſatior? qui ſeſe totum ad ſapientiam applicaverat; qui, quum a Q. Scaevola jus civile didiciſſet, principi Academiae Philoni totum ſeſe in philoſophia erudiendum tradiderat; qui ſub Stoico Diodoro ſeſe in Dialectica ſtudioſiſſime exercuerat, variuſque ejus philoſo-

sophi liberalissimis artibus atque multis plurimum operae dederat; qui omnia, quae ad sapientiam atque ad variam eruditionem pertinerent, quaesiverat, audierat, legerat, disputaverat; qui, quum celebre jam nomen esset in foro adeptus, Athenas profectus, studium philosophiae, a prima adolescentia cultum, & semper auctum, auctore ibi, & doctore Antiocho, veteris Academiae nobili in primis philosopho, renovaverat. Proh, Deus immortalis! tanti ne fuit Ciceroni, eloquentem fieri, ut, eloquentiae comparandae causa, nullum non doctrinarum genus inquireret, nullam non philosophiae partem summo studio prosequeretur, totamque etiam Asiam eo consilio peragraret, ut doctissimorum virorum praeceptionibus eloquentiam suam corroboraret atque perficeret? Tanti profecto fuit, Auditores. Neque enim, nisi Cicero maximarum rerum & pulcherrimarum copia pectus suam onerasset, nisi philosophiam, matrem illam omnium non modo bene factorum, verum etiam bene dictorum, impensius excoluisset, nisi exquisitioribus iis litteris, ex quibus, tanquam ex fonte, manat perfecta eloquentia, diligentius studuisset, nunquam (mihi credite, Auditores) ad tantam illam, tamque admirabilem ac divinam eloquentiam pervenisset. Quod sicut mirabile videtur, scientiam rerum tantam, quantam ad perfectam eloquentiam requirimus, in mentem unius hominis posse unquam cadere; illud vero multo est mirabilius, posse unum aliquem, qui non omnia illa sciat, tamen de illis omnibus, perinde quasi ea omnia apprime sciat, & ornatissime & copiosissime dicere, quod est proprium perfecti Oratoris. Et quid tandem aliud esse causae putatis, quamobrem perfecti Oratores tam pauci ex omni hominum memoria reperiantur, nisi quia eloquentia, ut bene agebat Tullius, majus est quiddam, quam homines opinantur, & pluribus ex artibus studiisque col-

le.

lectum. Id autem quum sit multo omnium difficillimum, nimirum unum hominem in hac nostra vita tam brevi, & occupationibus tam districta, scientiae cogitatione omnia comprehendere, quae oratione varie copioseque illustrentur; quid mirandum, si, quum in omni alio disciplinarum genere permulti homines perfecti floruerint; tamen in hoc genere eloquentiae perpauci, atque adeo paucissimi, perfecti summiq; homines excelluerint? Quod argumentum, per sese satis amplum atque magnificum, altius multo atque excelcius exaggerat Marcus Tullius. Summi enim viri omni-que fere ex parte perfecti, per Deum immortalem, quam multi in Dialectica omnique philosophia! quam multi in Geometria, reliquisque Mathematicis disciplinis! quam multi in re medica, in jure civili, in quibusque aliis optimis artibus ac doctrinis! Quotus vero quisque est in tanto disertorum numero, atque in tanta discentium multitudine, qui eloquentiam omnibus suis partibus ac numeris expleverit, atque absolverit, Orator? paucissimi equidem sunt ex omni doctissimorum hominum numero, atque ex omni temporum memoria, perfecti Oratores, unus fortasse aut alter; &, si per vos licet, Auditores, ego etiam dixerim, perfectum Oratorem neminem adhuc unum extitisse. Quid, an non illi eloquentes, an non illi Oratores perfecti, qui tamen sunt a me in eloquentissimis totius antiquitatis hominibus adnumerati, Graecae Latinaeque eloquentiae, ut ii quidem videntur, principes atque auditores? Absit verbo invidia, Auditores. Nemo illorum unus satis eloquens, nemo prorsus perfectus & absolutus Orator. Etsi enim viros eos dixi eloquentissimos, eosque vobis, adolescentes, tanquam absolutum quoddam perfectae eloquentiae exemplum, ad imitandum proposui, ipsorumque ego eloquentiam summis ad caelum laudibus extuli; tamen aperte cum Quintiliano pa-
lam.

lamque profiteor, me ita ex vulgi consuetudine esse locutum, ut cum hominem quendam sapientissimum atque prudentissimum prædicamus: cui tamen multum deest ad sapientiam, multum ad prudentiam. Nam si dicta mihi mea ad fidem atque ad regulam exigenda sunt veritatis; sunt illi quidem, quos, eloquentiae causa, nominabam, tolerabiles ac boni etiam plerique Oratores: sed tamen longe iidem absunt ab eloquentia. Quid? an non eloquens Demosthenes? an non eloquens M. Tullius? quorum alter Atticam eloquentiam usque eo corroboravit, ut Athenae nunquam antea visae fuerint eloquentiores; alter Latinam eloquentiam genuisse etiam in urbe Roma dictus est, nedum corroborasse. Quod bona venia vestra dictum sit, Auditores, ne Demosthenes quidem satis mihi eloquens, neque vero Marcus Tullius. Sint magni illi viri, quantum vultis, ac prorsus admirabiles (quis enim neget?) in dicendo: tantum illi studio atque industria in eloquentia profecerint, quantum nemo adhuc quisquam mortalium: tales denique sese illi ad eloquentiam duces ac magistros prae-buerint, quales studiosus quisque eloquentiae certissime aemuletur. Esto. Quid tum? an ne idcirco perfectus Orator Demosthenes, qui ob dura quaedam atque intolerabilia verba valde reprehensus fuit, atque exagritus ab Aeschine, qui neque Ciceroni satisfacit, nec temper aures ejus implet; qui ut unus inter ceteros in omni genere dicendi emineat; tamen secundus videri possit a Cicerone. Quid enim si Tullium, quod mihi semper visum fuit, quadamtenus praeferam Demostheni? Eloquentior enim quam mihi Orator quisque, quo sapientior esse videatur, atque eloquentiam sapientia metiendam putem; sic autem Cicero Platonem in Philosophia aemulatus fuerit, ut Platonis ubique sapientiam adaequaverit; cur, quantum divinus ille Philosophus Plato videtur sapientia Demostheni praestitisse, non ego tantum

rum Ciceronem Demostheni eloquentia anteponam ? Quid si igitur in comparatione hac Demosthenis ac Ciceronis, gravissimorum quorundam scriptorum iudicio me audacter opponam ? quid si Tullium praeferam ? Nonne, quod Tullius eloquentior Demosthene fuerit, Oratorumque etiam princeps fuerit iudicatus, ideo etiam videri possit veram illam & absolutam eloquentiam, quam nos tamdiu, & tam anxie quaerimus, obtinuisse ? Non ego equidem puto, Auditores, neque ita olim putarunt reprehensores illi Ciceronis, Brutus ac Calvus, & Asinius uterque Pollio, neque, quod maximi momenti est, ipse de semet ita putavit magnus alioquin aestimator sui, Marcus Tullius; qui quum celeberrimus jam Orator evasisset, atque in causis agendis satis esset versatus; tamen Moloni Rhodio, actori optimo causarum, castigandum sese ac retractandum tradere non dubitavit, ut suam illam nimiam redundantiam, quantum posset, coerceret. Videbat enim Tullius, quam longe ipse distaret a forma illa eloquentiae, quam animo comprehenderat, neque adhuc tamen assecutus fuerat. Quod si redundans illa & nimia eloquentia fraudi in primis fuit maximo illi Oratorum Ciceroni, ne veram & absolutam eloquentiam consequeretur (nunquam enim satis nimium illud eloquentiae suae reprimere potuit. ac coercere) quid illis nunc fiet sequioris corruptionisque aetatis Oratoribus, qui luxuriam quoque, si Deo placet, diffluentis otiosa quadam loquacitate orationis laudi sibi esse ducunt, atque ornamento, quique nervos omnes industriae suae in eo contendunt, ut vel Cicerone redundantiores atque abundantiores ipsi esse videantur ? Quorum sane e mentita eloquentia decepti saepe adolescentes, sic eos, tanquam deos quosdam eloquentiae, colunt, ac venerantur, ut jam Ciceronem arroganter superbeque fastidiant, neque Ciceronem sibi displicere, certe non satis placere, fateri erubescant. Vi-

detur enim iis Cicero, prae Oratorum istorum suorum copia videlicet atque ubertate, nimis pressus, paeneque aridus atque jejunos: cui tamen veteres, meliores, ut fallor, dicendi auctores atque magistri, nihil adiaci posse censuerunt. Eant phalerati isti, & plusquam Asiatici Oratores. Eant, qui verborum phaleras, non succum, neque medullam orationis, studiose persequuntur. Eant, qui eo jam eloquentiae scilicet adspirant, ut iis Cicero minus placeat. Mihi contra placet Demosthenes, perplacet Tullius. Sed ita tamen uterque placet, ut neutri sane illorum summam perfectamque eloquentiam concedendam esse existimem; sed tantam, quantam nemo adhuc unus ex omni hominum genere, atque ex omni vetustatis memoria, sibi comparavit. Quid ego autem de memet dicam, qui tam longe, quam qui maxime, non dico, a summa, sed & a mediocri, atque adeo a tenui, vel etiam qualicunque, absom eloquentia? Non equidem me vel utcunque eloquentem dixerim, quod ut falsum, ita esset hominis arrogantissimi, atque impudentissimi; sed amatorem duntaxat eloquentiae. Sentio, me vehementer rapi amore pulcherimae illius formae & elegantissimae, quam imaginem perfectam sui in animo meo impressit vera perfectaque eloquentia. Summae hujus speciei, quae mihi semper ab ineunte rationis usu obversata est, & ad quam omni virium contentione adnitendum mihi esse duxi, ne compos unquam fierem, in tanta rerum mearum ac fortunae varietate, tanta praesertim ingenii mei imbecillitate, id ipsum, quod ceteris, sed mihi multo omnium vehementissime, obstitit, rei nempe ipsius incredibilis magnitudo. Est enim res omnium maxima, atque adeo difficillima, vacuum unum aliquem esse prorsus ab omni vitio orationis, eumque omni oratoriae virtutis laude esse plene cumulatam, quod vera consummataque eloquentia requirit. Iam vero quis non videat, quae

quae singula sunt permagna, ex iis universis constare veram hanc, quam dicimus, eloquentiam, idque praecipuum, maximeque proprium esse eloquentis, ut, quae propria sunt atque singularia aliarum omnium doctrinarum, ea sibi adferat universa? quum tamen aliae omnes doctrinae ipsae per sese existere possint sine eloquentia. Potest esse quis grammaticus, dialecticus, philosophus, juris peritus, quin sit eloquens. Rem omnem medicam ut quis calleat, minime omnium necessaria est eloquentia. Geometra ut unus aliquis sit, ut musicus, ut reliquarum omnium disciplinarum mathematicarum peritus, non opus certe habet eloquentia. Potest quis etiam consummatus esse atque perfectus in rerum divinarum cognitione, quam Theologiam vocamus, qui sit idem ab eloquentia destitutus. Denique ut sit sapiens, non valde indiget eloquentiae. Tamen nemo unus potest esse eloquens, nec gravi illo Oratoris nomine dignus videri, quin sit idem & bonus grammaticus, & acutus dialecticus, & praestans philosophus, & legum atque juris apprime peritus; quin sit idem in musica atque in erudito mathematicorum pulvere egregie versatus; quia medicorum praecepta, omnemque medendi rationem idem ipse teneat; quin Theologiam, omnemque bonarum artium scientiam, omnem denique ipse sibi sapientiam acquisiverit: eo quia nimirum ex omni istarum omnium rerum cognitione exsurgat, atque efflorescat oportet oratio. Quibus omnibus, ut dixi, accedere debent ornamenta quamplurima oratoriae elocutionis: ut ornate nimirum & copiose, & ad rem quamlibet accommodate, & cum audientium etiam admiratione, singula exponat. O veram hanc, o perfectam eloquentiam! quam ut pro dignitate quis laudet, ipsam illam, quam laudat, adhibere debet eloquentiam. Sed quid ego plura de eloquentia? Hoc ipsum, quod difficultatem tantam eloquentiae adipiscendae exaggero, tan-

tamque vim doctrinae uno Oratoris officio comprehendo, quale demum est, ac quantum, Auditores! Tale est profecto, ac tantum, ut neque ad naturam atque ad dignitatem eloquentiae demonstrandam quidquam majus atque magnificentius, neque ad honestissimorum adolescentium animos amore omnium doctrinarum, in primisque eloquentiae, inflammandos quidquam acrius atque vehementius asferri a me potuisse videatur. Tantum enim abest, adolescentes, ut difficultate hac eloquentiae, quam summam esse ostendi, studia vestra, vel retardari, vel quasi desperatione vel minimum debilitari posse suspicer, certissima ut mihi spes injiciatur, fore, ut, quo difficilior eloquentia est, atque altior, eo majori ardentiorque incitatione, ad omnes bonas artes, sine quibus ea esse nequit, contendatis. Quid enim non sperandum de ingenii vestris, quae sunt a natura praestantissima, atque ad omnem rerum omnium maximarum ac nobilissimarum scientiam adipiscendam unice comparata? praesertim quum tot tantaeque studiorum hic vobis atque doctrinarum commoditates superant, quot quantaeque studiotus quisque sapientiae adolescens optare maxime potuisset: quae tamen veteribus illis, summis atque ardentissimis amatoribus sapientiae, maximam partem defuerunt. Non enim vobis, ut Pythagorae, Platonique ac Democrito, propter discendi cupiditatem, longinquae sunt terrae obundae; non Asia vobis tota peragrandae, ut Tullio; non vobis, tanquam in Phalerico, ad fluctum declamare est necesse, ut Demostheni; non, ad doctorem audiendum, ut Euclidi illi Megarico, vitae vobis pericula adeunda: Hic, hic, adolescentes, theatrum vobis amplissimum parer omnium disciplinarum; hic in Pisano Lyceo seminarium vobis virtutis atque eruditionis constitutum; hic sedem ac domicilium vobis suum sapientia ipsa collocavit. Hic Dialectica, hic Physica
uni-

universa Philosophia, hic Medicina, hic Iurisprudentia, hic Mathematicae disciplinae, hic Theologia, hic Eloquentia, hic bonae omnes artes atque doctrinae in summo otio, rerumque omnium tranquillitate sese ultro vobis offerunt, amplissimaque etiam vobis praemia, si ea receperitis, pollicentur. Etsi vero, pro sapientiae ipsius magnitudine atque immensitate, artes hae omnes liberales in suas veluti classes partitae sunt ac distributae; tamen, qui eas hic artes profitentur, summi & doctissimi viri, collegae mei humanissimi, ita pro se quisque profitentur, ut etiam universas singuli complectantur. Unde enim, ne longius abeamus, nisi ex hac ista rerum omnium cognitione, variaque eruditione, ac litteratura fieri creditis, ut magistri vestri abstrusiora quaeque atque difficiliora altissimarum doctrinarum tam Latine vobis edisserant, tamque eloquenter? Unde, inquam, nisi ex ea, quam dixi, omnis generis eruditione ac doctrina, sit, adolescentes, ut hic, quasi in regno, Latinae linguae elegantia, Latinaque eloquentia dominantur? Ut mehercule, quod ad linguam Latinam attinet, liceat jam vobis de magistris vestris dicere, quod de C. Iulio Caesare Articus ille Tullianus, eos, ut Latine loquantur elegantissime, multis litteris, iisque reconditis & exquisitis, esse consecuros. Ut hinc etiam de eloquentia facile appareat, quia magistri vestri sapientia omnique rerum scientia excellunt, ideo eos florere ac praestare eloquentia. Magistros hos vestros, viros amplissimos, eorumque admirandam plane doctrinam, atque eloquentiam, intuemini. Oratorem ego vobis non ex rhetorum officinis, sed ex mediis magistrorum vestrorum scholis, atque ex intimis eorum doctrinis, deprompsi. Eorumdem vobis exemplo, bonae omnes artes doctrinaeque addiscendae, ut ad veram illam perfectamque eloquentiam, quae ex omnibus simul doctrinis mirum in modum coalescit, quam proxime poteritis, accedatis.


THE
JOURNAL OF THE
ROYAL ANTHROPOLOGICAL INSTITUTE

Volume 10, Part 1, 1880
Published by the Royal Society of London
Printed by W. Clowes and Sons, London

CONTENTS
The Human Skeleton, by J. H. R. Murray
The Human Skull, by J. H. R. Murray
The Human Brain, by J. H. R. Murray

The Human Heart, by J. H. R. Murray
The Human Lungs, by J. H. R. Murray
The Human Liver, by J. H. R. Murray

Z E N O B I O . R I C C I O
P A T R I C I O . F L O R E N T I N O
P E T R I . F R A N C I S C I . R I C C I . S E N A T O R I S
F R A T R I
O R D I N I S . H I E R O S O L Y M I T A N I . E Q V I T I
C O M M E N D A T A R I O
S P L E N D I D I S S I M O
C A E S A R I . A . C V B I C V L O
A C A D E M I A E . P I S A N A E . A . S E C R E T I S
V I R O . O M N I . V I R T V T E
P R A E S T A N T I S S I M O
A L E X A N D E R . P O L I T V S
O R A T I O N E M . S V A M . T E R T I A M
A D . A C A D E M I A M . P I S A N A M
D E . L I T T E R I S . H V M A N I O R I B V S
O B . E G R E G I A . E I V S
I N . A C A D E M I A M . P I S A N A M
A T Q V E . I N . L I T T E R A S
M E R I T A
A D . M E M O R I A M . P E R P E T V I . N O M I N I S
D . D . D .



ORATIO IV.

DE LITTERIS HUMANIORIBUS.

SI usquam alibi, quam Pisis, aut certe apud alios, quam apud vosmet, Patres Sapientissimi, ceterique Auditores ornatissimi, de studiis litterarum atque humanitatis paullo liberius atque audacius verba hodierno die essem facturus: verendum mihi valde esset, ne, aut hujusce ipsius diei, quem studiis doctrinarum omnium instaurandis solemnem atque legitimum majores nostri statuerunt, rationem minus habere, aut litteris ipsis humanioribus plus aequo quidquam concedere, aut de maximarum nobilissimarumque disciplinarum dignitate nonnihil imprudenter detrahere, oratio mea videretur. Verum cum dicere me cogito Pisis, in urbe parente atque altrice studiorum humanitatis, in Gymnasio hoc celeberrimo totius eruditionis atque doctrinae, hic praesertim apud vos homines humanissimos, hoc est, studiorum omnium humanitatis peritissimos atque scientissimos; quid reformidem aspice hoc studiorum nostrorum die de litterarum humaniorum laudibus dicere, atque ita dicere, ut nihil neque ad diei hujus celebritatem magnificentius, neque ad loci hujus amplitudinem accommodatius, neque ad humaniorum litterarum atque adeo universae doctrinae dignitatem augustius, possim unquam dicere? Artes enim doctrinaeque universae quum ita inter sese partitae sint atque distributae, suis ut quaeque terminis ac limi-

K

ti-

tibus coerceatur: quid majus atque excellentius, quam studium unum quoddam reperiri, quod nullis ipsum finibus circumscriptum, cetera omnia doctrinarum genera complectatur atque includat? Hujusmodi autem studium est humanitatis. Quare, quod de summa eloquentia affirmabat Tullius, sic apud vos de hoc studio humanitatis statuite, Auditores, rem nullam esse apud homines, quae plura doctrinae adjumenta desideret; ut hinc quilibet vestrum facile intelligat, me de litteris humanioribus, non quid in iis ego valeam, qui certe in iis minimum valeo, disputaturum; sed quid, & quantum in omni doctrina valere is debeat, qui humanitatis studium profitetur. Dabo namque pro munere meo operam, ut, quam potero, brevissime ostendam, litteris hisce humanioribus omnem eruditionem, omnemque rerum omnium maximarum atque doctrinarum scientiam contineri.

Neque vero, cum litteras dicimus humaniores, velim, Auditores, leve quidquam cogitetis, quod ad puerilem duntaxat institutionem, atque exercitationem pertineat, quod nimirum in Grammaticis quibusdam & Rhetoricis Poeticisque praeceptis, qualia fere magistri quique de trivio adolescentulis tradunt, totum positum sit atque collocatum. An non multo plane majora atque altiora profitetur illa ipsa, quae a litteris docendis litteratura, seu Grammatica appellatur? Nolite autem existimare, studium hoc humanitatis, quod varium est atque multiplex, & in interioribus reconditisque quibusque litteris versatur, ideoque humanitatis dicitur, quia maxime omnium studiorum hominem expolit eruditque atque exornat, studium hoc, inquam, humanitatis, terminis aliquanto fortasse angustioribus, atque brevioribus, quam Grammaticen ipsam, defini-ri. Iam vero quam late patet Grammatica, quamque multas per artes & disciplinas pervadit! ars illa qui-
dem

dem primo adſpectu ſatis tenuis atque jejuna; ſed quae revera, ſi quis in eam ſeſe artem penitus inſinuet, copiis jam omnibus variae eruditionis circumfluit, omniumque propemodum maximarum rerum ſcientiam complectatur. Quis enim hiſtoricos, quis poetas enarrat atque interpretatur? Grammaticus. Quis medicos, quis jurisconſultos, quis philoſophos exponit atque illuſtrat? Grammaticus. Quis theologos, quis omnis generis bonarumque omnium artium ſcriptores ediſſent atque explicat? Grammaticus. Quis etiam doctiſſimorum totius antiquitatis hominum ſcripta recenſet atque judicat, niſi Grammaticus? Nam & Grammaticorum eſt, idque eximium inprimis, & praeſtantiſſimum munus, judicium de ſcriptoribus ferre, & quae male atque perperam ſcripta ſunt, revocare ea ad cenſuram atque corrigere. Unde & ab alienis ſcriptis judicandis Critici iidem ſunt appellati: quorum etiam fuit, teſte ſane locupletiſſimo Quintiliano, non verſus modo cenſoria virgula notare, & libros, qui falſo inſcripti viderentur, familia ſubmovere, ſed & ipſos ſcriptores, alios in ordinem redigere, alios de numero eximere. Talia quaedam diligentiffime perſecutum fuiſſe opinor Telephum, Grammaticum illum Pergamenum, eo in libro, quo anquiſiviſſe eum tradunt, quot res ac quantas ſcire Grammaticum oporteret. Atque ille quidem multo fortasſe brevius rem totam expedire atque abſolvere poteſſet, ſi nempe dixiſſet, quae ſunt reliquarum omnium bonarum artium atque diſciplinarum, accuratam eorum exactamque noticiam Critico, ſeu Grammatico, ſummopere eſſe neceſſariam; niſi ſi quis ſorte velit, poſſe quenkum recte iis de rebus judicare, quas ignorat. Quod ſi probe quiſque teneat, opus eſt, ea, de quibus judicat, cur Grammatico huic atque Critico eam rerum ſcientiam minime concedamus, quae quidem certe ſcriptoribus iis concedi debet, in quos ſuum ille

judicium exercet? Itaque ad rectum atque integrum in omni studiorum liberalissimorum genere judicium, per noscenda est Grammatico totius antiquitatis historia. Quid dico historia? viam ut ille sibi ad perfectam eruditionem praepararet atque muniat, priscae etiam fabulae cognoscendae, terrarum atque locorum situs perdiscendi, ineunda jam inde ab orbe condito exacta temporum ratio, tenenda Dialectica, percipienda Geometria, reliquaeque disciplinae mathematicae, assumenda Musica, investiganda siderum ratio, comprehendenda mater omnium artium Philosophia, praecepta medicorum comparanda, perspiciendum jus Pontificium atque Civile, haurienda e Theologis rerum divinarum scientia. Quid plura? honestissimae omnes artes omnesque disciplinae quam fieri potest, diligentissime atque studiosissime adipiscendae. Et quid aliud fuisse in causa arbitramini, cur Grammatici iidemque Critici vocati a Graecis fuerint *πολιτροί*, quasi multa variaque scientia praediti, ut Alexander ille Cornelius, Grammaticus Milesius; iidemque etiam *πολυμαθής*, id est, pereruditi, ut Longinus ille criticus; quid, inquam, aliud in causa fuisse arbitramini, cur Grammatici, prae reliquis ceterarum omnium nobilissimarum professionum hominibus, a varia ipsi multaque doctrina appellarentur, nisi quia Grammaticorum praecipue fuit, omnem doctrinam, omnemque rerum maximam eruditionem profiteri? quum tamen ceteris omnibus artium liberalissimarum doctoribus satis superque esset, ea tantum in arte, atque disciplina, quam quisque profiteretur, excellere. Itaque ceteri omnes & nunc & olim ab iis duntaxat artibus celebrati, quas potissimum coluerunt; Grammaticus a multa eruditione atque doctrina. Quid enim, quaeso, a Dialectico requiras, nisi ut recte acutaeque concludat, veraque ac falsa dijudicet? Quid a Medico, nisi ut totam medendi rationem diligenter co-

gno-

gnoscat? Quid ab Iuriconsulto, nisi ut jus Civile atque Pontificium penitus perspiciat? Quid denique in singulis aliis optimis artibus atque disciplinis jure potestules atque exigas, nisi ut, quod cujusque professionis proprium est atque singulare, intra certos quosdam, suosque fines perfecte quis calleat? Contra vero a Grammatico, eodemque critico, quid est in omni doctrinarum genere tam reconditum, tam abstrusum, tamque ad judicandum difficile, quod jure tuo non deposcas? Quid enim in tanta rerum maximarum atque artium varietate jam inde ab ultima antiquitatis memoria ignorare ei per te licet, quem ad Poetas, ad Oratores, ad Philosophos, ad Mathematicos, ad Medicos, ad Iuriconsultos, ad Theologos, ad omnes omnis generis omniumque aetatum ac temporum scriptores intelligendos, non interpretem modo, sed etiam judicem adhibeas? Quale hoc & quantum munus Grammatici! quod tale profecto est ac tantum, ut, quod M. Tullius de domo iuriconsulti verissime affirmavit, oraculum eum esse totius civitatis, jure, neque minus vere, videar ego mihi posse de Grammatico dicere, oraculum eum esse totius eruditionis, atque doctriuae. Quid ni? quando, nisi a Grammaticis lumen accederet, pleraque adhuc, quaeque meliorum & praestantiorum scriptorum meliora fortasse atque praestantiora erant, in tenebris jacerent. Quis hic mihi in tot ac tantis, tamque immensis Grammaticae laudibus importunius obstrepat, ejusque Grammaticae dignitatem, atque amplitudinem tantam, quantam utique demonstrare conatus sum, ut sciam eo deprimendam atque abjiciendam putet, ut vocabulorum duntaxat, non autem interpretationem rerum Grammaticae concedendam esse contendat? quasi vero reliquarum liberalium artium sit res ipsas, Grammaticae vero sit, una solaque vocabula explicare atque interpretari. Unde & Grammatici, philologi, tanquam a sermonis & verborum studio, vocitentur. At enim
istud

istud ipsum ; quod levius atque tenuius videri possit ; quantae unquam scientiae memoriae est . quam idem operosum , quamque insuave per hanc rerum omnium universitatem diffusum , omnia omnium artium atque disciplinarum ; hoc est , rerum omnium , vocabula exacte ac perfecte intelligere ; eaque vocabula , varie quidem , pro varietate ipsarum artium atque disciplinarum ; sed & apte , atque ad rei cuiusque naturam accommodate , explanare atque exponere ! quod est plane publicum quandam & communem ludum omnibus artibus atque disciplinis aperire , ut de omnibus illae vocabulis , tum communibus , tum etiam cuiusque propriis , erudiantur . Quid etiam Grammaticam magistram artium atque disciplinarum ; e qua nisi bonae artes atque disciplinae verborum , antiquorum saepe atque obscurorum ; interpretationem addiscant , vel in rebus eae majoris momenti caecutiant fere , necesse est , atque halucinentur ! Deus immortalis ! Unde , nisi a Grammatica , patefactam atque ostensam habet Iurisprudencia significationem verborum , ex qua Iurisconsulti de rerum ipsarum significatione erudirentur , & de iure & aequo iidem responderent ? Nam Lateonem quidem Antistium Iurisconsultum memorant vetus jus civile vocibus verbisque interpretandis totum enucleasse . Unde nisi a Grammatica , propria artis suae vocabula Medici cognoverunt ? ea quibus olim usus est Hippocrates , explicarunt Dioscorides ille Phacas & Erotianus : linguas etiam , quas vocant Hippocratis , Herophilus & Becchius & Galenus exposuerunt . Unde , nisi a Grammatica , oratores atque poetae sua sibi vocabula didicerunt ? ea , quae oratores & optimi quique scriptores usurpassent , interpretatus est Eudemus ; quae oratores decem Graeciae , Iulianus , Philostratus Tyrius , Diodorus & Harpocratio ; quae historici , Parthenius ; quae summi ac celeberrimi Poetarum , Helladius . Ne dicam

de

de Philoxeno, qui linguas Homeri, de Longino, qui ambiguas voces Homeri, de Epithersē illo Nicaeno, qui Comicorum atque Tragicorum verba, de Evagora, qui Thucydidis vocabula difficiliora atque obscuriora illustravit. Unde, nisi a Grammatica, patet in philosophia verborum usus atque explicatio? Fuit in philosophia Plato propemodum divinus: cujus instar Iovem locuturum fuisse dictitarunt, Graece si locuturus fuisset. Platonis verba Timaeus & Boethus explanarunt. Quid Dialecticam memorem? quid Geometriam? quid reliquas disciplinas Mathematicas, quae, nisi verborum suorum interpretationem a Grammatica mutuenter, nihil fere rerum suarum intelligant? Quid denique Theologiam; quae summa est atque altissima rerum scientia divinarum? Unde etiam, nisi a Grammatica, a peno illo omnis eruditionis locupletissimo, suppetit unquam Theologis, hominibus plane divinis, vocum illarum divinarum interpretatio? Vos appello, Patres Christiani, vos, maximi atque sanctissimi Sacerdotes, quorum est de rebus divinis, religionisque jure judicium. Nonne vos, tanta homines religione atque sapientia, quum religio ipsa ageretur, consulere saepe Grammaticam oportuit, atque ex Grammaticae ipsius interpretatione, ad certissimam illam testimoniorum atque auctoritatum divinarum regulam, de maximis gravissimisque omnium controversiis decidere? Istud vero quam mirabile, atque ad Grammaticam commendandam quam praeclarum, ex unius alicujus vocolae explicatione summa aliquando sententiarum divinarum, atque adeo totius religionis, capita apte pependisse, & nisi Grammatica unius alicujus verbi interpretatio praeluxisset, vos religionem interpretari minime omnium potuisse. Obvia sunt cuique vestrum, Auditores, in sacris historiarum exempla, obvia ea vocabula, de quibus, tanquam proaris & fociis, in solemnibus Christianorum conventibus acer-

acerrime inter partes disputatum, obvia ea vocabulorum discrimina, quae, tanquam notae, quaedam veritatis divinae, sunt a sanctissimis illis doctissimisque Patribus, sapientissime ac divinitus excogitata, ut vera de rebus divinis sententia a falsa discerneretur. Quem enim vestrum, Auditores eruditissimi, fugiant gravissimae illae concertationes veterum Theologorum, quibus sacrosanctae nostrae religionis summa quasi in discrimen vocabatur: quum, maximo ii animorum ardore, inter sese disputarent, ac propemodum gladiarentur de verbis illis, *Ὁμοούσιος*, & *Ὁμοιούσιος*, quae quidem verba, ut minimum sono, hoc est, una tantum littera, inter sese differant; mirum tamen, quantum inter sese differant significatu! quippe quum horum verborum altero unigena ille Dei Filius unius ejusdemque naturae confors cum Patre; altero natura Patri suo similis exprimeretur; itaque qui recte de Deo, & qui secus sentirent, his verbis, quasi tesseriis quibusdam, inter sese distinguerentur. Haec si vellem omnia in medium afferre, quem tandem oratio mea exitum inveniret? Sunt enim haec propemodum infinita: quae si attente vobiscum ac sedulo reputaveritis, idem vobis accidat, necesse est, quod iis, qui in patentissima camporum aequora, aut in vastissimorum marium immensitates oculorum aciem longissime intendunt; qui nullum sane videndi finem reperiunt. Sic enim & in spatiis huic immensis atque infinitis universi orbis artium atque disciplinarum, rerumque omnium tum humanarum, tum etiam divinarum, quoquo versus mentis vestrae oculos converteritis, nullos jam Grammaticae constitutos fines comperietis, extra quos illa interpretationem vocabulorum suam una cum rebus ipsis non proferat. Sed quid ego Grammaticae vocabula duntaxat interpretanda, & non res ipsas, quarum cognitione humana eruditio atque doctrina perficitur, penitus percipiendas concedam?

Ne.

Neque enim una semper atque eadem est unius ejusdemque vocis interpretatio; sed, pro rerum atque artium diversitate, saepe etiam diversa. Anne igitur, quum vocabulorum interpretandorum munus totum ubique sit Grammaticae, existimabimus, in tanta rerum ac sententiarum varietate posse Grammaticam varie eandem vocem, atque ad id, quod agitur, congruenter interpretari, nisi res ipsas, de quibus agitur, optime cognoscat atque judicet? Res autem ipsas si cognoscit Grammatica, quarum vocabula intelligit atque interpretatur, quid ei unquam desit ad perfectam rerum omnium scientiam, quandoquidem nihil omnino est vocabulorum, quod illa non intelligat atque interprete-
 tur? Proh bone Deus! tantum ne scientiae atque eruditionis ars una habet, ut, quidquid unquam doctrinarum per ceteras omnes liberalissimas artes atque disciplinas dispersum est atque distributum, sciat ipsa cumulatissime, neque tantum sciat, sed & illis omnibus disciplinis ad totius eruditionis summam praeluceat? Atque hinc fit, Auditores, ut Grammatica non in una solumque verborum interpretatione consistat; sed rerum ipsarum explicationem muneris sui esse ducat, atque inscriptores omnis generis enarrandos praecipue incumbat. Hoc autem est, philologum agere, qualem se nominari voluit Atteius, non qui nimirum verbis, aut sermoni duntaxat studeat; sed qui, ut ille olim Eratosthenes, multiplici variaque doctrina censeatur. Quis enim scriptores aut poetas enarret, qui non simul & reconditiora quaeque atque interiora earum rerum, quae ab iis scriptoribus aut poetis pertractantur, diligenter examinet atque excutiat? Quis Aristotelem interprete-
 tur, qui non simul & doceat philosophiam, ut Grammaticus ille Philoponus? Quis Hippocratem illustret, qui non simul etiam medicinam, ut Grammaticus ille Nicander Colophonius? Quis Homerum, principem il-

lum & auctorem omnium doctrinarum, exponat, qui non simul & omnes doctrinas arque elegantias explicet, quae ab Homero ad ceteros poetas latissime manarunt, ut Grammaticus ille Didymus, & omnium ille grammaticorum facile eruditissimus, Eustathius? O igitur Grammaticam, non unam jam artium atque disciplinarum, sed artes doctrinasque universas uno grammaticae nomine atque officio comprehensas! O grammaticum, o literatum, o eundem & Dialecticum, & Geometram, & Musicum, & Mathematicum, & Philosophum, & Iurisconsultum, & Medicum, & Theologum! O & eundem ab omni maxime doctrina instructum! Quis enim jam vestrum non fateatur, quod docto alicui viro vere non minus, quam mirabiliter, visum fuit, minorem vos negotio Papinianos tres, quam Aristarchum unum, esse absoluturos? Age porro, quid si noster hic Aristarchus de metris ac rhythmis praecipiat, quam necessaria ei Musica! Quid si ad historiam scribendam semet conferat? quam debet idem esse in politicis versatus! Quid si ad mansuetiores sese musas referat, velitque praeterea Philosophiam, ad magnorum virorum exemplum, Empedoclis nimirum, Varonisque, & Lucretii, carminibus consignare? quam varie, & quam multis in rebus sit ille oportet eruditus! neque modo in Philosophia, astrorumque scientia, atque in omnibus artibus liberalissimis; verum etiam in fabulis! Quo etiam qualique afflatu furoris quasi divini concitari ille debet atque impelli, ut versus non tam Marte suo pangere, quam divinitus fundere videatur! Quid si det operam eloquentiae, ut unaquaque de re copiose dicat atque ornate? quanta ei sapientia atque doctrina opus est, sine qua perfecta eloquentia nullo modo esse potest! Quid si illud etiam, quod minimum in doctrinis videtur, diligentissime curet, ut, quam potest, elegantissime, loquatur Latine? istud ipsum, quod est Latine, hoc est, polite atque eleganter, loqui,

quî, Deus bone, quàm magnum est, quàm singulare, quàm paucorum hominûm, eorumque eruditissimorum! Fuit id M. Tullius, quem C. Julius Caesar, pænis principem copiae atque inventorem dixit. Fuit ipse, Caesaris, quem, ut omnium fere oratorum elegantissime loqueretur Latine, multis litteris, & iis quidem reconditis & exquisitis, consecutum fuisse, Tullius ipse affirmavit. Fuit etiâ, post restitutas, ac veluti renatas litteras, summorum virorum, qui tum alibi, tum etiam hic Pisis, in hac nostra Academia, in id potissimum incubuerunt, ut rerum maximarum scientiam cum sermonis Latini, omnisque doctrinae elegantia conjungerent. Quae igitur ars libero illa quidem homine digna, quae unquam disciplina, tam severa esse potest, immo vero tam a musis averfa, atque ab omni humanitate aliena, quae studiis hisce humanitatis non contineatur? Facebant, qui litteras hasce humaniores levius quiddam esse sentent, quam ut eae cum alioribus quibusdam majoribusque disciplinis ullo modo conferantur. Non capiunt inepti isti homines, bonarumque omnium litterarum rudes, quid tandem sit studium hoc, quod ipsi culpant atque contemnunt, humanitatis. Neque enim est, quale ipsi sibi cogitatione fingunt, nugatorium quiddam, aut puerile, quod in fabulis duntaxat poeticis, quisquissisque verborum, oblectandorum animorum causa, inutiliter occupetur. Quale fere fuisse studium Tiberii Caesaris traditur. O quaestiunculas illas Graeculorum, quas facere satis atque urbane irridere solitus erat Stoicus ille Seneca, quot secum remiges Ulysses habuisset, prior scripta ne esset Ilias, an Odyssæa! Apage has nugas, apage ineptissima haec studia distulentium otio hominum atque ignavissimorum. Non enim haec humanitatis mehercule studia, ex quibus homo nihilo humanior, hoc est, doctior atque eruditior, evadat. Illa, illa vere mihi studia humanitatis, quae in

univerſo ſtudioꝝ liberaliſſimorum orbe longe lateque patent ac dominantur. Illae, illae litterae plane humanae, quae quum artes omnes honeſtiſſimas, & majores quaeque diſciplinæ complectantur atque contineant, eam iis elegantiam, eumque ornatum, atque nitorem adjiciunt, ut litterae ipſae humaniores elegantioresque & politiones efficiantur. Illae, illae litterae humaniores, quas niſi ſibi comites ſeu miniſtras unaquaeque altiſſimarum nobiliſſimarumque diſciplinarum aſſumpſerit, deſormare ipſa nativam pulchritudinem ſuam, ac veluti in ſermonis ſordibus volutari videatur. Quid divinius Theologia, quae ſapientia eſt admirabilis rerum divinarum? Quid auguſtius atque ſanctius Theologia, quae tota in ſummo ſanctiſſimoque Dei numine contemplan- do verſatur? Quid pulchrius Theologia, cui ſummum atque perfectiſſimum totius pulchritudinis exemplar ma- jori multo ſuperiorique luce, quam humani ingenii im- becillitas ſerat, ſpectandum atque conſiderandum pro- ponitur? Et tamen ſaeculis illis ſequioribus, cum, poſt humanae linguae non minus, quam Romani imperii, a Gothiſ vaſtita- tem, intermortuae litterae erant huma- niores, quae facies erat Theologiae, quam triſtis, quam horrida, quam agreſtis! Equidem, quum Theologorum quorundam, qui bene tunc atque acute ſcripſiſſe puta- bantur, volumina in manus ſumerem, miſerebat me tui, pulcherrima atque auguſtiſſima diſciplinarum, mi- ſerebat me tui, regina diſciplinarum Theologia, mei, qui libros illos legerem, pige- bat, valdeque etiam indignabar, quod homines non tam ſuo, quam tempo- rum illorum vitio, aliquanto barbariores, illotis te ma- nibus contrectare auſi fuiſſent. Adeo tute mihi, Theo- logia, in illis libris ſqualida, plenaque illuviei atque ſordium videbare. Quid praeclarius atque honeſtius Phi- loſophia, quae ſapientia eſt rerum humanarum, opti- marumque omniaꝝ artium procreatrix? tamen, huma-
nio-

rioribus litteris una cum lingua Latina misere collap-
sis, quid tætrius tunc Philosophia, quid deformius,
aut etiam portentosius? quum gymnasia omnia philo-
sophorum non nisi vocibus barbaris atque Gothicis per-
sonarent, & de nescio quibus verborum monstris ma-
gna quotidie concertatio fieret, &, qui Aristotelis sese
interpretes, si Deo placet, appellabant, ne primori-
bus quidem labris Aristotelicos fontes degustassent; sed
coenolos quosdam rivos, hoc est, translationem ex A-
rabica non Latinam; sed Arabica ipsa multo barbario-
rem, consecrarentur. Quid, ut nihil dicam de medici-
na, nihil de mathematicis, reliquisque honestissimis di-
sciplinis, quid, inquam nobilius atque elegantius juris-
prudentia, quae scientia est juris atque aequitatis? ta-
men, ante litteras humaniores renatas, quid foedius il-
lorum temporum jurisprudentia, quid contaminatius,
quid denique obscurius? quum qui juris semet sacer-
dotes jactabant, & boni & aequi notitiam profiteban-
tur, pleraque legum suarum minime omnium intelligen-
rent, pleraque etiam, quae Graece nimirum scripta
erant, ne legerent quidem, denique Ius Romanum non
Romane, sed Gothice, interpretarentur. Equidem de
me fateor, si qua in me est Latinae linguae Romana-
rumque rerum scientia, si qua forte elegantia sermonis
Latini, quae quam sit exigua, satis sentio; eam, qua-
lisunque ea demum est, memet sere ex quinquaginta
Digestorum libris assidue legendis hausisse, sicque men-
tem meam politissima illa veterum jurisconsultorum e-
legantia assuescisse, Cimmeriae ut mihi tenebrae offu-
sae in eorum scriptis esse viderentur, qui, corruptis jam
bonis artibus, de jure civili responsitassent. Tanta per
Deum immortalem scriptorum illorum erat barbaries.
Postea vero, quam litterae illae humaniores, impor-
tatae per Graecos homines Graecaeque litteras luce,
recreatae sunt apud nostros homines atque revixerunt,
quan-

quanta ego & quam incredibili earundem omnium disciplinarum, atque artium ingenuarum admiratione, ob-
 stupefcebam! quanta inde & quam mirifica voluptate
 afficiebar! quantum ego laetabar, suam Theologiae,
 suam Philosophiae, suam juris civilis prudentiae, suam
 reliquis omnibus praestantissimis artibus atque discipli-
 nis dignitatem atque elegantiam restitutam, qualem illae
 quidem certe jam inde a principio habuerunt, ante-
 quam nimirum bonae omnes litterae, linguaque ipsa La-
 tina, a Gothis & Vandalis miserandum in modum de-
 pravatae, ab humanitate sua in agrestem quandam &
 immanem barbariem degenerassent! Quis enim tunc,
 vel si superiora priscoe memoriae documenta alte, &
 tanquam a capite repetimus, quis tunc splendor, quae
 dignitas erat majorum quarumque graviorumque disci-
 plinarum, cum apud doctissimos quoque homines ma-
 xime vigeant studia humanitatis, &, quo quisque a
 doctrina instructor, eo etiam erat ab omni litterarum
 humaniorum elegantia polior atque ornatio? Nisi si
 quis forte nobis opponat magnam videlicet auctoritatem
 Epicuri, quem narrant litteras hasce elegantiores, ho-
 minumque eruditorum proprias, aspernatum fuisse. At
 enim Epicurus contempsit etiam Dialecticam: at non
 magnus in doctrinis fuit Epicurus, cujus etiam in Phy-
 sicis atque Ethicis doctrina tota fere fuit aliena, quip-
 pe in Physicis Democritea, in Ethicis potissimum
 Aristippea, Cyrenaica. Contra vero quos plane con-
 stat humaniorum litterarum studiis multo omnium libe-
 ralissimis praestitisse, non ne eosdem fatendum est in
 omni quoque doctrinarum genere maxime omnium ve-
 terum excelluisse? Quis enim sapientior Platone, phi-
 losopho gravissimo, omniumque principe philosopho-
 rum? quis etiam Platone in grammatica, in oratoria,
 in poetica, in omni elegantiori litteratura exercitior?

Quis

Quis doctior Aristotele, principe & ipso secundum Platonem philosophorum? quis etiam Aristotele ab humanioribus literis cultior, quem ajunt Iliadem Homericae Alexandro Macedoni emendasse, initiumque atque exemplum Criticae arti dedisse? Quis non in philosophia modo, sed etiam in medicina peritior Galeno? quis etiam Galeno in grammaticis & rhetoricis, ceterisque humanitatis studiis versatior? Quis apud Latinos omni doctrina excellentior Tullio? quis etiam Tullio melior Orator, meliorque Grammaticus, qui, ut nec poeta fuit contemnendus, ita & nobilem in primis poetam Lucretium correxit? Quid & alios dicam, summos plane viros, atque ut in omni recto humanitatis studio versatissimos, ita & facile doctissimos. totius antiquitatis? Quid etiam clarissima illa atque immortalia religionis nostrae lumina, sapientissimos illos divinitatis interpretes, Clementem Alexandrinum, Origenem, Basilium, Gregorium illum Nazianzenum, Chrysostomum, Lactantium, Hieronymum, Augustinum, qui quum omni humanitate atque eruditione essent perpoliti, ad res quoque divinas omni doctrinarum genere illustrandas plurimum subsidii atque adjumenti contulerunt? Anne vero Iulianum Caesarem, infestissimum illum Christianorum hostem, & transfugam consceleratissimum, humanioribus Graecorum literis, poetarumque lectione ideo Christianis pueris interdixisse putabimus, ut ne scilicet, quem rudes atque imperiti homines unum solumque fructum ex amoenioribus illis disciplinis percipi opinantur, inaniter Christiani, & pueriliter cum Musis delectarentur? Nihil minus, Auditores. Neque enim ea Iulianus Christianis oblectamenta inviderebat, quae mollius eos afficerent, atque demulcerent. sed peripicaci homo ingenio, bonisque artibus satis eruditus, quum studia illa humanitatis in omni maximam rerum scientia versari, & literis illis humaniori-

bus

bus liberales omnes disciplinas, omnesque doctrinas contineri pervideret; id erectum Christianis volebat, quo illi suas de Deo sententias confirmarent, atque tuerentur; gentium vero theologiam refellerent. Nimirum sentiebas, reque ipsa experiebare, Iuliane, in hostibus illis tuis, hominibus litteratis atque Christianis, in Gregorio illo Nazianzeno, in Basilio illo Caesariensi, in Apollinari illo Laodiceno, quid & quantum Theologia Christianorum, hoc armata litterarum humanarum praesidio, contra theologiam gentium valeret. Quid igitur tandem miremur, si decora illa atque ornamenta veteris doctrinae, quae, corruptis bonis litteris, damnum maximum fecerant, iisdem recreatis atque restitutis, nihilo fortasse deteriora, quam quae olim fuerant revixerunt. Revixit Theologia, revixit juris civilis prudentia, revixit medicina, revixit philosophia, revixit dialectica, revixit geometria, omnes denique artes honestissimae, omnes liberalissimae disciplinae dignitatem atque amplitudinem pristinam tuam recuperarunt. Ergo, quum beneficium hoc sit litterarum humaniorum, ut bonae artes atque disciplinae & olim viguerint, & nunc mirifice restoruerint, &, qui in studiis humanitatis maxime omnium sunt versati, iisdem etiam ceteris hominibus omni doctrina praestiterint; cur, optimi adolescentes, si amor vos tenet atque studium omnium doctrinarum; litteris hisce humanioribus, quibus doctrinae omnes continentur, penitus vos dedere dubitetis? cur enim, quum artes omnes liberalissimae cognatae inter sese sint, & communi quasi vinculo conjunctae atque copulatae, segregandas eas artes arbitremini, itaque ad unam, ad quam casus vos quidam detulerit, tanquam ad saxum, vobis adhaerescendum, ut ceteras quoque minime arripiendas censeatis? Videris, adolescentes, magistros hos vestros, viros doctissimos atque eruditissimos, pro suo quemque mu-

munere, ita in artibus atque in disciplinis tradendis ver-
fari, ut, si ipsae artes atque disciplinae loqui possent,
non melius, neque elegantius, neque nitidius, neque ma-
jori etiam cum dignitate, quam magistri vestri faciunt,
doctrinae vos atque eruditurae fuisse videantur. Fructus
hic est uberrimus atque copiosissimus studiorum litera-
lissimorum humanitatis. Itaque & vos, optimi adole-
scentes, si in dialectica, si in geometria, reliquisque
mathematicis disciplinis, si in philosophia, si in medi-
cina, si in jure civili atque pontificio, si in theologia,
si in singulis quique doctrinis perfecti satisque elegantes
esse volueritis, ad studia haec humanitatis contendite:
hoc est, omni ope & opera enitimini, atque effice, ut
universus in vobis doctrinarum disciplinarumque orbis
perficiatur: quando litteris hisce humanioribus omnes
doctrinae atque disciplinae uberrime atque elegantissime
comprehendantur.

PETRO. HIERONYMO. INGHIRAMIO

PATRICIO. VOLATERRANO
EQUITI. NOBILISSIMO
ATQVE. SPLENDIDISSIMO
ET. EQVESTRIS. ORDINIS. SVI
PRIORI. SACRI. EQVESTRIS. CONSILII
DVODECIMVIRO
VRBIS. PISANAE. PRAEFECTO
SVMMA. VIRO. DOCTRINA. ET. PROBITATE
ET. PIETATE
ET. IVSTITIA. ET. LIBERALITATE
OMNIQUE. VIRTUTE
OMNIBVS. PROBATISSIMO
AVCTA. SVB. EIVS. ADMINISTRATIONE
VRBIS. PISANAE
GLORIA. ATQVE. FELICITATE
ALEXANDER. POLITVS
ORATIONEM. SVAM. QVARTAM
AD. ACADEMIAM. PISANAM
DE. VNIVERSO. DISCIPLINARVM. ORBE
OB. MAXIMA. EIVS
ATQVE. IMMORTALIA. IN. REM. PISANAM
ET. LITTERAS. PROMERITA
AD. MEMORIAM. SEMPITERNAM
D. D. D.

THE
HISTORY
OF
THE
CITY
OF
NEW
YORK
FROM
1609
TO
1812
BY
JOHN
B. HOGGINS
NEW
YORK
1812

ORATIO V.

DE UNIVERSO DISCIPLINARUM ORBE.

Maxime vellem, Patres sapientissimi, ceterique auditores ornatissimi, ut, quod jam inde a suscepro amplissimo hoc humaniorum litterarum docendarum munere, mihi unice proposui, hoc adolescentibus his nostris, qui sese nobis in disciplinam tradiderunt, esset penitus persuasum, non in uno soloque doctrinae genere, qualiscunque eademum est, sibi esse acquiescendum; sed finem atque terminum studiorum suorum constituendum esse universum illum orbem disciplinarum, quem Graeci *ἡλικια παιδία* vocarunt. Nam siue eloquentiam spectro, perfecta esse nequit eloquentia, nisi rerum maximarum scientiam, doctrinasque universas complectatur; siue litteras humaniores intueor, omnis rerum omnium atque artium honestissimarum eruditio humanioribus uberime litteris comprehenditur; siue gymnasium hoc domiciliumque sapientiae nobilissimum circumspicio, omnes hic liberalissimae artes atque disciplinae apud doctissimos atque eruditissimos homines, apud vos, Patres sapientissimi, in Pisano hoc gymnasio studiosissime acerrimeque exercentur. Turpe autem nimis & indignum optimis adolescentibus fuerit, eos, quum domos suas reliquerint, atque in hanc sese urbem, eruditionis causa, contulerint, non, ut eloquentes bonarumque

ar-

artium periti fierent, aliquandiu elaborasse; sed, qui omnia doctrinarum genera percipere facile potuissent, eos mediocri quodam uniusque duntaxat generis doctrina contentos, hoc est, paullo eruditiores, quam venerant, ad suos rediisse. Sed, quoniam brevis est hominis vita; vetus illa in plurimorum animis opinio infedit, humanae vitae cursum tam angustum esse, tamque undique coarctatum, ut non nisi brevissimus videri possit, si, non dico, ad omnium; sed vel ad unius etiam artis magnitudinem conferatur. Ego vero, Auditores, qui, ingeniorum nostrorum viribus bene accurateque perpensis, nihil humile, nihil abjectum, nihil egregiis maximaeque spei adolescentibus indignum mecum unquam meditor; communem hunc de longo artis, brevi vitae cursu humani generis querelam ex hominum mentibus exturbare, si fieri potest, aggredior, itaque maximum, quo a sapientiae studiis adolecentes deterrentur, impedimentum remove. Demonstrabo enim, quam potero, diligentissime breviorē longē esse earum omnium artium, quae sunt libero homine dignae, quam humanae vitae, cursum. Quod sane argumentum, tametsi alibi a me abhinc multis annis non incommode pertractatum; tamen mihi quidem dignum videtur, quod aliquanto etiam nunc diligentius atque curiosius, anniversario hoc studiorum instaurandorum die, pro loci hujus & muneris mei amplitudine, atque utinam cum aliquo orationis meae fructu! retractetur.

Verum, ipso statim orationis limine, quis me vestrum, Auditores, non oppugnet, ac propemodum obruat summa summi ac celebratissimi viri auctoritate, cui nisi ego primum omnium occurram, valde etiam vereri debeam, ut utilem fructuosamque sim ipse operam in hoc tale tantumque argumentum collaturus? Quis enim ab Hippocrate dissentiat, maximo illo totius antiquitatis, & paene dixerim, divino ingenio? cuius

jus tanta tamque admirabilis fuit in exploranda rerum veritate solertia, ut, quo ille non pervenerit, nemini unquam sperandum sit, posse sese unquam pervenire. Atque is tamen vir sapientissimus, quum brevissimis acutissimisque sententiis, quas Graece aphorismos dicimus, quasi medicinae totius oracula esset simul complexurus, ipse sibi exordium capiendum censuit, ut vitam humanam brevitatis, longitudinis artem incusaret. Vitam enim dixit brevem; artem longam. Sed istud de trivio argumentum, quo a tanto nomine quaeri solet torpori ignaviaeque nostrae patrociniū, neque orationis sese jam explicantis cursum abruptet, neque a sapientiae vos studio, optimi adolescentes, retardabit, si paulisper consideretis, quod vos fortasse miremini, sed tamen verissimum est, causam inde meam confirmari, unde penitus infringi evertique potuisset. Nam, cum oculos ad illum medicorum veluti deum, ad Hippocratem converto, eximiamque ejus in omnibus artibus eruditionem attentius cogito; satis jam video, nullum aliud ex tota antiquitate opportunius atque ad rem nostram accommodatius exemplum afferri unquam potuisse, quod vobis ad omnem doctrinam proponeretur. Fuit enim, si quis alius, non in arte solum medica; sed etiam in toto disciplinarum orbe exercitissimus, eaque vere laude dignissimus, qua nescio an major ulli unquam hominum contigerit, quod & alios fallere, & ab aliis ipse falli nesciverit. Quapropter qui volunt, laboriosi scilicet in otio homines, longius multo esse artium liberalium curriculum, quam ut toto aetate vitae tempore perdiscantur, & luculento admodum Hippocratis exemplo refutantur, qui eas omnes artes calluit quam peritissime, & quaenam hominis mens, quodve consilium fuerit, minime omnium assequuntur. Nisi si quis forte adeo deliret, ut arbitretur, ideo Hippocrati longam artem; vitam autem dictam esse brevem, quod

quod hac potissimum ratione alios vellet a medicinae studio avertere, qua ipse medicina maxime omnium eniteret. Sed o prava hominum minime ingenuorum, qui de ingenuo viro tam inique atque adeo proterve senserunt, judicia! quos etiam gravissime olim reprehendit optimus principis medici interpretes, medicorum & ipse longe clarissimus, Claudius Galenus. Quid enim a recta ratione magis alienum, quam, ad humani generis bonum, commentarios Medicos conscribere, quibus nihil unquam utilis aut esse, aut excogitari possit, simulque ab arte universa, cujus doctrina hominum recte saluti atque incolumitati consulere velle proficere, legentium prorsus animos avocare? Aliud omnino voluit parens ille medicinae Hippocrates, aliud in votis, aliud in mente habuit, dum artis magnitudinem eo protrahendam putavit, ut longissima ea esset, si unius eam hominis vita metiremur. Non enim ad otium ingnavorum, inertiumque hominum fovendum, sed ad solertium navorumque diligentiam excitandam; non ad excusandum torporem, sed ad laborem promovendum: non ad deterrendos abalienandosque ab artis medicae studio animos, sed ad exacuendum proposita artis difficultate ingenium, eam retulit de brevitate vitae sententiam: ut nempe, quo vita brevior esset, ars autem longior, eo impensiori cura majorique animi contentione opus sibi esse studiosi quique intelligerent, ut brevi artem tempore adipiscerentur. Quanquam autem explicationem hujuscemodi veram illam quidem, sed veluti ad Hippocratis sensum non satis appositam, neque aptam, minus approbat Galenus; tamen illa ipsa Hippocratis verba ita interpretatur, ut doceat, breve etiam tempus ad artem perdiscendam sufficere, si recta studiorum via, constansque labor adhibeatur; non posse quidem ab uno eodemque homine, quam vultis, diligenti & studioso, artem aliquam & inchoari & absolvi, quod

quod ad inventionem spectat; sed, posteaquam inventa ea fuit, pluresque docti atque industrii viri, multorum annorum decursu, ad eam constituendam perficiendamque laboraverunt, nihil jam in causa esse, cur breviori temporis spatio eam quisque artem non comprehendat; eaque de re perbreves conscribi commentationes oportere, quibus omnia, quae magni quique viri multo tempore, magnoque labore observarunt, incredibili quodam & temporis & laboris compendio, sub unum veluti adspectum subiiciantur. Sed cur in una tamdiu nos arte immoramur? quasi vero non in toto disciplinarum orbe nostra versetur oratio. Age igitur, quantus qualisque est, quamque hominibus omnibus inditus a natura, cognitionis amor, & veritatis! quam nunquam otiiatur in nobis haec veri inveniendi cupiditas! quam rei cuiusque novitate pueri capimur, & detinemur! quanto discendi ardore ad liberalium artium studia impellimur adolescentes! quam magnam vitae nostrae partem viri, saepe etiam cum maximo rei familiaris detrimento, litteris rerumque cognitioni impendimus! quo studio, etiam qui a rebus gerendis longe absumus, senes res gestas legimus & audimus, neque historiis modo, sed etiam fabellis recreamur! quam denique in omni aetate, ut ab aliis curis vacuus animus secum esse permittatur; tamen nunquam quiescit hoc sciendi omnia desiderium! Solonem ferunt, quem in sapientium hominum numero Graecia habuit, morti jam proximum, assidentibus amicis, & nescio qua de re sermonem inter sese conferentibus, caput, ut potuit, sustulisse, ut re, de qua disputarent, percepta, eruditior atque sapientior moreretur. Tanta humanum genus discendi cupiditas tenet; tantaque inde est, rebus tandem cognitis, animi nostri oblectatio. Id enim, quo uno bestiis maxime praestamus, & homines sumus, mentem nimirum nostram, rerum scientia perficit, ho-

nestissimaeque complet voluptate. An igitur existimabi-
 mus, frustra hunc esse in nobis cognoscendi veri ardo-
 rem, tamque inique atque iniuriose erga hominum ge-
 nus sese naturam, tanquam novercam quandam, ges-
 sisse, ut, quum sane quam vehementi perpetuoque im-
 petu ad studia nos omnium liberalium doctrinarum im-
 pellat, atque rapiat; tamen adjumenta nobis denegave-
 rit. quibus earundem ipsarum doctrinarum scientiam
 assequeremur? An Galenum oleum & operam, quod
 est in proverbio, perdidisse putabimus, quem nullum
 non lapidem movisse ajunt, ut in omni doctrinarum ge-
 nere perfectus evaderet? An Cleanthem Assium, qui
 noctem hauriendis aquis, diem bonarum artium studiis
 dedisse traditur, atque inde a labore Hercules alter est
 appellatus, laboris hujus tanti fructum hunc retulisse
 arbitramur, ut in liberalibus artibus comparandis a-
 nimus prorsus desponderet? An inane in Euclide Me-
 garico censebimus studium sapientiae adeo eximium ac
 singulare, ut, quod Megarensibus capitale erat, ipse
 Athenas, veste muliebri indutus, venire noctu ad So-
 cratem audiendum minime omnium dubitaret? An,
 ut sexcentos alios ex tota antiquitate viros doctissimos
 omittam, quibus tota vita nihil antiquius fuit,
 quam optimarum omnium disciplinarum apparatu pul-
 cherrimo atque elegantissimo instrui, frustra Pythago-
 ram, frustra Democritum, frustra Platonem, quales
 Deus bone viros! dicemus patriam, ubi summo ho-
 nore florebant, reliquisse; ultimasque terras peragrasse,
 ut, periculosissima per barbaras incultasque nationes
 peregrinatione nullum non doctrinarum genus a sapien-
 tissimis omnium populorum viris discere vellent, scire
 autem non possent? O miseram humani generis con-
 dicionem! o poenitenda hominum vota, si sapientiae,
 quae perfecta est atque accurata bonarum omnium ar-
 tum comprehensio, pulchritudinem ardentissime concu-
 pi-

piscant, illam quaerant, illam meditentur, ad illam maximo conatu anhelent, neque illam tamen unquam complectantur! Sin & nihil frustra molitur optima parens natura, & nulli penitus deest de reliquis omnibus animantibus, quominus fines adipiscantur suos; quanto majori cura prospexisse homini reputanda est, ceterorum omnium animantium longe nobilissimo ac principi, quem unum ratione uti voluit, omniumque fecit capacem disciplinarum? ut nempe, quemadmodum summam nobis ingeneravit percipiendae veritatis cupiditatem, ita & nobis largissime copiosissimeque subministraret, unde optimarum omnium artium scientiam, quanta quidem homini satis esset, obtineremus? At falsa plerique existimatione decipiuntur: quibus quum instrumenta omnia a natura astatim suppetant ad omnem doctrinarum elegantiam; tamen otio suo & ingenio abutuntur; maluntque ingrati naturam reprehendere, quam suam ipsorum segnitiam emendare. Quae autem & quanta sit humani ingenii facultas, & quid & quantum, si annitur, in universo illo liberalium omnium artium studio eadem possit, docent ii clarissime, quos summis laudibus celebrandos duximus, viri veterum multo sapientissimi: quos omni disciplinarum genere ornatos instructosque maxime fuisse accepimus. His vero dum Democritum accenseo, nolim cogitetis, Auditores, aliquem de grege philosophum, qui cum majorum gentium philosophis nullo modo sit conferendus; sed tanta virum eruditione, ut Hippocrati ipsi Coo maximae admirationi fuerit, &, quum plurimos tum discendi ardore, tum rerum omnium doctrina vicerit, nemini uni secundus videatur. Etenim prae sapientiae studio, quo maxime incendebarur, amplissimas opes, humanaque omnia contempsit; peregrinatusque est in Persidem ad Magos & Chaldaeos; in Aegyptum ad Mathematicos; in Aethiopiam atque Indiam ad Gymnosophi-

philas; in omni autem sapientiae parte adeo profecit, ut quinque certaminum victori non absimilis diceretur, quod ea quinque doctrinarum genera, quibus universa veterum eruditio definita atque conclusa erat, probe tenuisset. Iam vero si optimas ipsas artes propius intueamur, &, quarum amore tantopere exardemus, proponimus eas ob oculos; mirum est, Auditores, quanta sit earundem artium atque doctrinarum inter sese connexio, quantus earum ordo, quamque uno eae societatis inter se vinculo coalescant. Namque illud ego dicam, quod a Platone assertum in Epinomide, multo faciliorem, atque contractiorem, quam vulgo suspicantur, reddit cursum omnium disciplinarum, miro quodam inter sese consensu bonas cunctas artes sapientisque viri proprias concordare, & hanc liberalium doctrinarum in unum veluti conspirationem facillime intellectum iri, siquis vim rationis ejus, unde omnia alia pendent, & ordine quodam cognoscuntur, antea exploraverit. Inde enim & Musae, quae vel ipsae sunt liberales artes, vel artibus certe liberalibus praesident, visae sunt quibusdam sic appellatae, quasi *συνεπαι*, a nexu nimirum & consociatione omnium inter sese disciplinarum: quo etiam ex nexu quasi una visa est esse rerum omnium scientia: cujus tamen, tum propter rerum ipsarum magnam varietatem, tum etiam propter discentium commoditatem atque facilitatem, facta sit in plures artes atque disciplinas particio. Quod si altiora haec esse videntur, quam ut infirmo adhuc adolescentium captui apta sint atque accommodata (quanquam, ubi de toto doctrinarum orbe loquimur, nihil, nisi excelsum, atque a vulgari hominum sensu longe remotissimum, sapiat necesse est oratio) tamen illud constat, non tantam, quantam aliqui volunt, inter omnes disciplinas diversitatem inveniri, quae omnes ad veritatem to-

tae

tae unam referuntur. Quid enim tandem spectant illae ipsae artes, quae aliis omnibus majoribus artibus famulantur, & bene ornateque loqui docent, numerisque orationem constringere, ut majori, quam fieri possit, concinnitate lenocinioque verborum, animi nostri sensa expromamus, nisi veritatem? Quid unquam proficitur bene differendi facultas, quam verbo Graeco Dialecticam vocitamus, nisi veritatem? Quid unquam speculantur Mathematicae illae disciplinae, quarum vastissimo quidem gyro & numeri & sonorum vocationumque modulatio, & artificiorum, quae ad varios multiplicisque hominum usus, tum delectationis, tum necessitatis causa, excogitata sunt, exacta ratio, & caeli & terrae mundi que totius dimensio continentur, nisi veritatem? Quid etiam Physice in theatro hoc communi atque amplissimo naturae, ubi varietas rerum infinita, admirabili ordine distincta, spectaculum sui multo omnium pulcherrimum praebet, contemplatur, nisi veritatem? Eae quoque disciplinae, quae in agendo versantur, quo primum, veluti ad certissimam quandam atque tutissimam actionis cujuscunque regulam, respiciunt, nisi ad veritatem? Veritatem Ethice, ut animum curet; veritatem Medicina, ut corpori salubritatem asserat; veritatem Iurisprudentia, ut aequa civium jura conservet; veritatem Politice, ut publico civitatis bono consulat; veritatem Oeconomice, ut rem privatam atque familiarem bene administret; veritatem bonae omnes artes, ut sua rite munera expleant, inquirunt. Fontem denique ipsum veritatis, hoc est, principem primamque, quae a semet ipsa est, veritatem, summumque rerum omnium principium, & formas ab omni concretionemateriae quam longissime alienas, Theologia, quae rerum est scientia divinarum, intuetur. Ergo quum una solaque veritas in omni doctrinarum studio maxime quaeratur, eamque mens hominis tanta secum cognatione

co-

copulet atque devinciatur, ut nihil, nisi verum, percipere penitus possit, nec, nisi in perspicientia veri, beatitudinem suam assequatur; quænam illa est vana defidiaque plena, ignavorum atque otio marcescentium hominum expositulatio, quod tanta disciplinarum in diversa tendentium magnitudine simul ac varietate ingenium confundatur humanum ac propemodum obruatur? Non ita sane censuit summus dicendi magister, Romanæque iuventutis optimus instructor, Fabius Quintilianus; qui, quum Oratorem, quem instituendum sibi sumpserat, nullius ornamenti expertem esse oportere ostendisset, primam quoque ætatem pluribus simul artibus imbuendam exornandamque esse existimavit. Atque utinam tanti apud nos esset Quintiliani auctoritas, ut pueri nostri ea veluti temporum subsidia, quæ a Grammaticæ studio supersunt, erudito illi Geometriæ pulveri, aliisque huiusmodi amoenioribus studiis donare docerentur! O longam illam ad discendum ætatem, si non tesseris, non nugis, non otiosis sermonibus, non denique somno, inusuliter contrari, aut potius profundi, sineretur! Est enim maxime docilis, & laboris patientissima, ingenioque fruitur tam facili, atque in omnem partem veloci, nullum ut periculum sit, ne studiorum onere, plusquam opus sit, fatigetur, sed ut potius varietate ipsa reficiatur, minusque sentiat, quam si in uno semper labore perseveraret, difficultatis. Quoniam vero ingenua nostra facit, ut ingenium variis simul litterarum studiis occupatum, distrahi aut obtundi, non perfici aut excoli, videatur; & revera humanæ mentis facultas, quantacunque illa sit, finita est, suisque terminis circumscripta; non id ego certe oneris adolescentibus nostris imponam, cui sint ipsi ferendo impares, ut pluribus, & quam diversissimis disciplinis eodem simul tempore sufficiant. Satis erit, mihi credite, optimi adolescententes, non confuse, aut operâ quadam tumultuaria,

flu.

studia vestra pertractare; sed eum, quem incepistis, cursum doctrinarum certa ratione moderari, ut a facilioribus ad difficiliora progressi, unaque quadam & perpetua studiorum serie, unam post aliam disciplinam adepti, elegantissimum illum doctrinarum omnium orbem conficiatis. Quemadmodum enim, sicui uno simul intuitu univ[er]sus hic mundus spectandus exhiberetur, obrueretur is iplane innumerabili fere atque incredibili rerum omnium multitudine, neque quanta, quamque admirabilis sit ac divinā naturae univ[er]sae pulchritudo, discerneret; si autem ad singulas partes, ex quibus tota mundi machina concrescit, atque coagmentatur, oculos cogitationemque converteret, ac veluti distribueret, simulque summum illum, quo suis quaeque locis aptantur, ordinem distincte atque particulatim consideraret, ei quam facillime totam hoc univ[er]satis corpus, rerumque omnium admiranda consensio patefieret; ita sane confusus ille atque permixtus veluti adspectus omnium disciplinarum, qui primo occurrere atque obversari tironibus solent, sua vos magnitudine deterreret adhuc in limine constitutos; sed si diligentiae ordo accedit, & quod cognosci simul totum non potest, gradatim ac veluti per partes addiscitur, brevi vos intellecturos planeque experturos polliceor, quam artium magnitudines recta studiorum partitione minuantur. Hic ego quid praedicem; quam non adeptu sit longa sapientia? quantum ad studiorum omnium metam suppetat vobis temporis? quanta sit ingeniorum vestrorum celeritas, quantumque acumen? quae omnia si amplificare velim dicendo, & per se magna, verborum exaggeratione majora reddere, mea jam longius, tanquam in immenso quodam campo, excurrat atque exulet oratio. Sed discentium imbecillitati danda haec est venia. Auditores, ut, quae in qualicunque illo liberalissimarum artium itinere properantes non parum re-

mo-

morantur, quam brevissime persequamur. Nam, quod ad perfectam atque exactam rerum omnium cognitionem attinet, ea plerisque cogitatio summam in desperationem adduxit, quod & Plato testatur in Amatoribus, & experientia cujusque nostram quotidiana perspicue docet, semper aliquid esse, quod, quamdiu vivimus, discamus. Unde dictum illud Solonis, tanto opere veteribus celebratum, senem sese fieri quotidie aliquid addiscentem. Narrant etiam, morientem Theophrastum conquestum graviter de natura fuisse, quod cervis & cornicibus vitam diuturnam, sibi exiguam dedisset. Neque ego sane, Auditores, tantum humano ingenio detulerim, ut censeam, fieri aliquando posse; ut homo unus omnia in qualibet penitus arte comprehendat. Quam multa enim vel in ipsa Grammatica (ut hinc facile judicium de majoribus quibusque disciplinis fiat) non me modo fugiunt, qui tamen nunquam ab amoenioribus illis litteris abhorruī; sed etiam viros longe doctissimos, atque in illo studiorum Grammaticorum genere exercitatissimos! Eo ne ramen deprimenda vobis vestra erunt ingenia, adolescentes, ut existimetis, aut pluribus rebus discendis plures esse vias dedicandas, aut unam duntaxat artem pertractandam semper esse, atque in uno vel leviori studio cum desidiosa quadam voluptate ita consensendum, ut discentes vita deficiat? ipsa enim unius ejusdemque artis perpetua tractatio semper aliquid gignet, quod investigetis. Sin vos unius soliusque artis delectatio non tenet, & aliae sunt non, opinor, indignae, quae a vobis percipiantur, nequid ego dicam, vos ipsi perspicitis, quis vobis modus sit in toto liberalissimorum studiorum cursu adhibendus, ut non usque ad senectutem in re aliqua superstitiose detineamini; sed in qualibet liberaliori arte atque disciplina non diutius immoremur, quam sobria cujusque rei cognitio postulare videatur. Quis enim cum
in

in aliis omnibus rebus, tum maxime in litterarum studiis, modum non requirat, ubi non solum sine ullo doctrinae detrimento, verum etiam magna aliquando utilitate plurima ignorantur, quorum utique cognitione nihilo melior aut doctior evadas. Quare is mihi vere sapiens, vereque doctus ac litteratus, non qui minuta quaeque, immenso quidem studio ac labore, sed tamen multo curiosius, quam utilius, perscrutetur; sed qui honestissimae cujusque rei ea scientia contentus sit, quae libero homini satis esse videatur; non qui vane altercando atque pueriliter, in perplexis captiosisque semper quaestionibus occupetur, sed qui breviori, quam fieri possit, studiorum suorum compendio, ad unam veritatem collineet; non qui, Tiberii Caesaris more, aetatem suam in fabellis conquirendis misere conterat; sed qui utilissima quaeque atque fructuosissima confectetur; non qui novus librorum hellas, in iis omnibus libris lectitandis, ad quos, veluti quosdam scopulos, tempestate delatus, adhaeserit, dies noctesque infumat; sed qui optimos, atque in quolibet doctrinarum genere praestantissimos scriptores, vel suo, vel alieno judicio, seligat, recolat, attente meditetur. Ille igitur, qui mihi sit in universo disciplinarum orbe versatissimus, non inutili rerum discendarum multitudine mentem obruet; neque in quorumcunque vel inceptorum librorum farraginem sese ingurgitabit; sed exacta in primis solidaque trium principum linguarum, Graecae, Graecae, Latinae, noticia ad omnem tum divinam, tum humanam eruditionem imbuetur; in paranda eloquentia Demosthenem, atque Isocratem inter Graecos, Marcum Tullium, & Fabium Quintilianum inter Latinos, duces atque auctores habebit; in Poetica, pro vario carminum genere, illos Poetarum principes Homerum & Virgilium; Pindarum & Horatium; Euripidem, Sophoclem & Senecam; Callimachum &

tres Amorum Poetas Latinos; Aristophanem & cum Plauto Terentium leget; in Philosophia totum Platonem atque Aristotelem tenebit; in Mathematicis Euclidem, Ptolemaeum; Apollonium illum Pergaeum, atque Archimederum comprehendet; in Iurisprudencia tum civilium, tum pontificiarum legum volumina diligentissime atque accuratissime discet; in Medicina Hippocratem & Galenum; itemque ex nostris Cornelium Celsum, & rerum arcanarum acerrimum curiosissimumque investigatorem C. Plinium, assidue pervolvit; in Theologia denique, praeter sedulam atque accuratam librorum divinatorum lectionem, impressos penitus geret in animo atque in mente eruditissimos illos Religionis nostrae interpretes, Origenem, Chrysostomum, Hieronymum, Augustinum, & Thomam etiam illum Aquinatem, qui, vel sequioribus temporibus, ordine quodam admitabili, miraeque brevitate, totius sacrae doctrinae summam, Christianorumque omnium Patrum verissimas sententias complexus est atque illustravit. Quibus omnibus addet Graecae Romanaeque historiae, ex Herodoto potissimum & Thucydide, Livioque ac Sallustio, atque ex aliis melioribus scriptoribus, ut Diodoro Siculo, & Plutarcho, antiquitatis totius cognitionem. Neque etiam recentiores negliget, qui, post restructas a barbarie litteras, & ingenii praestantia & summa rerum omnium eruditione, ad praeceptorum prope laudes accesserunt. Quanquam eo libentius veteres, quam recentes scriptores adnumeraverim, quod a veteribus, veluti a fontibus rivi, omnem omnium doctrinarum copiam acceperimus, gratique animi sit ac maxime ingenui, de iis bene mereri velle, qui primi omnium de humano genere optime meruerunt. Sed tamen non se capi sine incantibus, aut decipi a magnificis phaleratisque inscriptionibus, quibus plerique aetate postea vani insulsi scriptores sordidas suas merces

ces, ut fucum ementibus faciant, imperito vulgo ostendant, libros, inquam, tam barbaros atque horridos, tam inconditos atque ridiculos, tamque ineptiarum plenos, ut, posteaquam eos legeris, tam male tere operam in iis collocasse poeniteat. Nam quo quique scriptor doctior est atque sapientior, eo quoque solet esse modestior, simplicioresque magisque perspicuos libris suis sículos praefigere, ut veterum praesertim exempla testantur. Haec omnia illae praestabit vir doctus ac sapiens, quem oratione jamdudum efformo; superflua omnia atque inutilia studia refecabit; nunquam otiosum sese esse patietur; sed mercatores, avidissimum hominum genus, imitabitur, ut, sicut ii, opum parandarum causa, non itinerum difficultate, neque navigationis periculo impediuntur, quominus domum, uxorem, liberos relinquant, vitamque mari suam atque praedonibus committant; ita nullum pro adipiscenda sapientia laborem ipse refugiat aut reformidet. Quantum putatis temporis cum compendium in longissimo illo disciplinarum cursu esse facturum? quam cito eum ad sapientiam, perfectamque rerum omnium doctrinam perventurum? Latissime aetas nostra patet, Auditores, atque ad omnem rerum omnium maximarum scientiam abunde nobis sufficit; sed eam nos ipsi imprudenter ac stulte contrahimus, dum quibus in rebus minus oportebat, studia nostra occupamus, atque, ut uno omnia verbo dicam, cum veteri Poeta, *exigua pars est vitae, quam nos vivimus*: frustra postea dolemus, tempus nobis ad litterarum studia deficere, quum nos ipsi nobis ac temporis defecerimus. An non enim longissimam ad meliora studia Graecorum illorum vitam crederes, quibus etiam vacabat curiosius in fabellas inquirere, & quot Ulysses remiges comitati fuisset, studiosius perscrutari? O magnos homines in nihil agendo occupatos! qui tamen perditum temporis culpam aut

in naturae nostrae infirmitatem, aut in circumstantia undique negotia, derivare consueverunt. Tu vero, adolescens, recte aetatem partire tuam, nec eo tempore apud Grammaticas importune detinere, quo gravioribus tibi disciplinis opera impendenda esset; sed, quo breviorē discendi commoditatem breve adolescentiae tempus pollicetur, eo tibi magis ad sapientiam propinquandum esse intellige. Non ego a te quidem certe Didymi labores exigam, quem sane hominem tam assiduū ac propemodum ferreum in scribendo fuisse ajunt, ut quatuor librorum millia (mirum dictu!) exaraverit. Imbecilliores sunt fortasse vires tuae, quam ut dies nostris, noctes diebus, sine ulla vel honestae remissionis interruptione, in disciplinis addiscendis conjungas. Sed illud tamen exigo, ut diligentia, qua una virtute, ut bene Tullius aiebat, reliquae continentur, vitae brevitatem compenses: exigo, ut nulla male collocata diei parte, quam longissimam adolescentiam efficias: exigo, ut tecum versari ipse scias, & si societatem amas, studiorum tuorum comites, seu potius duces, viros totius antiquitatis doctissimos nanciscare, qui te recta ad sapientiam perducant: exigo denique, ut tempore uti discas, & vivere. Quod si, sedatis perturbationibus animi, diligenter didiceris: tum demum apparebit, quam in longa vita brevis tibi sit liberalium omnium artium, atque doctrinarum cursus futurus. Nunc vero, si vos, adolescentes, maxime commovent exempla, quibus ad animos quamcunque in partem pertrahendos atque impellendos nullum fortius validiusque argumentum inveniri unquam potest: superiorem omnium temporum jam inde ab ultima vetustate memoriam vobiscum ipsi percurrite; & non eos modo, quos ita hactenus laudavimus, ut multo omni laude majores viderentur; sed & longe plures invenietis, quum ab omnibus artibus liberalibus atque disciplinis

in-

instructissimi fuerint, plenissime inde clarissimeque ostenderunt, ad omnem nos rerum omnium scientiam adspirare posse, eorum si exempla sectemur. Quid enim dicam de Eratosthene, quid de ceteris, quos a quincuplici, hoc est, ab universae doctrinae atque eruditionis genere, quo plurimum praestiterunt, translato eleganter a quinque certaminum victoribus vocabulo, quinquæstiones appellarunt? Nam, quod ad Theophrastum quidem, quem diximus, attinet, illa ipsa ejus, quum moreretur, de brevitate vitae querela, satis demonstrat, omnes eum artes ingenuas perfecte calluisse, quippe qui sese tum, quum, quae ignorabat, videre coepisset, extingui quereretur: quanquam nimium illud hominis omnium artium perficiendarum studium faceret, ut, qui in omni doctrina erat maxime eruditus, tamen ipse sibi minimum scire videretur. Sed quemadmodum summis illis & sapientissimis viris pulcherrimum fuit ad omnem eruditionem praecire: ita etiam atque etiam videte, adolescentes, ne turpissimum vobis sit, minime illos subsequi, quorum plerisque eadem, quae vobis maxima suppetunt, discendi subiecta defuerunt. Nescio quem enim veluti stuporem in aliquorum vultu legere mihi videor, quos ad honestissimam maxime aemulationem excitari oportuerat, ut, quam in aliis amabant, atque suspiciebant, doctrinam assequi ipsi pro viribus conarentur. At enim adolescentium nostrorum ingenia tardiora longe esse videntur, quam ut, cum maximis illis atque perspicacissimis aetatum omnium, totiusque antiquitatis ingenii comparari ullo modo possint. Verum, ut summorum illorum hominum, quos in omnis disciplinis perfectissimos fuisse constat, laudibus nihil detrahendum putem; quam tamen ingenii tarditatem non vincit amor veritatis, vigilantia, assiduitas, labor, atque, ut uno omnia verbo complectamur, diligentia? Modico vir ingenio fuit Ephorus, in quo

quo se calcaribus uti solere, sicuti contra frenis in Theopompo, eloquentissimus ille Graecorum rhetorum orator, Isocrates dicatibat. Quam boni tamen scriptoris Ephorus partes omnes implevit! Tardissimo ingenio fuit Cleanthes, quem arieti Timon merito comparavit. Quam egregius tamen Philosophus Cleanthes evasit, qui Stoicorum principi Zenoni tam sedulo adhaesisse fertur, ut, quae ab illo audierat, testae ossibusque inscribere, chartarum inopia soleret, neque indignus, qui tanto philosopho succederet, unus e multis judicaretur! Mediocri etiam fuit ingenio Cornelius Celsus. Quam multa tamen Celsus de omnibus fere artibus conscripsit, itaque docte atque erudite, ut omnia illa scivisse visus fuerit! Vos appello, recentis etiam memoriae viri doctissimi, atque eruditissimi, & de Latinis Graecisque litteris relictis optime meriti: quorum tamen nonnullos in rebus primum percipiendis tardiori obtusiorique ingenio fuisse accepimus, diligentiaque sua fecisse, ut, quae in doctrinis recondita atque abstrusiora erant, in veritatis lucem proferrentur. Absit tamen, quam longissime abis, Audiores, ut hanc genti Etruscae injuriam irrogari imprudenter patiar, ut aut adolescentes nostri summam rerum omnium maximarum scientiam desperare jubeantur, aut Etruscorum certe hominum ingenia tarditatis a quoquam infimulentur. Quae vero ulla tam exulta humanioribusque omnibus artibus perpolita natio de ingeniorum acumine atque felicitate cum Etruscis hominibus contendat? quum paucos, & qui digito monstrantur, alibi locorum doctissimos viros enumeres; hic vero in Etruria, hic praesertim Pisis, in hac sede, in hoc mularum domicilio, tanta nunc sit; semperque antea fuerit maximorum ingeniorum ubertas, ut huc Athenae commigrasse tandem videantur. Agite igitur, adolescentes ornatissimi, pudeat vos a majorum vestrorum gloria

ria unquam deflectere, atque degenerare; pudeat, quam doctrinae, vobis atque sapientiae laudem Patres vestri tradiderunt, non adaequare; pudeat Etrusco vos nomine censerī, & Etruscorum doctrinae minime respondere. Quid igitur vos a summa disciplinarum omnium scientia retardat unquam ac remoratur? Patrium nomen vobiscum ipsi perpendite, & cogitate, quam pacato otio, quantaque tum ceterarum rerum, tum optimorum studiorum commoditate, frui hic Pisis vobis liceat ad universum hunc doctrinarum orbem brevi percurrendum. Universas has doctrinas spectate, ad has rectis studiis contendite, quarum mira atque incredibili suavitate labores in discendo vestri levabuntur. Quod meum fuit, hoc pro viribus exsecutus sum, ut videtis, ut, quibus possem argumentis, ad sapientiae vos ac litterarum studia excitarem: facilis vobis ac brevis, reliquus erit omnium doctrinarum cursus, si id ipsum vobis persuaderi patiamini.

the first of these is the fact that the
the second is the fact that the
the third is the fact that the
the fourth is the fact that the
the fifth is the fact that the
the sixth is the fact that the
the seventh is the fact that the
the eighth is the fact that the
the ninth is the fact that the
the tenth is the fact that the

CAROLO. RINVCCINIO

V I R O . S V M M O
ET . V I R T V T E . ET . D I G N I T A T E
E X C E L L E N T I S S I M O
P A T R I C I O . F L O R E N T I N O
M A R C H I O N I . B A S E L I C A E
E Q V I T I . ET . E Q V E S T R I S . O R D I N I S . S V I
I N . P R O V I N C I A . V E N E T A . P R I O R I
C A E S A R I . I N . E T R V R I A . R E G E N D A
A . C O N S I L I I S
E T . I N . R E . M I L I T A R I . E T R V S C A . A . S E C R E T I S
O P E R A . S E M P E R . E G R E G I E
I N . R E M . E T R V S C A M . N A V A T A
M A G N I S . Q V O N D A M . D V C I B V S . M E D I C E I S
N V N C . M A X I M O . I M P E R A T O R I
F R A N C I S C O . I ,
O B . F I D E M . A T Q V E . I N T E G R I T A T E M
E T . P R V D E N T I A M . P E R C A R O
E T . A . L I T T E R A R V M . S T V D I I S . P R O T E G E N D I S
V B I Q V E . C E L E B R A T I S S I M O
A L E X A N D E R . P O L I T V S
O R A T I O N E M . S V A M . Q V A M . I P S E
A D . A C A D E M I A M . P I S A N A M
M A G N A . H O M I N V M . F R E Q V E N T I A
A C . C E L E B R I T A T E
D E . L O T H A R I N G I C I S . E T . M E D I C E I S . L A V D I B V S
D I X E R A T
E T . P I S I S . E D I D E R A T
A N N O . M D C C X X X V I I I .
P V B L I C I . D E N V O . I V R I S . F A C T A M
O P T I M E . D E . S E . E T . S T V D I I S . S V I S . P R O M E R I T O
H O N O R I S . E T . G R A T I . A N I M I . C A V S S A
L . M . Q . D . D . D .

ORATIO VI.

DE LAUDIBUS LOTHARINGICIS ET MEDICEIS.

Quod a Deo Optimo Maximo ego semper precatus sum, Patres sapientissimi, Auditores ornatissimi, ut nostra haec litterarum studia pacis & otii summa tranquillitate uterentur, &, quod hic Pisis, loco ad litteras atque doctrinas pertractandas totius Etruriae maxime opportuno, sapientiae regnum Medicei quondam Principes fundaverant, magis magisque stabiliretur atque propagaretur ad gloriam Etrusci nominis sempiternam; id tandem, Magno jam Etruriae Duce, Francisco Lotharingo, divinitus nobis obtigisse, tum ceteris omnibus, qui Etrusco nomine censentur, tum nobis praesertim, ad quos maxima hujus felicitatis pars pervenit, summopere laetandum. Si qua enim aurea unquam tempora fuerunt, qualia Mediceis certe Principibus fuisse olim memorantur, profecto tempora haec sunt in primis aurea, cum felicitas, quam litteris omnibusque bonis artibus atque disciplinis in Pisano hoc Lyceo Magni illi Medicei Ducis dederunt, aucta summe est atque cumulata Magni Ducis nostri Lotharingici liberalitate. An non vaticinatio illa fuit viri doctissimi atque eruditissimi, qui ante centum & viginti annos, quum eandem hanc provinciam, quae mihi demandata est, humanitatis atque eruditionis sustineret, & de insignibus Lotharingiae fami-

liae gentilitiis, quodam veluti numine afflatus, subtilius disputaret, tanquam ex Apollinis tripode, pronuntiavit, bene omnino Lotharingae genti cum Medicea gente convenire, huiusque rei iudicio esse lilia sex illa aurea, quae Duces Lotharingi ab Austrasiae Regibus, majoribus suis, insigne olim gentilitium acceperant: quorum quidem liliorum quaedam veluti radix in sex illis Mediceorum insignium orbiculis conspiceretur. Fuit illa sane divinatio. Neque vero illa insignia quidquam portendere, aut praemonstrare potuerunt. Sed est quaedam in animis hominum nescio quomodo aliunde impressa praesagatio, qua rem saepe, multo etiam antequam eveniat, praesentive divinitus videntur. Praesentiant igitur homines jam inde ab eo tempore, quo Christina illa Lotharinga, vice nepotis sui Ferdinandi Medicei adolescentuli, Etruriae cum impetio praesidebat, fore aliquando ut Ducibus Lotharingis avitum jam regnum, Etruria esset, & quae beatissima tunc erat, Academiae huius Pisanae & litterarum conditio, per Magnos Duces Lotharingos renasceretur. Quod si tanta hac fortuna, tamque admirabili & divina, nobis maxime laetandum, quis, quaeso, dies ad laetitiam hanc concelebrandam aptior atque accommodatior, quam hodiernus hic dies, quem studiis nostris auspicandis solemnem atque legitimum majores nostri esse voluerunt? Agite, Auditores, gestit oratio jam mea suam Etruriae, suam litteris, suam Academiae Pisanae felicitatem gratulari, & Lotharingicas simul, & Mediceas laudes, divinas illas atque immortales, praedicare.

Neque vero est dubitandum, Auditores, quin utraque hae laudes fiat cum litterarum laudibus conjunctae atque confociae. Nam Mediceae quidem gentis quatenam magis propria ac praecipua unquam laus, quam quae a litteris litterarumque patrocinio, uberissime atque copiosissime dimanat? Inter mortuae a septingenta-

gentis amplius annis erant litterae, bonae omnes artes atque disciplinae in situ & squallore jacebant, omnia barbaries effecerat, lingua Latina ab elegantia & nitore suo penitus degeneraverat, summa in ignoratione Graecarum litterarum Latini homines versabantur, humanitas fere ipsa politiorque litteratura in oblivionem & desuetudinem venerat, elegantioribus quibusque & melioribus studiis nox apud Latinos sempiterna offusa esse videbatur. Quid plura? Graecia, illa, inquam, Graecia, quae tametsi plurimum jamdudum sordium contraxerat, tamen qualemcunque veteris eruditionis splendorem, ac veluti scintillam conservabat, Graecia, inquam, ipsa (dictu valde miserandum!) barbara evaserat, &, quae sedes olim ac caput humanitatis, arx jam facta erat atque propugnaculum barbariei, Graecaeque ipsae litterae exules atque extorres e patrio solo profugerant. Hic status erat, haec facies miserabilis litteraturae, cum Cosmus Medices ille senior, qui publico civium suorum decreto suae Pater Patriae est appellatus, accitis undique doctis viris, litterisque Latinis atque Graecis in clientelam receptis, enixus est, atque effecit, ut non Latium modo, sed etiam Graecia universa, in Etruriam commigraret: unde Cosmus, Latinis, Graecisque copiis egregie instructus, bellum barbariei intulit, eamque ex maxima Europae parte penitus profligavit. Quae vero Europae regio paulo excultior atque humanior, quo, reportata tandem a Cosmo pulcherrima clarissimaque omnium victoria, tropaeisque de barbarie périllustribus constitutis, non hujus victoriae fructus uterrimus pervaserit? Testis est Italia, ad quam e fonte illo Mediceo omnis doctrinarum omnium elegantia copiosissime profluxit. Testis est Gallia, quae non doctissimis modo atque elegantissimis viris e Cosmi domo in reconditis quibusque atque interioribus litteris exornata est atque exulta; sed etiam scri-

scriptis venerandae antiquitatis, codicibus Graecis locupletata. Testis est Germania, ad quam omnis inde diffusa est doctrina atque eruditio. Testis est Britannia, quae honestissimis hisce atque optimis humanitatis studiis ita inde, tamque uberrima est irrigata, ut, quum Graeca jam tum litteratura magno in pretio atque honore haberi coepit esset, Plato postea atque Aristoteles, non nisi Graece, in Oxoniensi Academia atque Cantabrigiensi praelegerentur. Testes denique omnes Academiae, atque omnia gymnasia, quae sribligine antea sermonis utebantur, postea, renatis per Cosmum Medicem litteris, ornate & pure, hoc est, Latine, neque Latine modo, sed etiam Graece, loqui didicerunt. Sed haec initia veluti fuerunt nascentium atque repululantium litterarum. Illa, illa litterarum restitutarum incrementa, cum, quae Cosmus ille Medices auspicata inchoaverat, nepos ejus Laurentius perfecit atque absolvit. Quae autem promeritis his Laurentii in optimas disciplinas par unquam possit oratio inveniri? aut quid huc tandem, Auditores, afferri, quod dignum ejus ingenio, aut artium liberalissimarum, quas ille protexit, atque fovit, praestantia atque amplitudine videatur? quem etiam Laurentium avo suo Cosmo in eo longe praefendum esse ajunt, quod ille aliorum, hic causa etiam sui, quippe litterarum optimarumque artium studiosissimus, lectissimam sibi atque locupletissimam bibliothecam comparaverit. Quid enim per Deum immortalem in universo disciplinarum orbe fuit, quod Laurentius non omnibus numeris absolvendum atque exornandum curaverit? quid in arte Oratoria, quid in Poetica, quod Laurentius non ad summum fastigium evexerit? quid in Philosophia, quod Laurentius non ad altissimum excellentis doctrinae gradum perduxerit? quid in Graeca ac Romana antiquitate, quod Laurentius e tenebris in lucem non evocaverit? Ille Latinas Grae-

cas-

casque Musas non hospites modo, sed etiam contubernales, sibi esse voluit; ille doctissimos atque eruditissimos aetatis suae homines in familiaritatem suam recepit; ille, quibus res domestica angustior omnes ad summam doctrinam aditus intercludebat, facilem liberalitatem sua aditum ad interiora quaeque atque recondita summarum doctrinarum patefecit; ille honorem litteris ac litteratis hominibus maximum detulit; ille, ut Graecos sibi undique libros, maximeque in Graecia, redimeret, nulli unquam operae, nullique sumptui pepercit; atque adeo, quemadmodum Barbari Graecos imperio, sic ille Graeciam bonis scriptoribus bonisque libris spoliavit. Quid? maxima haec Laurentii in litteras merita atque beneficia nonne hic nobis, in hac ipsa aula, intra hos ipsos parietes, ante oculos obversantur? Adeste huc, huc, inquam, adeste, non animis modo, sed etiam oculis, Auditores. Nam quod Pisana haec litterarum studia sedem hic fixam atque stabilem habeant, quod hic, in his aedibus, suo veluti in solio, sese sapientia magnifice regieque ostendet, quod haec undique gymnasia sapientissimorum doctissimorumque virorum, hoc est, sapientiae ipsius, vocibus frequenter & assidue personent, debemus nos Laurentio, qui facras hasce aedes a fundamentis excitavit atque extruxit, sapientiaeque Pisanae, ac doctrinis omnibus dedicavit. Hoc vero tantum est, tamque prolixum ac singulare, Laurentii in litteras beneficium, ut, etiamsi, quae plurima ac summa Laurentius in litteras, beneficia contulit, minime ipse omnium contulisset, unum ac solum ad laudes hominis in omnem aeternitatem celebrandas sufficeret. Quandiu namque nomen erit litterarum, nomen Academiae Pisanae, nomen Sapientiae Pisanae, nomen urbis Pisanae, tandiu Laurentii Medices nomen apud posteros praedicabitur. Hic ego quid dicam de Petro & Ioanne, Laurentii filiis? quorum alterum se-

runt

runt tum in cetera omni litteratura, tum in Graecia litteris, adeo profecisse, ejus ut doctrinam, Graecique sermonis facilitatem atque elegantiam Graeci ipsi, qui frequentes Florentiam ventitabant, valde mirarentur; alter vero Pontifex Maximus creatus, Leoque Decimus appellatus, tam impense litteras coluit, tamque benigne atque liberaliter litteratos homines est complexus, ut, qui pater orbis terrarum legitimo suoque apud Christianos titulo vocabatur, pater etiam litterarum nuncuparetur, &, quod ad litteras humaniores attinet, aurea Augusti tempora Romae restituisse putaretur. O tempora illa Leonis Decimi vere aurea, cum summo homines ingenio amplissimis praemiis ad persequenda bonarum artium studia invitabantur, cum iis, qui veteres scriptores deperditos e tenebris eruisent, magna merces persolvebatur, cum doctrina atque eruditio in gradu dignitatis eminentiori collocabatur, cum Pontificis illius maximi atque doctissimi amores atque deliciae studia quaeque humanitatis habebantur, cum denique litterae Graecae atque Latinae Leonis Decimi liberalitate altae atque sustentatae, incrementa multo omnium maxima accepisse videbantur. Quis hic vestrum, Auditores, sibi facile persuadeat, post Leonem illum Decimum, aucta jam summis opibus atque honoribus litteratura, ad talem hanc & tantam Mediceorum hominum erga litteras beneficentiam quidquam unquam adjici atque adjungi potuisse? Et tamen, Cosmo illo Magno ad Etruriae postea principatum evecto, tanta facta est meritum Mediceae gentis erga litteras bonaeque disciplinas accessio, ut clarissima illa atque splendidissima superioris memoriae exempla, veluti lumen stellarum luce Solis, Cosmi Magni, reliquorumque Magnorum generosae illius stirpis Ducum studiis & liberalitate obscurata quodammodo fuerint atque offusa. Quae enim Cosmus sapientia erat, incredibili ac propemodum

dum divina, quum in parvo mediocrique imperio magnam Augusti fortunam studiose aemularetur, industriam omnem suam in eo etiam posuit, ut Augustum ipsum in liberalibus artibus protegendis atque ornandis non aequaret modo, sed etiam superaret. Deus immortalis! Potestne quidquam majus, atque etiam admirabilius dici, quam Cosmum Medicem, Ducem illum Etruriae, imperii magnitudine, & armorum potentia, tanto minorem Augusto, multo Augusto majorem beneficiorum erga litteras magnitudine exstitisse? Augustus, maximus ille terrarum orbis imperator, omniumque gentium Romani orbis dominus, pecunia non adeo multas in litteratos homines non adeo multos impendit: neque haec quantacunque ejus in litteras optimasque artes liberalitas valde diuturna fuit; sed vitae ejus terminis circumscripta est atque definita. Cosmus, Dux Magnae Etruriae, multo ille quidem minor dominator, Etruriae suae totius thesauros in litteras fovendas atque amplificandas profudit: neque hanc liberalitatem suam passus ipse est secum extingui, aut ad paucos duntaxat homines pertinere; sed eam ad plurimos longissime latissimeque propagavit, atque ad omnem posteritatem. Quis enim Academiam hanc Pisanam, lucem Etruriae, arcem omnium doctrinarum, domicilium ac sedem sapientiae, labentem fere hominum negligentia atque inclinatum, reparavit atque instauravit, nisi Cosmus? quis eam jacentem atque afflictam excitavit, nisi Cosmus? quis, studiorum bonarum artium jam pretiis imminutis, nudam antea atque inopem, certis atque annuis beatoris feliciorisque Etruriae proventibus locupletavit atque auxit, nisi Cosmus? quis liberales omnes disciplinas, quae hic Pisis a summis & celeberrimis viris docerentur, egregie perpetuoque dotatas reliquit, nisi Cosmus? quis denique, nisi Cosmus, hanc ipsam Academiam, summis summae doctrinae atque eruditioni praemiis tributis, nec nisi summis totoque orbe claris hominibus in

Q

Aca-

Academicorum collegium cooptatis, eo honoris atque dignitatis extulit, ut nulli cuiquam celeberrimarum toto terrarum orbe Academiarum secunda, plurimarum certe esse tunc princeps videretur? Quibus ego te laudibus esseram, Cosme, cujus solerti cura atque providentia bonae omnes artes atque disciplinae, earundemque artium praeclarissima quaeque ac nobilissima studia, non ad Etruriae modo atque Italiae; verum etiam Europae totiusque terrarum orbis, utilitatem, recreata sunt atque resloruerunt? Benefactum hoc tuum, divinum est atque immortale, neque unius hominis ingenio atque eloquentia satis pro dignitate celebrandum. Mitto, Cosme, ceteras virtutes tuas, mitto belli pacisque artes eximias, mitto sapientiam illam tuam singularem, qua quum Etruriae tuisque populis summam felicitatem pepereris, verissimum re ipsa comprobasti, quod philosophorum sapientissimus divina ac sapientissime protulit, beatas tum demum fore Respublicas, in quibus aut philosophi regnarent, aut reges philosopharentur. Optimam hanc Cosmus atque pulcherrimam hereditatem posteris suis Magnis Ducibus Etruriae Mediceis reliquit: qui omnes quum, pro suis quisque viribus, eam auxerint atque amplificaverint, optimorumque Ducum partes universas bene praeclareque expleverint; tamen eorum quisque eo melior atque laudabilior censeri & potest, & debet, quo propius atque perfectius Cosmum illum Magnum imitatus est, &, tanquam absolute regnandi exemplar, tum in ceteris aliis rebus, tum maxime in litterarum, Pisanique hujus Athenaei patrocinio, retulit in semetipso atque expressit. Quo majori nobis nunc gaudio exultandum sit, quod regnum hoc Etruriae a Magno illo Cosmo bonis auspiciis, ac virtute fundatum, tandem veluti per manus ad Franciscum III. Lotharingiae Ducem, devenerit. Sentio, me paulatim, Auditores, in eam orationis meae partem esse

esse delapsum, quae est de laudibus Lotharingicis: cuius quidem orationis in tanta rerum copia nihil difficilius sit, quam modum & certam quandam rationem tenere. Nec vero mihi nunc propositum est laudationem panegyricam facere. Nam si artifex ille, & pater eloquentiae Isocrates, cuius domus officina quaedam fuit dicendi, decem, aut etiam, si Deo placer, quindecim annos fertur panegyricam orationem suam de Atheniensis urbis laudibus elaborasse: qui ego me sperem, mediocri hominem ingenio, ac tenui, seu nulla potius eloquentia, intra perbreve hoc tempus, orationisque huius meae angustias, divinas tuas, Magne Dux Franciscæ, majorumque tuorum laudes satis commemoraturum? Conabor tamen, quantum potero, partem aliquam earum laudum attingere atque delibare. Quamquam, cum maximis modo laudibus Mediceos homines, ac Magnos Duces afficiebam, multo potiori jure heroes quodammodo Lotharingos collaudare ipse mihi videbar: qui a bonarum litterarum patrocinio, atque a ceteris omnibus pacis artibus praeclarissimis, eo mihi magis celebrandi esse videntur, quod militari etiam fortitudine praestiterunt, & pericula plurima atque gravissima, quae in rem Christianam ab hostibus immanissimis imminebant, armis atque victoriis a Christiano longe orbe propulsarunt. Iam vero, constituto Magno Etruriae Duce Francisco III. Lotharingo, quanta & quam incredibili voluprate gens Etrusca perfusa est, cum plane liquidoque perspexit, Magnos sibi nunquam optimosque Duces defuturos, qui rem Etruscam Etrusque nominis majestatem servarent atque augerent. Quod quam tute, Franciscæ, Etruriae jam tuae plene cumulateque praestiteris, quo te unquam nomine appellem? Tu salutis nostrae auctor, tu Etruscae dignitatis assertor, tu pristinae nostrae felicitatis restitutor, tu pater nobis patriæ. Tua enim jam Lotharingia, Franciscæ, nostra

Q.

hæc

haec Etruria. Haec tibi domus paterna, hoc tibi avitum regnum, haec tibi patria, Etruria: quae a te servata, patrem quoque te suum, amoris atque honoris gratique animi causa, agnoscit, confitetur, cunctisque omnium suffragiis appellat. O nos beatos, quibus datus es divinitus pater, & talis pater, qualem neque meliorem, neque nostrum amantiozem, optare nunquam potuissimus! O beatam felicemque Etruriam, quae in extremum pacis discrimen salutis adducta, sic inde, te auctore atque auspice, evasit, ut nunquam antea beatior atque felicior fuisse videatur! O diem illum fortunatum, & melioribus plane lapillis nolis consignandum, quo, miro ordinum omnium Etruriae consensu, maximoque populorum plausu, Senatu Florentino verba praecunte, atque in ea verba jurante, sanctissimo iurejurando tibi nos devinximus, tibi nos nostraque omnia libentes volentesque tradidimus, tuosque nos fore, perpetuoque tibi, tanquam optimo & clementissimo patri, subjectos atque obedientes polliciti sumus! Illud enim mehercule initium ac fundamentum totius nostrae felicitatis. Quoniam vero maxima pars felicitatis est securitas, sine qua beata civium vita nullo modo esse potest: quae & quanta est, Auditores, nostra haec felicitas, quorum summa atque firmissima est per Magnum Ducem nostrum Franciscum Lotharingum securitas! Quis enim Francisco aut ad bella profliganda, ac repellenda fortior, aut ad pacem & tranquillitatem tuendam sapientior? Minervam, quae dea est sapientiae, fabulati sunt Poetae, humaniorum simul litterarum disciplinis ac bellicis rebus praesidere: ut hac nimirum ratione significarent, utramque illam & militiae & sapientiae laudem sociatam inter sese plerumque esse atque conjunctam. Quotus enim quisque est ab omni hominum memoria summorum ducum, atque imperatorum, qui non etiam sapientiae atque litterarum libera-

ra-

ralissima studia excoluerit, atque in utraque illa & sapientiae & fortitudinis laude non quam maxime excelsuerit? Testem cito Alexandrum illum Magnum, testem C. Iulium Caesarem, testem Carolum illum Magnum, testes Duces Lotharingos, viros fortissimos atque sapientissimos, qui militiae & literarum studia superioribus semper temporibus acerrime consecrati, utraque illa simul laude summopere floruerunt. Sed, quoniam ita natura comparatum est, ut quae una in familia in varios diversosque subinde homines summa atque praeclara dispersa fuerant, in unum aliquando divinitus congregentur, atque conveniant; quis, quae Ducibus singulis Lotharingis praeceipua antea atque eximia fuerunt, belli ac pacis ornamenta, non simul omnia in unum tandem Franciscum collecta esse fateatur? quem Imperator Caesar Carolus, qua est sapientia, singulari ac paene divina, unum omnium dignissimum iudicavit, cui filiam suam natu maximam, eandemque regnorum suorum heredem, Theresiam Austriacam, eximia pulchritudine ac sanctimonia feminam, omnique virtute ornatissimam, in matrimonium collocaret. Bellicae illae artes sunt, quae in summo imperatore requiruntur, scientia rei militaris, virtus, auctoritas. Quis autem Francisko rei militaris scientior, qui parva manu innumerabiles hostium copias aut vicit, aut refregit, aut retardavit? Quis virtute Francisko praestantior, qui in summis atque gravissimis periculis exemplum sese fortitudinis bellicae militibus ad imitandum proposuit, summaque innocentia, fide atque temperantia bellica administravit? Quis propter magnam heroicam cuiusdam atque excellentis virtutis opinionem, auctoritate Francisko illustrior, quem sic reveriti sunt milites ac coluerunt, nulli ut alteri cuiquam imperatori obediuntiores sese atque obsequentiores vel in maximis discriminibus praestiterint? Iam vero quum pacis artes

riae ac plurimae sint, caeque omnes praeclarissimae simul atque difficillimae, quibus populorum quiete inter sese, & cum finitimis agentium tranquillitas fere atque felicitas continetur, quis ab iis omnibus artibus non summis ad caelum laudibus Franciscum extollat? Experta est nuper maximo suo bono & experitur Etruria, quanta is cura atque providentia populis suis consulat, quam legitime atque aequabiliter iustitiam administret, quam recte atque sapienter clementia iustitiam temperet, qua & quanta aequitate summi juris rigorem mitiget, qua & quanta prudentia omnes res civiles moderetur, quam amantem denique sese suorum & publici boni studiosum exhibeat. Haec omnia, procul a nobis agente Magno Duce nostro Francisco III. Lotharingo, reiisque Christianae causâ difficillimum & gravissimum bellum cum barbaris impiisque hostibus in ultimis Pannoniae finibus gerente, haec, inquam, omnia, quae dixi, beata felixque Etruria sentit interea atque experitur per viros prudentissimos atque sapientissimos, quibus ille vice sui rem Etruscam regendam commisit. Qua ipsa in re quis divinam vereque singularem Magni Ducis nostri sapientiam non admittit, qui ipse per sese discreverit, summaeque rei Etruscae viros tales praefecerit, qui de publicis privatisque rebus deliberaturi, fidem semper ac probitatem in consilium adhibeant? aut quis paullo prudentior atque perspicacior animi consiliique ejus magnitudinem non inde facile metiatur atque suspiciat, quod viros vitae integritate atque sanctimonia, virtutisque atque ingenii excellentia magnos per sese atque illustres, ad rempublicam nomine suo administrandam admoverit? Quod si ille absens longaque remotus vim beneficentiae suae talem ac tantam late in Etruriam diffundit: quid fore unquam ceuseamus, si ipse per sese Etruriam invisat, ipse semet Etruscae spectandum ac fructum praebet, concurrentem ad sese Etruriam, sibi que omni laetitiae gestu plauden-

dentem, ipse amanter complectatur? Atque haec porro votorum Etruriae summa est; idque unum ac solum superest ad perfectam atque absolutam Etruriae felicitatem. Liceat vero jam mihi, Magne Dux Etruriae, Franciscæ, quando non licet praesentem, absentem te alloqui, tuaeque tibi Etruriae sensa & communia nostrum omnium vota publice exponere. Scio maxima tibi imperia esse olim divinitus destinata, nec potentiam ac majestatem tuam angustis Etruriae finibus inclusum iri; sed ad alias quoque maximas gentes eam sese esse longe lateque explicaturam. Manent te regna, manent te imperia amplissima atque opulentissima, & qui Magnus nunc Dux, Magnus olim Rex nominabere. Haec omnia scio, ut multa saepe soleo in hac rerum humanarum vicissitudine atque varietate in posterum providere. Verumtamen, Magne Dux, tua tibi se Etruria, quae te patrem ac dominum jure jam suo, ac certo habet, unice ac praecipue commendat. Iam vero, te Magno Duce, novo hoc suo atque eximio splendore Etruria mirum in modum laetatur, jamque omnino, Franciscæ, ac certissime sperat, te dominum ac regem suum omnem desiderii sui expectationem adventu tuo brevi esse expleturum, ut tuo ipsa sub imperio in suam pristinam potentiam ac magnitudinem restitatur. Ac videor jam mihi universam Etruriam, sedibus suis veluti relictis, obviam tibi prodeuntem; jamque te triumphali pompa, inter populorum plausus atque acclamationes, in nobilissimam hanc atque clarissimam, quondam etiam totius Etruriae potentissimam urbem, Pisas, jamque in Museum hoc Etruriae, in hanc nostram Academiam, atque in hoc ipsum magnum sapientiae atque in eloquentiae Gymnasium, ingredientem videre; itaque jucundissima hac dulcissimaque cogitatione abripitur atque exultat animus meus, vix ut mihi temperem, quin tibi, quasi praesenti, orationem de laudibus tuis,

tuis, qualem me certe habiturum esse confido, habeam nunc ex hoc ipso summae auctoritatis loco panegyricam. Nunc vero in communi hac Pifarum, totiusque Etruriae expectatione, quid Pisis, quid litterarum studiis, quid nobis, qui studia haec litterarum profitemur, hodieque a nomine tuo, veluti tutelaris cujusdam numinis, bonis ominibus ac votis auspicamur, quid tandem matri huic studiorum, florentissimae huic totoque terrarum orbe celebratissimae Academiae, de patrocinio ac liberalitate tua non sperandum? quando aurea illa litterarum ac doctrinarum tempora, illa, inquam, tempora, quae hic Pisis sub Christina Lotharinga heroina, florentibus maxime propter praemiorum ubertatem atque opulentiam litteris, fuerunt; Magno jam te Etruriae Duce, Francisce Lotharinge, aucta atque amplificata studiorum nostrorum dignitate, multo etiam beatiora atque feliciora redierunt.

FRAN-

FRANCISCO . GVICCIARDINIO
COMITI . PATRICIO . FLORENTINO
VIRO . CLARISSIMO
ET . NOBILISSIMO
ET . DE . OPTIMIS . LITTERARVM . STVDIIS
PRAECLARE . MERITO
QVOD . MAIORVM . SVORVM . VESTIGIA
SECVTVS
NOBILITATEM . SVAM . IN . VIRTVTE
ATQVE . IN . LITTERARVM
ET . ERVDITIONIS . GLORIA . POSVERIT
SINGVLARIQVE . SEMPER . BENEVOLENTIA
DOCTOS . VIROS . COMPLEXVS . FVERIT
ALEXANDER . POLITVS
ORATIONEM . SVAM
AD . ACADEMIAM . PISANAM
DE . OPTIMORVM . STVDIORVM . ASSIDVITATE
AD . GLORIAM
GENTIS . GVICCIARDINIAE
SEMPITERNAM
D. D. D.

O R A T I O VII.

DE OPTIMORUM STUDIO RUM ASSIDUITATE.

QUamquam, quae in tanta tractandorum argumentorum copia multo utiliora, & ad diei hujus celebritatem, atque ad litteras promovendas opportuniora, visa mihi semper sunt, ea, quam potui, diligentissime, sum ego quorannis in his litterarum studiis auspicandis oratione mea persecutus; tamen fateor, tali ac tanto conatu meo id, quod mihi jam inde ab initio suscepti muneris proposueram, me nondum explevisse. Proposueram mihi, Auditores, summum in doctrina virum informare, & quam doctrinae atque eloquentiae formam omni ex parte perfectam atque absolutam animo meo conceperam, spectandam adolescentibus exhibere, cujus ipsi pulchritudine ad omne doctrinarum genus allicerentur. Neque vero inde aliud expectari posse videlatur, quam quod unusquisque sibi vestrum certissime pollicitus fuerat, summo ingenio adolescentes, sapientiaeque amore mirifice succensos, altissimum doctrinae atque sapientiae gradum esse atsecuturos: cum ecce vobis, stulta quaedam ac falsa, quam plerique sibi adolescentes importune induerunt, summae doctrinae ac scientiae suae persuasio, de medio eos doctrinarum cursu, perniciosissimo sane ac maximo errore, revocavit. Neque enim ulla alia bonis litteris atque doctrinis tam detestabilis pestis

R 2

est,

est, quam putare, ad summam te ante doctrinam pervenisse, quam perveneris. Teterriam hanc ingeniorum pestem ut ab adolescentium nostrorum animis longissime depellam, muneris mei esse duxi, hodierno die, in hac tanta doctissimorum hominum frequentia, breviter demonstrare, quo quisque doctior est, atque eruditior, eo majori studio in omnem ei doctrinam atque eruditionem esse incumbendum. Quod in me est, conabor equidem nihil dicere, quod non dignum loci hujus amplitudine, atque adolescentium nostrorum studiis esse videatur.

Ac profecto agitur hic, Auditores, de summa totius eruditionis atque doctrinae. Ceteri veluti gradus sunt, quibus ad summam rerum omnium scientiam ascendimus: hic apex, hoc culmen, hoc fastigium est, non certe quidem spectare, quid & quantum quisque in doctrinis profecerit; sed quid & quantum sit sibi adhuc ad summam perfectamque doctrinam proficiendum. Unde vero existimetis, viros, mortalium omnium iudicio, & totius antiquitatis unanimes consensione, longesapientissimos, tantos in doctrinis progressus facere potuisse, ut nihil non scire viderentur, nisi ex eo quia sibi ii certo persuaserant, sese minimum ac nihil fere scire? Inde enim maxime movebantur, ut multarum magnarumque rerum scientiam, quam sibi deesse perspiciebant, multo laboriosius atque diligentius perquirerent. Unde enim Chrysippus, non ipse modo totam vitam suam in bonarum artium, ac praesertim in Dialecticae studia accuratissime impendit; sed, quum de liberis educandis optima praecepta conscriberet, nullum etiam vel infantilis aetatis tempus vacuum a litterarum cura esse permisit, nisi ex eo quia abiciendae rerum ignorantiae totum vivendi spatium minime satis esse iudicavit? Unde illa etiam non Hippocratis modo & Theophrasti; sed etiam totius generis humani de brevitate humanae

vitae querela, nisi ex eo quod multa adhuc mortales; cum vita eos deficit, ignorant? Unde illa quoque Aristotelis, summi & sapientissimi viri, in veteres philosophos accusatio, qui philosophiam suis ingeniis perfectam credidissent, quos quidem philosophos Aristoteles aut stultissimos, aut glorioſissimos fuisse ait, nisi ex eo quia multo illi plura de philosophia nesciverant, quam didicissent? Quamquam nihilo iis, hac certe in parte, seu prudentior, seu modestior, censeri ipse debet Aristoteles, qui, quod paucis annis magnam philosophiae accessionem factam videret, brevi eam tempore plane absolutam fore existimaverit. Quasi vero, posteaquam multa perspecta, atque cognita fuerunt, non multo etiam plura cognoscenda adhuc superessent. Id, quod res ipsa, jam inde ab Aristotelis, & superioribus etiam Aristotele temporibus, abunde testata est, hodieque testatur, &, quod ego certissimus vobis vates futurum praedico, quoadusque philosophiae ac litterarum studia vigeant, in saeculorum omnium posteritatem testabitur: optimum nimirum & doctissimum quemque philosophum plurima adhuc ignorare, multaque & magna, quae ipse prorsus nesciat, per totam quotidie vitam addiscere. Quis enim ante Aristotelem perfectior in doctrina Democrito, quem ita in philosophia versatum fuisse ajunt, ut & Physica & Ethica & Mathematica, & disciplinarum humanitatis orbem, atque universas tenuerit? Et tamen Aristoteles negat, ullum prorsus superioris memoriae philosophum philosophiam numeris suis absolvisse. Quis paullo ante Aristotelis tempora, atque ipsis etiam Aristotelis temporibus, Platone, philosopho plane divino, rerum omnium scienter, qui disciplinis omnibus Atheniensium mire eruditus, in Italiam ad Pythagoricos, in Aegyptum ad Sacerdotes, sapientiae addiscendae causa, navigavit? Quis ipso Aristotele? quis, post Aristotelem, Theophrasto?

quis

quis ceteris, qui in scholam Peripateticam successerunt, viris doctissimis atque sapientissimis, certe quidem in iis, quae ad sapientiam pertinerent, versatior atque eruditior? Quid Peripateticos dico? quum principes ceterarum omnium sectarum philosophi, quum astrologi atque mathematici, quum medici atque jurisconsulti, quum ii etiam, qui res sese divinas interpretari profitentur, Theologi, nervos omnes ingenii, longissimo temporum spatio, in eo unice contenderint, ut reconditiora quaeque atque abstrusiora in medium exponerent, atque explicarent, summis his & perfectissimis viris quis omni doctrina rerumque maximarum notitia excultior? Qui tamen omnes, tantum abfuit, ut vigiliis ac laboribus suis summam atque perfectam omnium rerum, tum divinarum, tum humanarum, causarumque; quibus hae res continentur, scientiam, quam ipsam volunt esse sapientiam, assequerentur; ut ne ipse quidem sapientiae ac scientiae princeps Aristoteles rem non magno admodum momenti, sed curiosioris subtiliorisque inquisitionis, Euripi illius Chalcidici naturam ullo unquam studio explorare atque expiscari potuerit. Neque vero est negandum, Auditores, quod res ipsa palam loquitur, multa viros illos sapientissimos praeclare excogitasse atque detexisse, quae occulta antea, atque in quibusdam veluti ignorantiae tenebris abdita fuissent. Sed ut multa illi investigaverint, eruerint, cognoverint, quam multa etiam eos fugerunt! quam multa etiam in caelo & in terris, & in omnibus liberalissimis artibus atque disciplinis iis penitus latuerunt, quae alii post alios assiduo studio ac labore potuerunt tandem apprehendere! Satis vos hinc intelligitis, Auditores, in hac tanta obscuritate atque ignorantia rerum, quantum docto cuique viro ad summam rerum omnium scientiam eritendum sit, praesertim si ipse est a doctrina atque eruditione instructior. Nam quo quique doctior est

est atque sapientior, eo etiam plura atque majora agnoscit sese ac videt nescire. O magnos illos & sapientes viros, quibus magna quaedam scientia, atque adeo pars prima sapientiae visa est, scire, sese minime omnium esse eruditos! O Socratem! o viros illos sapientissimos, qui hoc unum sese scire, apertissime professi sunt, se nihil scire! An vero, quum optimae omnes artes honestissimaeque disciplinae ita inter sese connexae sint atque consociatae, ut, qui unam habet, alias sibi ad veram solidamque sapientiam adjungat, necesse sit: quo quisque una aliqua disciplina eruditior atque exercitior fuerit, non idem ipse plane videat atque intelligat, eo etiam plura atque majora ad perfectam & consummatam ejus disciplinae cognitionem ex ceteris omnibus disciplinis adjumenta sibi scientiae esse penitus comparanda? Applicat sese quis ad Theologiam, quae ex altissimis divinisque omnino principiis summa est scientia rerum divinarum? quam magnam, & quam infinitam, & quam multarum ac magnarum rerum scientiam postulat Theologia, cujus quidem est summum atque acerrimum in res omnes atque disciplinas humanas iudicium exercere! Theologiae enim est, ea omnia, quae seu voce, seu scripto, divinitus nobis tradita sunt, atque ex asilatu divino veluti per manus ad nos transmissa, recte intelligere atque explicare. Theologiae, vim illam summae auctoritatis, quae in Senatu Christiano, Senatusque Christiani principe, Pontifice Maximo, divinitus residet, perfecte tenere. Theologiae, rectum atque legitimum Christianorum Patrum atque sanctorum usum percipere. Theologiae, rationem ipsam humanam atque philosophiam sibi in subsidium adsciscere. Theologiae denique, historiam rerum gestarum, tum ab orbe condito, ortuque generis humani, tum maxime a Christo nato usque ad nostra haec tempora, perspectam atque cognitam habere. Haec omnia sunt Theolo-

lo-

logiae. Studet quis Philosophiae? quam operosa res est, quantique studii ac laboris, & quot res ac quantas complectitur Philosophia, quae non res modo humanas, sed etiam divinas, quantum quidem per humanam imbecillitatem licet, suas per causas contemplatur! Unde enim, nisi ex studii hujus magnitudine atque difficultate, Aristoteles, vir talis ac tantus, Platonem, talem virum ac tantum, viginti integros annos in Philosophia audit? Operam dat quis Medicinae? Non tam quidem laboriosa, neque tam operosa Medicina, quam Philosophia; sed tamen quanti & ipsa, & quam operosi laboris! quum optimus quisque medicus, idem sit & philosophus, quod ostendit Galenus, nec bene calere possit medicinam, nisi qui & Arithmeticen, & Geometricen, & Astrologiam cognoverit. Ius quis civile confectatur? quanta porro cognitio illa juris civilis, & quam diffusa, quae est cognitio ipsius aequitatis! quum vel unus XII. Tabularum libellus de gravissima Crassi apud M. Tullium sententia, bibliothecas omnium philosophorum & auctoritatis pondere, & utilitatis ubertate superare videatur. Quam multa enim & Philosophia, quam multa ex historia gentiumque omnium consuetudine, quam multa ex Ethice ac Politice, itemque Oeconomice, ceterisque omnibus disciplinis, oportet, is hauriat, qui boni & aequi notitiam proficitur! Quid reliquas disciplinas artesque liberalissimas commemorem? quas quo quis interius inspexerit; eo alia plura ac majora scitu sibi esse necessaria fateatur. Quid commemorem Dialecticam, cujus certe est rationem per omnes artes atque disciplinas ad veritatem dirigere, eamque in differendo, verisque ac falsis dijudicandis moderari? Quo enim non pertinet Dialectica, cujus quidem est quaecunque de re in utramque partem disputare? adeo ut Dialecticae prorsus sit quaecunque recta esse videtur & Theologiae & Philosophiae, & Me-

di-

Cicinae, & Iurisprudentiae ratiocinatio. Quid dicam de
 Mathematicis disciplinis? quid de Geometria? quid de
 Arithmetica? quid de Astrologia? Quid enim Geome-
 tria atque Arithmetica non ad Philosophiam modo,
 sed etiam ad Astrologiam intelligendam magis necessa-
 rium, quibus, quasi alis, quod aiebat Plato, evolare
 mens hominis e terris ad caelum videtur? Age vero,
 quale & quantum est studium illud Astrologiae; quam
 multis difficultatibus, & quam magnis, intricatum
 quam multa illud & quam magna ab aliis disciplinis
 subsidia, praesertim a Physice, atque Optice, mutua-
 tur! Quid hoc afferam *id utraque*, quorum tanta
 est cum astronomicis illis conjunctio, atque consociatio,
 ut viri longe sapientissimi ex vario eoque constantissimo
 orbium caelestium motu numerum atque naturam in-
 telligentiarum, certo quodam firmoque argumento, col-
 legerint? Percurrite hic, Auditores, universum illum
 disciplinarum artiumque liberalissimarum orbem, oppi-
 do amplissimum, multoque pulcherrimum, in quo di-
 scendi quisque studiosus sese ad doctrinam & eruditio-
 nem exercent, Semper enim una doctrina aliam deside-
 rabit, aliaque ex alia efficietur. Ipsa illa, quae mino-
 ra atque tenuiora in eruditionis negotio esse videntur,
 quantum, Deus bone, habent laboris atque difficultatis,
 & quid & quantum scientiae sibi atque eruditionis de-
 poscunt, ut quis in iis cum aliqua ingenii ac doctrinae
 laude versetur! Quid enim planius ac facilius historia?
 Quid historia laboriosius atque difficilius? quae & Geo-
 graphiae & Chronologiae & Astrologiae scientiam exqui-
 sitiore atque excellentiore requirit, Quid dulcius ac
 jucundius Poesi? Quid Poesi operosius atque eru-
 ditius? quae, fictis ad delectationem fabulis, aptatisque
 ad aures mulcendas carminibus, prima quaedam visa
 est naturae ac morum philosophia, & quam ma-
 gna rerum cognitione ac scientia Poetas excellere ne-

cessè sit, inde etiam intelligi potest, quod *deides*, quasi valde intelligere, apposito ad rem exprimendam vocabulo, idem omnino Graecis valeat, ac canere, id, quod est proprium Poetarum. Quid tenuius atque jejuni Grammatica? Quid etiam Grammatica majus atque uberius? quae ceterarum omnium praestantissimarum artium atque disciplinarum scientiam suo sibi jure vindicat, & per omne scriptorum genus, per historicos, per poetas, per oratores, per philosophos, atque adeo theologos, latissime longissimeque pervagatur. Nam si Grammatici est, non poetas modo, sed etiam reliquos omnes scriptores, intelligere atque enarrare, cujus unquam generis eruditionis expertus esse possit Grammaticus, qui nec sine musice metrorum, ac ihythmorum rationem explanet, nec sine siderum scientia poetas intelligat, nec sine philosophia Lucretium interpretetur, nec sine exacta maximarum quarumque rerum cognitione de scriptoribus judicet, nec sine summo judicio & multarum rerum peritia genuinos veterum libros, a falsis atque adulterinis discernat? Multa hic sane pervideat, oportet, Auditores, quae perspicere nullo modo potest, qui non ita sit in rebus grammaticis exercitatus. Nec enim cujusque est, Paravitatem in Livio deprehendere; sed Asinii Pollionis, hoc est, hominis multo doctioris atque eruditioris, qui mentis quidem suae acie eo penetret, quo nequeunt alii minus eruditi minusque perspicaces; sed & idem ipse, quo plura scit atque comprehendit, eo etiam plura atque majora, semet sentiat ignorare. An vero, quum, veteri eoque optimo instituto, jam inde a teneris lectionem nobis a summis Poetis, ab Homero & Virgilio, summi ac sapientissimi magistri exordiendam esse praeceperint, putatis ne, simul ac principes illos Poetas legere primum quis incipit. divitias Graecae Latinaeque sapientiae universas sese ei in unum veluti sponte effunde-

re,


re, &, quae ex intimis Philosophiae fontibus uterque Poeta uberrime atque copiosissime hausit, sese ei in conspectum dare? Minime prorsus, Auditores. Immo vero cum quis primum Homerum ac Virgilium legit, miram ille quidem ex fabulis voluptatem percipit, animoque etiam ad heroici carminis altitudinem atque sublimitatem assurgit, spiritumque item ex rerum magnitudine virilem ducit, & optimis quibusque imbuitur; sed interiores illas atque reconditiores sapientiae opes, quae sub externo fabularum ac verborum cortice delitescunt, minime omnium contemplatur. Has relegendo paulatim intelligit, ita ut, quo doctior fit atque eruditior, eo majores amplioresque in utroque Poeta sapientiae atque doctrinae divitias, quas antea non viderat, ratione atque intelligentia comprehendat. Quod & in arte oratoria, & in qualibet liberalissima disciplina ita fere usuvenit, ut, quo quis in ea est eruditior, plura sibi adhuc, quam ceteri, qui non eo eruditionis pervenerunt, addiscenda esse perspiciat. Atque hic Marcum Tullium, quem alias saepius, nunc etiam appello, summum & oratorem & philosophum; in quem unum virum cunctas suas beatas copias sapientiae atque eloquentiae effudisse simul videntur, qui quamvis non eas omnes artes, atque disciplinas, quibus egregie instructus in forum processit, semper in dicendo adhibuerit; tamen ubique, vel in minimis quibusque rebus, veluti in quadam umbra & imagine sui, semetipse indicat, qualis vir & quantus extiterit, quamque in omni litteratura, in Geometria, in Astrologia, in reliquis Mathematicis, in Dialectica, Physica, Iurisprudencia, Ethica, in ceteris omnibus disciplinis, atque in omni Philosophia, excelluerit. Quis enim Tullio in historicorum poetarumque lectione versatior? in regionum locorumque descriptione accuratior? in argumentando acutior? in naturae causis pervestigandis perspicacior?

In civili vita prudentior? in bonis suadendis utilior? in omni philosophiae parte sapientior? in omnibus quaecunque de re disputationibus copiosior? Tullium igitur cum appello, testem appello locupletissimum atque gravissimum: qui, quum ab ineunte aetate ad omnem sese eruditionem paravisset, animumque suum omni doctrina, omnibusque sapientiae studiis excoluisset, doctusque in forum, non docendus, venisset, artemque dicendi ad summum fastigium evexisset, omnesque Graecorum virtutes, vim Demosthenis, suavitatem Isocratis, subtilitatem Lysiae, copiam Platonis, Aristotelis acumen, complexus in semet unus mirifice fuisset; tamen, quod multum sese & longe adhuc a perfecta sapientia atque eloquentia abesse animadverteret, aliorum sese disciplinae tota Asia atque Graecia de novo erudiendum, ac veluti recoquendum, tantus & philosophus & orator, tradere non dubitavit. Quod si ita est, ut certe est, si qui multo plus sciunt, quam ceteri omnes, ii etiam multo plus, quam ceteri omnes, se nescire intelligunt: quis non fateatur, Auditores, quod dictu admirabile quidem videtur; sed tamen verissimum est, quo quis magis in doctrinis profecit, eo sibi esse magis in doctrinas incumbendum? Accedit, Auditores, quod quo quis doctior est bonisque litteris exultior, eo etiam ab illo plura multoque majora merito requiruntur. Magnam enim vero personam sustinet is, qui doctrinam atque eruditionem proficitur. Est enim veluti commune quoddam oraculum non civitatis modo suae; sed etiam totius terrarum orbis, quod studiosi ubique eruditionis curiosique etiam homines de rebus gravissimis atque maximis, omniumque difficillimis, quae doctrinarum & humanitatis studiis maxime continentur, addiscendi causa, consulant. Quid homini huic ignorare jam licet, quem reliqui de vulgo homines, ut de Longino illo rhetore ferunt, veluti vivam quandam bibliothecam, & mu-

& museum, ut ita dicam, ambulatorium, respectent; quem prae sapientia atque eruditione singulari planeque eximia, suspiciant atque admirentur, qui de interioribus & reconditis quibusque doctrinis interrogatus, debeat cuique hominum satisfacere? Quam diligenter, quam accurate, quam longo perpetuoque studio huic homini providendum est, Auditores, suae ut existimationi consular, ut nequid turpiter ignoret, quod ad tuendum doctrinae atque eruditionis munus conducere quodammodo ac pertinere videatur! Ferunt, olim Themistoclem, quod in epulis lyram recusasset, indoctiorem habitum fuisse. Dicitur etiam Socrates, quod tribus suae suffragia numerare ex recepta consuetudine nescivisset, ridiculum sese in concione praebuisse. Ergo, si summis illis & sapientissimis viris, tametsi omni alio eruditionis genere ornatissimis, tamen dedecori fuit, aliquid nescire, quod extra sapientiae studia positum iis videretur, nec doctrina satis exculti iidem habiti sunt: quanto turpius atque ignominiosius fuerit homini, qui doctrinae atque eruditionis munus suscepit, in eo, quod professionis suae est rudem sese atque imperitum confiteri! qualem rhetorem illum memorat Fabius, qui, quid esset *σχῆμα* & *ῥήμα*, interrogatus, nescire sese respondit. Non est quidem turpe, Auditores, hominem de trivio, ea, quae oratoriae sunt artis, penitus ignorare. At ea nescire rhetorem, quid turpius? Non turpe est, rhetorem caussarum naturalium praeceptorumque bene vivendi ignarum sese atque imperitum dicere. At ignarum sese atque imperitum philosophum dicere, quid turpius? Non turpe est, philosophum de arcanis iis divinitatis, quae supra universum ordinem naturae, atque adeo ultra certos ac constitutos intelligentiae nostrae fines longissime altissimeque posita sunt atque collocata, nolle quomodocunque disserere ac disputare. At de arcanis divinitatis sive ad defendendum,

sive ad explicandum, disputare nolle theologum, quid turpius? Non turpe denique est, alienum a sapientiae studiis hominem in plurimarum & maximarum rerum ignorantia versari. At in hac maximarum rerum ignorantia versari studiosum hominem sapientiae, quid turpius? Ergo, quum multo turpissimum sit, hominem, qui omne doctrinarum genus proficitur, genus aliquod doctrinarum minime tenere; quis non videat, quo quis doctior est, atque in orbe disciplinarum omnium versatior, eo magis magisque laborandum ei esse, ut, quam eruditionis atque scientiae partem habet, in dies augeat atque perficiat? nimirum ut ad sermonis elegantiam majorem semper rerum scientiam adjungat, ut Latino-rum Graecorumque scriptorum notitiam multo semper exactiorem adipiscatur, ut historiae non civilis modo ad usum Politices, sed etiam sacrae ad usum Theologiae, cognitionem multo sibi accuratiorem comparet, ut historiam quoque suae gentis suorumque temporum ad variam multiplicemque eruditionem multo curiosius atque exquisitius teneat, ut & Poetices, & Rhetorices, & Dialecticae, & Cosmographiae, & Chronologiae studia diligentius in dies persequatur, ut multo sese, quam antea, laboriosius in Geometria, & Astrologia, reliquisque Mathematicis disciplinis exerceat, ut operam multo frequentiore, atque assiduiorem det juri civili, det rebus medicis, det Philosophiae, det Theologiae, ut semper de novo ad litterarum studia aggressus esse videatur. Neque vero doctrina vobis despondenda est, optimi adolescentes, ea ipsa re, quae vos maxime ad summam doctrinam acuere atque excitare debet, eo quia nimirum, quo quis plus in doctrinae atque eruditionis studiis proficit, eo etiam plus laboris atque diligentiae huic homini adhibendum est, ut doctior in dies atque eruditior evadat; perinde quasi nulla unquam ratione fieri possit, ut ad summam atque absolutam rerum

rum omnium maximarum scientiam idem ipse aliquando perveniat. Quid? Putatisne, boni adolescentes, laboribus his vestris, vestraque hac incredibili industria fieri unquam posse, quod ingenii humani imbecillitas in tanta hac vitae nostrae ac rerum caligine minime omnium patitur, ut quae nemini cuiquam vel sapientissimorum ac doctissimorum virorum post hominum memoriam obtigit, summa perfectissimaque rerum omnium eruditio, haec vobis tandem contingat, cui nihil unquam adjici possit? Sed, etsi ita gignitur discendo eruditio, ut semper aliquid addiscendum supersit, num ideo nobis animus in comparanda doctrina abjiciendus, & non potius difficultati ipsi insurgendum, illudque pugnandum, & enitendum, ut, si non summam omnique ex parte perfectam, certe, quam possumus, maximam rerum omnium scientiam acquiramus? Quid nobis, Auditores, studiisque nostris factum fuisset, si, qui doctrinarum nobis facem praetulerunt, ita animati fuissent, ut, quia de perfectissima omnium rerum scientia desperandum cuique hominum erat, non multo, quam antea, accuratius atque diligentius ad artes liberalissimas ornandas atque perficiendas laborandum sibi existimassent? Neque enim eae artes tam perfectae, quam nunc sunt, ad nos pervenissent, neque tam multa, eaque tam praeclara, quae superiori memoria in quodam veluti profundo delituerant, in tantam hanc litterarum & doctrinarum lucem prodissent, nisi, qui eas artes acquisiverant, majori semper in eas studio incubuissent. Ergo quum maximis illis & doctissimis viris ipsa summae doctrinae absolvendae difficultas incitamentum diligentiae & laboris fuerit, intelligite tandem, adolescentes, quod me haecenus demonstrasse opinor, quo quisque vestrum magis magisque in dies in doctrina atque eruditione proficit, eo majus atque acrius sibi esse in litteris atque doctrinis studium collocandum.



FRANCISCO . INCONTRIO
ARCHIEPISCOPO . FLORENTINO
VIRTUTE . PIETATE . GENERIS . NOBILITATE
SACRA . ERVDITIONE
BONARVMQVE . LITTERARVM . STVDIIS
CLARISSIMO
ET . DE . SCHOLIS . PIIS . OPTIME . MERITO
ALEXANDER . POLITVS
ORATIONEM . SVAM
AD . ACADEMIAM . PISANAM
DE . LECTIIONIS . ASSIDVITATE
OB . INSIGNIA . EIVS
IN . ORDINEM . SCHOLARVM . PIARVM
BENEFICIA
MEMORIAE . ET . HONORIS . CAVSSA
D. D. D.

T

ORATIO VIII.

DE LECTIONIS ASSIDUITATE.

SAepe ego miratus sum, Patres sapientissimi, Auditores ornatissimi, quid causae sit, quare, quum plerique omnes adolescentes, eloquentiae atque artium liberalissimarum mirifico studio incensi, totos sese comparandae hic sapientiae tradiderint, atque ut universas perfecte doctrinas adipiscantur, in his scholis, atque in hac florentissimae Academiae celebritate assidue versentur: tamen eorum pauci, immo vero & paucissimi, summi perfectique oratores, atque in omni genere & varietate disciplinarum excellentissimi evadant. Equidem mihi cogitanti, atque in hujus rei causam curiosius inquirenti, quum plures sese causae offerrent: tamen, quae mihi penitus satisfaceret, nulla adhuc causa occurrebat, non locordia adolescentum nostrorum, qui & ingenio sunt ad omnem rerum scientiam paratissimo, & operam dant praeceptoribus suis diligentem atque quotidianam, non incommoditas locorum atque temporum, quae loca ac tempora hic Pisis, aere saluberrimo, in placidissima quiete, rerumque omnium tranquillitate, atque in maxima, egregiorum exemplorum copia, hortari nos vehementer ad litterarum studia videntur, non incuria denique, neque negligentia praeceptorum, qui stipendiis amplissimis atque honestissimis affecti, itaque a cura rerum domesticarum li-

berati & soluti, discipulis sese suis unice impendant; ut, quales ipsi sunt, tales eos quoque, hoc est, omni doctrina & virtute ornatissimos, efficiant. Sed quum oculos atque cogitationem ad adolescentes illos paucissimos convertissem, qui summi in doctrinis essent atque perfecti, idque inter eos & mediocriter eruditos discriminis interesse animadvertissem, quod alteri parum commercii habent cum libris, satisque habent magistros attente suos audisse, &, quae ab illis audierunt, secum ipsi recoluisse, memoriaeque mandasse; alteri vero bonos libros dies noctesque pervolunt, in libris habitant, in libros sese abducunt, atque ingurgitant, libris denique non impallêscunt modo, sed etiam immoriuntur; facile intellexi, unam hanc esse atque certissimam viam ad eloquentiam, & scientiam rerum perfecte comparandam, assiduam atque accuratam multorum eorumque bonorum librorum lectionem; atque in studiis hisce nostris instaurandis mei esse muneris atque instituti, regiam hanc viam adolescentibus monstrare, qua ipsi non qualemcunque, aut unius soliusque disciplinae, sed summam, sed perfectam, sed omnium fere disciplinarum reconditam atque exquisitam scientiam assequantur.

Nam quod Annaeus Seneca, philosophus in primis gravis & severus, tum in epistolis suis, tum etiam alibi scriptorum suorum, multitudinem nimiam librorum improbare videatur, id eo sane pertinet, ut bibliothecas illas accuset, atque condemnet, quae non in rectum usum studiorum, sed in speciosam quandam pompam, atque, ut ipse ait, in vanum & inane spectaculum, hoc est, ornamenti duntaxat atque ostentationis causa, compararentur: eosque etiam reprehendat, quorum sane varia atque inconstans lectio per omnia voluminum genera nullo certo definitoque discrimine discurreret ac vagaretur; quique ad mores dirigendos

dos atque informandos multos sibi libros necessarios arbitrantur. Et tamen gravissimus ille morum auctor & magister, cui id in primis atque adeo unice propositum erat, ut hominum mores sanctissima disciplina conformaret, atque iungeret, librorum amatoribus veniam sese plane daturum fuisse profitetur, si ex nimio optimorum studiorum amore, atque ex inexplebili quadam liberalissimarum disciplinarum cupiditate ardens hoc bibliothecarum studium proficisceretur. Perinde quasi diceret Seneca, ut ad animum rite sancteque componendum magna vis librorum parum conferat, ideoque culpa vacare minime ii omnium videantur, qui non studiorum honestissimorum causa, sed in vanam quandam speciem ostentationis atque elegantiae, innumerabilibus fere atque pulcherrimis omnis generis libris bibliothecas suas adornant; tamen, si, quae doctissimorum atque eloquentissimorum hominum propria est, exquisita illa atque perfecta rerum omnium scientia atque eruditio quaeritur, tunc sane multis opus esse & bonis libris ad summam illam doctrinam atque eloquentiam adipiscendam: quare etiam in homine bono ac moderato acrius illud ac vehementius bibliothecae instruendae studium esse facile tolerandum, eo quia mirum sine multa multorum bonorumque librorum lectione vacuum eum esse oportet atque inopem a scientia rerum, atque adeo a copia ubertateque orationis. Hanc esse Annaei illius Senecae sententiam, quis vestrum, Auditores, non inde etiam facile perspiciat, quod ipse Seneca ad Lucilium illum suum complura sese legere, & in aliena etiam castra, aliorum nempe ex aliis diversisque sedis philosophorum, semet saepius, tanquam exploratorem, transire, liberius ac palam gloriatur? qui, nisi plurima lestitasset, maximamque sibi ex sapientissimorum hominum scriptis rerum cognitionem acquisivisset, profecto nec, qualis habitus fuit, e-

ru-

ruditionis suis temporibus princeps habitus fuisset, nec tanta orationis copia, quantam veteres in eo magistri mirati sunt, ac praedicarunt, omne genus studiorum atque scriptionis pertrastasset. An vero censeris, Auditores, doctis & eloquentibus viris in tanta rerum atque disciplinarum varietate suppetere unquam posse, quod unaquaque de re, de qua interrogentur, ad auditores suos & eruditissime & copiosissime respondeant, nisi animos antea suos quotidiana bonorum librorum lectione excolant, atque inde summa omnium praeclarissimarum rerum, totiusque antiquitatis cognitione referant, atque perficiant? Disputandum enim iis saepe est de moribus, de rebus publicis, de caelo, de elementis, de tota philosophia, de omni genere disciplinarum. Interpretandum est jus civile, illustranda superior memoria, de rebus denique omnibus, tum humanis, tum etiam divinis, disserendum. Quam multa haec, quam magna, quamque infinita, quae nisi omnia penitus cognoscantur, falso sibi iisdem summae rerum scientiae, summaeque eloquentiae laudem vindicaverint! Illa vero contra quam pauca, quamque modica, atque exigua, quae vel usu, tractandoque explorarunt, vel auditione acceperunt! Nisi si quis forte existimet, quae scientia atque memoria comprehendi unquam possunt, eos adhuc adolescentes a praeceptoribus suis omnia audisse, memoriaque tenuisse, aut ipsos per sese postea pertrastasse, usque didicisse. Quod si Peripareticus ille Phormio, qui nunquam hostem, neque castra vidisset, tamen ausus est coram Annibale, summo imperatore, de imperatoris officio, & de omni re militari sermonem bene longum ac copiosum habere; si Aratus, qui astrologiae minime omnium operam dedisset, tamen caelum ac stellas versibus ornatissimis atque optimis descripsit; si Nicander Colophonius, qui agros nunquam coluisset, tamen de re rustica carmen perquam praeclarum atque

que elegans contextuit, quae in exemplum proposita sunt a M. Tullio; si Cornelius Celsus, qui ea, quae scripsit, non certe quidem omnia, tractatione & usu cognovisset, tamen tam multa tamque diversa de omnibus fere artibus, & de re etiam militari ac rustica, medicaque conscripsit; si Hippas ille Eleus, si Gorgias, si Plato, si Aristoteles, si M. Censorius Cato, si Romanorum ille doctissimus Varro; si M. Tullius, qui omnes ea, de quibus sciverunt, magna ex parte non ab usu, neque a disciplina perdidicissent, neque vero perdiscere unquam potuissent; tamen plurima illa & sciverunt ipsi, & alios docuerunt, quae quidem exempla collegit Fabius Quintilianus: si sexcenti denique alii, summi & doctissimi viri, qui neque a magistris, neque a magistra rerum experientia eruditi de pluribus rebus fuissent, tamen maximarum rerum atque plurimarum perfectam cumulatamque scientiam habuerunt; unde eos putabimus, viros tales ac tantos, summam illam doctrinam atque eruditionem, qua ceteros longe mortales antecelluerunt, nisi ex libris cujuscunque generis, omniumque artium atque disciplinarum, studiose quotidieque lectitandis, hausisse? Inde autem ab amore doctrinae, & eloquentiae in doctis illis atque eloquentibus viris amor ille ardens librorum, studiumque illud incredibile bibliothecarum. Quo enim, Deus bone! ac quanto amore librorum Cicero tenebatur, qui semet haud posse dixit vivere, nisi in litteris viveret; nihilque sibi libris gratius esse posse; pascique sese bibliotheca, &, si Attici, amici sui, libros nancisceretur, semet Crassum divitiis superaturum, atque omnium vicos & prata contempturum esse affirmavit! Quis autem in omni litterarum genere versatior, aut quis eloquentior Cicerone? Quibus ac quantis in deliciis habebat libros M. Cato, quem tam avide libros legisse ferunt, ut libros non tam legere, quam belluari videretur, in i-

psa-

psaque etiam curia, interea dum Senatus cogeretur, libros legere minime erubesceret? a quo etiam Catone ceteri, qui simili, atque ille, hoc est, inexhausta legendi aviditate afficerentur, helluones librorum festive sunt appellati. Quis autem M. Catone juris civilis, rerumque rusticarum, atque historiarum etiam peritior? Quale & quantum librorum perlegendorum studium C. Plinii Secundi, cujus in oculis habitare propemodum libri videbantur? quem, avunculum suum C. Plinius Caecilii narrat tam parcum temporis, tamque cupidum lectionis fuisse, ut ne coena quidem a lectione vocaret; quumque aliquando unus quidam de amicis lectorem nonnulla perperam pronunciantem interpellasset, doluerit tunc Secundus, sese illa interpellatione decem amplius versus perdidisse. Quis autem Plinio illo Secundo scientior atque eruditior? Quam studiosus, quamque amans librorum M. Varro, cui quidem Varroni Iulius Caesar Latinarum Graecarumque bibliothecarum dirigendarum atque comparandarum curam commiserat? Quis autem unquam Romanorum doctior Varrone? Qua etiam & quam vehementi cupiditate librorum Aristoteles incendebatur, quem ajunt libros oppido quam pauculos Speusippi philosophi talentis Atticis tribus redemisse, primumque libros collegisse, & exemplo suo Aegyptiis regibus ad bibliothecam construendam praeluxisse? Quis autem Aristotele in omni philosophia, atque in omni rerum praeclarissimarum scientia illustrior? Neque vero ab alio unquam studio, nisi litterarum promovendarum atque propagandarum, illae olim instructae a regibus aliisque principibus viris bibliothecae, omnique librorum genere impensus atque sumptuosius locupletatae: ut copiosissima illa Alexandrina, cui Ptolemaeus Philadelphus Demetrium Phalereum, virum longe doctissimum atque eruditissimum, praefecit; illa, inquam, Alexandrina, ceterarum omnium biblio-

bibliothecarum celebratissima, multoque magnificentissima,
 in qua septingenta voluminum millia, ut Attalica, seu
 Pergamena, in qua ducenta librorum millia, ut Byzan-
 tina, in qua centum & viginti librorum millia, ut Se-
 reni Sammonici bibliotheca, in qua duo & sexaginta
 librorum millia, ut Romanae illae publicae biblio-
 thecae multis librorum millibus refertissimae, unde-
 triginta. O Graecas illas, o Aegyptias, o Lati-
 nas bibliothecas! O illos omnium rerum, omnium-
 que artium atque disciplinarum, totiusque superio-
 ris memoriae thesauros preciosissimos! Atque utinam,
 Auditores, bibliothecae illae ad nostra usque tempora
 persistissent, easque nunc nobis invisere, earumque so-
 culos, & pluteos, & cuneos totos perferutari atque
 excutere liceret! Quam illud non jucundum modo, sed
 etiam fructuosum, optimis illis atque praestantissimis
 codicibus oculos nostros pascere, ingeniumque atque
 animum exsaturare! Quanta illud delectationis atque
 voluptatis, dedicatas ibi magnorum hominum atque
 philosophorum imagines conspiceret, atque in iis Hera-
 clitum oculis multo assiduoque steru oclusis contueri,
 labris in immoderatos effusosque risus disfluentibus De-
 mocritum, distenta beneque curata cute Epicurum, la-
 tioribus humeris Platonem, brachio veluti ad dispu-
 tandum exerto Aristotelem, alios totius antiquitatis sa-
 pientissimos viros, quo eorum quisque gesta, quoque
 oris habitus, & corporis fuerit, per otium contempla-
 ri! Quali nos & quanto gaudio in bibliothecis Graecis
 exsisteremus, si, quae amissa frustra nunc deploramus,
 praeclarissima summorum ingeniorum monumenta, in
 oculos forte nostros, atque in manus incurrerent, li-
 bri tot Aristotelis atque Democriti, aliorumque nobi-
 lium philosophorum, volumina tot Didymi, atque A-
 ristarchi, aliorumque insignium Grammaticorum, Tra-
 goe.

goediae tot Sophoclis, tot Euripidis; tot aliorum clarissimorum Poetarum carmina, tot orationes summorum Graeciae oratorum, tot denique libri historicorum, aliorumque omnis generis praestantissimorum scriptorum, quorum plane reliquias ex quodam veluti naufragio bibliotheca nobis Photiana servavit! Quali etiam quantaque laetitia in bibliothecis Latinis gestiremus nos atque exultaremus, si, quorum jactura damnum multo maximum Latinae litterae fecerunt, sese illa statim circumspiciantibus nobis offerrent. Medea illa Ovidiana, Consolatio illa Ciceronis, ille Ciceronis Hortensius, tot alii Ciceronis libri, tot libri deperditi Tit. Livii, tot libri Caespi. Sallustii, tot etiam Trogi Pompeii, tot etiam libri Oratorum atque Rhetorum, tot libri Historicorum, Poetarum, Grammaticorum denique Latinorum, quorum aut paucula sunttaxat fragmenta, aut nulla etiam ac sola nomina supersunt! Sed, quoniam praeclara illa veteris doctrinae atque eloquentiae monumenta, incediorum atque temporum, sive etiam barbariei injuria, maxima ex parte perierunt, cur nos tale illud ac tantum damnum litterarum non potius possumus, refarcimus? cur ex tanto hoc librorum naufragio tabulas, quas possumus, non arripimus? Neque enim, mehercule, parum, quid superest reliquiarum; sed de veteribus illis bibliothecis, seu potius veterum illarum bibliothecarum veluti residuis, multa certe adhuc reliqua sunt. Auditores, haec, nisi ego, vehementer fallor, in omni rerum praeclarissimarum, studiorumque liberalissimorum genere multo jam omnium optima, atque elegantissima; quibus dies, noctesque versandis ad omnem doctrinarum elegantiam, atque ad summam perfectamque eloquentiam pervenire facile possumus: praefestim quum, partum nostrorum, nostraque etiam memoria, viri summo ingenio, tam sedulo tamque diligenter ad artes perficiendas, litterasque restituendas in-

cu-

cubuerint, ut, dum vetustae illae bibliothecae aliis aliisque in dies doctrinarum copiis suppleantur, incredibiliis facta sit bonorum utiliumque librorum accessio, & qui trecentis ante annis a librorum penuria, nunc, divino quodam munere, atque hoc mirabili typographiae compendio, ab immensa jam librorum multitudine laborare videamur. Quid igitur dubitamus, Auditores, nos quoque, Catonis illius exemplo, belluonès librorum nominari? Quid, inquam, dubitamus, in bibliothecae nos abdere, in libris versari, libris nos involvere, in libris tempus consumere, & quod de codice Iliadis Homericæ Alexander ille Magnus facere consueverat, libros capiti ad somnum captandum supponere? Quid ire nos post veterum illorum vestigia, hominum doctissimorum atque eloquentissimorum, qui bibliothecas in urbe, bibliothecas ruri, bibliothecas in balneis, tanquam instrumentum atque supellectilem domus in primis necessariam, habuerunt, ut, ubi maxime omnium otiosi esse videbantur, ibi minime omnium esse iis otiosis liceret? Quid nobis parare quam possumus maximam & festivissimam, ad omne studiorum genus copiam librorum, & insignem illum atque perelebrem Grammaticum, Epaphroditum Chaeroneensem pro viribus æmulari, quem ferunt Romae libros subinde eminentem, optimorum quidem & selectorum librorum triginta fere sibi millia comparasse? Quid nos ita facere dubitamus, itaque in optimis & selectissimis libris sapientiam nobis atque eloquentiam emere, quæ ex frequenti assiduæque librorum bonorum lectione efflorescit ac redundat? Quod si res nobis domi arctior multo est atque angustior, quam ut quidquam pecuniarum, aut etiam alimentorum nostrorum in libros vel maxime nobis necesarios emendos impendamus, quid ego hic dicam, Auditores humanissimi? Equidem illud dicam, quod verissime dicendum est, optandum valde esse, ut bene & laute &

liberaliter cum litterarum studiis agatur, quae nisi adjumento hoc & multorum & bonorum librorum sustententur atque recreentur, langueſcant penitus, neceſſe eſt, certe quidem perfectæ omnibuſque numeris abſoluta nullo modo eſſe poſſint; utque Deus tandem aliquis hic Piſis, in Muſeo hoc Etruriæ, in hoc celeberrimo omnium diſciplinarum atque artium liberaliſſimarum emporio, bibliothecam exſcitet, quæ, quidquid nos in omni doctſinarum atque elegantis litteraturæ genere deſiderare unquam poſſimus, copioſiſſime nobis atque uberrime ſuppeditet. Fingite animis, Auditores, bibliothecam hanc Piſis, qualem ac quantam alibi locorum apud celebriores quaſque tota reliquæ Europa Academiaſ uſurpare iſtis oculis licet; fingite, inquam, animis talem ac tantam pro Academiaſ noſtræ dignitate, bibliothecam hanc Piſis: in qua & doctorum hominum imagines, qui ſatis diſerte atque copioſe in libris illis loquantur, vobis ante oculos obverſentur, & libris, quibus velitis, ad omnem ſcientiam atque eruditionem utamini. Quid inde, & quantum non adjumenti modo, ſed etiam incitamenti ad eloquentiæ ſtudia atque omnium doctſinarum? Te, Quinte Maxime, te, Publi Scipio, vos, vos præterea, ſummi atque clariſſimi Romanæ civitatis viri, appello, quos ſolitos ita dicere accepimus, quum majorum imagines incuerentur, animum inde ſibi ad virtutem quam vehementiſſime inflammari atque accendi. Nonne animos hominum multo etiam vehementius ad ſapientiam atque eloquentiam incendi, diſturi facile fueratis, ſi eas, quas homines longe ſapientiſſimi atque eloquentiſſimi imagines ſui perfectæ in libris expreſſas reliquerunt, contemplarentur? Illæ enim imagines ſunt vultus, hæc ingenii atque animorum, mutæ ſunt illæ imagines, hæc eloquentes; illæ ad oculos oblectandos, hæc ad animos mentesque paſcendas atque erudiendas comparatæ. Atque ut de
me

me ingente fatear, Auditores, quod quisque vestrum
 mulco, quam ego, melius atque verius de sese habet di-
 cere; ut de me, inquam, fatear, homine quidem pa-
 rum ingenioso, parumque erudito; sed tamen librorum
 utcunque studio atque amante, quam ego, vehementer
 ad eloquentiam incendor, cum Demosthenem ac Cice-
 ronem lego; quam ego acri atque incredibili amore
 ad sapientiam inflammor, cum in manus Platonem at-
 que Aristotelem sumo! quam ego subito, & quam di-
 vino furoris atque Musarum veluti instinctu corripior,
 cum Poetas, atque in primis Homerum atque Virgilium
 lectito! quam ego ardenti & quam incitato rerum di-
 vinarum studio afficior, cum sacros atque divinos libros
 pervolvor! quam ego denique studiose & quam cupide
 rapi eo me sentio, quo sedula me atque attenta bono-
 rum librorum lectio nec opinantem adducit! Te hic
 etiam, divine Plato, appello. Tua quum sint multa
 sapienter dicta, atque praeclare, tum illud dictum est
 multo omnium sapientissime, atque praeclarissime, tan-
 tam esse pulchritudinem sapientiae, ut, si ea oculis cer-
 neretur, ardentes amores sui excitaret. Nonne autem
 oculis ipsi nostris sapientiam in libris tuis cernimus?
 nonne in libris aliorum summorum hominum atque
 philosophorum, qui tam graphice nobis tamque ele-
 ganter coloribus sapientiam suis depinxerunt, ut mi-
 nime omniam miremur, si, cum libros illos lectitamus,
 amores sui sapientia in nobis ardentes excitet? Quid, si
 praeterea, Auditores, ad scribendum nos conferimus?
 quando stilus, optimus ac praestantissimus magister est
 dicendi, neque valde probari non videntur, qui ita sese
 libris abdiderunt, nihil ut ex his in lucem atque ad
 communem fructum & utilitatem proferant? Age porro,
 quale & quantum istud est scribere, & quam mul-
 tos ac paene infinitos libros requirit, si tamen scribi-
 mus ad aeternitatem! Ferunt, olim reges Aegypti Pro-

Iemaeos Alexandriae ad bibliothecam illam, quae mul-
 titudine & honestate librorum ceterarum toto orbe bi-
 bliothecarum mater habita est ac magistra, Museum
 perillustre adjunxisse, in quo docti & litterati viri, in
 summa rerum omnium copia, libris & Musis opera-
 rentur. Nempe quia reges illi prudentissimi atque per-
 spicacissimi probe, ut puto, intelligebant, doctis iis &
 perexuditis viis, qui ad bonos libros conscribendos sa-
 rior, sese vixque applicarent, non quietem modo cura-
 rumque vacuitatem; sed etiam librorum, quos lege-
 rent, quosque consulerent, & ex quibus rerum atque
 orationis thesuros expromerent, vim maximam prae-
 sto esse oportere. O rudes illos, atque impetitos, qui
 quum ipsi nihil scripserint dignam memoria posterita-
 tis, tamen levioris rem momenti esse opinantur, scri-
 bere ad aeternitatem! Quid est enim, per Deum im-
 mortalem, scribere ad aeternitatem, nisi, quae utilissi-
 ma sunt; quae pulcherrima, quae scitu maxime digna,
 summa cum elegantia atque eruditione litteris consigna-
 re? Quod sine multa ac diligenti plurimorum atque op-
 timorum librorum lectione qui unquam fiat? Scri-
 pserunt multi ad aeternitatem, homines doctissimi atque
 eruditissimi, tum veteres, tum recentiores. Scripsit ad
 aeternitatem M. Tullius, scripsit Seneca, scripsit Quin-
 tilianus. Scripserunt etiam de nostris hominibus Orige-
 nes, Hieronymus, Chrysostomus, Augustinus, Plerique
 alij Christiani Patres de rebus sacris atque divinis ad
 aeternitatem scripserunt. Quibus autem quisque eorum
 est, qui non etiam plurima in omni doctrinarum at-
 que elegantiarum genere ex vetustioribus iisque praecla-
 rissimis rerum atque eloquentiae magistris legendo co-
 gnoverit, & quod pminuo faciendam Seneca monuit,
 non etiam per lectionem atque inscriptionem aeternaverit?
 Si quis inquam veterum fuit, qui ad aeternitatem scri-
 pserit, fuit hic certe C. Plinius, is, qui libros Naturae

ralis Historiae, opus summæ Variæque eruditionis, a
 nemino ququam antea Romanorum tentatum, nedum
 perfectum, ipse mirabiliter conscripsit, atque perfecit.
 Quis autem Plinio non in scribendo modo, sed etiam,
 ut paulo ante diximus, in legendo frequentior ac di-
 ligentior? qui nihil unquam legerit, quod non excer-
 pserit, atque adnotaverit, qui libros etiam malos aliqua
 ex parte prodesse posse didicaverit, qui tantum dili-
 gentiae atque laboris in litterarum studia impenderit,
 ut vel homines studiosissimi atque diligentissimi prae illo
 maxime desidiosi & inertes videri potuerint, qui deni-
 que ad libros illos Naturalis Historiae consciendos duo
 fere voluminum millia pervolverit, atque ex centenis
 scriptoribus rerum praeclarissimarum observationeque
 dignissimaram viginti millia collegerit. Tanti conficit
 Plinio sua illa Naturalis Historia. Cogitate hic, Audia-
 tores, quot & quantâ deinde quotidie incrementa rerum
 atque doctrinarum cognitio hominibus deperierit, quan-
 to deinde plura sunt a recentioribus & acute excogita-
 ta, & feliciter reperta, quae veteres prorsus ignora-
 verunt, quot & quanta in mensis terrarum, mariumque
 tractus navigationibus detecti, quid & quantum novi in
 caelo atque in astris observatum, quot & quantâ in re
 medica, in re nautica, in omni philosophia, admiran-
 biliter animadversa, quae praecorum omnino hominum
 diligentiam fugerunt, quid denique & quantum verâ
 in Deum religionis, antiqua superstitione sublata, quae
 omnium propemodum gentium animos misere decipia-
 verat, atque opprimerat, sic hominibus ad salutem
 proforum sempiternam, divinitus traditum atque demon-
 stratum. Haec omnia, atque huius generis plura, res
 citando his plane cognoscenda, qui scribunt ad decessum
 aeternum, ut nempe primam omnium rerum, atque notici-
 am ex liberrimis veterum scriptorum fontibus diligen-
 ter hauriant, deinde ad recentiores, qui acceptam

veteribus rerum omnium scientiam cumulatius multisque partibus auxerunt, recurrant, & quum bene accurateque perspexerint, quomodo & quibus veluti gradibus rerum cognitio, a rudibus initiis profecta, sese in clarissimam lucem explicaverit, tum demum omni eruditione atque doctrina referti, doctrinam illam atque eruditionem suam, quam ex aliorum libris legendis sibi comparaverant, ipsi libris suis conscribendis, ad reipublicae bonum, amplificationemque litterarum, in alios diffundant. Atque hoc demum est, Auditores, scribere ad aeternitatem. Quid si etiam ad veteres illos, summos omnium doctrinarum atque elegantiarum auctores & magistros imitandos nosmet convenimus, atque applicamus? quod sane optimum censendum est genus scribendi, si nempe qui maxime omnium veterum in quolibet genere excelluerunt, nobis ad scribendum de quacunque re praeluceant, hoc est, ad eorum exemplum, & quandam veluti aemulationem scripta quoque nostra conformemus. Age vero, quid ad bene recteque imitandum magis necessarium bona & assidua multorum librorum lectione, non modo, ut, qui optime omnium, atque praeclarissime scripserint, ipsi per nos dispiciamus; sed etiam ut optima quaeque atque praeclarissima & rerum & dicendi exempla ex melioribus quibusque scriptoribus in usum nostrum, seligamus? Quare etiam Horatius in Arte exemplaria nobis Graeca nocturna diurnaue manu versanda esse praecipit, ut Graecos illos eruditionis ac doctrinae principes atque auctores, a quibus omnis ad Latinos doctrinarum elegantia manavit, quam possumus diligentissime, imitemur. Iam vero quis unquam Latinorum, seu oratorum, seu philosophorum, seu poetarum, non sese totum ad Graecos imitandos contulit? non Graecorum virtutes accuratissime expressit? non Graecos studiosissime est aemulatus, & quo Graecorum similior fuit, non

eo etiam melior, non eo sapientior, non eo eloquentior est habitus? Quis enim de oratoribus Latinis sapientior atque elegantior Cicerone? Atqui Cicero sese totum ad oratorum & philosophorum Graecorum exemplar effinxit, tum ceterorum omnium, tum in primis Demosthenis, a quo Cicero, Quintiliani gravissimi rhetoris judicio, magna ex parte factus est, quantus ille unquam fuit, id est, summus & eloquentissimus orator. Quis etiam de poetis Latinis praestantior atque diviniore Virgilio? Atqui in Virgilio eximia quaeque sunt ac selecta non Graecorum modo; verum etiam Latinorum Poetarum; sed tamen in primis Graecorum: de quibus quidem Graecis Theocritum in Bucolicis, Hesiodum in Georgicis, Homerum totum in Aeneidem Virgilius nobis retulit atque repraesentavit. Quid? in una solaque Aeneide quum Virgilius utrumque illud Homeri Poema, Odysseam atque Iliadem, admirabili prorsus singularique artificio delineaverit atque expreſſerit, nonne multo etiam artificiosius atque admirabilius utriusque poematis exordium, quo Homerus non tam prooemiorum legem servasse, quam constituisse, vitus est Fabio Quintiliano, initio Aeneidis suae conjunxit simul Virgilius atque adumbravit? Quod quum ego alibi ad Homerum primus omnium observaverim, dignum id ipsum judicavi, quod huc etiam vobis, studiosissimi rectae imitationis adolescentes, veluti praestantissimum quoddam ac singulare ingeniosissimae imitationis exemplum, in medium asferrem. Quis etiam de Latinis? Sed quid ego, post Ciceronem atque Virgilium, alterum Romanae eloquentiae patrem, alterum Romanae Poetis principem, alia quoque exempla eorum conſeſſer, qui optime atque elegantissime scripserunt, eo quia optima quaecque atque elegantissima, qua oratorum, qua poetarum, sunt imitati? quum & Ciceroni vetustissimi quoque oratores, vel rudes atque impoliti, plurimum

adjumenti atque utilitatis attulerint, & Virgilius ex saeculis Ennii poetae plane minime omnium culti atque ornati, sese aurum collegisse affirmaverit. Videtis hinc atque perspicitis, Auditores, summis illis viris, summi ut essent & oratores & poetae, studiosam multorum librorum lectionem plurimum profuisse, non quod omnia omnium si semper aemulati fuerint (neque enim omnia omnium semper sunt multo optima atque elegantissima): sed quod, tamen si unum sibi maxime imitandum proposuerint, tamen non eum unum ac solum sibi imitandum censuerint, quumque aliorum omnia legerint, tamen optima quaeque duntaxat atque selectissima in usus suos assumpserint. Ergo, si neque Marcus Tullius sine imitatione summus orator esse potuit, neque Virgilius summus poeta, perfecta autem imitatio multiplici potissimum lectione nititur; si egregia rerum omnium eruditione, summaque eloquentia fiat si, oportet, instructi, qui scribunt ad aeternitatem, egregia autem rerum omnium eruditio, summaque eloquentia, *veluti ex fonte quodam, ex quotidiana atque aliudua bonorum multorumque librorum lectione latissime dimanat*; si denique tantum scimus, quantum memoriae mandamus, oblivioni autem atque inscitiae attenta & accurata lectio in primis medetur, quae est summa orationis hujus meae: cur non tandem aliquando fateamur, Auditores, quod ego tandia oratione demonstro, unumquemque litterarum studiosum in doctrinis atque eloquentia tantum certo profecturum, quantum in bonis multisque omnis generis libris legendis profecerit? O hanc praeclaram, adolescentem, o hanc regiam & directam, & apertam viam doctrinarum, atque eloquentiae! O vos de litterarum studiis, de patria, de vobis ipsis optime meritos, si viam hanc insiteritis, si nempe, posteaquam praeceptores hos vestros, viros doctissimos atque sapientissimos quam diligentissime audivistis, usque ducibus & ma-

gi-

gistris ad reconditas quasque & exquisitas doctrinas percipiendas usi fuistis, nihilque omnino praetermissis, quominus eorundem praeceptorum vestrorum doctrinam atque eloquentiam imitando ipsimet in vobis effingere-
tis, tum demum, ad scientiam atque eloquentiam augendam, totos vos bonis cujuscunque generis libris legendis penitus dedatis, itaque discipuli quodammodo efficiamini veterum illorum doctissimorumque scriptorum, a quibus plane ad praeceptores ipsos vestros omnis doctrina atque eloquentia profluit. Amate igitur libros, si vere sapientiam atque eloquentiam amatis, optimi adolescentes. Non vos a libris otium, aut somnus, aut voluptates, aut festi ludorum dies, aut denique amicorum consuetudines atque familiaritates abstrahant. Libri studia vestra atque ingenium alant. Libri vos oblectent atque ornent. Libri vobiscum pernoctent, vobiscum peregrinentur, vobiscum rusticentur. Illud denique vobis sit penitus persuasum, summam vos rerum omnium praeclarissimam scientiam, summamque eloquentiam adepturos esse, si, quo doctissimi quique viri, ipsique praeceptores vestri, eo & vos bonis multisque libris assidue accurateque lectitandis contendatis, ac tandem adspiretis, ut, propter magnam antiquitatis totius omniumque rerum haustam e libris eruditionem, bibliothecae quaedam animatae esse videamini.

I V L I A N O
DE COMITIBVS SABBATINIS
EPISCOPO . MVTINENSI
VIRO . MAGNO
ET . A . PROBITATE . PRVDENTIA . DOCTRINA
CHRISTIANAQVE . ELOQVENTIA
CELEBRATISSIMO
VETERI . AMICO
ET . SVO . QVONDAM
IN . ORDINE . SCHOLARVM . PIARVM
COLLEGAE
ATQVE . INDE
PER . GRADVS . CLARISSIMAE . VIRTVTIS
AD . PONTIFICATVM . ERECTO
ALEXANDER . POLITVS
ORATIONEM . SVAM
AD . ACADEMIAM . PISANAM
DE . RECTO . ORDINE . STVDIORVM
OBSERVANTIAE
VETERISQVE . AMICITIAE . CAVSSA
L . M . Q . D . D . D .

THE
OFFICE OF THE
SECRETARY OF THE
NAVY
WASHINGTON, D. C.
OFFICE OF THE
CHIEF OF BUREAU
OF NAVAL ARCHITECTURE
WASHINGTON, D. C.
OFFICE OF THE
CHIEF OF BUREAU
OF NAVAL CONSTRUCTION
WASHINGTON, D. C.
OFFICE OF THE
CHIEF OF BUREAU
OF NAVAL ENGINEERING
WASHINGTON, D. C.
OFFICE OF THE
CHIEF OF BUREAU
OF NAVAL MEDICINE
WASHINGTON, D. C.
OFFICE OF THE
CHIEF OF BUREAU
OF NAVAL SUPPLY
WASHINGTON, D. C.
OFFICE OF THE
CHIEF OF BUREAU
OF NAVAL TRAINING
WASHINGTON, D. C.
OFFICE OF THE
CHIEF OF BUREAU
OF NAVAL YACHTING
WASHINGTON, D. C.
OFFICE OF THE
CHIEF OF BUREAU
OF NAVAL ZOOLOGY
WASHINGTON, D. C.
OFFICE OF THE
CHIEF OF BUREAU
OF NAVAL ZOOLOGY
WASHINGTON, D. C.

ORATIO IX.

DE RECTO ORDINE STUDIORUM.

MEmini me, Patres Auditoresque ornatissimi, recurrente quotannis sollempnis hujus statique diei celebritate, quam maxime potui, omni argumentorum atque exemplorum ex veteri recentique memoria petitorum genere, studiosos litterarum adolescentes ad litterarum studia ex hoc amplissimo ad dicendum loco cohortatum fuisse, in ipsasque etiam causas diligenter inquisivisse, cur, quum omnes omnino adolescentes, sapientiae & doctrinae causa, plerique etiam cum magno rei familiaris detrimento, huc sese in Athenas has Pisanas studiosissime ac frequentissime conferant, neque iis erudiendis doctissimorum praeceptorum cura unquam atque diligentia deesse videatur; tamen perpauci summam omnium rerum doctrinam atque sapientiam adipiscantur. Quis enim vestrum, adolescentes, oratione mea inflammatus, & privatis magistrorum vestrorum hortationibus impulsus, non sese a desidia ad industriam avocavit? non prae amore sapientiae voluptatis illecebras repudiavit? non semet totum bonis artibus atque disciplinis tradidit? non quotidianam atque egregiam praeceptoribus suis operam navavit? non dies noctesque totas, ceteris longe curis sepositis, in bonis & Graecis & Latinis scriptoribus lectitandis contrivit? Ergo, quum perfectae jam atque exquisitae sapientiae

entiae obſtare nihil videretur, quominus compotes ejus & participes fierent, quae & quanta memet ſpes ceperat, certo jam fore, ut, qui bonarum artium rudiores venerant huc adoleſcentes, ſummi tandem & philoſophi & juriſconſulti & theologi, in omni denique liberaliſſima arte atque ſcientia perfecti, ad patrias ſuas reverterentur! Sed, quum in tanto hoc labore nihilo, quam antea melius in adoleſcentibus quibusdam reſ ſtudiorum procedant, unde tandem credamus, labem hanc ſtudiorum proficiſci, niſi ex perverſa atque inordinata ſtudiorum eorundem ratione? quum, ſi bene ſtudia inſtituantur, minimo laboris impendio facile poſſint adoleſcentes ad ſummam doctrinam pervenire. Quare ſtudiis me litterarum veſtris valde conſulturum cenſeo, adoleſcentes, ſi de reſto nunc ſtudiorum ordine verba nonnulla fecerim, & qua potiſſimum ratione doctrinarum omnium curſum, quem ab his veluti carceribus hodierno die incipitis, ad calcem uſque reſta continetis commonſtraverim.

Neque vero de reſto ſtudiorum ordine opus eſt, Auditores, rem altius ab ipſa rerum natura repetere, in qua nihil mehercule utiliſ, nihil pulchrius, nihil ordine magis neceſſarium neque eſſe, neque excogitari poteſt, non modo ut tanta haec, tamque diſſuta ac patens univerſitas rerum ſecum ipſa cohaereat atque concordet; ſed etiam ut per partes clare ac diſtincte cognoscatur. Univerſae artes atque diſciplinæ quum ad ſummam perfectamque doctrinam in uao eodemque ſimul homine penitus requirantur; quis omnes eas liberaliſſimas artes, primo certe adſpectu, maxime aliquando inter ſeſe diverſas, & ſuo quamque genere diſjunctas, niſi reſctum ſtudiorum ordinem tenuerit, aſſequatur? Diſputatum acerrime olim a doctiſſimis & ſapientiſſimis viris accepimus, utrum pluribus ſimul artibus & diſciplinis, ad perfectam omnibuſque numeris abſolu-

lutam eruditionem, opera eodem tempore danda sit, an vero ita tempora studiaque litterarum dispartienda, ut in bonis artibus addiscendis una aliam ars subsequatur atque excipiat. Sunt enim qui multarum simul optimarum disciplinarum studio aut distrahi, aut certe confundi, humanum ingenium, non perfici aut excoli arbitrentur. Sed, quum vita hominis brevissimo temporis spatio coarctetur; ut universo ea disciplinarum orbi percurrendo conficiendoque sufficiat; quid dulcius primam quoque hominis aetatem pluribus simul disciplinis imbuere, quando ingenii vis multo in omnem partem agilior est atque velocior ad res vel diversissimas percipiendas? An vero putetis, Democritum Abderitam, quae ad eruditionem aliquo modo pertinent, universa perfecte callere potuisse, nisi a teneris sese annis pluribus simul doctrinis cognoscendis alluescisset? An Eratosthenem tantam illam omnium rerum scientiam, quanta vel in paucis unus excelluit, comparatum fuisse, nisi primos quoque pueritiae atque adolescentiae annos pluribus simul honestissimis artibus excoluisset atque exornasset? an Aristotelem, an Platonem tantam omnium rerum doctrinam, quanta hominum maximis atque sapientissimis contingere unquam potest, adepturos fuisse, nisi vel ab ipsa prima adolescentia pluribus simul artibus ingenuis atque doctrinis eruditi fuissent? an ceteros doctissimos viros, qui omni sapientiae ac litterarum laude in primis floruerunt, genere omni eruditionis atque scientiae praestare ceteris mortalibus potuisse, nisi jam inde ab incunte aetate in optimas quasque simul disciplinas diligentissime incubuissent? Quid enim dicam de Theophrasto, cujus illa, alibi etiam a nobis percelebrata, de brevitate vitae querela satis sitperque ostendit, omnibus eum liberalibus artibus, omnibusque partibus Philosophiae, jam iude a puero studuisse? Ergo, si illi viri tales ac tanti, tamque multi-

plici variaque doctrina, excolenda pluribus simul disciplinis adolescentia, atque adeo pueritia, omnium magnarum rerum atque artium scientiam sunt consecuti; cogitatis ne, temere eos ac confuse, operaque quadam tumultuaria, studia sua pertractasse, &, quocunque casus ac voluntas ferret, eo, tanquam ad scopulos quosdam, tempestare ipsos delatos, adhaesisse? Nihil minus. Immo vero quo illi doctiores sapientioresque fuerunt, eo etiam meliori certiorque ordine censendi sunt studia omnia sua ad normam verae solidaeque doctrinae disposuisse, itaque ex multis variisque disciplinis, tanquam ex partibus quibusdam, recte atque ex ordine distributis, scientiam quandam maximam atque perfectissimam, quae maximarum quarumque rerum cognitionem comprehenderet atque includeret, quam ipsam vocant sapientiam, concinnasse. Quo si ordine perturbato, sese ii ad philosophiam, atque ad cetera litterarum studia applicuissent, profecto neque Democritus, neque Eratosthenes, a quincuplici, hoc est, ab universo doctrinarum atque eruditionis orbe, translato eleganter a quinque certaminum victoribus vocabulo, quinquertiones nuncupati fuissent, neque Plato quasi quidam Deus philosophorum habitus fuisset, neque princeps sapientiae atque eloquentiae Aristoteles, neque dignitissimus Theophrastus, qui Aristoteli in scholam Peripateticam succederet. Et quid est, quaeso, Auditores, quod gravis dicendi auctor Quintilianus, qui primam hominis aetatem multa eodem tempore docendam praecipit; tamen idem ipse Quintilianus, longa viginti annorum experientia atque usu eruditus, oratorem, quem ad summam perfectamque eloquentiam informandum susceperat, per singulos studiorum quorumque gradus magnam cura ac diligentia instituit, nisi quia sine ordine frustra omnis studiorum labor est futurus, atque ex ordinis perturbatione nascatur, oportet, perturbatio totius

tius scientiae atque doctrinae? At vero quam aptus, quam appositus, atque ad cursum omnium doctrinarum conficiendum quam accommodatus, ordo ille studiorum, quem futuro oratori necessarium Fabius Quintilianus tradidit; ut puer & Graece disceret & Latine, & legendi exercitationem ab Homero & Virgilio exordiretur, & aliarum quoque a Grammatica disciplinarum studia ingrederetur, & Geometria & Arithmetica, & Astrologia aliisque Mathematicis disciplinis & Dialectica instrueretur, itaque ad oratoris demum munus bene riteque explendum omnium prope maximarum rerum scientiam asferret! Quem quidem studiorum ordinem si vos, adolescentes, minime omnium plerique tenuistis, quid tandem miramur, si maximis laboribus vestris vestri in litteris profectus minime omnium respondeant? Quid enim refert multa legere, & libris dies noctesque lectitandis impalescere, ac libris prope modum immori, nisi ea, sine quibus boni scriptores aut omnino non intelligi, aut certe non bene intelligi possunt, praecognita atque explorata habueris? quid veteres recentisque historias pervolutare, nisi & populorum & regionum situm a Geographia, temporum autem numerandorum rationem a Chronologia perdidiceris? quid in Poetis assidue versari, nisi & historias & fabulas & astrorum ortus atque occasus reliquosque motus caelestes cognoveris? quid operam dare Medicinae, nisi Physicam antea perverstigaveris? quid animum atque studium ad jus civile adhibere, nisi ad jus civile & Dialecticam, & totius Romanae atque adeo Graecae antiquitatis, priscarumque consuetudinum cognitionem adjeceris? quid in Theologiam, hoc est, rerum divinarum, ex altioribus ac superioribus divinisque prorsus principiis, scientiam incumbere, nisi reliquas omnes, quae humanae sunt, & a Theologia verissime atque sapientissime judicantur, tibi antea disciplinas

comparaveris? quid denique studia bonarum artium persequi difficiliora, nisi viam tibi, ex recto doctrinae ordine a facilioribus ad difficiliora intelligenda muaveris? Credite mihi, adolescentes, non nisi optimorum studiorum ordine constat summa doctrina, perfecta quoque rerum omnium eruditio; neque is vere solideque sapiens, qui multa confuse atque inordinate, sed qui ordine didicerit. Nisi siquis forte Therситam illum Homericum, hominem doctissimum atque sapientissimum iudicet, cui Homerus a multa rerum cognitione multum etiam verborum tribuisse videtur. Sed tamen, quia illa multa, quae utcumque Therситes sciebat, procul a recto ordine, immo & praepostere, sciebat, quis Therсите apud Homerum stultior atque insipientior? quem temere loquacem frustra quoque verbum Homerus appellat. Neque vero ego injuria adolescentes nonnullos, a bonarum litterarum studiis praepostere perverseque institutis, Therситae comparaverim: qui tamen adolescentes, propter varia & diversa optimarum disciplinarum studia, sibi met ipsi & sapientia, & eloquentia Ulyssē atque Nestorem longe multumque antecellere videntur. O miseram ac deplorandam adolescentium illorum conditionem! o vanos illos & ineptos Therситas! qui, tamen si bono ingenio praediti, beneque a natura ad doctriinas atque ad bonarum artium studia comparati, studia prorsus sua atque ingenia pessundant, qui spem plane suam & suorum frustrantur, qui non otio modo, sed etiam laboribus suis perverse abutuntur, qui sumptuum ac laborum suorum, totiusque suae adolescentiae turpem immanemque jacturam faciunt, qui, illotis, ut ajunt, pedibus, in sacra sapientiae penetralia ingredi audent, qui, tamen si penitus rudes, omnium illarum bonarum artium, sine quibus ad majores altioresque disciplinas nemini cuiquam aditus patet, & Philosophiam, & Medicinam & Jurisprudentiam, ipsam denique, quae

ce-

ceterarum omnium disciplinarum domina ac regina est, & vera ac summa sapientia, Theologiam attingunt. At enim rectus doctrinae ordo in primis postulat, ut Graece quis sciat. Quis enim Graecae linguae prorsus ignarus Platonem atque Aristotelem, principes illos ac duces philosophiae, reliquosque summos philosophos, bene intelligat, aut vim etiam proprietatemque verborum pernoscat, quibus non satis perspectis, neque ad originem suam reductis, ne ipsae quidem res. Philosophiae, aut Medicinae, aut Iuris civilis, aut Christianae etiam Theologiae, accurate exquisitaeque percipiantur? Postulat etiam doctrinarum ordo, ut nemo quisquam, nisi in Geometria bene eruditus, ad Philosophiam, aut medicinam, aut jurisprudentiam, aut divinorum quoque librorum interpretationem accedat. Quis enim Geometriae funditus expertus, satis recte de mundo, rerumque natura philosophetur, aut bene etiam capiat, quae philosophi de re civili, ac militari, quae medici de re chirurgica vulnerumque curandorum ratione, quae iurisconsulti de agrorum fundorumque divisione, quae denique sacrae, instinctuque divino conscriptae, historiae de singulari planeque admirabili arcae Noemicae, templique Salomonici structura commemorant? Postulat idem ipse doctrinarum ordo, ut majorum omnium artium atque disciplinarum studia a Dialectica studiosius quisque discendique cupidus auspicetur. Quis enim sine Dialectica de rebus humanis atque divinis recte tutoque ratiocinetur, quae plane Dialectica, ut sapientissime quondam sapientissimus ille Augustinus in libro suo de Ordine, docere docet ac discere? Postulat hic idem doctrinae ordo, ut ne studiosi optimarum litterarum adolescententes multo, quam oportet, curiosius omnium rerum scientiam conquirant. Quis enim in rebus minime omnium utilibus, atque adeo etiam noxiis, percuriosus, ad veram solidioremque doctrinam contendat, &

non

non potius per vanos inutilesque libros, animi, non eruditionis causa, frustra atque otiose pervagetur? Postulat denique ordo hic rectus doctrinae, ut initio quisque a rebus facilioribus ducto, inde ad difficiliora, per quosdam veluti gradus, progrediatur, nec ante conquiescat, quam ad summam rerum omnium maximarum scientiam perveniat. Quis enim unquam difficiliora assequatur, qui faciliora minime perviderit, aut ad summum sapientiae fastigium adscendat, qui in primis dumtaxat sapientiae gradibus semper sibi manendum existimaverit? Haec igitur omnia quum recta studiorum instituendorum ratio necessario postulet ac requirat: quis ille mihi Theologus, qui locupletissimo reliquarum omnium disciplinarum apparatu, veluti instrumento quodam ac suppellectile in primis necessaria, non sese ad Theologiam praeparaverit? Quis ille mihi medicinae factis peritus, qui nihil sese penitus in Mathematicis, parum in Physicis exercuerit? Quis ille mihi jurisconsultus, qui leviter Dialecticam, ne primoribus quidem laboris Philosophiam moralem gustaverit, nullaque Graecae Romanaeque antiquitatis cognitione aditum sibi ad jus civile patefecerit? Dicat hic mihi unus aliquis adolescens, sese uni dumtaxat ac soli ex omnibus disciplinis studia omnia tua dedicasse, eamque unam ac solam disciplinam abunde sibi ad omnem vitae usum sufficere, neque Academiae huic Pisanae, matri atque altrici uberrimae omnium doctrinarum sese unquam nomen dedisse, ut ad omnem hic erudiretur usum liberalium omnium artium atque disciplinarum; sed ut de majoribus disciplinis certam unam aliquam ac solam, puta Theologiam, aut jurisprudentiam, aut demum medicinam, per omnem vitam prosteretur. Sed tua vehementer te fallit opinio, adolescens, eoque fallit vehementius atque gravius, quo disciplina illa excelsior est atque altior, quam tute tibi pro merito ac dignitate pro-

profutendam susceperis. Quis enim in litteris atque doctrinis paullo versatior nesciat, quod a viris doctissimis verissime atque acerrime assertum fuit, disciplinas atque liberalissimas, ex quibus universa perfectaue doctrina coalescit, communi quodam cognationis atque societatis vinculo inter sese contineri atque cohaerere, quoque una aliqua disciplina in altiori gradu atque ordine posita est atque constituta, eo illam plura atque majora doctrinarum adjumenta requirere? Nego igitur, posse te, adolescens, perfectum consummatumque Theologum evadere, nisi ad scientiam rerum divinarum, rerum quoque humanarum doctrinam, & totius sacrae profanaeque antiquitatis, Graecaeque etiam linguae cognitionem adjeceris. Nego, posse te jurisconsultum, hoc est, juris & aequi sacerdotem, fieri, qualem te esse oportet, numeris omnibus absolutum, ac veluti commune quoddam civium tuorum oraculum, nisi Dialecticam, omnemque philosophiam, reliquasque optimas artes, duces tibi atque magistras juris dicendi adsciveris. Nego, summum te atque perfectum in medicina esse posse, nisi ad rem medicam Geometriam atque Astrologiam ceterasque artes Mathematicas adhibueris. Quid? nego, posse te, adolescens, ad eloquentiam aspirare, aut oratoris grave illud & magni munus sustinere, nisi cum eloquentia doctrinarum omnium elegantiam consociaveris. Nego denique, posse te artem ullam, quae ad doctrinam atque eruditionem pertineat, perfecte assequi, nisi ceteras omnes, quae connexae inter sese sunt, atque aptae, simul obtinueris. Testes appello interpretes illos divinos. Religionis Christianae, viros doctissimos atque sapientissimos, qui Christianam Theologiam tum scriptis suis mirifice illustrarunt, tum omni argumentorum atque eruditionis genere sive adversus impios transfugas ac desertores, sive adversus philosophos externos, acerrime defenderunt. Quid elegan-

gantioris doctrinae defuit Origeni, quid Hieronymo, quid Augustino, quominus, qui summi Theologi erant, iidem etiam ab omni humanarum disciplinarum scientia celebrarentur? Num quia Origenes ab ineunte aetate totum sese ad litterarum sacrarum studium contulit, non etiam Platonem, non Aristotelem, non priscam illam Graecorum sapientiam universam diligentissime atque accuratissime excoluit? Num quia Hieronymus divinos libros summa cura ac fide est interpretatus, non etiam in omni eloquentiae humaniorisque eruditionis studio est, quam qui maxime, veritatus? Num quia Augustinus maximus Theologorum fuit, ceterorumque Theologorum magister, Philothophorum doctrinas neglexit, qui in illis etiam omnibus doctrinis, atque in totius vel profanae antiquitatis cognitione nemini cuiquam visus est vel eruditissimorum atque doctissimorum virorum concessisse? Testes appello priscos illos iuriconsultos, Philosophiae aequae atque iuris assites, eosque ab omni eruditione atque disciplina instructissimos, quorum tanta fuit in jure respondentando sapientia atque auctoritas, ut de eorundem ipsorum respondentis atque scitis merito affirmaverim, quod de duodecim tabularum libello magnifice quondam atque ambitiose in Oratore tuo M. Tullius, is mehercule priscorum iuriconsultorum respondentis Philothophorum omnium bibliothecas et auctoritatis pondere, & utilitatis ubertate superari. Num quia prisci illi iuriconsulti totum in condendo dicendoque jure occupabantur, non etiam Dialecticae, omniique Philosophiae dies noctesque studuerunt? aut non etiam sese accurata veteris historiae notitia, bonaque omni litteratura exornarunt, atque expoliverunt? Testes appello priscos illos principes atque auctores medicinae, homines profecto natos ad salutem generis humani, ideoque a cunctis mortalibus, honoris gratique animi causa, maxime omnium celebra-

bratos. Num quia parens ille optimus Medicinae Hippocrates praecepta primus dedit medendi, itaque sese in omni re medica gessit, ut neque ipse unquam alios, neque alii eum unquam sefellerint, reliqua doctrinarum genera ignoravit, in quibus ille omnibus longe inter ceteros excelluit? Num quia Galenus curam atque operam in medicinam, secundum Hippocratem, diligentissimam ac paene incredibilem contulit, non etiam Mathematicas disciplinas, non Dialecticam, non Philosophiam, non Oratoriam, non denique Grammaticam, studiosissime atque in primis sedulo pertractavit? Testes appello veteres illos oratores, qui tanta, quanta fuerunt, eloquentia, admirabili illa, ae divina, minime certe excisissent, nisi omnem rerum quarumque maximarum scientiam consecuti fuissent. Num quia Demosthenes nervos omnes ingenii atque industriae contendit, ut eloquentiae sibi in tota Graecia principatum vindicaret, adjumenta summae perfectaeque eloquentiae adspersus est, quae sunt reliquae omnes disciplinae? Num quia Cicero ita in eloquentiam incubuit, ut Fabio Quintiliano teste, Cicero, jam non hominis, sed eloquentiae non habetur, non est etiam quam diligentissime persecutus studia reliquarum omnium artium atque disciplinarum? O viros illos sapientissimos, atque immortalitate dignissimos, qui quum ex tot tantisque artibus uni praesertim sese liberalissimae disciplinae totos dedissent, ceteras quoque omnes liberalissimas artes atque doctrinas ut sibi adjungerent, tantopere laborarunt, si ne quarum pulcherrimo ornatissimoque comitatu ne illam quidem unam perfecte atque integre stare posse existimarent! Haec vos exempla intueamini, oportet, optimi adolescentes, atque ad horum exemplorum imitationem vos studiaque vestra conformetis, ut, si forte, magnorum illorum virorum exemplo, uni vos disciplinae prae aliis omnibus addixeritis, non ab ejus consortio

ceteras alias segregandas; sed cum ea quam maxime conjungendas arbitremini, illudque unum superesse, ut, ne doctrinarum multitudine atque varietate studia aliquando vestra inturbentur, ea quam optimo ordine disponatis atque moderemini. Nam quid ego hic dicam, Auditores, quam multos, ingeniosos alioquin & laboriosos homines, studium suorum male institutorum poenituerit, qui, dum uni alicui doctrinae unice studerent, aliis disciplinis penitus neglectis, aut confuse nulloque ordine percursis, post magnos atque etiam incredibiles labores exantlatos, in ea quoque, quam quae-rebant, doctrina, oleum sese & operam perdidisse tandem animadverterunt? quum e contrario alii vel imbecilliori fortasse ingenio homines, quod studia omnium doctrinarum sua ordine pertractarunt, in summos doctissimosque viros evaserint. Qua etiam de causa, Auditores, videre aliquando est, nonnullos de nostris adolescentibus, optimo illos atque acerrimo ingenio, toto quasi decurso praestantissimae alicujus disciplinae, ut, exempli causa, Theologiae, aut juris civilis, aut medicinae spacio, alios exiguum sane ex multis laboribus aut vigiliis doctrinae fructum; alios vero multo maximum atque uberrimum reportasse. Quid enim in disciplinis quibusque difficiliora quaeque atque reconditiora explanat atque exponit, nisi ordo? Quid obscuriora quaeque illustrat atque patefacit, nisi ordo? Quid totam, seu Barbaram, seu Graecam, seu Romanam antiquitatem, superioremque omnium aetatum memoriam; & tempora, & locorum ac terrarum situs sub unum veluti adspectum subjicit, nisi ordo? Quid tandem laborem illum talem ac tantum in tot ac tantis, tamque variis, honestissimis artibus atque doctrinis levat atque imminuit, nisi ordo? Ordo facit, ut multas simul praeclarissimas artes clare distincteque doceamur; ordo, ut tanta illa rerum discendarum varietas nullam discendentibus

moram, nullumque impedimentum inferat; ordo, ut a primis usque legendi & scribendi elementis ad summam rerum omnium scientiam non longo temporis cursu, neque multo sane labore progrediamur; ordo, ut, temporibus omnibus in certa quaedam spatia divis atque distributis, scriptores omnes & Graecos & Latinos, jam inde ab antiquissimis, sua quemque aetatis serie gradatim perlegamus; ordo denique, ut, quod ab homine uno in maxima quaque re, atque in omni doctrinarum genere sciri potest, totum id, quantum per humanas quidem vires licet, cognoscamus. Ordinem hunc studiorum, qui doctissimorum hominum usu atque auctoritate est comprobatus, vobis ego etiam atque etiam commendo, optimi adolescentes, vobis commendant praeceptores vestri, homines omni doctrina excultissimi atque ornatissimi, qui, tametsi suam quisque, pro commissio sibi munere, disciplinam profiteantur, tamen reliquas vobis vel pernecessarias, vel certe perutiles suo ipsi exemplo demonstrant; commendat nostra haec Academia, quae studia omnia atque exercitationes vestras in suas quasque horas optimo ordine dispositas esse voluit, ut ne disciplinae unius studium obstaret alteri atque officeret. Quem si vos ordinem in studiis his vestris diligenter servaveritis, brevi futurum spero, ut non eam modo, quam professuri praecipue estis, disciplinam; sed ceteras plane omnes, sine quibus ne illa quidem perfecta esse potest, consequamini.

F R A N C I S C O
DE . COMITIBVS . GVIDIS
ARCHIEPISCOPO . P I S A N O
CORSICAE . ET . SARDINIAE . INSVLARVM
P R I M A T I
GENERIS . NOBILITATE . LITTERARVM
P A T R O C I N I O
CHRISTIANAE . RELIGIONIS . STVDIO
T O T A . E T R V R I A
ATQVE . ALIBI . ETIAM
S P E C T A T I S S I M O
A L E X A N D E R . P O L I T V S
O R A T I O N E M . H A N C . S V A M
A D . A C A D E M I A M . P I S A N A M
D E . H V M A N A R V M . L I T T E R A R V M
A D . C H R I S T I A N A E . R E L I G I O N I S . V S V M
O P P O R T V N I T A T E
M A G N O . A C A D E M I A E . P I S A N A E
C A N C E L L A R I O
O B . I N S I G N E M . E I V S
E R G A . S E . B E N E V O L E N T I A M
E T . S I N G V L A R I A . I N . L I T T E R A S . M E R I T A
H O N O R I S . G R A T I Q V E . A N I M I . C A V S S A
D . D . D .

ORATIO X.

DE HUMANARUM DISCIPLINARUM AD RELIGIONIS CHRISTIANAE USUM OPPORTUNITATE.

Negari nullo modo potest, amplissimi, ornatissimique Auditores, quod res ipsa palam loquitur, & publico humani generis testimonio comprobatum est, liberales, quas vocamus, artes atque disciplinas tam magno rebus humanis usui esse ac temper fuisse: ut nullum doctrina majus atque excellentius bonum concessum divinitus hominibus esse videatur. Commoda haec atque utilitates, quae inde a doctrina in vitam humanam uberrime atque copiosissime profisciscuntur, quum secum expenderent atque reputarent viri doctissimi, & eloquentissimi, quibus ante me id muneris impositum fuit, ut annua haec atque legitima doctrinarum studia oratione sua auspicarentur; mirum est, quot & quantas, quamque egregias ac singulares litteris laudes tribuerint, quantaque eloquentiae, & praeclarissimorum argumentorum copias ad eandem laudes amplificaverint. Quorum ego vestigia secutus, nonnulla etiam pro imbecillitate mea dicere eloquenter atque ingeniose conatus sum: quae, tamen non tam ingeniose dicta, neque tam eloquenter; tamen non indigna prorsus diei hujus celebritate, locique hujus amplitudine viderentur. Verum hodierno die quam mihi valde laetandum, quod argumentum dicendi mihi tale oblatum sit, quale nunquam alias, humanarum ut dicam sci-

disciplinarem praestantiam atque dignitatem, non ex humanarum rerum usu; sed ex rebus unice divinis, atque ex rerum divinarum praestantia & dignitate, dimetiendam vobis atque aestimandam proponerem. Nam si ab illis quidem usibus, quos ad humanam vitam bonae omnes artes atque disciplinae maximos plurimisque afferunt, tantopere cae concelebrantur; quanto eadem magis commendentur, necesse est, a vario ipsarum & multiplici usu ad res divinas! Quod quidem patefacturum me atque illustraturum puto, si ostendero, quod mihi hodie propositum est, humanas litteras atque disciplinas ad rem Christianam & religionem plurimum conferre. Quod si ullum unquam argumentum sollemni hoc & percelebri die pertractatum apud vos est, quod Pisanae Academiae studiorumque nostrorum splendori responderet: hoc profecto tantum est, ut nullum neque augustius, neque excelsius, neque ad litterarum praestantiam demonstrandam accommodatius, neque tandem divinius, excogitari unquam possit. Illud mihi unum timendum, studiosissimi bonarum litterarum adolescentes, ne argumenti hujus magnitudinis mea demum succumbat oratio, multoque ego minus dicam, quam tanti argumenti dignitas atque necessitas postulare videatur.

Ac primum illud ego dicam, quod hic sane minimum esse videtur, sed tamen minime omnium negligendum est. sacram religiosamque doctrinam hominum Christianorum, quae scientia est altissima maximeque admirabilis rerum divinarum, pulchrius nitidiusque elucere, si humanarum disciplinarum cultus atque ornatus accesserit; indeque factum esse, ut, quo Christiani Theologi a liberalibus optimisque disciplinis excellentiores atque instructiores extiterunt, eo etiam majorem Theologiae Christianae pulchritudinem ipsi atque splendorem conciliaverint. Quanto enim Christiana Theo-

logia pulchrior, quantoque ad speciem liberalior atque ornatioꝛ in Basilio, in Gregorio Nazianzeno, in Ioanne Chrysostomo, atque ex Latinis in Cypriano, in Hieronymo, in Augustino, & in plerisque aliis hujus generis atque classis doctissimis & eruditissimis interpretibus divinis, quam in aliis plerisque omnibus, sequiorum maxime temporum, hominibus, qui, quum esse & videri Christiani Theologi vellent, omni penitus humanarum doctrinarum elegantia destituebantur! Litteris divinis traditum est, eos, quos sibi olim Deus ad religiosiorem sanctioremque sacrorum cultum separatim destinaverat atque elegerat, ex Aegypto, uti misera durissimaeque servitute opprimebantur, ita, duce atque auctore Deo, exisse, ut etiam Aegyptios auro atque argento, plurima veste, lauraque suppellectile, & pretiosiori quacunq; re spoliaverint. Id ipsum, auditores, sententia est atque animadversio vetus & vera Patrum ingeniosissimorum, & acutissimorum, multo post tempore hominibus Christianis contigisse: quos quum Deus ex tantis illis errorum atque inscitiae tenebris, quibus apud profanas gentes misere tenebantur, in clarissimam lucem vocasset, divitias ii, atque ornamenta humanae doctrinae & eruditionis ab illis gentibus abstulerunt, sibi que ad meliorem Christianae Theologiae usum ingeniosissime vindicarunt. Nam, Deus bone! quantam vim auri atque argenti vestiumque pretiosissimarum ex illa veluti vanae superstitionis Aegypto ad Theologiam Christianam cohonellandam atque locupletandam absporravit Cyprianus! quantam Lactantius! quantam Victorinus, Optatus, Hilarius, quos Augustinus in libris suis de Doctrina Christiana nominatim appellat! quantam etiam Gracci plerique omnes, viri doctissimi, atque in litteris humanioribus versatissimi, qui ex illa errorum quadam veluti tenebrosa supersticioſaque Aegypto ita ad Christianam veritatem amplectendam convolarunt,

A a

ut

ut opes omnes sapientiae atque eloquentiae Graecorum ad usus Christianos solletter & acute transtulerint ! Hic ego non disputo, auditores, quod est in nostris scholis subtilius ac diligentius quaesitum, quam necessaria sit ad religionem Christianam Christiana Theologia. Quum enim ex oraculo divino editum sit, pestiferas opiniones, veritatie divinae ac religioni contrarias apud Christianos suboriri oportere : quis non videat, quod nostri homines palam profitentur, non perutilem modo, sed etiam Christianae religioni pernecessariam esse sacram aliquam doctrinam, quae falsas illas perniciosasque opiniones coarguat, ipsiusque religionis decreta, quibus nihil firmitus ac solidius esse unquam potest, ratione etiam humana ex ipsis divinis principiis statiliat atque confirmet ? Ergo, si ad Christianam religionem factam teclam servandam atque tuendam tam necessaria est Theologia ; si tanta conjunctio atque necessitudo uni est cum altera, ut religio Theologia sua carere nullo modo possit : quis jam vestrum, auditores, non fateatur, quod inde certissime, & manifestissime sequitur, religioni ipsi Christianae prodesse plurimum atque conducere liberalissimas quasque disciplinas, quae sacrae huic Christianorum doctrinae tantum decoris atque ornamenti ad pulchritudinem & dignitatem important ? Nam de jucunditate quidem atque oblectatione, quam ab humanis litteris Christianae litterae mirabilem habent, quid attinet dicere ? quando hoc veluti humanae eruditionis condimento sapientissimi quique ac politissimi Christianarum rerum praeceptores, atque in primis Clemens ille Alexandrinus, veritates divinas ad hominum gustum parandas sibi atque temperandas censuerunt, quique in iis elegantissimi habiti sunt, atque ab aurea in primis eloquentia commendati, ii quidem certe bonarum artium humanaeque litteraturae elegantiam tanti fecerunt, ut vel Ioannes ille Chrysostomus, ille, inquam, Chryso-

Isostomus, qui Christianae eloquentiae facile inter Graecos princeps est iudicatus, ad Atticam sermonis elegantiam comparandam, Aristophanem Comicum, lepidum quam qui maxime, & festivum Poetam, dies nostraeque pervolutaverit. Quid? quod Latinorum Patrum viris eloquentissimis ad tantam illam tamque admirabilem eloquentiam Christianam viam atque exemplum Ciceronianam eloquentia praeivit? Testis est Arnobius, quem Ciceronis potissimum libri ad falsos deos impugnandos vetustatisque auctoritatem labefactandam, atque adeo ad Christianam religionem mirifice comprobendam plurimum adjuverunt. Testis est auditor & discipulus Arnobii, Lactantius, qui ita sese in scribendo ad Ciceronianum exemplum conformavit, atque effinxit, ut in eo quidam Ciceronem nescio quem Christianum legere sibi videantur. Testis est Rhodanus ille Latinae eloquentiae (sic enim ab Hieronymo appellatur) Hilarus Pictaviensis, quem & ipsum eloquentiae Ciceronianae non minimam operam dedisse, indicio illud est, quod Hieronymus ait, eum libros duodecim Quintilianii stilo & numero imitatum fuisse, libelloque contra Diotcorum medicum, quid in litteris posset, ostendisse. Testis est, qui vel unus multorum loco esse potest, Hieronymus Stridonensis, qui vel in somnis ad summum iudicis tribunal vapulare sibi visus fuit, quod esset Ciceronianus. Testis est Augustinus, qui, quum ex Ciceronis Hortensio eloquentiam quaereret, hausit inde sapientiam, qua Deum, summam illam & immortalem sapientiam, ardentissime concupisceret, totusque ad eum, omnique animi impetu raperetur. Testis est iterum, & saepius, Hieronymus, quem Ciceronianam eruditione atque eloquentia captum adeo fuisse ferunt, ut & Ciceronis Dialogos multo majori pretio, quam ceteros aliorum libros, sibi describendos curaret. Quo de viro sic ego alias censebam, tam praeclare eum tam-

que eloquenter scribere de rebus nostris non potuisse ; nisi , quam ex Cicerone eloquentiam didicerat , assidua legendi scribendique exercitatione corroborasset . Sed quid ego haec minora de humanioribus disciplinis , magnaue earum disciplinarum utilitate diutius persequor , quum ad sacram Christianorum doctrinam liberalioribus disciplinis nihil unquam esse possit , non dicam utilius , sed magis etiam necessarium ? An vero quidquam Christiano doctore magis necessarium esse unquam possit , quam oracula divina , bene perfecteque intelligere , ea-que recte interpretari ? hoc est , libros eos divinos atque sacrosanctos , quibus divina veritas ad salutem hominum sempiternam consignata est , atque tradita , & quibus veluti quibusdam fontibus Christiana ipsa religio uberrime continetur . Quis autem sacros illos libros recte explicet atque interpretetur , qui non sit idem interioribus quibusque ac reconditis litteris , omnibusque liberalibus disciplinis , & totius antiquitatis , omniumque gentium cognitione pereruditus ? Quis enim mihi sine Geometria Salomonici templi structuram , aut sine Arithmetica arcae Noemicae magnitudinem , pro tot , tamque disparium animantium in ea arca inclusorum numero atque multitudine , & pro commeatus in alimentum annuum copia , animo & cogitatione comprehendat ? Quis sine aëtorum scientia ea , quae de caelo , & stellis atque astris , ac praesertim aliquando de sole , mirifica prorsus ac portentosa divinis illis historiarum monumentis prodita sunt , intelligentia assequatur ? Quis sine summa omnigenaque doctrina ea percipiat , quae Moses , scriptorum omnium primus ac princeps , vir oppido sapientissimus , omnibusque Aegyptiorum & aliarum gentium disciplinis excultissimus , neque juris modo humani , tum publici , tum etiam privati , consultissimus , sed etiam rei medicae , sanandorumque morborum scientia eruditissimus , de mundi totius , primi-
que

que hominis fabricatione, summaque Dei in mundanis humanisque rebus administrandis, sanctissimisque legibus condendis providentia, & de corporum quoque salubritate ad Reipublicae salutem curanda, afflatu instinctuque divino ad posteritatis memoriam litteris mandavit? Quis sine dialectica, quis sine eximia naturae ac morum scientia, quis sine admirabili singularique sapientia librum Iobi perscrutetur, cujus quidem libri in omni genere doctrinarum tot sunt sententiae, quot verba? Liber vero Psalmorum quid ille tandem, nisi abditus quidam & occultus thesaurus totius philosophiae? quem quis mihi thesaurum aperiat, nisi qui philosophiae opibus atque divitiis copiosissime affluerit? Quid ego hic dicam de libris Salomonis, hominis divino sane oraculo, multo omnium sapientissimi, atque in plantarum, & lapidum, & elementorum, & cuiusque generis animantium, terrenorum atque aquatilium, & in utraque sede viventium, totiusque naturae historia longe versatissimi, & de quacunque demum re disputatoris subtilissimi atque acutissimi? Quis eos mihi, quaeso, libros explanet, nisi qui omnem philosophiae partem, tum Graecae, tum etiam barbarae, egregie, atque exquisitè tractaverit? Quid de vaticiniis illis divinis? quid de Esaia? quid de Ezechiele? quid de Daniele? quid de ceteris hominibus maxime sapientibus, atque eruditis? quorum vaticinia, miris illa quidem ambagibus, sed veris involuta, quis mihi evolvat atque illustret, nisi qui antiquam omnium populorum omniumque temporum historiam diligentissime exploraverit? Quid etiam de Ioanne illo Theologo, deliciis purissimis atque castissimis Christi? quo nemo quisquam altius in caelum usque penetrasse, atque in divinitatem videtur. Quis altissimam Ioannis Theologiam de Verbo Divino, de Unigena illo Dei Filio, eodemque uno, solo aeternoque Deo, probe animo recteque concipiat, nisi qui Platonicam philosophiam a veritate Christiana optime

me

me secreverit atque distinxerit, ne pro veritate, quam Ioannes divinitus docet, somnium aliquod Platonium amplectatur? Quid de Paulo, summo illo Christianae eloquentiae atque eruditionis praeceptore & magistro? Quis mihi eloquentiam illam & eruditionem Pauli, plane admirabilem atque divinam, intime penitusque pernoscat, nisi qui interiores litteras atque disciplinas Graecorum plenius uberiusque cognoverit? Quid plura? Quum libri, quos ad erudiendos instituendosque mortales, Deo ipso auctore, hoc est, instinctu, assensuque divino, elucubratos esse constat, omnes omnium rerum, neque divinae modo, sed etiam humanae sapientiae, fontes plenissime contineant, quum libri hī sacrosancti atque divini, quidquid boni ac praeclari in ceteris omnibus late libris dispersum est ac diffusum, multo simul excellentius atque perfectius complectantur; quum, quae in his libris Deus syllabatim didicavit, ea etiam, ad uberiores humani generis in quacunque sapientiae parte doctrinam, vario multiplicique sensu donaverit; quum, quae ex ceteris sparsim libris hauriri possunt, bonae omnes artes atque disciplinae, multo eae certius multoque purius ex hoc uno sacrorum librorum volumine deriventur, atque exprimantur; quum denique tanta sit horum sacrorum librorum praestantia, atque dignitas, ut, quod Graece nomen commune est librorum, id porro, ad notam quandam auctoritatis atque excellentiae, proprium ac peculiare horum divinorum librorum habeatur, quis hos libros, tam divinos, tam sanctos, tam repletos copia omni doctrinae atque eruditionis, totos investiget, atque intelligat, nisi qui omnem sibi doctrinae elegantiam adlceverit, omnemque sibi rerum omnium maximarum, artiumque liberalissimarum scientiam comparaverit? Dicat hic aliquis, quae sacris litteris Deus consignata esse voluit, non ea utique omnia scita cuique esse ad salutem sem-

pi-

piternam necessaria. Quod quis unquam neget, auditores? Sed, quamvis de divinis his libris plurima ignorare Christiano homini liceat, quae non ita ejus interest scire, paucisque omnino capitibus, quod ad salutem cujusque sempiternam attinet, Christiana scientia definiatur: tamen quid in sacris libris, ac divinis nescire ei unquam liceat, qui interpretem sese eorum librorum atque explanatorem profiteatur? Talis autem est Theologus Christianus, hoc est, praeceptor, & magister religionis Christianae: cujus profecto est, oracula divina, tum quae litterarum monumentis commendata divinitus sunt, tum quae sine scripto, Deo auctore, memoriae hominum sunt tradita, itaque ad posteritatem veluti per manus transmissa, ad nos tandem pervenerunt, exponere atque interpretari. Qui si quid forte ignorat, quod ad divinorum librorum intelligentiam atque interpretationem quomodocunque pertineat, nae ille nullo modo possit tantum illud Christiani Theologi, divinique interpretis munus pro dignitate sustinere. Age vero, quid si Christiano Theologo sua est religio non explicanda modo; sed etiam ab oppugnantibus defendenda, & qui Christianae religioni errores adversantur, sunt ii refellendi atque profligandi? Quam multa, & quam magna, & quam multarum & magnarum rerum cognitio est huic Theologo necessaria! Quid enim siqui hominum eo unquam impietatis prolabuntur, ut, quod fecisse olim Diagoras ille atheos, & Theodorus ferunt, Deum de medio tollere, divinamque providentiam e mundo, rebusque humanis, nec solum singulis, sed etiam universis, auferre conantur? Nonne argumentis ex intima philosophia petitis tanta haec, tamque immanis & ferina impietas falsitatis convincenda? Quid si contra alii, quod barbari & Graeci jam inde a vetustissimis temporibus fecerunt, multos in mundum deos inducendos, & quem unius soliusque Dei cultus penitus

tus sustulit, multorum cultum deorum reducendum atque redintegrandum suadent? Nonne fida haec & commentitia deorum multitudo ex principiis ipsis philosophiae, atque ex ipsis Graecorum interioribus litteris atque disciplinis destruenda funditus atque disturbanda? Quid si impii quique perversique philosophi (si philosophi tamen ii vocandi, qui philosophia, pulcherrimo Dei munere, ad religionem conculcandam atque perdendam abutuntur) ; quid si, inquam, impii consccleratique philosophi, quales & Celsus & Porphyrius & Iulianus, alique hujusmodi fuerunt, in religionem Christianam acerbius & contumeliosus invchuntur, & quae ejus sunt summa ac sacrosancta in primis capita, omni argutiarum genere infirmare atque abolere; vel, ut rationi humanae repugnancia ac plane falsa, in dubium revocare nituntur? Nonne horum ipsorum philosophorum in Christum sacramque Christi doctrinam maledicta ex iisdem eorum doctrinis retundenda, & quae contra sunt argumenta, ex illis ipsis, ex quibus ducta sunt, locis dissolvenda; Christianae vero religionis decreta quam cohaerentia inter sese sint, quamque nihil ea discrepans atque a recta ratione alienum, contineant, ex iisdem illis, ex quibus ea oppugnantur, disciplinis Graecorum commonstrandum? Quid enim testimoniorum nostrorum auctoritas tametsi gravissima atque divina, apud eos unquam valeat, qui omnem us testimoniiis fidem derogandam superbe arbitrantur? aut quis etiam Cyprianum, hominem utique de nostris eloquentissimum, atque sanctissimum, non jure olim de imprudentia incontutaque ratione reprehensum fateatur, quod Demetrianum, hominem a religione Christiana maxime omnium abhorrentem atque alienum, non Philosophorum & Poetarum, quorum ipse unice auctoritate nitetur; sed nostris dumtaxat, hoc est, sacrorum librorum testimoniis,

eorumque librorum una ac sola auctoritate impugnaverit? Vos ego appello, Christianae religionis vindices acerrimi, vos assertores fortissimi, qui alienis armis, non nostris, decertandum vobis cum adversariis sapientissime censuistis, & quae vobis maxime perniciofa atque adversa humanae doctrinae atque eruditionis arma esse videbantur, ipsa eadem ex hostium manibus extorta atque erepta, ad impietatem confodiendam, Christianamque veritatem vindicandam atque tuendam adhibuistis. Te ego appello, Origenes, omnium Christianorum Patrum non in sacris modo, sed etiam in humanis litteris, eruditissime: cujus variam multiplicemque doctrinam scripta hodieque tua in Celsum satis superque testantur: qui certe qualis & quantus vir, & quam admirabilis in Dialectica fueris, in Rhetorica, in Physica, in Geometria, in Astronomia, in omnibus Mathematicis disciplinis, in Ethica, in omni Philosophia, tum Graecorum, tum etiam Barbarorum, omni-que in genere eruditionis, discipulus ille tuus Gregorius Thaumaturgus in laudibus tuis clarissime & discretissime demonstravit. Te appello, Apollinaris, te, Cyrille Alexandrine, oppugnator alter Porphyrii, alter Iuliani. Te quoque appello, Eusebi Caesariensis, non Porphyrii modo, sed etiam Hieroclis, hominis in primis impii atque contumeliosi, acerrime atque ingeniosissime oppugnator. Quis enim vobis ab omni politioni litteratura instructor? Vos etiam appello, qui non unius alicujus impii perditique nominatim philosophi; sed omnium ubique gentium errores propriis certisque libris confutandos atque coarguendos fortissime suscepistis, te, Iustine philosophe, te, philosophe Hermia, te, Athenagora Atheniensis, te, Theophile Antiochene, te, Cyrensis Theodorete; te quoque de Latinis, Tertulliane, in Apologetico tuo, te, Arnobi, te, Minuti Felix, te in libris tuis de Civitate Dei, summe

B b

at-

atque absolutissime Theologorum, Augustine. Quis enim vobis in studiis humanitatis omniumque doctrinarum, atque in totius antiquitatis cognitione eruditior? aut quis vobis fortius atque melius Christianam causam contra gentes ex ipsis gentium doctrinis, atque ex philosophia ipsa Graecorum, defendit atque obtinuit? O ineptos illos homines maleque supersticiosos, qui optima haec atque liberalissima studia vocare in crimen audent, eaque, tanquam vana, aut etiam noxia, certe quidem periculosa, reprehendere atque insectari! Sunt quoque nonnulli, auditores, insigni homines inscitia atque temeritate, qui somnio illo capti ac propemodum perterriti vapulantis Hieronymi, quod ille esset Ciceronianus, studiosis eloquentiae adolescentibus studium quoque Ciceronis, veluti vanum, Christianoque homine, quam quod maxime, indignum, vehementer dissuadent. Qui utinam ad exemplum potius Hieronymi, quam ad Hieronymi somnium, respicere seseque accommodare atque aptare maluissent! Quis enim toto fere vitae suae tempore Ciceronem magis in oculis tulit, quam Hieronymus? Quis plures Ciceronem fecit, quam Hieronymus? Quis magis Ciceronem dies noctesque manibus versavit, quam Hieronymus? Quis non Ciceronem modo, sed etiam Maronem, & Plautum, & Terentium, & Flaccum, ceterosque praestantissimos auctores & politissimos Latinitatis, magis commendavit atque protulit, quam Hieronymus? quem, magna hominum admiratione, videre erat, grandiore jam natu, in Bethlemítico illo gymnasio pueris & Ciceronem suum, & Maronem, & Poetas Comicos atque Lyricos, humanioris eruditionis causa, praelegentem atque explanandum. Quid tibi nunc, Hieronyme, consilii fuisse credendum est, ut magister talis, ac tantus Religionis Christianae, Christianis pueris, quos Christiana tibi pietate imbuedos atque excolendos acceperas, profanos gentium liberos

broſ exponeres atque interpretarere, niſi ut ita per litteras humaniores melius eos ac facilius ad Chriſtianam doctrinam praeſparares atque inſtrueres? Quo eodem ſere conſilio non in humanioribus modo litteris; ſed etiam in Graeca philoſophia uſum Origenem fuiſſe ſerunt, ut, quos de diſcipulis ſuis excellenti optimoque ingenio eſſe animadvertebat, eos Geometria & Arithmetica, aliisque huiusmodi diſciplinis eruditos, in Philoſophiam, atque in varias philoſophorum ſeſtas introduceret; quos vero imbecilliori hebetiorique ingenio, eos pleroſque omnes ad humaniorum litterarum ſtudia excitaret atque adduceret, quippe qui ſolitus eſſet dicere, plurimum eos facultatis atque adjumenti ex liberaliſſimis illis atque honeſtiſſimis ſtudiis ad libros divinos intelligendos eſſe relatuſos. Faceſſant igitur, qui ex ſomnio illo Hieronymi ſtudio illi Ciceronianae eloquentiae invidiam quaerunt, & ad humaniores litteras damnandas, in quibus tota ſere vita Hieronymus multus habitavit. Hieronymi ipſius auctoritate abutuntur: qui nec prorſus intelligunt, quorſum tandem illud, ſive ſomnium, ſive monitum in ſomnis divinum, ſpectaverit. Non enim quidem certe, quod ſomnians Hieronymus promiſerat, ſeſe nunquam neque Ciceronem, neque alios quoscuſque proſanos libros amplius lecturum, ideo unquam ipſe poſtea vigilans pertinere cenſuit, ut a Cicerone aliisque huiusmodi elegantioribus latinioribusque ſcriptoribus in poſterum lectitandis abſtineret; ſed ut, quam ex Cicerone eloquentiam Latinam, quam ex Comicis Latinis elegantiam, quam ex aliis Latinis Graecisque ſcriptoribus variam multiplicemque eruditionem ſubinde acquireret, totam ad Chriſtianae doctrinae uſum atque ornamentum conferret. Quis mihi igitur audeat humaniorem hanc litteraturam, veluti Chriſtianae rei pernicioſam ac noxiam, aut certe valde admodum periculoſam, objicere. quam Chriſtianorum Pa-

trum doctissimi & eruditissimi quique non perutilem modo, sed etiam sibi pernecessariam, ad res divinas tractandas existimarunt? Quis, inquam, Christianis hominibus ponere in crimine audeat politiores humanioresque disciplinas, quas rebus Christianis tantum praesidii, tantumque utilitatis, sive ad defendendum, sive ad impugnandum, asserre ipse acerrimus religionis Christianae hostis, Iulianus Caesar judicavit, ut quo erat ingenio acuto atque perspicaci ad Christianismum exturbandum, funditusque evertendum, nihil tam valere putaverit, quam si liberalissima humaniorum litterarum & disciplinarum studia Christianis hominibus eriperet atque auferret. O cladem illam deplorandam Christianorum studiorum! o illam Christianae Reipublicae a Christo nato maximam & luctuosissimam calamitatem! o Iuliani in Christianos immanissimam, o teterrimam, o maxime omnium barbaram crudelitatem, cum Christianis ille hominibus liberalibus litterarum studiis interdicebat! Quos tu mihi Neronēs, quos Domitianos, quos Decios, quos Diocletianos & Maximianos, quos mihi decem aliosve complures, hostes saevissimos, impioque insectatores Christianorum commemoras? quae mihi crudelitatis in Christianos monstra, quae feritatis atque immanitatis portenta, quae superioris memoriae teterrima saevitiae barbariaeque exempla ob oculos ponis? quas mihi narras carnificinas, quae genera poenarum ac suppliciorum, ingeniosissime in Christianos excogitata ac constituta, eisque miserrime atque atrocissime ubique locorum ac gentium inflicta? cum Christiani, hoc uno solumque Christianitatis nomine, bonis omnibus rebusque suis spoliabantur, exilio mulcebantur, relegabantur, deportabantur, uno aliquo membrorum mutilabantur, ad metalla & bestias damnabantur, vinculis & verberibus, omnique supplicio excruciatī necabantur, ferinis pellibus contecti a canibus dilaniabantur,

cru-

crucibus affigebantur, igni cremabantur, atque ubi dies defecisset, ad luminis nocturni usum urebantur. Haec & alia superiorum Caesarum in Christianos exempla, atrocissima crudelitatis Iulianus (quis credat, auditores?) Iulianus, ille, inquam, Iulianus, qui Christiano sese sanguini parcere velle prae se ferebat, interdicto Christianis bonarum litterarum usu, longissime superavit. Illi enim saevitiam in Christianorum corpora adhibuerunt, Iulianus in animos Christianorum. Illi vitam Christianis eripuerunt, Iulianus Christianis doctrinam atque sapientiam. Illi mori Christianos voluerunt, Iulianus rudes Christianos bonarumque litterarum ignaros vivere. Quod si multo pejus, multoque atrocius atque miserabilis sapientissimis viris visum fuit rudem vitam atque inculam in infantia, summaque omnium bonarum artium ignoratione, pecudum instar, transigere, quam gloriosam mortem atque illustrem pro veritate & religione occumbere, quis unquam dubitet, quod minime dubitandum duxit Augustinus, Iulianum saevissimis jam & crudelissimis Christianorum hostibus accensere, eique etiam in insectandis persequendisque Christianis primas inter omnes Caesares immanitatis partes vindicare, qui hominibus Christianis gloriosas illas praeclarasque mortes, quas mira animi alacritate oppetere antea consueverant, malitiosissime inviderit, eosque optimarum artium rudes & imperitos, interdici earum artium studiis, esse iusserit? cuius quidem factum illi ipsi summi laudem Iuliani fautores, acriesque inimici Christianorum, tam ferum, tam barbarum, tam immane, tamque omnis rationis & humanitatis expers iudicaverunt, ut oblivione illud sempiternum obruendum existimaverint. Neque vero mihi hic disputandum, auditores, quod docti ac diligentes Christianarum antiquitatum investigatores curiosius fusiisque anquirunt, utrum Christianos Iulianus humaniores litteras docere, an ve-

ro discere vetuerit. Nam Christiani quidem scriptores, plerique omnes affirmant, Iulianum Christianos a bonis litteris ediscendis prohibuisse: quum tamen ex ipso eodem Iuliano manifestissimum atque perspectissimum sit, quod diserte alicubi Augustinus testatur, edicto eum suo Christianos a liberalibus artibus humanioribusque disciplinis edocendis arcuisse. Qua de controversia dico ego quam brevissime, ridicule eos & imprudenter facere, qui a primo illo Iuliani ferali in Christianos edicto alterum sibi ejus edictum excogitant, de quo neque Ammianus, neque Hieronymus, neque Ambrosius, neque Orosius, neque alter veterum quisquam quidquam sciverit; atque adeo edictum illud unum ac solum Iuliani ad Christianos duntaxat magistros, qui poliores Graecorum libros in scholis praelegere, liberaioresque litteras profiteri prohiberentur, nominatim pertinuisse. Sed, quum qui de magistris superstitioni atque impietati Graecorum addicti erant, summis ii ad caelum laudibus deos suos extollerent, atque ad eorum deorum cultum auditores suos omni verborum atque eloquentiae lenocinio allicere conarentur, quis non intelligeret, quod probe tunc recteque Christiani, posteaque ex communi, neque obscuro, Christianorum sensu, Augustinus, intellexerunt, amotis a docendi munere Christianis magistris, eadem simul opera ab humanioribus litteris ediscendis prohibitos quoque esse adolescentes Christianos, quibus per sacrosancta religionis suae jura minime omnium fas erat ad eos unquam ludos accedere, in quibus a superstitionis & impii magistris supersticioso atque impio deorum cultu imbuerentur? Quae vero tunc, Deus bone! ab edicto illo Iuliani, vetitis atque interdictis humaniorum litterarum, liberaliumque artium studiis, Christianae passim reipublicae perturbatio! quum Christiani tunc homines erecti sibi arma esse cernerent, quibus, ut antea, sua de-

fen-

fenderent, aliena expugnarent. Quid enim tunc reliqui Christianis erat, subsidio jam atque ornameto spoliatis optimarum disciplinarum? Itaque, re Christiana ad incitas propemodum redacta, tum demum Christianorum patientia, quae invicta sane usque ad illud tempus perliterat, quaeque nullis unquam difficultatibus, nullisque doloribus atque suppliciis, ne ipsa quidem morte, vinci ac superari posse videbatur; tum demum, inquam, victa ac superata est patientia Christianorum, cum tandem aliquando Christiani, Iuliano Caesari minime cedendum rati, pro litteris ac litterarum studiis tuendis atque servandis, tanquam pro aris & focis, pugnare contra Iulianum aperto Marte coeperunt; atque in primis contra eum in aciem processerunt viri fortissimi, atque ab omnibus humanae sapientiae variaeque eruditionis armis peritissimi, Gregorius Nazianzenus, Basilus, uterque Apollinaris. De quibus Basilus quantum in liberalissimis omnibus doctrinis, atque in eloquentia excelluerit, ipse perquam valde miratus est summus & Theologus & orator Gregorius Nazianzenus. Gregorii vero & utriusque Apollinaris maxima atque immortalia in litteras humaniores, atque adeo in Christianam rempublicam, promerita quis satis pro dignitate commendet? aut quis etiam verbis quomocunque complectatur atque exprimat? qui ut periclitanti Christianae eruditioni opitularentur, ad libros tandem varii generis, variaeque elegantiae conscribendos, atque ad carmina componenda, semet applicarunt, quae Christiani quique magistri, ad liberaliorem Christianorum puerorum culturam, in scholis praelegerent, suisque auditoribus in stili variaeque eruditionis exemplum proponerent. Nam quid ego hic dicam de Gregorii Nazianzeni carminibus, in quibus, tanquam in speculo, & ejus vitam, & variam ejus omnisque generis doctrinam possis palam intueri? Quid de dialogis Apollina-

ris

ris junioris, in quibus secutus ille est exemplum Platonis? quibus ille dialogis, ut in dicendo valde erat exercitatus, universam factorum dictorumque admirabilium Christi, reliquamque sacram historiam, & quae principes Christi sectatores, homines oppido quam divini planeque admirandi, scriptis suis consignaverant, mire est executus. Quid de Apollinari illo majori, homine Syro, viro utique doctissimo, & omni genere disciplinarum, totiusque veteris historiae cognitione ornatissimo, qui artem quoque Grammaticam in Christianorum usum redegit; tanta autem faciendorum versuum copia ac facilitate fuisse traditur, ut antiquam humani generis Hebraeorumque historiam ab orbe condito usque ad Saulis regis tempora, ad Homeri exemplum, versibus heroicis, quatuor & viginti libris, iisque singulis Graecae litterae nomine inscriptis, complexus fuerit; reliqua vero divinorum librorum argumenta vario carminum genere exposuerit, atque etiam Tragoedias ad imitationem Euripidis, Comoedias ad aemulationem Menandri, carmina Lyrica ad exemplum Pindari, conscripserit, tanta porro elegantia proprietateque atque ubertate sermonis, ut unus ille Apollinaris ad praeclaras illas Graecorum Poetarum laudes propius accessisset, immo & eas laudes, in quocunque tandem scribendi genere veterum singuli excellissent, penitus exaequasse videretur? Atque hic ipse est Apollinaris, qui scripto contra Iulianum, Graecosque philosophos de Veritate libro, nullo prorsus testimonio ex divinis voluminibus adhibito, ex ipsa Graeca philosophia, atque ex ipsis Graecorum litteris ac doctrinis, eorum de diis sententiam acerrime atque acutissime confutavit. Quid de aliis dicam, viris sapientissimis, & litterarum & antiquitatis bene peritis, eoque ad Christianae Theologiae usum peritioribus, quo iisdem versationibus in universo orbe humanarum disciplinarum? Dies me deficiat,

ficiae, auditores, si eorum plene laudes persequi, aut nomina etiam commemorare duntaxat velim, qui, Christianorum litteratura in summum periculum ac discrimen adducta, pro ea cum Iuliano, seu singulari proelio, seu integra iustaque acie, tanquam pro sacris, discernendum sibi esse censuerunt. Tanti, auditores, Christianae reipublicae fuit, liberalissima atque optima humanarum artium & disciplinarum studia protegere ac tueri. Neque enim, quod Graecis atque barbaris, id Christianis unquam sibi timendum erat, ut nequid damni ipsa eorumdem religio liberalibus Graecorum disciplinis faceret, neve inde arma ad religionem convincendam, aut certe debilitandam, suppeditarentur. Fuerit hic metus Iuliani, fuerit Graecorum, fuerit hominum superstitiosorum atque etiam barbarorum, quorum plane religio vana est, abhorrensque a veritate. Christianorum est, semperque fuit, liberales quasque disciplinas ultro amplexari ac fovere, easque ad omnes nationes & gentes longe lateque propagare atque amplificare; a quibus disciplinis tantum abest, ut Christiana religio quidquam incommodi ac detrimenti accipiat; ut ex iis magis ea magisque confirmetur atque illustretur. Neque enim quidquam mehercule est, auditores, conjunctius veritati, quam ipsa eadem veritas, Ergo, quum religione Christiana nihil unquam verius certiusve esse possit, quae a Deo profecta est, fonte uberrimo totius veritatis, quis non plane perspiciat ultroque fateatur, humaniores disciplinas, quae omnes veritate quam maxime nituntur, dissentire nullo modo posse a religione Christiana; sed ei quam intime consociatas esse oportere, eique, tanquam ministras quasdam dominae suae, subservire ac famulari? Quod & ipsum in causa fuisse intelligimus, quamobrem summi quique olim Theologi, & sapientissimi atque elegantissimi librorum divinum interpretes, omne, quod a rerum divinarum me-

unius dialectica, petitisque ex Thomae armamentario argumentis, facile dissolvatur. Quem etiam Thomam, quis non miretur ingenio & doctrina tantum potuisse; ut, tamen si Graece fere nesciebat, tamen Latinis qualibuscunque commentariis adjutus, Aristotelem, philosophum illum quidem maximum, sed & eundem, maxime fortasse omnium philosophorum, verae & sanctae in Deum religionis hostem atque inimicum, Christianum, quod ajunt, propemodum fecerit, certe quidem, prae ceteris aliis philosophis, atque etiam prae Platone, viro omnium philosophorum sapientissimo, & rebus saepe nostris concordissimo, Christianae veritati militare coegerit. Nec enim jam in scholis Christianis, nisi ex Aristotele, principe & auctore Thoma illo Aquinate, pleraque religionis nostrae, eaque summa & gravissima capita, explicantur. Adeo verum est, quod ego haec nus demonstravi, humanas quasque disciplinas arma Christianae religioni aptissima & praesentissima copiosissime suggerere atque subministrare, quibus ipsa jam religio vanissimam Graecorum omniumque aliarum gentium superstitionem atque impietatem debellet, exterminaque, quam vocant, philosophia expugnata ac devicta, iustissimum ex ea triumphum agat, & praestantissimos quosque atque celebratissimos Graecorum philosophos, virosque totius antiquitatis sapientissimos, veluti captivos, ante curram ducat. Quae quum ita sese habeant, quis non summis sibi laudibus efferendos atque ornandos putet, veluti de religione Christiana optime promeritos, principes quosque Christianae reipublicae viros, qui, sequioribus jam rudioribusque temporibus, quum inclinari fere litteratura, atque ad barbariem desciscere coepta esset, Christianae sese religioni commode satis consulturos atque prospecturos esse duxerunt, si veluti munitissima quaedam veritatis Christianae propugnacula, erroribus & inscitiae Academiae Christianae

opponerent atque obicerent : quibus in Academīs non divinarum modo, sed etiam humanarum rerum scientia, in omni genere doctrinarum artiumque liberalissimarum, uberrime traderetur. Quis autem primas hujus instituti laudes non ipsis Romanis Pontificibus, summis rei Christianae moderatoribus ac magistris imperiendas censeat, qui ut provinciam sibi divinitus demandatam sustinent religionis tuendae atque interpretandae, ita muneris semper sui esse existimarunt, ut seminaria haec totius & divinae & humanae eruditionis atque sapientiae, Academias Christianas pulcherrimis sanctissimisque legibus munirent, foverent, protegerent, omnibusque honoribus atque ornamentis cumularent atque augerent? Itaque, quantum studii atque operae Iulianus Caesar, desertor ille & transfuga Christianae religionis, in eo posuit, ut litteras ac doctrinas, ad religionem Christianam seu infirmendam, seu delendam, Christianis hominibus auferret, tantum industriae ac diligentiae, Christiani in primis Pontifices Maximi, deinde optimi quique Reges Christiani, in id contulerunt, ut ad religionem Christianam qua defendendam, qua confirmandam atque amplificandam, liberalissima quaeque doctrinarum studia, atque adeo has ipsas Christianas Academias, omnibus beneficiis ac decretis ornarent, omnibusque amoris singularisque benevolentiae argumentis complecterentur. Quo quidem loci quomodo ego te silentio praeteream, & non omni potius laude concelebrem, Franciscus III. Lotharinge, Magne Dux Etruriae, idemque Rex Hierosolymorum, sapientissime, justissime, atque invisiissime, pro tot ac tantis, tamque singularibus & eximiis tuis erga Pisanam hanc Academiam meritis ! cujus quidem patrocinio divinaque erga litteras beneficentia tantum honoris ac dignitatis nostrae huic Academiae accessit, ut ea plurimarum totius Christiano orbe Academicarum princeps, nulli certe

al-

alteri cuiquam vel celeberrimarum Academiarum secunda esse videatur. O Academia Pisana! o sedes ac domicilium certum elegantioris doctrinae! o liberalissimorum studiorum mater sanctissima! o parens educatrixque optima bonarum omnium artium atque disciplinarum! Gratulor ego tibi de dignitate ac felicitate tua: gratulor de tuo isto tam excellenti bono: gratulor de hac ista tua tanta, tamque beata copia omnium doctrinarum: quae tanta est profecto, ut, quamvis magnam nuper jacturam feceris, extinctis clarissimis duobus veluti luminibus, altero Mathematicarum disciplinarum, altero philosophiae; tamen propter maximam ubertatem tuam, tuamque praeclarissimam optimorum studiorum institutionem atque disciplinam, nusquam alibi litterae neque fortius, neque felicius Christianae religioni militare posse videantur. Redit nunc tandem oratio mea ad vos, a quibus potissimum coepta est, optimi adolescentes, bonarumque omnium artium atque disciplinarum studiosissimi. Nam si nihil in rebus humanis praestantius diviniusque est religione, si nihil homini ad salutem atque felicitatem utilius commodiusque est religione, si nihil vobis charius atque antiquius neque est, neque esse debet religione, videte etiam atque etiam, adolescentes, quanti vos litterarum studia facere oporteat, quae tantopere profunt religioni.

of the ... and ...
of the ... and ...
of the ... and ...

of the ... and ...
of the ... and ...
of the ... and ...

of the ... and ...
of the ... and ...
of the ... and ...

of the ... and ...
of the ... and ...
of the ... and ...

of the ... and ...
of the ... and ...
of the ... and ...

SENATVI . POPVLOQVE
P I S A N O

VETERI . ARMORVM
AC . LITTERARVM . GLORIA
IMPERIO . OLIM

IN . EVROPA . ASIA . AFRICA . COMPARATO
RE . CHRISTIANA

QVOQVOVERSVS . AMPLIFICATA
IVRIS . CIVILIS

OMNIVMQVE . DOCTRINARVM . STUDIO
RESTITVTO

ACADEMIA . VNIVERSAE . SAPIENTIAE
FVNDATA

LITTERIS . PROPAGATIS .
PRINCIPI . QVONDAM . POPVLORVM
ETRVRIA

NVNC . VERO . SVB . AEQVISSIMO
FRANCISCI . L

CAES . AVGVSTI . IMPERIO
AVCTA . VRBIS . PISANAE

QVA . MILITARI . QVA . CIVILI . DIGNITATE
VETERIS . ILLIVS . GLORIAE
STVDIOSISSIMO

PRO . ANTIQVIS . EIVS
IN . ACADEMIAM . PISANAM
OMNEMQVE . DOCTRINAM . PROMERITIS
ALEXANDER . POLITVS
ORATIONEM . HANC . SVAM
DE . ACADEMIAE . PISANAE . LAVDIBVS

PANEGYRICAM
A . SESE . DICTAM . ANNO . MDCCXLIII .
AD . GLORIAM . PISANI . NOMINIS
SEMPITERNAM

L . M . Q . D . D . D .

THE
OF

OF THE
OF THE

OF THE
OF THE

OF THE
OF THE

OF THE
OF THE

OF THE
OF THE

ORATIO XI.

DE LAUDIBUS ACADEMIAE PISANAE.

Quemadmodum in rebus humanis nihil prorsus nobis laudabilius esse videtur eruditione atque doctrina: ita mirari minime omnium debemus, Viri Excellentissimi, Auditores humanissimi, si, qui verba huc usque vobis ex hoc ornatissimo ad dicendum loco de doctrina & eruditione fecerunt, maximis semper laudibus liberales quasque disciplinas, tum singulas, tum universitas celebraverint. Ut quisque enim doctissimorum virorum docendi hic muneri admoveatur; statim eam, quam ex omnibus unam facultatem est professurus, amplissimis verbis collaudat, itaque collaudat, ut eam ceteris omnibus longe anteponeere velle videatur. Orator vero, qui nullo certo definitoque scientiae genere restringitur; sed quidquid unquam sciri potest atque oratione explicari, id omne pro munere suo proficitur, sollemni hoc & legitimo die, quo annum doctrinarum omnium curriculum ingredimur, universas doctrinas summis ad caelum praeconiis effert, oportet, earumque praestantiam atque utilitatem studiosis litterarum adolescentibus patefaciat. Illud vero mirandum, si, quum plerique omnes optimas disciplinas mirifice extollant; tamen, qui harum omnium disciplinarum matrem ac magistram, studiorumque nostrorum altricem, Academiam hanc Pisanam, proprio peculiari.

D d

ri.

rique argumento, institutaque ad id ipsum oratione, ab hoc loco commendaret, vix adhuc inventus sit unus. Quod tamen inde profectum existimo, quod tanta sit Academiae Pisanae apud omnes gentes claritas atque gloria, nemo ut quisquam ullis eloquentiae atque orationis luminibus sese eam illustrare posse speraverit. Neque vero tantum mihi arrogo, ut verbis meis aliquid me splendoris Academiae huic nobilissimae afferre posse confidam, quod esset hominis maxime insolentis ac superbi: sed quia, quae in nobis insunt, insignia atque ornamenta doctrinae, Academiae omnia Pisanae accepta referre debemus, ut grati animi quaecumque officium huic nostrae Academiae persolvam, quod bonum ac faustum fortunatumque sit, decrevi ego, hodierno die, Auditores, Academiae Pisanae laudes Panegyricas dicere: Quod si illud sibi acroama valde admodum placitum Themistocles respondit, quod esset de virtutibus suis, cur non ego certissime sperem, Auditores, aequis vos libentibusque auribus orationem meam de Academiae Pisanae laudibus esse excepturos, quae quidem laudes cum laudibus vestris consociatae in primis sunt, & conjunctae?

Quae vero laudibus Academiae Pisanae par unquam possit oratio inveniri? Nam quae potest unquam esse, aut alicubi etiam excogitari liberalissimarum quarumque artium, atque disciplinarum Academia, cujus non omnes simul cum primis laudes in Academiam hanc Pisanam verissime atque apertissime conveniant? Laus illa a primo celebratissimae cujusque & florentissimae Academiae est, ut loco sit ad litterarum studia maxime opportuno atque accommodato. Quis autem tota Etruria, quid dico, Etruria? tota fere Italia locus ad haec litterarum studia persequenda opportunior atque accommodatior Pisis? Video jam ipso statim orationis meae limine, cum in Academiae Pisanae laudes ingredior,

dior, urbem se mihi ipsam Pisānam commodam collaudandam dedisse, nec posse me tot illa ac tanta alterius decora atque ornamenta explicare, nisi eadem simul opera alterius quoque laudes concelebrem. Non dicam nunc de Pisis, quod alias sum ego ex hoc ipso amplissimo loco fusius & uberius demonstraturus, eam olim urbem, armis potentissimam, atque Etruriae facile principem, maria & insulas regionesque continentes fama nominis sui longe lateque implevisse, innumera- biles hostium classes devicisse, Corsicam ac Sardiniam, insulasque Baleares occupasse, Carthaginem cepisse, Panormum Saracenis, aliquot Graeco Imperatori insulas ademisse, Neapolim & vicina ibi oppida multa praesidio tenuisse, maximas saepe classes aedificasse, imperium sibi in Europa, Asia, atque Africa comparasse. Haec & complura alia omittam de bellis a populo Pisano fortissime gestis, victoriisque clarissimis reportatis: ex quibus, tanquam in luce meridiana, perspectum plane cuique sit, & exploratum, Pisanos olim re bellica, & maritimis terrestribusque copiis, & expeditionibus ceteris omnibus Etruriae populis longissime praestitisse. Nec etiam commemorabo, Audicores, quae, post rem Pisānam fractam ac debilitatam, Magni Etruriae Duces Medicei, ad memoriam pristinae Pisānorum virtutis sempiternam, instituto hic Pisis nobilissimo & amplissimo Equitum fortissimorum Ordine, extare in hac urbe non vestigia modo, sed etiam insignia antiquae Pisānorum fortitudinis bellicae voluerunt. Illud unum dicam nunc de Pisis, ac palam praedicabo, nullam aliam urbem Etruriae, aequae ut Pisas, utriusque simul Minervae, armatae pariter atque litteratae studia consecraram fuisse; itaque cives Pisanos prae reliquis omnibus Etruriae populis in rem bellicam incubuisse, ut simul etiam prae reliqua universa Etruria bonas litteras artesque liberalissimas foverint, auxerint, amplificaverint; atque

adeo ab hoc veluti fonte, ab hac ipsa urbe Pisarum, optimarum quarumque disciplinarum, & juris cum primis civilis, studia in reliquam late Italiam, immo vero & Europam, profluxisse. Clarissimis superiorum temporum monumentis proditum est, Pisanos in bello contra Rogerium, regem Siciliae, inita cum Lothario secundo Imperatore armorum societate, classeque sex & quadraginta triremium instructa, urbem Amalphim adortos, eam urbem primo impetu expugnavisse, ac diripuisse, atque ex omni optima opulentissimae & beatissimae urbis praeda unum illud ac solum Pandectarum Iustinianearum volumen, quod ibi archetypon jam inde ab antiquissimis temporibus habebatur, permagnae mercedis loco, sibi petiisse ac reservasse, illudque perinsigne ad posteros victoriae illius monumentum Pisas tulisse, ibique, veluti quoddam Palladium, e caelo delapsum, in thesauro suo reposuisse, & quam diligentissime, veluti rem multo omnium pretiosissimam, custodisse; indeque, e libro illo Pandectarum Pisinarum descriptis jam legibus, duce atque auctore Irnerio, percelebri illo legum Romanarum interprete, jus civile in Bonduiensem primum Academiam permeasse; & hanc primam post Iustiniani tempora renati apud nos juris civilis originem ab urbe Pisarum fuisse. An ne vero unquam putetis, Auditores, tanto libri unius amore homines Pisanos affici potuisse, ut prae illo immensam vim praedae ac manubiarum, & locupletissimae urbis divitias contempserint, eoque sese libro, tanquam praemio omnium amplissimo atque uberrimo, pro bello periculossimo, maximisque in illud bellum impensis, valde remuneratos professi fuerint, nisi incredibili doctrinarum studio exarsissent? Quo de facto Pisinarum quum plura ego, pro rei ipsius magnitudine, velim dicere, ea me statim admiratio, atque is veluti stupor percellit, ut posse me perinde dicere, atque sentio,

pe-

penitus desperem. Iam tum nimirum Pisani, quo in bonas litteras studio, singulari atque eximio, ferebantur, conceperant animo atque adumbraverant, quod ducentos post annos, anno demum a Christo nato millesimo & trecentesimo, octavoque supra trigesium, perfecerunt, ut stabilem hic Pisis ac fixam sedem jurisprudentiae, omnibusque bonis artibus omniique sapientiae, Academia hac celeberrima constituta, ponerent ac dedicarent. Iam vero quid dicam, quam large ac liberaliter cum hac sua Academia cives Pisani egerint, qui in bello ipso Neapolitano in unum ac tolum legum civilium volumen maximos labores, totiusque belli difficillimi sumptus profusissime impenderant? Immunitates ac munera Academicis data commemorem? quum Pisani de publica pecunia impensas in Academiam hanc suam alendam ac sustentandam quam liberalissime fecerint? Doctissimos huc viros frequentes convenisse referam? quum Pisani iis, qui divinas humanasque hic doctrinas profiterentur ac docerent, amplissima & lautissima stipendia constituerint? Studiosos litterarum adolescentes permagna hic frequentia versatos enarem? quum Pisani omnem iis studiorum liberalissimorum commoditatem munifice tribuerint? Uberrimam hic honorum librorum copiam fuisse praedicem? quum Pisani libros in urbem suam, vel mercimonii tantum causa, importatos, vectigalibus prorsus liberaverint? Quae alia unquam civitas, quis unquam alius Etruriae populus, vel ipse ille populus, qui gloriae & dignitatis Pisanorum aemulus in primis esse videbatur, & de Etruriae principatu cum Pisanis certabat, ad eam aliquando laudem aslurrexit, aut aslurgere etiam potuit, quae propria semper laus fuit Pisanorum, ut prae doctrinarum amore pecunias, redditusque aerarios negligeret, atque a vectigalibus, quos nervos esse reipublicae nemo quisquam ignorat, doctrinae augendae atque ampli-

pli-

plificandae causâ, ulla ex parte abstineret? Nihil igitur commodorum atque opportunitatum huic Academiz Pisanae ad doctrinae & ingeniorum diligentem culturam defuisse unquam demonstrem? quum Pisani optima quaeque litterarum studia suis semper commodis & rationibus praetulerint? Nam de caeli quidem Pisani salubritate, ubertate agri, annonae fertilitate, incredibili rerum omnium ad vitam necessariorum copia, quid attinet dicere? quae tamen omnia mirum, quantum apud omnes gentes decoris & laudis Academiae Pisanae concilient; quando haec ipsa fere tibi, Clemens Sexte, Pontifex Maxime, rerum atque ingeniorum aestimator iustissime, summeque litterarum patrone, in causâ potissimum fuerunt, ut Academiam hanc Pisanam, pro doctrinarum omnium, quae in ea docerentur, universitate, auctoritate tua munires atque corroborares. Atque haec tibi propria maxime sunt, urbs nobilissima Pisarum, quae nemo quisquam abs te abstrahat unquam atque avellat. Abstrahi e sinu gremioque tuo, e sacrario cimeliarchioque tuo transferri Florentiam potuit sacrosanctum illud volumen Pandectarum tuarum. Pandectae illae tuae, urbs praecclarissima, abalienari abs te, & quae veteri proprioque jure Pisanae erant, transire in Florentinas potuerunt. Academia haec tua traduci transmittique alio nullo modo potuit. Cur, Auditores? quia ea, quibus Academia Pisana efflorescit ac viget, clementia & salubritas aeris, agrorum ubertas, terrarum ac marium opportunitas, beata rerum omnium copia, demigrare hinc alioque absporiari minime omnium potuerunt. Tanta haec tamque eximia, ac propria Academiae Pisanae felicitas bene vobis cognita ac perspecta erat, summi Florentinorum procures, iidemque Principes Etruriae, viri prudentissimi & sapientissimi, qui, post amissam a Pisanis libertatem, jacentem atque afflictam Academiam Pisanam, pro summo vestro erga
bo-

bonas litteras studio, erigendam vobis atque in pristinam amplitudinem, & gloriam restituendam existimastis. Nec vero tibi, Laurenti Medices, Cosmi illius majoris, avi tui, maxime aemulator, satis fuit litterarum gloriae atque incremento apud Florentinos tuos consuluisse ac prospexisse, virosque maxime litteratos Florentiae fovisse, summisque beneficiis ornasse; sed quod nulla alia Academia commodiori loco, aere salubriori, majori ad altiora quaeque doctrinarum studia opportunitate esset, quam Academia Pisana, ut Etruscarum litterarum linguaeque Etruscae, ex omnibus Etruriae populis, principatum penes Florentinos esse voluisti, ita universae sapientiae, omniumque doctrinarum penes Pisanos. Fructus certe liberalitatis tuae, tuique amoris litterarum fuit, ut, re Pisanorum publica oppressa a Florentinis, ac propemodum extincta, inter mortuam paene apud eos sapientiam recreares, atque instaurares, annoque demum a Pisana Academia fundata centesimo fere & quinquagesimo, haec Sapientiae Pisanae gymnasia, hoc est, verae sapientiae domicilium ac sedem, a fundamentis erigeres, eoque perillustres doctrina atque eruditione viros ad omnes liberales artes profitendas amplissimis praemiis excitares. Hoc tibi, Cosme Medices, prime Magne Dux Etruriae, hoc vobis, reliqui ex hac ipsa Medicum familia Magni Duces Etruriae, exemplum Laurentius Medices praeivit, ut alter ex latifundio sanctiori Etruriae certa in singulos annos stabilique dote Academiam Pisanam locupletares: alteri hanc eandem Academiam benevolentia vestra complecteremini, atque ex aerario etiam vestro augeretur & promoveretur. His initiis ac fundamentis constituta Academia Pisana, hisque incrementis aucta & confirmata, cogitate, Auditores, quo tandem fastigii atque celsitatis, his praesertim novissimis temporibus, summo jam Academiae nostrae & beneficentissimo pa-

tro-

trono, Francisco III. Lotharingo, Magno Etruriae Duce, sese illa extulerit. Neque vero Academiam parietes faciunt, aut amoenitates & commoditates locorum; sed doctrinae, quae quotidie assidueque excoluntur; sed bonarum litterarum studia, quae certatim in dies frequentantur; sed docti atque intelligentes viri, qui, tanquam in celebritate quadam nundinarum, nullum non doctrinarum genus profitentur; sed discendi percupidi adolescentes, qui, ut reconditoris cujusque scientiae atque eruditionis compotes fiant, omni studio enituntur; sed quotidiana atque accurata omnium honestissimarum disciplinarum, qua per magistros, qua per auditores, exercitatio. Age vero, quam his quoque laudibus floret atque abundat Academia Pisana! Quid enim in universo orbe disciplinarum? quid in rebus divinis atque humanis? quid in caelo atque astris? quid in terris ac mari? quid in ceteris elementis? quid in herbis ac metallis? quid in immenso illo rerum Physicarum ac Mathematicarum circuitu? quid in toto morum humanorum genere? quid in homine, quem parvum veluti mundum esse dixerunt, cognosci unquam ac percipi potest, cujus scientiam, illamque perfectam atque exquisitam, Academia Pisana non abunde praestet atque profiteatur? aut quid alibi unquam est reconditoris rariorisque eruditionis atque doctrinae, quod non hic simul sit omnibus obvium atque conspicuum? aut quae singularia alibi & praeclara, quae non hic simul omnia mirifice enitescant? Hic specula ad caelum contemplandum, fiderumque scientiam comparandam. Hic hortus Medicus ad herbarum vires pernoscendas. Hic Medicum Theatrum ad corporis humani machinam minuta partium singularum sectione ad minimas usque particulas explorandam. Hic instructissima a libris optimis & copiosissima bibliotheca ad animum rerum omnium cognitione explendum atque exsaturandum. Hic omnia
 affa-

affatim subsidia atque instrumenta omnium ad unam disciplinarum. Vere hic regnat Iustinianus, vere Hippocrates; vere hic in vobis, viri excellentissimi, cum Demosthene regnat Tullius, vere Euclides atque Archimedes, vere Plato atque Aristoteles, vere Ptolemaeus. Quam hic etiam in divinarum litterarum interpretatione triumphat Hieronymus, in sacra historia Sulpicius, in arcanorum divinorum explicatione Augustinus, in Christiana eloquentia Chrysostomus, in subtiliori veritatum divinarum disquisitione Thomas Aquinas! Parietes medius fidius horum gymnasiorum loqui & ipsi res doctrinae atque eruditionis videntur; adeo haec undique gymnasia divinae humanaeque sapientiae assiduis & multiplicibus vocibus personant. Quod si Marco olim Pisoni apud Marcum Tullium persuasum fuit, iis nos locis, in quibus memoria dignos viros multum esse versatos acceperimus, magis moveri, quam siquando eorum ipsorum aut facta audiamus, aut scriptum aliquod legamus, quantum, Deus bone! inde etiam laudis Academiae Pisanae accrescit a summis illis & sapientissimis viris, quorum memoria necesse est ad omnem nos doctrinam commoveri, quum eos meminerimus in hac urbe aut natos, aut doctrinae & eruditionis causa domicilium habuisse, & huc in hanc istam Academiam ventitasse, & in his porticibus inambulavisse, & in his gymnasiis docuisse, & ad haec peristyla stetisse, & ex hoc ipso summae auctoritatis loco, magna hominum frequentia, verba de doctrinis fecisse! Hic, exempli causa, post has aedes a Laurentio Medice aedificatas, Philippum Decium de regulis juris disputasse: hic, post has scholas a Cosmo Magno restructas, Matthaeum Curtium rem medicam summa cum laude pertractasse: hic Cyriacum Strozam Philosophiam Aristotelis, Hieronymum Mercurialem libros Hippocratis esse interpretatos: hic Bulengerum litteras humaniores, hic Galilaum Ma-

E c

the-

thematica, profectos fuisse: hic innumerales alios doctissimos & eruditissimos viros magna se cum ingenii gloria, nostra etiam memoria, in omni genere doctrinarum exercuisse. Sed o illa etiam superiora, o prima illa tempora recentis adhuc Academiae Pisanae! O viros illos clarissimos, & memoria dignissimos temporana, qui nascentem primi Academiam Pisanam doctrinae suae ubertate promoverunt, atque confirmarunt! O Bartolum, interpretum juris civilis facile principem, virum plane doctissimum & prudentissimum, quem non semel ferunt, siqua juris dubitatio incidebat, Pandectas Pisanas, veluti oraculum quoddam, consuluisse! O Baldum, discipulum Bartoli, virum & ipsum juris consultissimum, neque juris civilis scientia fortasse a Bartolo secundum! O cetera illa magna nomina jurisconsultorum, omnique alio doctrinarum genere excelsissimorum virorum, qui Academiae nomen Pisanae, ipsius ejus primordiis, dederunt! Summos hos viros cum meminimus tanta doctrinae & ingenii fama in hac urbe versatos, eademque, quae nos, loca incoluisse, eundemque hunc Pisenum aërem duxisse ac respirasse, atque hic vestigia, in quibus nos tuto insisteremus, posuisse, quantum ex superiori illa memoria exemplorum nostra haec nobis Academia suppeditat, ut in ejus praeconiis, tanquam in immenso quodam & patentissimo ad laudationem campo, nostra excurrat ac propemodum exultet oratio! Nam & illis superioribus temporibus laus illa fuit Academiae Pisanae, ut Carolus Quartus Imperator, non rebus modo praecclare gestis, sed etiam scriptis suis atque eruditione clarissimus, optimarumque omnium litterarum non summus modo fautor, sed etiam amplificator, qui, pro singulari sua erga Academiam Pisanam benevolentia, auctoritatis suae praesidio munitam eam voluit, omnibusque honoribus atque ornamentis auxit, Carolus, inquam, Quartus Ze-

no-

nobium Sætatensem, magnum pro illis temporibus & excellentem Poetam, ingenti concursu hominum litteratissimorum, & frequentissima totius civitatis Pisanae celebritate, loco urbis maxime splendido atque conspicuo, sua ipse manu tantus Imperator insigni laurea redimiverit. Harum omnium laudum Academiae Pisanae venire nobis in mentem faciunt loca quaeque urbis Pisanae, cum ea nos loca intuemur, maximeque frequentamus, quibus in locis magni illi & clari viri, quos tantopere ab ingenio & doctrina admiramur, impressa eruditionis nobis suae vestigia reliquerunt: quippe quum ea ipsa loca non modo nos virorum illorum memoria ad praeclarissima eorum, & maxima exempla imitanda vehementer commoveant; sed etiam segetem in iisdem ipsis amplissimam & secundissimam laudum Academiae Pisanae nobis ante oculos ponere videantur. Neque tamen prorsus verum, quod tute, Marce Piso, ajebas, magis nos locis, quam scriptis magnorum virorum, moveri. Habent enim scripta, quod nos doceant; & maximarum quarumque rerum scientia erudiant: ipsaeque per sese magnorum illorum virorum, qui tanta tamque uberi & fructuosa doctrina libros suos resperferunt, hoc est, Academiae Pisanae, laudes toto orbe terrarum loquantur. Loca per se muta sunt, & vocis nostrae praecopio ad laudes Academiae Pisanae percelebrandas indigent. Quibus etiam laudibus illa accedit, quod innumeri ex hac Schola Pisana, tanquam ex equo olim Troiano, heroes prodierunt. Latissimus hic mihi laudum sei campus aperiret, si persequi vellem oratione, non dico omnes (quis enim omnibus enumerandis sufficeret?) sed vel principes tantummodo doctrinae atque eruditionis viros, qui Pisanae sapientiae gloriam in omnes late terras, ubi studia humanitatis vigerent, quoque versus propagarunt, summos philosophos, summos jurisconsultos, summos rei medicae auctores, summos

mathematicos, summos litterarum divinarum interpretes, summos theologos, summos oratores: quippe qui tales prorsus, quales praeceptores eorum erant, evaserint, summi in omni doctrina ac perfecti. Quid si commemoratos etiam vellem, quos ex hac Academia Pisana ad sacras quasque majoresque dignitates, atque ad amplissimos quosque pontificatus summa virtus & eruditio evexit? Sunt enim & hi permagno numero, & tales, ut Academiae Pisanae splendor ac dignitas elucere in iis quodammodo videatur. Atque id quidem valde mirandum, Auditores, si usquam alibi contigisset, tot nimirum ac tantos viros, tanta homines doctrina, scriptisque editis tam illustres, ab una solaque Academia exire potuisse. Sed, cum oculos ad te converto, nobilissima Academiarum Pisana, atque hunc Etruscae, immo & Italicae juventutis, florem lectissimum contueor, atque ex nostris historiis & annalibus repeto, non ex Etruria modo, sed etiam ex tota, quam longe lateque patet, Italia, honestissimos ingeniosissimosque adolescentes, sapientiae comparandae causa, huc in Academiam Pisanam omni tempore magno numero confluisse, videoque praeterea, quo quantoque studio, quantaque ingeniorum contentione omnes hic liberalissimae disciplinae pertractentur, & quam crebris assiduisque exercitationibus hoc quotidie Athenaeum exardescat, atque etiam confidero, non discipulos modo honestissima inter sese studiorum aemulatione contendere; sed ipsos etiam praeceptores exemplo suo viam studiorum atque disciplinarum auditoribus suis praecire; ipsosque inter sese magistros de doctrinis congregari, & de sapientiae palma disputando acerrime decertare; haec, inquam, omnia cum animadverto, mecumque ipse diligenter reputo, Academia Pisana, & quae nunc fiunt, facta hic semper fuisse intelligo; desino jam mirari, si, quum conventus hic communis universae doctrinae ac sapientiae

riae celebretur, maxima quoque hic copia doctissimo-
 rum virorum & olim existerit, & nunc etiam existat.
 Quid? quod, stante ac florente Academia Pisana, nul-
 lum in Etruria damnum scire possit litterae videntur?
 Equidem id, quod futurum est, nemo quisquam prae-
 stare potest, nisi Deus. Sed, quantum ex praeteritis
 rebus conjecturam licet facere de futuris, dico, quam-
 diu Academia Pisana litterarum laudibus efflorescet, tan-
 diu in Etruria, atque adeo in reliqua universa Italia,
 optimas litteras artesque liberalissimas, tanquam in re-
 guo suo, dominaturas: tantum elegantioris oraculique
 doctrinae & eruditionis ab Academia Pisana in omnem
 longe lateque Italiam, nedum Etruriam redundat. Atque
 his quidem laudibus atque ornamentis eo jam magni-
 tudinis & gloriae Academia Pisana provecta est, ut,
 quae laus olim propria Athenarum fuit, & maximo
 semper honori habitum sit, Pisis aliquando in hac no-
 stra Academia, studiorum liberalissimorum causa, fuisse.
 Quod si Pisis operam litteris navasse perhonorificum
 semper fuit, quanto honorificentius, Pisis hic in Aca-
 demia docuisse! Quem quidem honorem quum vobis, Pa-
 tres ornatissimi, vestra virtus ac doctrina detulerit, quid
 jam miremur, si plerisque omnes ex omnibus locis non
 tam Academiae hujus nostrae claritudo atque auctoritas,
 quam sapientiae vestrae atque eruditionis fama Pisas per-
 ducat? Narrant vulgo de T. Livio, quosdam ad eum,
 fama hominis permotos, ex ultimis Hispaniae Gallia-
 rumque finibus venisse, ejus ut adpectu fruerentur. O
 exemplum totius antiquitatis maxime memorabile! o
 rem omnibus saeculis inauditam, ut urbem tunc Ro-
 mam ingressi, aliud extra urbem quaererent! Hoc vero i-
 psum, quod de Tico tunc Livio, permirum visum fuit,
 ac penitus novum, quis nunc de vobis non miraretur,
 viri excellentissimi, nisi nominis ubique vestri amplitu-
 do & claritas in usum propemodum quotidianum ve-

ni-

aire facillèbe, sup, qui libique gentium, verae, solidaeq; eruditionis studio tenentur, sapientiae vestrae splendore ac fama excitati, Pisae ventitent, neque aliud iudem Pisae perire celeberrimae, q; varisq; antiquitatis monumentis satis clara, p; quosant, nisi ut, quorum admiratione & longinquo afficiebamur, vos coram adspiciant, sapientia vestra praesentes persuantur, ex ore vestro pendeant, vos alloquantur, in familiaritatem se vestram insinuent. Unde ipsi etiam facile intelligatis, in quanta vos luce totius terrarum orbis verfermini. Fatendum enim vero, mihi saepe contigisse, nec cum maximorum illorum virorum, qui scriptis suis ac doctrinis Academiae Pisanae superiori memoria misisse illustrant, in mentem veniebat, ex illorum eorundem desiderio vehementer laborarem, nec desiderio illi diutius ferendo parem me esse posse existimarem. Adco me virorum illorum doctrina atque eruditio in eorundem epistolarum libris ceperat. Sed, cum vos, viri excellentissimi, respicibam, & quam late in omnibus terris doctrinae vestrae fama percrebuisse, tacitus cogitabam, nihil iam esse causae fitebar, cur summos illos & doctissimos superiorum temporum viros desiderarem, in quorum vos sapientiam atque doctrinam non exaequassetis modo, sed etiam longo post vos intervallo reliquissetis. Videre enim in vobis iam mihi videor Aristoteles, Platonem, Euclidem, Archimedes, Ptolemaeos, Hippocrates, Galenos, Papinianos, Hieronymos, Augustinos, Thomas Aquinas, Demosthenes, Tullios. Quidquid summorum & doctissimorum virorum antiquitas illa commemorat, id omne videtur mihi, cum vos attentius, Patres amplissimi, circumspectio, in hanc nostram Academiam commigrasse. Ita sane est, Auditores, Plura enim non de laudibus vestris dixam, modestia me vestra prohibet, & satis de laudibus vestris dixisse ego videri possum, si hanc nostram Academiam, unde ornamenta in primis

no-

nostra profiscuntur, si non pro dignitate, certe pro viribus meis, atque his praescripti temporis angustiis, laudaverim. Dixi de laudibus. Reliquum est, ut in fine orationis meae compellem vos breviter atque alloquar, optimi adolescentes, & Academiae hujus nostrae, hoc est, omnium bonarum artium atque eloquentiae, studiosissimi. O vos beatos, & iterum ac saepius beatos, si, quam omnis doctrinae parentem atque altricem divinitus nacti estis, Academiam hanc Pisanam ea, qua par est, sedulitate, ac diligentia excolatis! Videte enim, adolescentes, etiam atque etiam in tot ac tantis Pisanæ Academiae laudibus videte, ne, quod aliis laudi atque ornamento fuit, Pisis hic fuisse, & in litterarum hic studia incubuisse, id vobis probro ac dedecori futurum sit, in Pisana hac Academia fuisse, &, quam Franciscus III. Lotharingus, dominus noster clementissimus, pro regia sua erga litteras litteratosque homines liberalitate, opportunitatem vobis studiorum maximam atque amplissimam fecit, minime omnium arripuisse.

SENATVI. POPVLOQVE
P I S A N O

PANEGYRICVS

A B

ALEXANDRO. POLITO
CONSECRATVS.

FI

SECRET
U.S. GOVERNMENT PRINTING OFFICE
WASHINGTON : 1967

ORATIO XII.

DE LAUDIBUS URBIS PISANAE.

Quod in more institutoque majorum positum fuit, ut, qui de doctrinarum studiis sollemnī hoc & legitimo die instaurandis verba ad vos faceret, Viri excellentissimi, Auditores ornatiissimi, is praeclara & splendida quaeque dicendi argumenta confectaretur, quibus & litterarum excellentia atque magnitudo, quasi in quodam sapientiae theatro, eluceret, & calcar adolescentibus ad hoc doctrinarum curriculum alacriter conficiendum admoveretur; id quum ego, pro munere & viribus meis, luc utque quotannis quam diligentissime exsequi conatus sim, undecima jam oratione finio tandem, quod in summa rerum dicendarum copia nunquam fore credideram, ingenium mihi meum atque eloquentiam penitus defecisse. Etsi enim in laudibus sapientiae celebrandis nemini cuiquam deesse potest oratio, eaque est dignitas atque amplitudo sapientiae, ut, quo majores laudes ejus accumules, eo etiam semper major atque uberius laudum tibi materia suboriatur: tamen, in quamcunque me partem verrebam, nihil fere occurrebat, quod summi & eloquentissimi viri non ingeniosissime & doctissime praecupassent, aut ego etiam de litterarum laudibus, pro loci hujus auctoritate, minime explicassem. An vero aliorum ego, aut dicta etiam mea recoquerem, cui,

F f 2

quod

quod vos bene scitis, Auditores, jam inde ab initio propositum fuit, non vulgares quascunque & communes sapientiae laudes persequi; sed, quae nova magis, & praeter consuetudinem argumenta esse videbantur, ea potissimum ad hodiernam celebritatem adhibere? Equidem & illud praeclarum satis ac laudabile, post vestigia doctissimorum hominum ire, &, quae alii de iisdem litterarum studiis sapienter sciteque dissuaserunt, paullo attentius retractare. Sed, quando superiore anno oratio mea de laudibus Academiae Pisanae visa minime est vobis displicere: cur, quod facturum me tunc recepi, minime nunc faciam, ut in civitatis Pisanae conspectu, apud ipsam Academiam Pisanam Pisanae urbis laudes panegyricas dicam? Profecto id officii jure suo ab Academia Pisana, pro veteribus ac singularibus suis erga hanc Academiam promeritis, populus Pisanus repositel at, qui & hanc Academiam fundasset, & omnibus jam pridem honoribus atque beneficiis cumulasset. Quo mihi magis laetandum sit, quod nemini asseri, id mihi divinitus obtigisse, ut, tamen ingenio & auctoritate longe omnium postremus, tamen de Oratoribus primus, quasi publico Academiae Pisanae nomine, debitum hoc jamdiu laudationis gratulationisque officium civibus Pisanis reddam atque persolvam.

Quamquam quid miremur, Auditores, neminem quemquam de nostris hominibus, doctissimis certe illis, & eloquentissimis viris, exstiterisse, qui ex hoc amplissimo & ornatissimo loco publicas de civitate Pisana laudes habuerit, quum ad res Pisanorum exornandas nemo unquam unus sufficere se posse existimaverit? Neque vero ego, qui nulla sum plane eloquentia, arrogantia tanta ac temeritate fuissim, ut panegyricae hujus orationis tantum mihi onus imponerem, nisi, quod Aristides votum laudandae urbis Romae, simile ego votum celebrandarum Pisanarum, propter maxima hujus

ur-

urbis in Academiam nostram beneficia, suscepissem. Quae enim tanta ingenii atque eloquentiae ubertas, ut universa possit civitatis Pisanae ornamenta, non dicam amplificare dicendo, sed vel numerando recensere? Caput illud omnis laudationis, Pisas principatum quondam totius Etruriae gessisse. Nam de antiquitate quidem quae- nam urbs Etruriae cum Pisis contendat? quas multo ante tempora Trojana, immo & ante Etruscorum adventum, conditas, certi quidam, neque ignobiles scriptores tradiderunt. Quod ut alii in dubium revocaverint, tamen noli tu inde putare, urbem Pisas reliquis urbibus Etruscis minime esse vetustiore; sed ea esse urbem antiquitate, ut, quod urbium vetustissimis atque celebratissimis contigit, ejus origo in obscuro jaceat. Anne vero Pisanae inde urbis antiquitati tute maxime detrahendum putes, quod in vetustos duodecim Etruriae populos minime omnium relati sunt Pisani? Sed enim perspicue inde ostenditur, quod alii valde affirmant, Pisas multo ante fuisse, quam ulla civitates Etruriae, neque in Etruscorum, sed in Ligurum quondam censum, Pisas contributas: siquidem ferunt Pisas a Liguribus, aut certe in Liguria, aedificatas. Quod si antiquitas Pisarum cum Dionysio illo Halicarnassensi arcescenda a Pelasgis & Aboriginibus videtur, qui eam urbem ante Etruscos habuerint, aut, si ex communiori constantiorque veterum fama, origo placet Pisarum clarior atque illustrior a Pisis illis Peloponnesiacis, unde & eadem Alpheae ab Alpheo amne Peloponnesiaco, Poetis nostris cognominatae, quam nobilem atque celebrem jam inde a primordiis oportet hanc urbem evasisse? praesertim si eam Peloponnesii, sive temporibus Trojanis, quod quidam senserunt, sive, quod alii multo sane probabilius, longe ante tempora Trojana, condiderint. Hac urbs antiquitate, hac nominis gloria & celebritate, nemo jam quisquam mirabitur, si posteaquam

quam in Etrusci nominis societatem venit, Etruriae totius primas obtinuerit, & quod gentis universae commune erat, proprium sibi nomen Etruscum fecerit. Nam, si Etrusci ante Romanum imperium plurimum mari potuerunt, si imperium maris tenuerunt, si mari Etrusco nomen dederunt, si Etrusci nominis fama terras & maria repleverunt, quod veteribus huiusmodi est testatum, hoc fere totum fuit Pisanorum, quorum nominis gloria in reliquam late Etruriam est derivata. Itaque navales laudes pleraeque omnes, quemadmodum antea a Pisanis in Ligures, cum ii Liguribus accensebantur, profectae erant; ita eae plane postea a Pisanis ad Etruscos redundarunt, cum in Etruscum Pisanum nomen transferunt. Magna quidem apud me, & in primis gravis auctoritas tua, Isocrates, tum alibi descriptionum tuarum, tum maxime in Panegyrico illo tuo de laudibus Athenarum. Quid enim, Deus bone! illo Panegyrico pulchrius atque elegantius? quid eloquentius simul ac sapientius? quid admirabilius ac divinius? quem panegyricum ajunt Isocratem, virum disertissimum, totos annos decem elaborasse. Multa cum ibi praeclare Isocrates, tum illud praeclarissime, quod Graeciae totius principatum ideo Atheniensibus deberi demonstrat, quia nulla alia urbs Graecorum terrestribus proeliis tantum, quantum Athenae navalibus, excelluit. Quis autem hinc non continuo clareque intelligat, urbem etiam Pisarum vetustissimis illis temporibus principem facile fuisse reliquarum urbium Etruriae, quod nulla alia urbs Etruriae terrestri tantum bello, quantum Pisae maritimo, valuerit? Qua de urbe Pisanorum certa sunt & explorata testimonia, eam antiquitus urbem magnum sibi nomen a rei navalis copia, & proeliis navalibus peperisse, quippe quae virtute bellica urbibus longe Etruscis antecelluerit. Iam vero posterioribus etiam temporibus, post fortunam Etruscam ever-

everſam, vigente maxime & florente re Romana, quanta unquam apud Romanos, victores illos gentium humanarum, prae omnibus populis Etruriae nominis Piſani exultatio, cum Senatus Romanus gratias Piſanis pro agro, quo Latina colonia deduceretur, agendas, triumviroſque ad eam rem creandoſ decrevit! Ita Piſae, colonia facta eſt Latina, ita tamen, ut municipii etiam jure uteretur, eademque ſub Caefare Auguſto, Caſo, & Lucio Caefaribus, Auguſti filiis, optimis hujus coloniae & ſummis patronis, Colonia Obſequus Iulia Piſana nuncupata. Haec Piſanorum ſub Imperio Romano fortuna. Quo poſtea Imperio labente atque inclinato, omni re Italicorum miſere perdiſta ac perturbata, tanquam ſi nomini Etruſco tenebrae & caligo offuſa eſſet; ita ſecura ſunt tempora, multo obſcuriora; donec tandem primis Etruſcorum erigentibus ſeſe in libertatem, atque in melioris fortunae ſpem, Piſanis priſtina felicitas aſſurgere viſa eſt atque adſpirare. Ingreſſior, Auditores, campum multo patentiſſimum ac propemodum immeuſum laudum Piſanarum: quo in campo exultare quidem poſſit oratio; ſed ſinem minime omnium poſſit inveire. Ac ſaepe ego quum ſoleam res populorum Etruriae mihi ante oculos ponere, eoſque inter ſeſe populos diligenter conſerre, adco mihi Piſani reliquis omnibus populis Etruriae omni virtutis & ſapientiae laude praefuiſſe videntur, Etruriae ut totius principatum, quem ii olim ante Romanum Imperium habuerant, Imperio jam Germanorum per Othonem Magnum fundato, & rerum geſtarum magnitudine, & praeclariſſimorum inſtitutorum ſplendore, ſibi eoſ ruruſ vindicare merito potuiſſe certiffime exiſtarem. Nam ſi de populis tunc Etruſcis judicium ex rebus geſtiſ ſeiri debet, cujoſam populi Etruriae res, fortius ac praeclarior geſtae, quam Piſanorum? qui rem navalem Etruſcam jacentem jamdiu & collapſam primi omnium reſi-

stituerunt, qui primi ac soli Etruscorum bella navalia susceperunt, qui pro salute & dignitate Etruriae in maxima se discrimina coniecerunt, qui jugum ab Etruria acerbissimum servitutis barbaricae repulerunt, qui ex Etruria primi pro religione Christiana contra immanissimos ac teterrimos hostes steterunt, qui plures provincias, quam omnes reliqui populi Etruriae consecraverunt, qui ex Etruria non ac soli imperium suum in Europa, Asia, atque Africa dilatarunt, qui Etruscum nomen quoquoersus intulerunt. Quid enim dicam? Pisanos his temporibus, cum barbari vicinas insulas tenerent, & Etruriae oram infestam haberent, Etruscum mare tutum atque immune a praedonibus reddidisse? Quid Pisanos, imperio Etrusci maris denuo positos, Musæum, regem Saracenorum, & Sardiniae possessione deturbasse, eamque imperio suo insulam adseruisse? Quid Pisanos Carthaginem in Africa cum ipso rege cepisse, multasque & magnas Saracenis in Calabria atque alibi, clades intulisse, Panormumque his in Sicilia ademisse? Quae praeclara Pisani facinora in hostes Christiani nominis acerbissimos atque infestissimos ediderunt, interea dum populi Etruriae, malum! alii aliis, ipsisque etiam Pisanis, in sacras illas piasque expeditiones profectus, iniquissime insidiabantur. Sed apud Pisanos, viros plane magnanimos, & fortes, Christiana magis causa valuit, quam injuriae illae Etruscorum. Itaque hae minime facere potuerunt, quin Pisani, rebus fere suis neglectis, omni animorum viriumque contentione, ad rem Christianam ubique terrarum magis magisque augendam atque promovendam adniterentur. Testis Asia, & bellum illud Ierosolymitanum, quod bellum communi omnium gentium Latini nominis Christianarum consilio susceptum, communibusque viribus administratum, Pisanorum in primis opera confectum est atque absolutum. Quae enim unquam Christianorum fortitudo

do ac virtus ad tantum illud bellum, & locorum varietate, & multitudine hostium, tam longe lateque dispersum, suffecisset, nisi Pisani ad illud bellum socios sese laborum & periculorum adjunxissent? Clausum erat Christianis militibus mare, nullus iis portus tutus, insidiae iis ubique paratae, commectus interclusi. Quae omnia impedimenta virtus Pisana felicissime superavit. Hic ego nihil equidem prorsus laudibus detraxerim heroum illorum Christianorum, procerumque Gallicorum, quorum etiam mirabilia & pulcherrima facta, ut nostrorum plerique & Poetarum, & Oratorum & versa & prorsus oratione ornare conati sint atque efferre, tamen nemo unquam unus pro dignitate celebravit: qui quidem heroes Christiani (non enim homines utcumque appellaverim, in quibus majus quiddam fuisse videtur, quam humanum) periculosissimum illud & difficillimum bellum fortissime gesserunt, & nominis sui gloriam nobis immortalem reliquerunt. Sed dico, Pisanos, Daiberto auctore, urbis Pisanae Antistite, viro sanctissimo, & religionis Christianae propagandae studiosissimo, ingenti classe navium centum & viginti instructa, mare militibus nostris ad oram usque Syriae patefecisse, duces se ac principes maritimi itineris exercitui Christiano praebuisse, impedimenta, quae hominibus Latinis ab Imperatore Constantinopolitano multa & magna inferebantur, penitus removisse, Leucadem & Cephale-niam, aliasque insulas expugnasse, Laodiceam aliasque urbes in Syria munitissimas cepisse, itaque Pisanos captae urbis Hierosolymae duces atque auctores cum primis fuisse, totiusque belli ipsos victoriam Christianis attulisse. Pro quibus etiam promeritis id honoris, prae omni natione Christianorum, civitati Pisanae datum, ut, qui Pisarum Antistes erat Daibertus, idem ipse sacris ac religioni in urbe Hierosolyma cum potestate praesiceretur. O maximam hanc laudem, o multo omnium

G g

prae-

praeclarissimam atque pulcherrimam Pisavorum, sacri belli Hierosolymitani, belli illius celebratissimi ac decantatissimi, primas tulisse, & loca sancta ac religiosa Palaestinae ab impietate & fordibus Saracenorum expiavisse, & Christo Deo reddidisse, &, quam terram Christus pedibus suis calcavit, & sanguine suo consecravit, euloni ac religioni Christianae restituisse, ipsamque urbem Hierosolymam magna ex parte collapsam refecisse, murisque & operibus communivisse! Quis spectare jam possit Pisas, quin totum simul orbem terrarum, certe quidem partes ejus tres maximas, una contempletur, in quibus Pisae olim dominatae! Vel quis universum jam orbem terrarum longe lateque circumspiciat, quin vel in disjunctissimis terris impressa fortitudinis ac pietatis Pisanae simul etiam vestigia intueatur? Verum non his laudum bellicarum terminis virtus Pisana circumscripta est, aut definita. Nam & aliquot post annis Pisani insulas Baleares navibus trecentis aggressi sunt, eas ut insulas a barbarorum manibus eriperent, & Christianos, qui, ad triginta hominum millia, diuturna ibi captivitate ac vinculis miserrime detinebantur, in libertatem vindicarent. Nemo hic quisquam vestrum roget me, Auditores, quid & quantum malorum in expeditione illa Balearica totos sex & viginti menses Pisani sustinuerint, quid & quantum ii periculorum adiverint, quam multa & quam magna ii certamina subiverint, quot & quantos ii labores exantlaverint. Quis enim enumeraverit omnia? Potius me quis roget, quid unquam fuerit, aut excogitari etiam potuerit malorum atque periculorum, quod Pisani non pertulerint, non suceperint, non superaverint. Dicam ne, Pisavorum exercitum commectas tunc difficultate laborasse, quum milites plerosque fames extinxerit? nulla tunc Pisanos pericula detrectasse, quum vulnera ibi saepe & clades acceperint? tempestate tunc Pisanos adversa jactatos, quum aliquot etiam

iam eorum naves naufragium fecerint? Pisanos, tot malis ac tantis fractos & debilitatos, tandem aliquando concidisse, quum maxime tunc constiterit, virtutem Pisanam labore & constantia, quo contendisset, pervenire potuisse? Victae enim sunt a Pisanis insulae Baleares, caesa quinquaginta hostium millia, captivi Christiani e vinculis soluti, victoria omnium clarissima reportata. Quid vero inde & quantum praedae ac manubiarum? quum eo barbari vim immensam divitiarum & quidquid unquam rerum pretiosissimarum praedando e regionibus circumcirca Christianis abstulerant, congestissent? Quibus ex manubiis Pisani id, quod multo omnium pretiosissimum, maximeque aestimabile erat, Deo consecrarunt. Testatur templum Pisanum maximum, testantur valvae ejus ex aere, opere caelato, admirabili atque pulcherrimo, testatur sacra ejus & locupletissima supellex, testantur cetera & plurima dona, Deo Pisis dedicata; haec, inquam, omnia testantur, quo Pisani tantae illius victoriae fructum retulerint, nimirum ad religionem. Religio Pisanos ad bellum illud Balearicum impulerat. Religio Pisanorum animos erexerat, & confirmaverat. Religio robur Pisanis & fortitudinem addiderat. Dederunt igitur Pisani religioni, quod religionis ductu atque instinctu fecerant, ut insulis Balearibus, & tanta illa, & tam opima inde praeda, potirentur. Nec enim amor divitiarum, Auditores, nec praedae, aut dominationis cupiditas ad bella unquam Pisanos rapuit, aut inflammavit. Fuit hoc proprium, fuit Pisanorum, religionem Christianam, quam a Petro, summo illo & principe, secundum Christum, ejus religionis antilite, primum didicerant, studiosissime colere, hanc unice quaerere, hanc sibi normam, hanc regulam, hanc actionum quarumque suarum praescriptionem proponere. Vetus & constans apud Pisanos fama est, Petrum ad Pisana litora appulsum, eo lo-

co, cui nunc ad Gradus nomen est, primam in Italia ex marmore aram erexisse: quam etiam nunc aram, beatissimi Clementis sanguine guttatim respersam, in veneratione habent atque ostendunt Pisani. Ab eo tempore religionem Christianam ferunt summopere apud Pisanos, vel in maximis ac violentissimis procellis, firmam ac stabilem, & nullo unquam errore contaminatam, viguisse, & hac religione nihil unquam sanctius & antiquius Pisanos habuisse. Inde ex avito illo religionis Christianae studio, postea etiam quam civitates Etruriae frenum Romani imperii excutere, sui que juris esse coeperunt, hac veluti tessera discreti & sejuncti sunt Pisani ab aliis populis Etruriae, quod alii res vicinorum invadere; Pisani rem Christianam quoquoersus amplificare studuerunt. Alii ad rem navalem, mercaturae tantum & negotiationis faciendae causa; Pisani, religionis potissimum dilandae causa, sese applicaverunt. Aliorum populorum Etruriae primus impetus, primaque aggressio in fuitimos, hoc est, in Christianos, fuit; Pisānorum in Saracenos. Ego vero vobis irascor, & vehementer quidem irascor, populi Etruriae, qui in omnem occasionem opum augendarum, potentiaeque amplificandae intenti, bella cum Pisanis serere, eorumque de Christianae religionis adversariis victorias, vel in medio earum cursu, retardare, aut etiam omnino impedire, nunquam destitistis. Quis enim nescit, populos Pisis cum primis finitimos, tamen ceteris suis laudibus valde admodum praestantes, tamen interea, dum Pisani, religionis Christianae causa, domo, contra Musacum Sardiniae regem, abessent, in territorium Pisanum hostili manu irruisse, magnamque ejus territorii partem occupasse; coactosque etiam esse aliquando Pisanos Florentinorum fidei urbem suam adversus eos populos tuendam conservandamque commendare, interea dum ipsi, salvis rebus suis, in expeditionem illam Ba-

lea.

leoricam proficiscerentur ? Ita Pisani , ut Christianae causae ac religioni servirent , sua minus curare , hoc est , ea , quae sibi charissima erant , ipsamque patriam , qua nihil prorsus homini dulcius est atque charius , rei Christianorum publicae longe posthabere minime dubitarunt . O Pisani ! o vere omni laude & immortalitate dignissimi ! quis vestrum hoc factum verbis satis suis extollat ? Quod factum tale profecto est ac tantum , ut animo quis fortasse possit illud cogitare ; oratione certe persequi & explicare nequaquam possit . Tale hoc & tantum , & tam divinum , ac propemodum incredibile in religionem Christianam studium Pisanorum bono tuo expertus es , Aymerice , rex Hierosolymitane , vir fortissime , qui , quum undique bello a Saracenis premere , qui urbem quoque jam Alexandriam occupavissent , confugiendum tibi esse ad Pisanos , eorumque tibi opem implorandam esse , existimasti . Quis enim tunc Pisanis aut a copiis navalibus instructior ? aut Reipublicae Christianae tutandae servandaeque studiosior ? aut ad pericula Christianorum hominum propulsanda alacrior ? aut ad belli discrimina subeunda promptior ? aut ad auxilium tibi ferendum paratior ? qui , triremibus missis quadraginta , victoriam tibi pulcherrimam atque gloriosissimam de hostibus tuis compararunt . Pro quo benefacto Pisanorum gratiae abs te , Aymerice , Senatui Populoque Pisano perhonorifica legatione , verbisque quam amplissimis & ornatissimis actae . Atque hinc cognoscite , Auditores , Pisanos ea inter Etruscos potentia fuisse , ut magni quoque reges ad eorum opem confugere consueverint , eo autem religionis studio , eaque animi magnitudine ac temperantia , ut ex bellis contra Saracenos gravissimis & difficillimis salutem ipsi duntaxat & securitatem Christianae reipublicae quaesiverint . Non enim quaestu aut pecuniis felicitatem ac magnitudinem suam mensi sunt Pisani ; sed rempublicam Chri-

Christianam conservare; sed pro salute & dignitate Christiana sese periculis objectare; sed religioni Christianae militare; sed nominis sui honestissimam ubique, & clarissimam famam colligere, has veras & tutissimas esse divitias, hoc officii sui munus, hoc Pisanum esse, duxerunt. Quo quidem religionis studio, rege quondam Carthaginiis capto, ille demum Pisanis verus & iustus triumphus visus fuit, ut eum regem captivam Christianae erudiendum curarent, Romanique ad Pontificem Christianis mysteriis initiandum adducerent, indeque eum Pisis apparatu regio exciperent, ac tandem sumptibus ipsi suis in regnum reducerent. Quem ex bello illo Carthaginiensi Pisani laborum suorum fructum maximum atque amplissimum perceperunt. Hoc ipso religionis Christianae studio quis jam Pisanos non fateatur victorias omnes de Saracenis suas in religionis ejusdem propagationem atque incrementum & fructus uberimos & lectissimos victoriarum in sacra quaeque aedificia, & religiosiora pietatis Christianae monumenta, atque in templi maximi & sanctissimi structuram atque ornatum, uberrime contulisse? Quis enim ignoret, Pisanos studio illo religionis, similiter atque Helenam quondam Augustam, matrem illam Constantini Imperatoris, narrare terra Hierosolymirana sacellum Romae Hierosolymiranum inde appellatum, constravisse, Pisanos, inquam, aemulatione illa religionis, vel usque ex Hierosolymis terram Pisas advenxisse, inde ut in patria sua campum religiosum ac sanctum construerent, quem Ubalduſ Lanfrancus, Pontifex Pisanus, publice dedicavit? eodemque religionis studio Pisanos ex praeda ac manubus victoriae illius Panormitanae templum maximum & religiosissimum, aedesque proximas pontificales, exaedificare Pisis coepisse, & Ioanni Comneno Imperatori Graecorum, quod iter is Hierosolymitanum intercludere atque impedire conatus esset, eam multam

ir.

irrogasse, ut templum illud & aedificium Pisanum impensa sua absolveret? Quis vero tanti hujus templi non admiratione summa moveatur, & religionem in eo simul ac magnificentiam Pisanam non vehementer suspiciat? quod augustissimum templum, quingentorum & quadraginta passuum ambitu, columnis marmoreis subnixum duabus & septuaginta, operis majestate simul ac splendore, admirationem eam sui excitat, ut miraculum illud Etruriae jure nos appellare posse videamur. Quis ibi etiam sacrae turris marmoreae atque pulcherrimae adspectu non obstupefeat, ac simul etiam artificio non totus contremiscat? quae turris inclinando extrinsecus ac propendendo, praesentem jam praecipitemque ruinam minatur: quum tamen, si eam intus adspicis, sese eadem ad perpendicularum rectam sistat tibi statim ac repraesenter. Studium hoc religionis tota loquitur urbs Pifarum, loquuntur publica & privata donaria, loquuntur sancta quaeque, & pia instituta civitatis, ipse etiam loquitur, qui in honorem Rainerii, viri sanctissimi, & patroni praesentissimi Pifarum, quarto quoque anno, summa omnium laetitia, maximoque populorum exterrorum concursu, dies festus peragitur celeberrimus, & cum primis sollemnis, cum, lucernis & funalibus numero propemodum innumerabili confertis, & in varias concinnasque figuras pulcherrime dispositis, iisque noctu tota urbe accensis, totae ardent Pitae, & nox diem propemodum exhibet, & quacunque per urbem vagere, tot illae simul luces vivam quandam solis purissimi atque splendidissimi imaginem referunt. Iam vero ex hoc ipso religionis studio quam Pontificibus Romanis dediti, & obsequentes! quam Pontificum Romanorum observantes & studiosi! quam officiosi in Pontifices Romanos & hospitales Pisani! Testem ex annalium monumentis te cito, Gelasi Secunde, Pontifex Maxime, cito etiam te, Callixte Secunde, quorum alteri profugo,

go, dum Henrici Quinti Imperatoris iram declinares; alteri hac transeunti, dum Romam e Galliis proficiscerere, tutum ac liberale hospitium Pisae prae buerunt. Nec tibi, Innocenti Secunde, in tanto illo Romano tumultu gravissime ab adversariis periclitanti praesto alii fuerunt, qui te fugientem exciperent, & in urbem suam paratis triremibus ducerent, nisi Pisani, qui & causa tua bellum maximum & periculosissimum contra Rogerium, Siciliae regem, suscipere minime omnium dubitarunt. Quid? quod Pisani, tametsi, propter initam cum Florentinis societatem, interdictione eadem sacrorum, qua Florentini, a Gregorio Undecimo, Pontifice Maximo, puniti, tamen eum Pontificem, Romam e Gallia contendentem, venerati, secundum Deum, omni officiorum genere, maxime sunt, & missis etiam triremibus, adjuverunt? Tanta Pisanorum fuit adversus Pontificem Romanum reverentia atque observantia. Et quisquam mirabitur, Pontifices Romanos labenti reipublicae Christianae, & afflictis rebus suis, praesidium aliquando & firmamentum a Pisanis quaesivisse, & Pisas, paratissimum ac praefens perfugium habuisse, quo, & ipsi in summo rerum discrimine semet tuto reciperent, & commune gentis Christianae Concilium convocarent? Quo etiam perfugio nullum sibi melius atque paratius ceteri quoque Antistites Christiani in rebus Christianae reipublicae desperatissimis esse judicarunt. O illam Pisanum in Annualibus Christianis memoriam sempiternam! o memoriam illam amplissimis monumentis consecratam, cum ab Innocentio Secundo, Pontifice Maximo, ex omni gente Christiana Concilium Pisas coactum est, ibique, de Patrum sanctissimorum sententia, res Christianae, quae vacillare quodammodo ac claudicare videbantur, confirmatae sunt & constabilitatae! O illud etiam ad memoriam urbis Pisanae maxime insigne, cum in deplorando illo, maximeque diutur-

turno Christianae reipublicae discidio, toto orbe Christiano in partes duas diviso, atque inter sese acerrime concurren- te, ad discordias Christianorum sedandas, pacemque inter partes conciliandam, nullum praesentius atque efficacius remedium visum fuit, quam utriusque partis homines Pisas in unum simul Concilium frequentissimos congregari! Sinite hoc loco, Auditores, Orationum more, omittere me ac praeterire labem illam nominis Pisani, quam Pisani, ut Friderico Secundo Imperatori, Gregorii Noni, Pontificis Maximi, hosti acerrimo & crudelissimo, gratificarentur, imprudentes contraxerant, quae quidem labe tanta certe fuit, ut perpetua potius oblivione obruenda, quam ulla ex parte memoranda esse videatur. Sed decepti sunt Pisani a Friderico. Sed rei potius ignoratione, quam ulla in Ordinem sacrosanctum malevolentia, Henricum, quem, corrupto nomine, Henricum vulgo vocitarunt, filium nothum Friderici, qui triremibus viginti instructissimis a Friderico advenerat, ducem & auctorem sceleris, secuti sunt. Sed culpa illa fuit erroris humani, quo eodem postea errore Manfredo, alteri filio notho Friderici, adhaeserunt. Sed quidquid illud fuit facinorum, inconsiderataeque temeritatis, & multitudine & magnitudine benefactorum Pisani largissime compensarunt. Nam eximia quidem pietas vestra in Pontificem Romanum, Pisani, quum semper antea plurimis & certissimis argumentis declarata fuerit, tum etiam postea maxime enituit, cum, Pisis in Florentinorum potestatem redactis, conciliabulo ibi contra Iulium Secundum, Pontificem Romanum, temere atque impudenter constituto, vos, vos, inquam, cives Pisani, qui amissam libertatem magno fortique animo ferebatis, tale & tantum nefas contra Pontificem Romanum ferre nullo modo potuistis; sed, armis arreptis, impetuque facto, seditiosos factiososque homines, qui eo, tanquam ad concilium, convenerant,

H h

ex

ex urbe vestra profugere, atque in rem malam atire, coegistis. Tantum apud Pisanos studium valuit religionis: de qua bene merendo Pisani, promeriti jam pridem fuerant, ut quas insulas ditioni ipsi suae subjecerant, earum insularum primatum, Sardiniae nimirum & Corsicae, Pontifices Romani in Pisaniam Ponticem conferrent. Age vero, quanta fortitudo Pisaniorum bellica! quorum vel in otio semper fuit jam inde a pueritia ad bellum, atque ad pugnandum etiam cominus in acie, exercere sese atque erudire. Quid enim, per Deum immortalem! quid aliud tandem sibi voluit umbratile illud & domesticum bellum, sapientissime olim apud Pisanos institutum, & etiam nunc maganico subinde apparatu a Pisaniis celebratum, cum, divisa in partes factionesque duas civitate, pars altera bellum alteri de ponte indicit, jamque utraque acies infestis signis medio in ponte inter sese concurrat, & pedites utrinque cataphracti collato pede proeliantur; jamque in eodem vestigio stant confertissimi, itaque manus conferunt, & clavarum ictibus validissimis verberant sese ac contundunt? Alii alios loco pellunt; capiunt, & capiuntur; aliis fessis alii succedunt; jamque eo prope modum ventum est, ut, adversariis repulsis, pontem uni occupent, cum ecce tibi, subsidiariis cohortibus in primam extemplo aciem emissis, pugna subito restituta, instantibus hi adversariis cedere, & victoriam, quam in manibus habebant, amittere, & maxima simul fieri utriusque exercitus concursatio, donec alii alios penitus vincant, aut dubiam certe utrique victoriam reliquant, tanta virium contentione, tanto ardore animorum, tantoque partium studio, popularis ut illa concertatio non simulacrum jam belli, sed civile & crudele bellum, & verum justumque proelium referre omnino videatur. Quid igitur aliud sibi ludicro illo bello atque umbratili veteres Pisani, homines sapientissimi ac
for-

fortissimi, voluerunt, nisi ut ita juventutem Pisanam ad usum belli, & ad vera iustaque certamina praepararent atque instruerent? ut in illo nimirum veluti militiae tirocinio Pisani assuescerent, sive pro varia belli fortuna vincerent, sive vincerentur, semper se milites bonos, & viros fortes, hoc est, Pisanos, praeberent. Hae indole virtutis bellicae prae omnibus Etruriae populis Pisani fuerunt, homines unice facti ad gloriam Etrusci nominis quoquoersus dilatandam: ut divino prorsus consilio mihi semper visi sint Magni Etruriae Duces Pisis, prae reliqua Etruria, tanquam loco maxime commodo, atque ad memoriam antiquae Etruscorum gloriae & fortitudinis in primis opportuno, nobilissimum equitum fortissimorum & splendidissimorum Ordinem instituisse, ejusque ibi sedem stabilem collocasse. Nec tamen Pisani, summi illi Orientis & Occidentis victores, bella unquam ulla cum populis Christianis gesserunt, nisi coacti & lacerati, nisi ut res suas, nisi ut sociorum suorum, & Pontificum cumprimis Romanorum, iura defenderent, nisi denique ut illatas sibi injurias ulciscerentur. Hae unae ac solae Pisani bellorum contra Christianos suscipiendorum causae. Bella Pisani magna & periculosa cum Genuensibus gesserunt, cum Florentinis, cum Lucensibus, cum Rogerio, Siciliae rege, cum Iacobo Aragoniae, cum Imperatore Graecorum. Sed quam iusta illa bella, & quam necessaria! quibus semper in bellis fidem sibi ante omnia praestandam commendandamque esse censuerunt. Namque & foedera religiose servare, & amicitias fideliter colere, Pisani fuerunt. Nam de potentia tunc & viribus Pisani quid attinet dicere? quum in bello Ligustico familiae centum Pisanae rostratas totidem naves sumptu suo aedificaverint, omnique apparatu ad pugnam navalem instruxerint. Quid de amplitudine & munimentis urbis Pisani? quum Pisa decem fere praecelsarum atque editarum

turrium millia, ad praesidium & munitionem urbis, numeraverint. Quid de terrestrium navaliumque copiarum multitudine? quum classes Pisanae amplius quadraginta bellatorum fortissimorum millia navibus trecentis in expeditionem eduxerint. Quid de multitudine & magnitudine victoriarum? quum Pitani urbes potentissimas & munitissimas, insulasque & regna sub jus potestatemque suam subjunxerint. At gloriae tamen bellicae alii etiam tecum consortes aliquando fuerunt: gloria sapientiae ac litterarum inter omnes urbes Etruriae tota tua est ac fuit, urbs clarissima & celebratissima Pisarum. Tuum, prae reliquis urbibus Etruscis, fuit, simul cum imperio sapientiae quoque, ac doctrinarum studia propagare atque augere. Tuum, ex opima urbis Amalphitanae praeda manubias tibi unas, Pandectas Iuris Romanorum civilis petere ac reservare. Tuum, a vestigalibus tibi tuis parcere, ut litteras artesque honestissimas foveres, atque amplificares. Tuum denique opus, tuaeque sapientiae fuit, Academia haec Pisana: qua certe Academia ad laudum tuarum cumulum nihil unquam asserri potest majus atque uberius. Quid enim, Deus bone! ad Pitani nominis gloriam majus, atque ad Pisas collaudandas uberius, quam ex tota non Etruria modo & Italia, sed etiam Europa, summos quosque & doctissimos viros huc Pisas frequentes confluere, Pisas, amores & delicias suas ducere, Pisas, non domicilium modo, sed etiam oblectamentum & solatium vitae, habere? Sunt & alia complura, fateor, quae peregrinos quotque & externos homines huc Pisas vehementissime allectent atque invitent, caelum, quo nihil salubrius atque mollius, mare, quo nihil amicus atque hospitalius, plaga, qua nihil pulchrius atque amoenius, ager, quo nihil uberius ac fertilius, ipsa etiam urbs, qua nihil nobilior ac celebrior. His omnibus quis non videat fontes laudum uberrimos contineri? Sed haec,

haec, quae ceteros vulgo homines mirifice permovent; minimum certe valent apud eos, qui uno sapientiae ac doctrinae studio afficiuntur. His unum illicium, una illecebrae, unum incitamentum, emporium hoc clarissimum omnium honestissimarum artium atque facultatum, instructissima haec eloquentiae & sapientiae officina, nobilissima haec Academia Pisana; ubi & caelum ac sidera ex alta specula contemplantur, & herbarum naturam ac vires ex hortis lectissimis ac preciosissimis pernoscant, & reconditiora quaeque atque abstrusiora omnium doctrinarum ex summis & eruditissimis magistris perdiscant. Itaque haec mihi visa est Pifarum laudandarum summa, ut jam omnes uno plane ore consentiant ac fateantur, Pisas omni laudis genere, & rerum quondam gestarum gloria, & nominis celebritate, & urbis splendore, & proventu uberi agrorum, & aeris salubritate, & quod maximum est, atque omnis laudationis caput, studiis etiam nunc sapientiae, totae reliquae Etruriae longe antecellere. Neque vero puteris, Auditores, temporibus illis barbarioribus, ante hanc Academiam fundatam, studia doctrinae & litterarum, tanquam in situ & squallore sepultra atque neglecta, apud Pisanos jacuisse. Quis enim neget, superioribus etiam temporibus, si usquam alibi, certe quidem Pisis, publica bonarum litterarum, legumque in primis civilium, studia maxime viguisse? quum hinc Pisis Lotharius Primus Imperator viros doctissimos & sapientissimos arcessiverit, quorum ipse opera Romae in legibus condendis uteretur, & hic Pisis religiosiores etiam viri, antequam iis juris civilis professione in scholis interdiceretur, egregiam jurisprudentiae addiscendae operam navaverint, & hic Pisis perinsigni viri scientia atque litteratura, in rebus divinis & humanis, in medicina & jurisprudentia, & in omni politici doctrina atque humanitate, summopere floruerint; nec vero Pisani rebus

bus praeolare ac sapienter & fortiter gestis, praestare adeo potuisse tunc videantur, nisi ingenio bonisque artibus & disciplinis praestitissent. Quae quum tot sint ac tantae laudes Pisarum, quid ego jam dubitem, Auditores, Graecos Poetas & Oratores imitari, &, quod illi magnifice non minus, quam vere, Athenis elogium tribuerunt, pari id ratione ad urbem Pisarum transferre atque accommodare, ut, quemadmodum illi Athenas, Museum Graeciae, columnen & firmamentum Graeciae, Graeciam Graeciae, dixerunt, sic ego, quam maxima possum & vocis & animi contentione, Pisas, Museum Etruriae, Pisas, columnen & firmamentum Etruriae, Pisas, Etruriam Etruriae, splendida aequae ac vera laudatione, appellem? Maesti animo, viri Pisani, estote. Bene vobiscum divinitus actum, quod, sub aequilimo jam Francisci III. Lotharingi, Magni Etruriae Ducis, Domini nostri clementissimi, imperio, tantum & splendoris & dignitatis urbi vestrae accesserit, ut ad antiquam illam majorum vestrorum & fortitudinis & sapientiae gloriam adspirare tandem possitis. Maesti etiam ingenio & doctrina, adolescentes honestissimi, esto- te, qui, sapientiae comparandae causa, huc Pisas, in hanc Academiam Pisanam, in hoc universitatis sapientiae ac doctrinae domicilium, ex tota Etruria, atque etiam fere Italia, convenistis. Efficite, quod vos maxime decet, & quod jure suo a vobis Academia Pisana postulat, adolescentes, ut hinc doctrina per vos in reliquam Etruriam, atque adeo Italiam, totamque Europam, longe lateque propagata, nomen Pisanum, non gentis jam Etruscae nomen, sed sapientiae & doctrinae Etruscae argumentum esse videatur.

CAIETANO . ANTINORIO

EQVITI . PATRICIO . FLORENTINO
CAESARI . ET CAESAREO
ETRVRIAE . REGIMINI
A . SECRETIS
VIRO . CLARISSIMO
ET . NOBILISSIMO
ET . GRAECARVM . ET . ROMANARVM
ATQVE . ETRVSCARVM
ANTIQVITATVM
OMNIBVSQVE . ERVDITIONIS
STVDIOSISSIMO
DOCTO . IPSI
ET . DOCTORVM . IN . PRIMIS . VIRORVM
AMANTISSIMO
DE . LITTERIS . ET . DE . ACADEMIA
PRAESERTIM . PISANA
ET . COLLECTIS . VNDIQVE . INGENTI
SVMPTV
ATQVE . IN . MVSEO . SVO
ADSERVATIS . RARISSIMIS
ET . PRETIOSISSIMIS . CIMELIIS
DE . TOTA . ANTIQVITATE
OPTIME . MERITO
ALEXANDER . POLITVS
ORATIONEM . HANC . SVAM
AD . ACADEMIAM . PISANAM
DE . NOBILITATE . LITTERARVM
MEMORIAE
ET . HONORIS . CAVSSA
L . M . Q . D . D . D .

ORATIO XIII.

DE NOBILITATE LITTERARUM.

SAepe ego ad aures vestras pervenisse puto, Viri excellentissimi, Auditores ornatissimi, querelas nonnullorum gravissimas de conditione misera litterarum, quod male cum litteris ageretur, nec sua doctrinae atque eruditioni praemia deferrentur. Quae quidem querelae ut justam satis causam aliquando habuisse videantur, quod praeclara quaeque optimarum artium studia ita contempta atque neglecta veluti in tenebris & squallore jacerent; tamen nobis & Academiae nostrae maxime nunc gratulandum, quod Franciscus Primus Imperator, Pius, Felix, Augustus, Dominus & Patronus noster praesentissimus atque beneficentissimus, nullum jam his querelis locum reliquerit; sed augusta sua ac propemodum divina liberalitate afflicta & abjectas litteras erexerit atque recreaverit. Sic enim Academia nostra omnibus ingeniorum doctrinarumque laudibus, ut nunquam antea, florebit ad memoriam tantae liberalitatis sempiternam. Quauquam, ut verum fatear, Auditores, tanta est dignitas atque amplitudo doctrinae, ut in ea doctorum hominum quisque, nullo alio sibi quaesito praemio, merito conquirere possit videatur. Ipsa enim sibi praemium doctrinae. Ego, quum hoc sollempni & legitimo Studiorum nostrorum instaurandorum die, ad inflammandos lue-

rarum studio adolescentes, nobilissima quaeque dicendi argumenta mihi semper persequenda esse duxerim, rem nobilitate vestra dignissimam, neque votis audita injucundam, facturum me judicavi, si ex plurimis ac maximis litterarum laudibus nobilitatem praecipue seligerem, quam hodierna votis oratione ante oculos ponerem atque celebrarem. Quod si apud vos, Auditores nobilissimi, pro dignitate & nobilitate litterarum praestitero, facile me impetraturum confido, ut nemo jam unus doctorum litteratorumque virorum conditionem litterarum miseram conqueratur.

Quid enim litteris nobiliter atque illustrius? quarum est cetera quaeque nobilitare. Hic non dico, quod alii plerique omnes vulgo jactantur, siquem alium, virum certe nobilem maxime litteras decere, nec cuiquam alteri turpius esse, quam viro patricio & nobili, non dico jus, quod Q. Mutius diserte affirmabat; sed ea omnia, quae libero & eleganti homine digna sunt, ignorare. Nec etiam dico, quod in scitis decretisque vestris, Iurisperiti, positum est, excellentem cujuspiam doctrinam nobilitati generis longe esse anteponendam, aliamque plane esse nobilitatem generis a nobilitate doctrinae. Quae quanquam ab aliis verissime & subtilissime disputantur, ea tamen non dico, ne, quod ab orationis meae argumento quam maxime abhorret, committere inter sese velle videar & litterarum & generis nobilitatem. Illud unum dico, & palam atque audacter praedico, nobilitatem quam nos vocamus, unde alii prae aliis nobiles illustresque appellantur, qualiscunque ea demum & quantacunque sit, totam a litterarum gloria proficisci: quae nobilitas nulla unquam in rebus humanis fuisset, nisi litterarum lumen accessisset. Atque utinam liceret mihi, quod Geographi solent, per totum vos terrarum orbem longe lateque circumducere, aut, quod solent Chronographi, superiorem omnem

omnem memoriam, jam inde ab ultima antiquitate, oratione complecti atque percurrere! Sic enim & vobis in promptu esset, Auditores, & loca quaeque inspicere, ubi litterae & aliae & educatae increverunt, & tempora ultima recordari, quae tempora litterae ab oblivione & silentio vindicarunt; itaque, quanta omni tempore & ubicunque locorum gloria atque nobilitas litterarum fuerit, clarissime intueri. Quotus autem vestrum quisque est, qui nesciat, quemadmodum hominibus, ira & suam locis nobilitatem inesse, aliasque urbium nobilitate aliis cedere, alias etiam cum aliis de nobilitate decertare? Hinc plerosque omnes scimus laudem sibi ac decus nobilitatis a nobilitate patriae quaesivisse, &, quod valde quis miretur, ambitionis hujus suae duces atque auctores nonnullos de jurisconsultis habuisse, qui in libris suis de nobilitate ad hominis cuiusque nobilitatem, claritatem aliquando, & nobilitatem patriae satis superque esse censuerunt. Fertur etiam Ulpianus nobilis ille Iurisconsultus, valde admodum gloriatus de patria sua Tyro, urbe nobilissima atque antiquissima Phoenices: quum tamen Alexandrum Severum Augustum puderet, se genere Syrum vocari, qui se a maioribus Romanum diceret. Verum qui doctrina ac sapientia ceteris longe mortalibus antecellit, is, ego nolim, sese vendit et atque efferat eo genere laudis, quod sit ei cum vulgo hominum commune. Non enim, ut ceteris, sic etiam viro docto, ac sapienti, patria honorari fere atque ornamento est; sed ipse patriae. Celebratissima urbs Ciliciae, ac veluti Ciliciae oculus, Tarsus fuit. Nihilo tamen inde a patria Tarsensis Paullus celebratur. Immo vero ipsa Tarsus multo inde clarior atque nobilior, quod Paullum, scriptorem sapientissimum ac vere divinum, protulerit. Clarissima urbs Ioniae, Ephesus; neque inde tamen clariores, qui Ephesii patria fuerunt, Heraclitus ille Philosophus, & Sora-

nus Medicus. Urbs notissima & celeberrima, Halicarnassus. Sed non quia Halicarnassensis patria, ideo notior atque illustrior pater ille historiae Herodotus, aut historiae Romanae scriptor nitidissimus atque elegantissimus, Dionysius. Syriae urbs maxima, maximoque ea in urbibus nomine, Antiochia. Neque ideo tamen magis laudati, aut Libanius, qui viam Chrysostomo ad eloquentiam praevit, aut aurea ille eloquentia, Chrysostomus, aut sectator Chrysostomi studiosissimus, Theodoretus, aut Aphthonius ille Sophista, aut de scriptoribus etiam divinis Lucas, is, qui res Christianorum primus historiae mandavit, non hi, inquam, magis laudati, quod ab urbe Antiochia prodierunt. Amplissima urbs & ornatissima, Alexandria, urbs olim urbium secundum Romam maxima, quae ad notam quandam magnitudinis atque excellentiae, Polis Graecis appellata est, quemadmodum Roma, Urbs Romanis. An ideo nobiliores, quod Alexandrini, Didymus ille Grammaticus, optimus & laboriosissimus, alterque postea Didymus, interpres librorum divinatorum diligentissimus, & Ammonius, praeceptor Origenis, & ipse Origenes, longe ille princeps totius & sacrae, & profanae eruditionis, & Athanasius & Cyrillus, cui a patria cognomen Alexandrino, & Appianus, & Herodianus, & Achilles Tatius, & si ita placet, Claudianus etiam Poeta, & Pappus ille Mathematicus, & Grammaticus ille Philoponus, & alii quamplurimi viri doctissimi, atque ab omni rerum praeclarissimarum scientia instructissimi? An hi igitur nobiliores, quod patria Alexandrini? Minime vero. Immo doctrina hi sua nobilitatem illam patriae mirum in modum auxerunt. Nobilissima urbs Africae, itemque maxima Carthago, quae de magnitudine & nobilitate cum urbe Alexandria facile contenderit. An ne vero inde nobiliores atque illustriores, & Terentius, Poeta elegantissimus maximeque La-
ti-

tinus, & lumen illud Africanæ eruditionis, Tertullianus & Cyprianus, & Marius Victorinus, quod ii patria Carthaginenses? Nequaquam, Auditores. Constantinopolis, nova Roma, sede eo translata Imperii Romani, majestate atque magnificentia sua visa est ceteras omnium terrarum urbes vel potentissimas atque maximas longissime superasse, urbs sane & natura & situ & descriptione ædificiorum pulcherrima, quam eo quidem laudando extulerunt, ut orbem terrarum orbis, eam urbem appellarent: Tulit ea urbs viros in primis doctos atque eruditos. Tulit Iulianum, hominem unice factum, ad studia bonarum litterarum, nisi ingenii lumen atque doctrinam impietate obscurasset. Tulit Photium, qui Bibliothecam scripsit. Tulit præter alios multos, interpretem Homeri maximum atque locupletissimum, & a varia doctrina instructissimum, Pontificem postea Thessalonicensem, Eustathium. An his tanta viris præstantia ac nobilitate doctrinæ Constantinopolim patriam quidquam ad gloriam atque ad nominis celebritatem contulisse existimabimus? Nihil mehercule: nihil certe magis, quam ceteris civibus suis vel summo loco natis, quorum extincta penitus memoria est oblivione sempiterna posteritatis. At contra percrebuit doctissimorum illorum fama, eaque in omnem deinceps æternitatem manebit: itaque, vel misera atque jacente urbis Constantinopolitanae fortunæ, laudes semper ejus urbis magis magisque celebrabuntur, quod viris doctrina claris atque insignibus incunabula, sive etiam domicilium præbuerit. Nam & urbi Constantinopoli singulari ornamento ac decori fuerant viri plerique alii doctissimi, qui, tametsi aliam patriam sortiti, tamen in ea urbe ingenii & doctrinæ laude summopere floruerunt: qualis Themistius, magnus & Philosophus & Orator, cui, propter vim admirabilem eloquentiæ cognomentum fuit Suadae; itemque Michael Psellus, sum-

mus

mus ille Philosophorum, atque in omni rerum optimarum scientia veratissimus. Dies me deficiat, Auditores, si velim, non dicam exornare dicendo, sed vel numerando percurrere insignes quasque urbes, & in primis nobiles atque illustres, quas viri docti & litterati vel ortu, vel domicilio ibi suo cohonestarunt. Quid enim referam Apameam, patriam Posidonii, Amaseam Strabonis, Pelusium Ptolemaei, Spartam Chilonis, Megalopolim Polybii, Chaeroneam Plutarchi, Mediolanum Salvii Iuliani, Miletum Thaletis & Anaximandri, Mitylenen Pirtaci, & Alcaeae, Cyrenen Callimachi & Eratosthenis, Damascum Nicolai & Ioannis, qui inde Damasceni appellati? Quid urbes clarissimas Mesopotamiae, Edesam & Nisibin, quarum altera Ephraemum Edesenum, altera Iacobum Nisibenum, vel in lucem edidit, vel in civitatem recepit? Quid Caesaream Cappadociae, alteramque Caesaream, urbem opulentissimam Palaestinae, quarum alteram Pausanias, scriptor Graeciae perquam curiosus atque accuratus, alteram Eusebius ille Caesariensis, & Procopius historicus, nobilitarunt? Quid Syraculas, urbem quondam potentissimam Siciliae, atque ex quatuor urbibus maximis constitutam, cuius tamen ornamentum eximium ac maximum, Philemon & Epicharmus, & Theocritus, & Mathematicus ille admirabilis, Archimedes? Quid Sinopen, urbem inclytam Paphlagoniae, regiam illam quondam Mithridatis, quae tamen multo magis nominata propter Diogenem Cynicum Sinopensem? Quid Pergamum, regum Attalicorum sedem celebratissimam, & copiosissimis selectisque Bibliothecis ornatissimam, cuius tamen urbis nihil omnino gloriosius atque ad omnem memoriam commendatius Galeno, medicinae secundum Hippocratem? principe, alteroque illo medico praestantissimo, Orbasio? Quid Sardes, urbem Lydiae vetustate antiquissimam, regiam quondam Croesi, cuius tamen nihil
ad

ad nos illustrius Polyæno, & Eunapio, & Pontifice illo Sardenſi, Melitone? Quid Corinthum, lumen illud Græciæ, quod tamen nihil clarius lucidiuſque habuit ſapiente Periaandro? Quid Thebas, urbem Boeotiæ clariffimam, omnique laude cumulatiſſimam, quam ferunt Cadmum condidiſſe, eum, qui litteras e Phœnice in Græciam primus intulerat? Multa, & mira, Audiores, de Thebis paſſim Boeotiis concelebrantur: cujus etiam muros dictus eſt Amphion lyrae ſono excitaſſe. Quæ & urbs viſa eſt deos protuliſſe. Summos ea certe imperatores, Epaminondam & Pelopidam protulit. Satis hæc magnifice atque ambitioſe de Boeotiis Thebis decantata: adeo ut Scriptores quidam minime obſcuri, nec contemnendi, ne Athenis quidem Thebas Boeotias celebritate nominis atque gloria ceſſiſſe judicaverint. Quæ tamen omnia ad nobilitatem Thebarum multo minora videbuntur, ſi ad Pindarum comparantur: adeo viſus eſt Pindarus ingenio & carminibus ſuis præ omnibus illis ornamentis atque inſignibus urbem Thebanam decoraviſſe. Nec immerito magnus ille Alexander, quum deleri Thebas de Sociorum ſententia placuiſſet, reverentiam adverſus Pindarum adhibendam cenſuit, ut ejus domum, unam de tota urbe, ſartam teſtam conſervaret. Quid hic dicam de Athenis? Athenas cum dico, Auditores, putate, dicere me, quod Thucydides, Græciam totius Græciæ, urbem me dicere ea dignitate atque auctoritate, ut vel ſolo Athenarum nomine dignitas atque auctoritas univerſæ Græciæ niri olim videretur. Qua de urbe fama erat, deos inter ſe ipſos certaviſſe. Quæ etiam urbs fruges mortalibus prima oſtendiſſe ferebatur. Pleni omnium libri, plenæque omniū voces laudibus Athenarum: quæ quum plurimæ ab urbis vetuſtate & potentia, & rerum geſtarum magnitudine atque gloria in vulgus prædicentur; tamen quis neget, nullis aliis magis ornamentis,

ris, quam doctrinarum studiis liberalissimis, & viris doctis atque sapientibus Athenas nobilitatas? Non probote, Sophista Eunapi, cujus sententia fuit, ius, qui nati essent Athenis, nobilitatem illam & gloriam patriae ad doctrinae & eloquentiae splendorem multum contulisse. Contra se res, habet, Auditores. Nam, quod seu Menodotus, seu Galenus, verissime gravissimeque affirmabat, compertum re ipsa & exploratum est, non ex patria doctos viros, sed ex doctis & sapientibus viris patrias percelebres ac perillustres evasisse. Quod egregie Galenus comprobabat ipso exemplo Athenarum. Unde enim tandem existimemus, tantum, & tam celebre nomen Athenarum per omnes late terras pervasisse, easque omnino terras replevisse, nisi a summis & sapientissimis viris, qui, quum omni doctrinae atque eruditionis gloria Athenis maxime floruisent, gloriam, quam ipsi ex semetipsis acquisiverant, cum urbe Athenarum, communicarunt? Namque inde profecto laudes illae praecipuae atque amplissimae Athenarum, quod *omnium* doctrinarum magistrae atque inventrices Athenae, quod summa dicendi vis & inventa & perfecta sit Athenis, quod nobilissimum orbis terrarum gymnasium, Athenae, quod litterae & civilis disciplina suum veluti templum habuerint Athenis, quod non fruges modo, sed etiam humanitatem & doctrinam & jura & leges in omnes terras distribuerint Athenae. O veram hanc nobilitatem! o gloriam immensam Athenarum! quam nimirum nobilitatem atque gloriam urbi Athenarum summi homines ac summi ingeniis praediti compararunt: homines, inquam, quorum vel unum ac solum nomen ad omnem abunde laudem ac praedicationem suffecerit. Et de Poetis quidem Tragicis, pater ille Tragediae Aeschylus, sive illa Attica, Sophocles, & qui maxime Tragicus, atque in sententiis summus habitus est, Euripides; de Comicis, princeps illic veteris Comediae, Aristophanes.

phanes, ut & novae Menander; de Philosophis, maximus ille Philosophorum, idemque, Apolliniis testimonio; mortalium omnium sapientissimus Socrates, & Plato ille divinus, & Speusippus, & Epicurus, &, qui Philosophorum magis, quam historicorum, clausi accensendus videtur, Xenophon ille Socraticus, de Scripturis historiarum, Thucydides, & Dexippus Herennius; de Oratoribus, pater ille eloquentiae, Isocrates, & Oratorum longe princeps Demosthenes, & Demosthenis adversarius acerrimus atque eloquentissimus, Aeschines: de nostris tandem, hoc est, de Christianis hominibus, Dionysius ille Areopagita, & Philosophus ille Athenagoras, & Clemens, qui, tamen vulgo audiat Alexandrinus, quod versatus est docuitque Alexandriae, ubi & Origenem discipulum habuit; tamen natus est Athenis, unde & alicubi cognomen ei Atheniensis. His talibus ac tantis in doctrina viris, quis jam non videat ac fateatur, tantum gloriae ac dignitatis urbi Atheniensis accessisse, ea ut una urbs totius Graeciae decora atque ornamenta complexa esse videatur? Quare etiam veteres Poetae Athenas inter omnes Graeciae urbes propria singularique appellatione inclitas vocitarunt, non tam ab ejus civitatis potentia, atque a rebus praeclare & fortiter gestis, quam a claritate & splendore litterarum. Quid? quod egregia illa & praeclara Atheniensium facta, ut satis ampla & magnifica fuerint; tamen multo ea majora, quam fuerint, magno Scriptores ingenio repraesentarunt? Quid? quod Atheniensium virtus tanta habita est, quantum ingenio & eloquentia valebant, qui eam verbis extulerunt? Quid? quod minima etiam Atheniensium facta mirabilium eloquentissimorum artificio pro maximis per terrarum orbem divulgata? Quid? quod maxima etiam maximeque gloriosa Atheniensium facta in oblivionem jam pridem perpetuam venissent, nunc ea scriptis tuis summi ac literati.

tissimi viri memoriae hominum consecrassent? Quaesiverat olim Plutarchus, rebus ne bellicis, an studiis sapientiae celebriores Athenienses atque illustriores existissent; ubi multa ille sapienter atque erudite. Et vere ille quidem affirmaverat, si nulli res gesserint, nullum prorsus historiae Scriptorem futurum. Sed & illud peraeque verum, si multi res multas, easque praeclarissimas gesserint, & tamen defuerint, qui res eas, seu scribenda historia, seu carminibus pangendis, literis consignarent, omnem earum rerum praeclarissimarum memoriam quam brevi perituram. Quid? Romanorum res gestae magnitudine atque gloria praeclarissimis quibusque omnium aliarum gentium atque populorum factis plurimum praestiterunt: quippe quum res Romanorum non certis quibusdam locis, sed orbis terrae regionibus, definitae essent atque circumscriptae, & tam late quoquo versus Romani arma circumtulissent, Romana ut historia non unius populi, sed generis humani historia videri posset. Et tamen tot illae res ac tantae, quas Romani gesserunt, donec imperio orbis terrarum potirentur, nullum vestigium sui reliquissent, nisi summi eas Scriptores & Graeci & Latini ad memoriam posteritatis propagassent. Quis enim nescit, quantum nominis atque splendoris, jam inde a temporibus vetustissimis, rei Romanae attulerint antiqui illi seu historiarum, seu annalium Scriptores, ut nihil nunc dicam de Graecis, Fabius Pictor, M. Porcius Cato, L. Coelius Antipater, Q. Valerius Antias, L. Cornelius Sisenna, aliique bene multi, qui nisi existissent, tota res Romana vetustior, urbisque Romae primordia in tenebris jacuissent? At vero, Deus bone! quantum nobilitatis & gloriae rei illi Romanae carminibus suis Nevius & Ennius Poetae adjunxerunt! quorum alter bellum Punicum primum, & luculente quidem, cecinit; alter annales Romanos epico carmine conscripsit: qui & in Scipio-

pione, Poemate suo, Scipionem illum Africanum superiorem, aliosque fortissimos & clarissimos viros ita laudavit, ut illis eorum laudibus populum maxime Romanum decoraverit. Postea vero, quam, aucta & confirmata Imperii Romani dignitate atque potentia, Latina ingenia polire se ac limare ad omnem Graecorum elegantiam atque subtilitatem coeperunt, & Roma, domus illa virtutis, imperii & dignitatis, Graeciam, principem illam & sapientiae & eloquentiae, quam armis superaverat, superare quoque voluit litterarum studiis & doctrinae, quantum inde splendoris & gloriae a litteris, & disciplinarum optimarum studiis rebus gestis Romanorum accrevit ! Audeo dicere, Auditores, Romanos, victores illos orbis terrarum, non tantum armis, quantum sapientia & eloquentia, valuisse; quin etiam quod multo dictu mirabilius est atque grandius, magnitudinem Romanam, illam tantam, quantam, post hominum memoriam, nullius cujusquam populi fuit, minimam ac fere nullam, visam fuisse prae magnitudine sapientiae & eloquentiae Romanorum; atque adeo Imperii Romani majestatem & gloriam nunquam majorem atque illustriorem in oculos nationum, atque in orbis terrarum admirationem incurrisse, quam cum eloquentiae studia, & summa quaeque ac praeclara ingenia omnibus excellentis doctrinae laudibus in urbe Roma vigerunt. Neminem vestrum fugit, Auditores, quod vulgo notissimum ac celebratissimum est, exemplum historiae Romanae maxime omnium memorabile, quod ut viri eloquentissimi summis in caelum laudibus extulerint, atque ego etiam ex hoc ipso loco semel atque iterum tertioque expenderim atque commendaverim, sane non indiligenter; tamen multo illud majus atque gloriosius est, quam ut unus aliquis verbis, aut etiam fortasse cogitatione, & animo, complectatur, de homine nimirum illo Gaditano, quem narrant T. Livii nomine ac gloria excitatum, ab ulti-

mo orbe terrarum ad eum visendum venisse, eoque viso, inde statim abiisse. Mirum tibi videtur, Hieronyme, quem Roma ad contemplationem sui minime omnium traxisset, hunc eo famam unius hominis perduxisse. Videtur enim tibi magnum ea aetas omnibusque saeculis inauditum miraculum habuisse, ut, qui tantam urbem ingressus esset, aliud ab ea urbe quaereret. At enim ea est gloria, Hieronyme, eaque nobilitas eruditionis ac litterarum, multo & mehercule major atque admirabilior, quam omnes res gestae & maxima quaeque ac gloriosissima facta Romanorum. Itaque hominem illum Gaditanum Romam, non ipsa urbs princeps orbis terrarum, tot trophaeis ornata, tot triumphis ditata, tot victoriis spoliisque omnium gentium locupletata, cujus etiam urbis Senatus tot e regibus, quot e Senatoribus, constare videretur, non ipsa, inquam, Roma Romam, longe a patria, eum hominem attraxit atque allexit; sed unus ille ac solus Livius, qui historiam populi principis terrarum jam inde ab urbe condita lactea prorsus eloquentia miraue ingenii uberare per annos amplius septingentos usque ad tempora sua perduxisset. Cogitabat enim, nihil esse in urbe Roma, atque adeo in toto Imperio Romano, quod cum T. Livii nomine atque gloria adaequaretur. Quod si Livius Patavinus rebus Romanis tanto decori atque honori fuit, ut homo Gaditanus nullum omnino urbis principis atque pulcherrimae ornamentum cum Livio conferri posse existimaverit, quid porro censendum de aliis summis & praestantissimis viris, qui eloquentiae & eruditionis gloria Livio longe antecelluerunt, aut certe nihilo, quam ille, inferiores fuerunt, quantum eos nominis atque nobilitatis credendum est rebus Romanis, populiue Romani majestati adjecisse? Non est meum, hoc praesertim loci, Auditores, de magnis atque excellentibus veteris memoriae ingeniis judicare. Attamen scio,

scio, acerrimo olim viros judicio, rerumque istarum, quae ad studia humanitatis pertinent, intelligentissimos, Livio illi Patavino in historia Romana Sallustium longe anteposuisse: quem etiam Sallustium Thucydidi audacter opposuerunt, ita ut, qua virtute Thucydides potissimum valet, nimirum brevitate, hac eum a Sallustio victum, superbe nonnulli jactarent. Scio etiam, sexcentos alios, eximia viros sapientia atque doctrina, nomen Romanum ingenii sui & eruditionis lumine mirifice illustrasse, itaque illustrasse, ut Roma, lux illa orbis terrarum, litterarum magis & eloquentiae, quam rerum gestarum splendore, genus humanum ad magnam admirationem sui traduxerit. Quis enim non maxime miratus aut Romanorum omnium doctissimum atque eruditissimum M. Terentium Varronem, quem tam multa legisse ajunt, mirum ut fuerit, aliquid ei unquam temporis ad scribendum vacasse, & tam multa scripisse, ut tam multa vix alter quisquam legerit; aut subtilem illum de natura disputatorem, magisque Philosophum, quam Poetam, Lucretium, quem tanti fecisse M. Tullius dicitur, ut ejus libros emendaverit; aut magistrum praestantissimum atque copiosissimum morum & disciplinae, Senecam Cordubensem; aut praeceptorem illum prudentissimum atque uberrimum civilis doctrinae, Cornelium Tacitum, patria Romanum; aut C. Plinium Veronensem, virum temporum suorum facile doctissimum, qui naturae totius historiam opere admirabili ac vario accuratissime ac diligentissime descripsit; aut etiam C. Iulium Caesarem, victorem illum non exterarum modo gentium, sed etiam ipsius Imperii Romani, clarissimum atque celebratissimum, qui tamen multo celebratior ac clarior ab eloquentia & eruditione, quam a victoriis, fuerit, multoque magis ingenio, quam rebus suis maximis, nomen Romanum condecoraverit? Quid in singulis moror, Auditores, excellenti viris ingenio atque

atque eloquentia , qui commentando & scribendo plus nobilitatis & gloriae nomini Romano , quam duces & imperatores fortissimi Romanorum agendo , pepererunt ? quando omnium instar esse possunt , qui duo inter omnes mortales omni ingenii & eruditionis atque doctrinae laude maxime excelluerunt , M. Tullius & Virgilius . Quem enim mihi inter omnes Graecos & Latinos Poetas parem dederis Virgilio ? qui omnem Poeticae gloriam , qua Graeci maxime propter Homerum & Hesiodum & Theocritum , aliosque optimos Poetarum circumhaebant , videtur mihi unus ad Romanos derivasse . Vel quem mihi de omnibus & Graecis & Latinis Oratoribus parem protuleris Marco Tullio , qui Demosthenis ita eloquentiam expressit , ut Platonis simul sapientiam perfecte adaequaverit ? Vere tu olim , Cai Caesar , de Marco Tullio , eum , quod Latine loquendi copiam in urbe Roma invenisset atque illustrasset , bene de nomine ac dignitate populi Romani meritum fuisse . Quam plane splendidam atque magnificam Marci Tullii laudem cur non aequo nos jure cum Virgilio , Poeta maxime divino , communicemus ? ut utrumque illum , & Oratorem & Poetam , de populi Romani nomine & dignitate optime promeritis praedicemus , eo quia , quo uno Romani a victis Graecis vincebantur , id Tullius & Virgilius , in suo quisque scribendi genere , aut Graecis eripuerunt , aut certe Romanis cum Graecis communicarunt ; itaque plus illi dignitatis populo Romano , quam omnes summi imperatores , propter victorias de hostibus reportatas , attulerunt . O immortalem hanc gloriam , o dignitatem , o nobilitatem litterarum ! O ceteros illos Oratores Romanos ! O delicias illas Poetarum Romanorum ! O Lyceae , o Academiae , o tot summos Philosophos Romanorum ! O leges illas Romanas , quae sapientia atque auctoritate vitae sunt omnia scita , ac decreta philosopho-

phorum longissime superasse ! O jurisconsultos illos Romanos , summa viros sapientia & eloquentia ! o Q. Mutium Scaevolam ! o Antistium Labeonem ! o Atrejum Capitonem ! o Mafurium Sabinum ! o Aemilium Paulum Papinianum , tutissimum illud & certissimum asyllum juris Romani ! o etiam de Medicis Cornelium Celsum , magna virum doctrina , adeo ut Hippocratem eum Romanum vocaverint ! O Roma , Roma , tandem illa Christiana , quanto tete major atque nobilior , Roma , a gloria atque nobilitate ingeniorum Christianorum ! quanto plus tibi laudis , atque ornamenti a Gregorio illo Magno , atque ab Ambrosio , Pontifice Mediolanensi , utroque cive tuo , priori etiam Pontifice ! quam te , Roma Christiana , scriptis suis & Clemens Pontifex , & Minutius Felix orator , & Boethius illustrarunt ! Apage eos , qui illustrium clarorumque virorum nobilitatem nobilitate duntaxat & gloria patriae metiuntur . Nam , ne Roma quidem patria , ideo docti & sapientes viri a patria nobiliores . Neque tu mihi objicias Themistoclem , summum Graeciae virum ac facile principem : quem ferunt Seriphio cuidam , quum ille dixisset , non eum sua , sed patriae gloria , splendorem esse assecutum , in jurgio respondisse : nec hercule ego , si Seriphius essem ; nec tu , si Atheniensis , clarus unquam ac nobilis fuisses . Quasi vero ignobilitas patriae homini quidquam officeret atque obitaret ad nobilitatem claritatemque nominis consequendam . Atque ita sane esto , si ita vis , Themistocles . Ignobilis plane sit , per me licet , atque obscurus , qui patria est Seriphio , insula exigua admodum atque ignobili : sed , nisi accesserint ornamenta virtutis aut doctrinae . Nam ne Athenis quidem , hoc est , in urbe nobilissima , natus , io clarum unquam ac nobilem virum , Themistocles , evasisset , nisi virtute ceteris praestitisset . Quod si ornamenta illa adfuerint , quid tandem , quocunque quis loco natus sit , de-

defuerit ei ad gloriam atque nobilitatem? Testor ego summa olim viros sapientia, atque a doctrina celebratissimos, qui quum vel humili atque obscuro loco nati essent, vel parva atque ignobilia oppida incoluissent; tamen, quod aliis dedecori ac probro ducebatur, ignobilitas nimirum & obscuritas patriae, id ipsum illis in nobilitatem celebritatemque nominis redundavit, quod patrias nimirum suas, suosque lares atque incunabula nomine illi suo illustravissent. Scythia fuit Anacharsis. At quanto Scythiae decori atque ornamento, cum Scythico illo suo tegmine, Anacharsis! quem si Scythia philosophum minime genuisset, sapientiae ea nunquam nomine commendata a veteribus fuisset. Eleates fuit Zeno. At quantum Eleae, Lucanorum oppido, nobilitatis & gloriae ingenii sui subtilitate Zeno ille Eleates comparavit! Stagira Aristoteles fuit, oppido tenui & obscuro Macedoniae. At quid Stagiris propter Aristotelem celebratius? Aristotelem, inquam, maximum illam, secundum Platonem, Philosophorum: qui non Stagira modo patriam nominis sui claritate exornaverit: sed etiam Athenarum gloriam ingenii sui ac doctrinae splendore, non minus, quam Plato ipse Atheniensis, auxerit atque amplificaverit. Thrax fuit Democritus, Thrax Protagoras, uterque Abderis patria, unde & ipsis appellatio Abderitis. At quantum Thraciae splendoris & gloriae Democritus, Philosophus ille sapientissimus, & auditor ejus Protagoras, impetiverunt! de quibus Democritus tam clato excelsoque animo fuisse dicitur, ut ne venerit quidem Athenas, ut ne gloriam, quam ipse daret loco, in quo verteretur, a celeberrima illa urbe aucupari idem velle videretur. Etesius Theophrastus fuit, Sappho quoque Ereha, oppido quidem in insula Lesbo latis fortasse claro ab ubertate & fertilitate agrorum, at o quanto eodem clariori atque notiori propter Theophrastum illum cininum, & illam a carmi-

miuum suauitate decimam veluti Musarum, Sapphonen Poetiam! Quis Samum, tamen clarissimam olim illam & nobilissimam, tamen quis nunc Samum nominaret, nisi, ut nihil loquar de Samio Aristarcho, natus in ea fuisset Pythagoras ille Samius, a quo nomen ipsum Philosophiae? Quis nunc Teon, urbem Ioniae, nisi in ore vulgi, frequentique hominum sermone vigeret Anacreon Tejus? Quis Prienen, urbem & ipsam Ioniae, nisi eam urbem, patriam suam, claram & illustrem ad memoriam posteritatis reddidisset sapiens ille Bias Prieneus? Quis Nysiam, urbem Cappadociae, nisi famae etiam nunc celebritate floreret Gregorius Nysenus? Quis Phalerum, pagum quondam Atticae, nisi in lucem ibi editus fuisset Demetrius Phalereus? Quis Ceon, insulam Aegaei, nisi maxime celebrem ac memorabilem eam fecisset inventor ille artis memoriae Simonides Caejus? Quis Coon, nisi eam insulam ortu ac domicilio suo prae ceteris plerisque insulis nobilitasset parens ille medicinae Hippocrates Cous? Quid de plerisque aliis urbibus, atque adeo locis, aliquanto nunc obscurioribus atque ignobilioribus, quae tamen doctrinae doctissimorumque hominum beneficio, clarissimum atque amplissimum apud posteros nomen obtinuerunt? Quem enim nunc vestrum, Auditores, Stridonis nomen praetereat, oppidi jampridem euersi, planeque nunc ignoti, nisi nominis ei famam ac celebritatem Hieronymus Stridonensis dedisset? Quem fugiat Tagaste, municipium quondam Numidiae, nunc penitus obscurum, nisi pater ille Theologorum, Augustinus Tagastensis ortu illud suo illustrasset? Quis jam Daldiam ignoret, quam vulgo notam atque percelebrem fecit Artemidorus Daldianus? Quis jam nesciat Nazianzum, oppidulum illud Cappadociae, quo tamen nullum omnino oppidum clarius atque celebrius, propter Gregorium Nazianzenum? aut quis tandem Alcam, oppidum te-

nue & miserrimum Boeotiae, cujus tamen tamdiu nomen memorabitur, quamdiu nomen & carmina Hesiodi Aleraci? Quis jam finis exemplorum? quando post hominum memoriam ea semper fuit gloria sapientiae ac litterarum, ut, qui in iis excellerent, quae loca obscura atque ignobilia erant, ea ii loca ingenii & doctrinae suae lumine illustrarent; quae urbes maximae atque nobilissimae, iis illi urbibus magnam claritatis atque nobilitatis accessionem adjungerent; ipsi vero non aliunde, quam a semetipsis atque a doctrina sua, claritatem nominis atque nobilitatem acciperent ac mutuarentur. Quae quum ita se habeant, quis jam miretur, Auditores, celeberrimas quondam & nobilissimas urbes totius Graeciae tanta inter se contentione, tanquam de principatu & imperio, de Homero decertasse, quaenam eum sibi civem suum vindicaret; neque urbes modo Graeciae, sed etiam totas nationes, de Homeri patria inter sese acerrime pugnasse? Nam & Aegyptii Homerum, tanquam suum, sibi a Graecis repetebant. Tantum inde sibi ornamenti & laudis & nobilitatis ab ingenio illo divino, fonteque totius Graeciae sapientiae omniumque doctrinarum copiosissimo atque uberrimo, accedere existimabant. Quid? ipsi illi, qui dignitate & potentia atque auctoritate dii veluti quidam inter mortales habentur, summi imperatores ac reges, quorum etiam est pro maxima sua potestate natalibus homines restituere, hoc est, de plebe adsciscere ad nobilitatem, non ne ipsi illi, qui nobilitate ceteros donant, a litteris & doctrina nobilitantur? Neque id modo, si litteras ipsi excolant; sed etiam si doctorum litteratorumque hominum consuetudine ac familiaritate utantur, & quos eximia praestare vident doctrina, singulari eos atque extraordinario honore afficiant. Appello te, Sigismunde Imperator, summa vir prudentia atque peripicacia, quem ad principes viros Germanorum, quum
ab

ab iis aliquando reprehenderere, quod doctos homines, humili loco natos, coleres, ac foveres, id responsi dedisse ferunt: Ego vero illos observo, quos natura longe inter alios excellere voluit. Ac vere tu quidem, & praeclare, Sigismunde. Nam quae ab Imperatore ordinis & conditionis prae reliquo vulgo nobilitas in viros quosdam principes atque eximios proficiscitur, quam plerique vestrum, Iurisperiti, veram ac genuinam ducunt & praeclaram nobilitatem, ea certe, neque vos mihi, Iurisperiti, negabitis, tota posita est in more atque instituto humano: quae quidem nobilitas & dari potest & auferri. Verum quae ab excellentia eruditionis atque doctrinae in summos atque egregios viros profluit, ea mehercule nobilitas non fortunae est, sed naturae: quippe quum natura comparatum sit, ut sapientia ceteris rebus humanis, iisque fluxis atque fragilibus, longe antecellat. Hinc pretium, hinc dignitas, hinc amplitudo & nobilitas litterarum. Hinc iis, qui in altissimo rerum humanarum apice constituti erant, multo saepe minor regni & imperii majestas visa fuit, quam praestantia litterarum. Hinc qui, propter rerum gestarum gloriam, summamque potentiam, aliis erant admirationi, ipsis maximae admirationi homines in primis docti & litterati fuerunt. Quid? quod ne reges quidem maximique imperatores, rebus maximis gestis, in tanta illa fortunae gloria, atque in illo tanto victoriarum ac triumphorum splendore, ne propter regnum quidem, quo nihil in rebus humanis sanctius atque augustius habetur, satis sese prae reliquo hominum genere claros ac nobiles crediderunt, nisi ad cetera illa dignitatis regiae atque imperii ornamenta lumen quoque doctrinarum ac litterarum adjungerent? Ambiciosissime Magnus ille Alexander ad Aristotelem: Ego vero, inquit, optimarum rerum scientia malim, quam opibus & potentia, ceteris praecellere. Et prae-

clare quidem ille Magnus, qui magnitudinem in eo potissimum suam collocabat, ut doctrina & scientia magis, quam imperio, ceteros anteiret. Quid de nostris C. Iulius Cæsar? cui non satis fuit, tot & tam barbaras gentes, & tam late dispersas, domuisse, & quod multo majus atque gloriosius fuit, Pompejum illum Magnum memorabili proelio vicisse, & totam rempublicam Romanam unum tenuisse, nisi ipse semet litteraturæ quoque laude nobilitaret, rerumque suarum commentarios tam eleganter & ingeniose conscriberet, ut omnibus, qui vellent historiam scribere, palmam præripuerit. Hinc igitur a nobilitate illa & quadam veluti divinitate litterarum tot illi honores, & tanti, omni tempore habiti iis, qui maxime in litteris excellere, honores illi quidem certe tam magni, ut majores maximis regibus atque imperatoribus nunquam deferrentur. Quid enim in litteras honorificentius, quam tantum honoris tributum esse Virgilio, quantum memoriae in Dialogo de Oratoribus traditum fuit, ut populus Romanus, auditis in theatro versibus Virgilio, universus surgeret, & præsentem spectantemque Virgilium sic, quasi Augustum, veneraretur? Quid de præmiis litterarum? Quid enim majus, magisque in omnem posteritatem celebrandum, quam quod in historias Cimblicas relatum est, Cimbros tanti litteras ac Poesin fecisse, ut paucos quosdam versus, quos Hiarnus quidam Poeta in Frotonis, regis sui, tumulum composuisset, ipso Cimbrico regno remunerarentur? O Pisæ, o Pisæ, o urbs, princeps quondam Etruriæ, quanta, o Pisæ, præ reliquis Etruriæ urbibus nobilitas tua! Dixi ego, minus certe, quam debui, atque etiam volui: at dixi tamen, quantum potui, laudes tuas. Magnæ laudes tuæ, Pisæ, quas tua tibi virtus, rerumque gestarum magnitudo, adiciverunt, tot bella gessisse, tot provincias concessisse, tot barbaras gentes devicisse, tot

ter-

terras disjunctissimas Europa, Asia, Africa, victoriis illustrasse, tot de hostibus nominis Christiani triumphos egisse, tot ubique tropaea erexisse, tot & tam opimis victarum gentium spoliis temetipsam locupletasse. Attamen laus tua maxima, urbs clarissima Pitarum, splendor est ac gloria litterarum, quatum beneficio ceterae laudes tuae supra reliquam longe Erruriam in communi nunc orbis terrarum luce versantur. Quae quidem laudes nisi a litteris & eloquentia eluxissent, universae jam pridem in oblivione hominum sempiterna, o Pisae, delitissent. Haec vera nobilitas est, cives Pisani, quae vestra etiam est ac fuit, nobilitas litterarum. Quod si maxima haec est, atque excellentissima, splendidissimaque omnium nobilitas, videte, cives Pisani, quantum civitas vestra litteris debeat, quantumque a litteris ceteris Ecuriae civitatibus nobilitatis gloria antecellat. Videte hic etiam, oprimi adolescentes (ad vos enim, quorum causa suscepta est, mea jam converteretur oratio) videte, inquam, adolescentes, verae solidaeque nobilitatis, hoc est, sapientiae, & eloquentiae, omniumque doctrinarum, studiosissimi, quanta sit dignitas atque gloria litterarum, quae hanc tantam tamque gloriosam nobilitatem principibus etiam urbis, ipsis quoque regibus atque imperatoribus, largiuntur, ipsae a nemine quoquam mortalium mutuantur. Id enim mihi unum reliquum est, adolescentes, ut, qui generis nobilitate praestatis, ad id vos excitem, quod praecipuum est ac singulare ornamentum nobilitatis; qui vero ingenio & doctrina consequi potestis nobilitatem, ad studia vos litterarum cohorter, quae est una via veri honoris, veraeque nobilitatis.



IMPERATORI . CAESARI
F R A N C I S C O I.
 PIO . FELICI . AVGVSTO
 PATRI . PATRIAE
 QVOD . MERITO . VIRTVTIS . SVAE . ITA . ELECTVS . EST
 IMPERATOR . ROMANVS
 VT . VNVM . OMNIVM . ELIGI . EVM . AD
 PVBLICAM . FELICITATEM
 ET . QVIETEM . OPORTVERIT . IPSEQVE . ANTEQVAM
 IMPERATOR . FIERET
 DIGNISSIMVS . OMNIVM . QVI . FIERET
 CENSERETVR
 QVOD . EX . EADEM . STIRPE . ORTVS . EX . QVA
 GENVS . AVSTRIACA
 VTRIVSQVE . GENTIS
 ET . LOTHARINGICAE . ET . AVSTRIACAE
 ITA . IN . SE . DECORA . OMNIA
 ATQVE . ORNAMENTA . EST . COMPLEXVS . VT . EA . ETIAM
 VEHEMENTER . AVXERIT . ATQVE
 AMPLIFICAVERIT
 QVOD . IN . EIVS . SINVM . DOMVS . AVSTRIACA
 SE . TOTAM . RECEPIT
 AC . CREDIDIT
 EVMQVE . DIVVS . CAROLVS . VI . DIGNISSIMVM
 QVI . SIBI . IN . IMPERIVM
 SVCCEDERET . DATA . EI . IN . MATRIMONIVM
. M A K I A . T H E R E S I A
 FILIA . IVDICAVIT
 QVOD . DCMO . AVSTRIACA . REPARATA
 PRAESTANTISSIMORVM . QVORVMQVE
 ET . CLARISSIMORVM . GERMANIAE . OPTIMATVM
 GLORIAM . LONGE . SVPERAVIT
 QVOD . PVBLICAS . CALAMITATES . A . POPVLIS . DEPVLT
 IPSEQVE . FELICISSIMVS
 FELICITATEM . SVAM . CVM . GERMANIA
 IMPERIOQVE
 ROMANO . COMMVNICAVIT

QVOD .

QVOD . VIRTVTVM . SVARVM . GLORIA . PERFECIT
Q V A N T V M
N E M O . Q V I S Q V A M
ALTER . ARMIS . CONSEQVI . AVT . ETIAM
SPERARE . POTVISSET
VT . AVCTORITATE . NOMINIS . SVI . IMPERIVM
R O M A N V M
S V S T E N T A R E T
GERMANIAMQVE . SERVARET
IMMO . ET . IMPERIVM . IMPERIO . REDDERET
G E R M A N I A M Q V E
GERMANIAE . RESTITVERET
QVOD . MAIORVM . SVORVM . ATQVE . AVSTRIACORVM
EXEMPLO . HONESTISSIMA . QVAEQVE
PRAECLARISSIMARVM . ARTIVM . ET . LITTERARVM
S T V D I A
PROMOVIT . ATQVE . EXORNAVIT
QVOD . CVM . IN . PVBLICIS . RERVM . CVRIS . NIHIL
ANTIQVIVS . ATQVE . CHARIVS
SAPIENTIA . ET . DOCTRINA . HABVERIT
TAMEN . AD . COMMVNES . PVBLICAE . LAETITIAE
C A V S S A S
SINGVLARIA . SVA . ADIVNXT . IN . ETRVRIAM
ATQVE . IN . ACADEMIAM
PRAESERTIM . PISANAM . BENEFICIA
DE . ORBE . CHRISTIANO . DE . IMPERIO . ROMANO
IÆ . GERMANIA . DE . ETRVRIA
DE . ACADEMIA . PISANA . OPTIME . MERITO
A L E X A N D E R . P O L I T V S
DEVOTVS . NVMINI . MAIESTATIQUE . EIVS
ET . PRIVATO . SIVE . IPSIVS . ET . PVBLICO . ACADEMIAE
P I S A N A E . N O M I N E
IVSTA . ET . DEBITA . OFFICIA . GRATVLATIONVM
E T . G R A T I A R V M .

ORATIO XIV.

DE LAUDIBUS FRANCISCI I. IMPERATORIS.

QUod ab hinc octo annos, hoc ipso die, sollempni & anniversario, Kalendis Novembris, ex hoc ipso summae auctoritatis loco, quum Francisco III. Lotharingo, Magno tunc Etruriae Duce creato, laudes Lotharingicas simul & Mediceas dicerem, adflatu quodam, & instinctu divino ex Oratore in Vatem repente ego mutatus, certissime & constantissime, verbisque planissimis & disertissimis, praedixeram vobis, Auditores, maximum Francisco imperium esse divinitus destinatum, & qui Magnus tunc Dux, magnum olim Regem, magnumque Imperatorem nominatum iri: id tandem Francisco I. Romanorum Rege, atque adeo feliciter Imperatore, fausteque evenit.

Meministis superiore anno, A.A. ante menses tredecim, in communi illa Etruriae & Pisarum laetitia, quo quantoque gaudio Academia Pisana frequentissima, & gratiis agendis, & gratulationibus habendis, & supplicationibus & votis exultaverit, & quam mihi honorificum atque gloriosum tunc inter ceteros fuerit, pro munere Oratoris meo, publico Academiae Pisanae nomine, publicaue auctoritate, cuncta fere Academia audiente & plaudente, suam Imperatori Caesari, Francisco I. Augusto dignitatem gratulari, laudesque ejus

M m

Im-

Imperatorias oratione panegyrica praedicare. Eam ego orationem quum in angustiis illis temporibus, quasi ex tempore, & iv. Kalendas Octobres habuerim, & non nemo etiam vestrum a panegyri illa Academia abfuerit, cui tamen eam orationem probatam quam maxime cuperem, e dignitate Academiae Pisanae fore censui, si, quae erat a me, publica totius Academiae ad Caesarem gratulatio, rudis adhuc & impolita, ea aliquanto cultior atque concinnior, in hoc veluti Academiae theatrum reduceretur; itaque iusta illa ac debita Academiae Pisanae per me in Caesarem gratiarum, & pietatis officia memoria nunquam hominum dilaberentur; sed aliquod eorum exsisteret monumentum ad posteritatem.

Quod enim ad me attinet, in communi gaudio illud mihi valde laetandum, quod primus ego Etruscorum Francisco I. Imperatori Panegyricum dixi nomine Academiae Pisanae, & quod eum nunc Panegyricum, paullo limatiorem atque elaboratiorem, apud Academiam Pisanam dico, die eodem anniversario, quo studia haec nostra litterarum non instaurantur modo, sed etiam multo, quam antea unquam fuerant vegetiora, atque beatiora ad Academiae Pisanae, atque adeo universae Etruriae felicitatem & gloriam, majoribus jam atque augustioribus Imperatoris tanti auspiciis renascuntur. Interea vero pro singulari vestra erga me benevolentia, gratias ego vobis ago quam possum maximas, viri excellentissimi, quod tam benigne de me, atque etiam honorifice sentire volueritis, ut qua in re Academiae Pisanae summa dignitas agebatur, gratulationem ad Caesarem, publico Academiae nomine, habendam mihi potissimum decerneretis. Utinam voluntati huic vestrae, Academiae Pisanae dignitati, ceterorum expectationi, tanti argumenti magnitudini, oratio satis mea respondeat!

Nec vero, Franciscè Imperator, nisi Academiae Pi.

Pisanae gravissima auctoritas impulisset me, atque confirmasset, tantum muneris, atque oneris suscipere unquam ausus fuissẽm, ut de laudibus aliquando tuis Panegyricum cogitarem: quae res & ingenii mei, & qualiscunque eloquentiae meae, si qua tamen inest in me eloquentiã, facultatem longissime superabat. Satis mihi pro virium mearum imbecillitate fore arbitrabar, si capita tantum, quaedam laudum tuarum attingerem, ac veluti delibarem. Sed quando ad ceteras opportunitates summa quoque adjuncta est auctoritas Academiae Pisanae, habetque audacia mea excusationem: da mihi, Caesar, hanc veniam, ut laudes iterum tuas, tertioque, quartoque ingrediar, non quod sperem, eas me laudes perfecte unquam posse dicendo exprimere, ac repraesentare; sed ut oratio qualiscunque mea aliquam salutem earum laudum speciem ac formam adumbrare voluisse videatur.

Ac primum omnium AA. illud statuendum, quod firmamentum est ac caput nostrae hujus gratulationis, neminem alterum quemquam a Francisco Lotharingo Imperatorem Romanum eligi oportuisse. Sic enim vos existimare aequum est, Principes viri, atque Optimates Germaniae, universae Germaniae non salutem modo, sed etiam dignitatem, salutem, & dignitatem domus Austriacae contineri, eaque potissimum re Imperium Romanum difficillimis & calamitosissimis temporibus penes Germanos perstitisse, quod penes gentem Austriacam steterit. Hic mihi, tanquam pro re nata atque opportune, dicendum esset de laudibus Austriacis. Sed, si eas ego laudes dicerem, quem tandem finem inveniret oratio? Dicerem, nullam toto terrarum orbe familiam unquam fuisse, & Heroum, & Regum, & Imperatorum fecundiores atque feraciores Austriaca. Dicerem gentem Austriacam, ut nulli ea alteri clarissimarum, celeberrimarumque gentium vetustate, ac nobilitate generis

est secunda, ita gloria & rerum gestarum magnitudine omnibus longe aliis antecellere. Dicerem de gente Austriaca plurimos quidem Reges, plurimosque Imperatores; sed, quod in ulla alia gente vix reperias, tyrannum nullum auditum. Quid nullum prorsus de Austriacis tyrannum? Dicerem, Austriacos Imperium pietate, ac virtute & firmasse, & administrasse, & quotquot de iis Reges atque Imperatores vel fando vel legendo accepimus, omnes vere se Reges, hoc est, patres, populis praestirisse, & clementia atque humanitate amorem sibi magis a populis, quam impotenti, herilique dominatu metum, conciliasse. Referrem Albertum illum Habsburgicum, sapientis nomine celebratum, tanto virum studio propagandae religionis Christianae, ut exercitum contra Saracenos in sacram expeditionem eduxerit, ibique in Palaestina, quam ex barbarorum manibus ereptum, & recuperatum ierat, mortem oppetierit. Commemorarem hujus filium Rudolphum I. Imperatorem Austriacum, virum fortissimum, atque religiosissimum, qui Religione ac fortitudine Imperium Austriacum fundavit. Recenserem jam inde a Rudolpho illo I. ad Divum Carolum VI. Imperatores omnino sexdecim, Austriacos summa viros sapientia, & gloria militari, eisdemque plane heroes, quibus sane imperantibus visa merito est Germania aliis quoque gentibus atque nationibus longe lateque imperare debuisse: itaque utrumque in iis Albertum nominarem, & Carolum Quintum, & hujus Caroli Quinti fratrem Ferdinandum Primum, & Leopoldum postea primum, ipsumque tandem Carolum VI. quo uno in homine summa omnia universae gentis Austriacae esse videbantur. Quare etiam dicerem, omnia beatæ totius Germaniae decora atque ornamenta in unam simul gentem Austriacam copiosissime atque uberrime confluisse; atque adeo dicerem, quod nunc palam atque auda-

dacter dico, nullam aliam gentem Germanicam ad tantam illam Imperii Romani gloriam atque dignitatem apud Germanos sustinendam, aequae atque gentem Austriacam valuisse. Nolim ego de laudibus quidquam tuis, Germania, maxima tu & nobilissima provinciarum Europae, nolim certe ego quidquam detrudere. Plurimae, o Germania, laudes tuae, ab Europae totius principatu, a Religionis magnitudine, ab immensa vi divitiarum, ab innumerabili virorum fortissimorum copia, a viribus bellicis, a virtute, a potentia, a praeclearis omnibus belli artibus & pacis, a multitudine non gentium modo bellicosissimarum, sed etiam optimatum principumque virorum: quorum alii magni sunt, & potentissimi Reges; alii iis opibus, eaque potestate, & amplitudine dominationis, ut magnis facile Regibus exaequandi videantur. Quarum omnium laudum summa illa est, quod penes te stat, Germania, Imperium Romanum, hoc est Imperium illud, quo nullum plane post hominum memoriam, neque majus, neque augustius, neque splendidius unquam fuit; & tu te Germania, prae ceteris orbis terrarum provinciis una ac sola abunde sufficis ad Imperii illius auctoritatem non servandam modo, sed etiam augendam, atque amplificandam. Verum quo major haec est a me, atque verior laudatio tui, o Germania, eo etiam inde majores, verioresque fateri te laudes oportet domus Austriacae, qua maxime domo Majestas apud te, atque auctoritas Imperii illius Romani nixa est, atque suffulta.

Quis autem hinc vestrum, AA. nimirum ex hac tanta, tamque admirabili magnitudine Austriaca non statim intelligat, quam ingens plane, immo & prope modum immensus, atque interminatus sese mihi campus aperiat laudum Francisci I. Lotharingi, qui omnium omnino mortalium unus natus divinitus videtur ad domum Austriacam cadentem jam & mortaliter labentem,
non

non reparandam modo, sed etiam in saecula sempiterna propagandam. Magna mehercle res est, Imperatorem Romanum fieri. Quid enim in rebus humanis majus atque sublimius Imperatore Romano, qui Regum Rex est, & universae Christianae Reipublicae longe maximus, ac princeps? sed ita Franciscum I. factum esse Imperatorem Romanum, ut is etiam fieri debuerit, ut omnium ipse dignissimus, qui fieret, non Germanicae modo, sed etiam ceterae gentes, debitum ei Imperium Romanum faterentur, ut in capite unius illius hominis totam rem Romanam, eandemque Germanicam, consistere arbitrarentur; ut ipse unus ad Imperium Romanum pro dignitate gerendum paratissimus, atque illustrissimus videretur; ut ipse tandem unus magnitudinis Austriae ferendae par omnino censeretur, praeterea nemo; haec res profecto multo major, quam humana, eademque supra quam dici potest, admirabilis, ac propemodum divina: Iam vero, quid ego splendida illa, atque ad speciem illustria commemorem, quae vulgo plerumque ducuntur, natum esse Franciscum gente Lotharinga, genere longe vetustissimo atque nobilissimo; eodemque jam inde a majoribus Germanico, quod neque de vetustate, neque de nobilitate Austriaci quidquam generi concedat? immo & Franciscum ex illa eadem generosa stirpe profectum, ex qua Heroes illi Austriaci generati? si quidem veteribus iisque certis, monumentis traditum est, utramque hanc familiam, Lotharingicam & Habsburgicam, quae altera plane ipsa est Austriaca, ex uno, eodemque Hugone summo viro & Principe Alsaciae procreatam. Quid hic etiam in medium proferam heroes illos Lotharingicos, viros fortissimos atque clarissimos, qui tanquam ex equo Trojano, innumeri prodierant? Quid nostra etiam memoria Carolum Lotharingicum, avum Francisci I., patrem huius Francisci Leopoldum, alterum summum atque invictum

Etum Imperatorem; alterum singulari virum sapientia, insignique adversus Deum pietate, atque sanctimonia? Quid alterum nunc Carolum fratrem natu minorem Francisci, ipsum quoque Imperatorem optimum, & virum fortissimum, cujus potissimum virtute, atque consilio res in Germania Austriacae defensionae sunt, & constabiles? Quid ceteras, easque divinas atque immortales, Heroum Ducumque Lotharingorum laudes persequar, quas ego alias memini me ex hoc amplissimo, & ornatissimo loco, ut dixi, sollemni, ac panegyrica oratione pro viribus celebrasse? Quas quum omnes simul laudes ita in sese Franciscus complexus sit, ut laudibus illis Lotharingicis gloriam quoque, atque claritatem Austriacam adjunxerit: quid ad summum illum & altissimum dignitatis gradum obtinendum deesse unquam potuit Francisco, ut, quo jure principes Germaniae Divi Caroli VI. filio, qui dignus esset Imperio, si is aliquis exstiteret, Imperium Romanum sine dubio detulissent; non eodem prorsus jure aequitatis Divi Caroli VI. gener, omni imperatoria laude ornatissimus, in cujus veluti sinum domus Austriaca sese totam recepisset, iisdem etiam Germaniae Principibus Imperator Romanus deligendus videretur? Nam si in rebus quibusque & negotiis maximis maxime valere debet judicium atque auctoritas hominum gravissimorum, atque sapientissimorum: in re illa tanta Imperii Romani, ubi de homine, quod ad res humanas & civiles attinet, reipublicae Christianae praeficiendo agebatur, cujusnam magis auctoritatem sequi, aut cujus magis judicio stare par erat, quam summo judicio gravissimaeque auctoritati Caroli VI. viri temporum suorum sapientissimi, ut quem Carolus VI. dignissimum, qui sibi in Imperium succederet, judicaverat, ipse de tot Germanis heroibus unus, tanquam omnium dignissimus, maximeque omnium ad imperandum idoneus, Imperator de-

d. ligeretur? Quem etiam idem Carolus filium sibi legibus Romanis adoptasset, nisi Mariam Theresiam, filiam suam, patrimonii Austriaci, & tot Regnorum ac Provinciarum ex assè heredem collocatam ei in matrimonium maluisset? Adeo magnitudo illa tanta virtutum Francisci Lotharingi magnum illum Imperatorem Carolum VI. Austriacum ceperat. Nec vero AA. existimetis, temere Carolum VI. caecoque quodam impetu animum induxisse, ut generum sibi Lotharingum adscisceret. Sciebat bene Carolus, quem generum suum faciebat, sese cum Romano Regem & Imperatorem Germanis, quem sibi demortuo substituerent designare. Quippe Carolus noverat, gente potissimum Austriaca Imperium Romanum innixum esse ac sustentatum: itaque eum, cui domum suam concederet, iis virtutibus praeditum esse oportere, propter quas idem ipse Imperator crearetur; nec vero sine maximo Germaniae, arque adeo orbis Christiani, periculo posse unam rationem ab alia separatam esse arque sejunctam, ut Romanum idemque Germanicum Imperium a potentissima gente familiaque Austriaca distraheretur, alioque transmitteretur.

Atque ut de Germaniae laudibus iterum dicam, quod paullo ante mihi dixisse satis videbar, aperte, planeque fatendum, quod verissimum est, ceteris quoque optimatibus, summisque Proceribus Germaniae, in quibus arbitrium, & libera potestas residet Regis Romanorum & Imperatoris deligendi, tantum gloriae & nobilitatis, & potentiae auctoritatisque & virtutis esse tribuendum, ut quum unicuique eorum imperium merito deferendum esse videatur, nulla unquam difficilius esse possit deliberatio, quam haec ista de uno aliquo ex tot summis, ac principibus Germaniae viris ad Imperium Romanum eligendo. Sed, quum Carolus VI. post longam diuturnaque deliberationem, quemnam

ipse

ipse sibi generum capiendum putaret, oculos tandem ad unum solumque Franciscum Lotharingum adjecerit, eumque ceteris Germaniae optimatibus atque etiam Regibus, certo praeposuerit: necesse est, Carolum aliquid in Francisco prae ceteris hominibus providisse eximium ac singulare, neque id jam fere humanum, sed prope modum divinum; itaque Carolum VI. rectissime credidisse, oblatum datumque sibi esse a Deo immortali Franciscum Lotharingum ad Austriacam domum summamque adeo Imperii Germanici conservandam atque amplificandam. Fertur Clisthenes ille olim Sicyonius multum diuque laboravisse, omnem diligentiam adhibuisse, ut Agaritam filiam suam nuptum ei daret, quem omnium Graecorum optimum atque excellentissimum comperisset. Itaque quum Optimates illos Graecorum, qui litiae suae nuptias poposcissent, valde admodum colaudasset, donisque universos magnificis cohonestasset, tamen unum eis Megaclem Atheniensem longissime praetulit, quem ipse omnium maxime dignum cognovisset. An, quum Clisthenes in viros illos Principes summosque Graecorum diligentissime inquisivisset, eorumque mores & ingenia & facultates, & vires curiosissime explorasset, nullumque non lapidem movisset, ut, eorum singulis probe beneque perspectis, viro omnium probatissimo, atque praestantissimo filiam suam nuptum collocaret: existimatisne Carolum VI. maximum Regem, maximumque Imperatorem Romanum tam incuriose sese atque negligenter erga filiam suam optimam sibi que charissimam, quam in sinu atque oculis ferebat, atque erga rempublicam, cui tantopere studebat, gessisse, ut filiae suae, eique ex asse heredi de viro mortalium omnium optimo atque lectissimo non prospiceret? Immo vero pro certo habetote, AA. tantomajorem curam Carolum, atque cogitationem ea in re posuisse, quanto res major, & momenti majoris in nuptiis Ma-

N n

riac

riae Theresiae filiae jungendis agebatur. Agebatur in
 his istis nuptiis gloria domus Austriacae ad posteros pro-
 paganda: agebatur Austriaca regnorum maximorum, at-
 que florentissimorum hereditas: agebatur patrimonium
 Austriacum locupletissimum atque opulentissimum: a-
 gebatur salus ac dignitas Germaniae: agebatur Impe-
 rium Romanum: agebatur respublica Christiana. Qui-
 bus omnibus rebus erat a Carolo VI. Imperatore, lo-
 canda nuptum filia sua Theresia viro omnium mortali-
 um optimo longeque laudatissimo, consulendum. Quan-
 tum igitur curae diligentiaeque, & laboris contulisset
 Carolus VI. in id contulisset, ut virum reperiret dig-
 num Theresia filia, dignum magnitudine Austriacae,
 dignum Regno Germanico, majestaeque Imperii Ro-
 mani. Cogitate Carolum illum Austriacum, tanquam
 alta specula, totum orbem Christianum oculis collu-
 strasse, totamque inprimis Germaniam huc & illuc
 circumspexisse, compluresque ibi eminenti viros virtute
 & nobilitate, & dignitate perspexisse, eosque plane di-
 gnos reperisse, quos in familiam Austriacam, data u-
 ni eorum in matrimonium filia, cooptraret; verum Ca-
 rolum in unum tandem Franciscum Lotharingum oculos
 & animum defixisse, eumque & Theresia filia sua, &
 Regno Germanico, Imperioque Romano inter omnes
 dignissimum judicasse. Sed de virtutibus Francisci Lo-
 tharingi paullo nos post AA. Nunc quum tantarum vir-
 tutum Lotharingarum amplitudini atque splendori gra-
 vissimum atque sapientissimum Caroli VI. Imperatoris
 accesserit iudicium: deliberandum erat de Francisco ad
 Imperium Romanum eligendo, qui praestantissimorum
 quorumque & clarissimorum optimatum Germaniae glo-
 riam longe superasset? Cur dubitandum aliquamdiu e-
 rat Germaniae, quia cunctis statim suffragiis Imperium
 Romanum Francisco Lotharingo adplauderet, eumque,
 non tanquam ex Lotharingia missum; sed tanquam a
 Deo

Deo redditum potius, quam datum Germaniae e vestigio susciperet?

Verſor ego, AA. in parte orationis meae omnium difficillima, maximeque invidioſa, quae eſt de contentione inter ſe magnorum Regum, ac principum virorum Germaniae, quandoquidem quae ſumma ſunt in Franciſco Lotharingo (ſumma autem ſunt omnia) ea magis ex aliorum contentione, quam ipſa per ſe, eniteſcunt. Ac profeſſo tantum abeſt, ut aliquid ego de gloria atque dignitate ſummorum procerum Germaniae imminutum velim, ut vere potius ac libenter fatear, quod nemo quiſquam diſſitebitur, & ego paullo ante ſemel atque iterum, firmiſſime adſeverabam; pleroſque omnes optimatum illorum Germanorum pares omnino eſſe ſummo regno atque imperio. Ita me Deus amet, ut magnifice ego atque honorifice prae ceteris gentibus ſentio de inclyta illa natione Germanorum. Sed quando nuper Germani luculento admodum memorabilique in poſterum documento intellexerunt, Imperium Romanum in domo Auſtriaca retineri plane oportere: cur, quod Carolo VI. Imperatori omnino licuit, ut Franciſcum Lotharingum ceteris Germaniae Principibus viris longe anteponeret, mihi nunc oratori ad Divi Caroli exemplum non recte liceat, ut quod certiſſimo tandem atque clariſſimo totius Germaniae iudicio comprobatum confirmatumque videmus, Franciſcum eundem inter omnes Germanos Imperio Romano jam pridem digniſſimum omniumque mortalium optimum, atque praeſtantiſſimum, ut revera ipſe eſt, atque plane praedicem, atque extollam? Nam quae tempora ſubſequentia ſunt, toti Germaniae funeſtiſſima, atque luſtuoliſſima; ea quidem certe tempora non tam hominum temeritate contigisse arbitror, quam conſilio quodam divino, ut, qui tantus erat Franciſcus Lotharingus, multo adhuc major fieret, ejuſque virtus, quae tantam ſeſe, tam-

que illustrem & claram mortalium oculis in magna fortunae prosperitate ostentaverat, magis, magisque in adversis rebus splenderet, atque eniteret. Neque enim utramque adhuc fortunam expertus eras, Francisce. Res te secundae felicem ostenderant. Restabat, ut, quando omnino futurus eras Imperator, res te adversae magnum fortemque virum, & Imperio Romano maxime dignum comprobarent. Ac quae tunc, Deus bone, & qualis facies Germaniae! quam horrida illa, & tristis! quum jam Germania non externo modo milite premeretur; sed etiam intestinis illa bellis atque discordiis universa contereretur, ferrumque non jam in hostem, sed in sua membra ac viscera crudelissime exfereret, jamque rapinis undique ac praedis disperetur, & sanguine tota redundaret, quum Germania nationes quoque alienas in societatem belli pertraheret, & publico illo & communi bellorum incendio tota conflagraret: quum ita omnia incendio illo corriperebantur, ut non nisi Germaniae totius ruina incendium illud extinguere posse crederetur: quum ipsa Romani Imperii firmamenta funditus concuterentur: quum Imperium Romanum ruinam minitaretur: quum orbis Christianus in extremum fere periculum adduceretur, nec desperatis jam ac perditis propemodum rebus, spes ulla salutis reliqua esse videretur. Is status rerum Germanicarum erat, eaque iniquissimorum illorum miserrimorumque temporum conditio. Quo major atque illustrior fuerit gloria Francisci Lotharingi, cui illud integrum reservatum divinitus erat; ut tot illa ac tanta mala unus ac solus depelleret, quieteque publica fundata, Imperium Romanum restitueret, novoque etiam majestatis suae splendore augeret, atque illustraret. Nam Germani tandem cognoverunt, vereque palamque universi confessi sunt, certum atque unicum tot illarum calamitatum, & adflatae jamdiu prostrataeque rei publicae remedium, situm est.

esse in Francisco Lotharingo, qui unus omnium, ac solus posset labenti jam Imperio Romano & Germaniae periclitanti subvenire, neque tam utile esse Imperatorem eum fieri, quam ad salutem Germanicae reipublicae & praesentia temporum momenta necessarium. Qua in re nescio ego, cui magis gratulandum censeam, an Germaniae, quae perspicit jam ac videt, quod maxime uniceque exoptaverat Imperium Romanum penes se per Franciscum I. firmatum & fixum & stabilitum; an vero Franciscum I. qui ad ceteram felicitatem suam, illud etiam adjunxit, quod unum ei deerat, fastigium & Regiae & Imperatoriae dignitatis.

Certe quidem utrique non una de causa gratulandum cum primis censeo. Gratulandum Germaniae, quod Iliadem tantam malorum, quanta nuper universae Germaniae impendebat, quam longissime a Germania Franciscus Lotharingus averterit; quod jugum servitutis a cervicibus Germaniae Franciscus depulerit; quod cadenti jam Germaniae adjutricem Franciscus manum porrexerit; quod salvam atque incolumem Germaniam Franciscus servaverit; quod ab extremo periculo certissimoque discrimine Germaniam Franciscus eripuerit; quod talem tantamque felicitatem, qualem & quantam nunquam antea Germania habuerat, Germaniae Franciscus comparaverit. Sed & gratulandum praecipue tibi, Imperator Caesar, Francisce I. de felicitate tua. Quis enim te jam inde ab omni hominum memoria vel de maximis fortunatisque inprimis Regibus felicior atque beator? Legimus, quod est sapienter praeclareque scriptum a Tullio, quibusdam summis viris ad amplitudinem & gloriam & ad res magnas bene gerendas, quandam divinitus adiunctam fortunam fuisse. Legimus etiam, ita nonnullis fortunam in omni vita favisse, atque arrisisse, ut a rebus nimium laetis atque prosperis memorando in posterum invidendo-

doque cognomine, felices appellarentur. Verum quid unquam bonorum atque felicitatum possit quis sibi cogitare atque optare, quod non uberrime in te Deus, atque copiosissime, Franciscæ Imperator, contulerit? Omitto illa minora, quæque, tametsi aliis quoque Regibus virisque Principibus communia, tamen summa in te ac veluti propria laudantur. Omitto etiam illud, quod omnium bonorum tibi divinitus tributorum longe maximum videri potest, uxorem tibi obtrigisse, seminarum omnium totius terrarum orbis facile principem, qua nulla plane alia ubivis locorum atque gentium, neque pulchrior, neque sapientior, neque prudentior, neque utilior, neque opulentior, neque ab omnibus corporis, animique tonis, ab omnibus denique virtutibus ornatio- atque instructior. Omitto præterea beatissimi hujus & auspiciatissimi conjugii felicitatem, quod conjugium Deus ad præsidium ac munimentum Austriaci Imperii, maxima orbis Christiani, ac Etruriæ præsertim nostræ lætitiæ, generosissima prole fortunavit. Hæc & alia plurima omitto, Franciscæ, argumenta certissima, & luculentissima tuæ felicitatis. Venio ad illud, propter quod tuam tibi nunc felicitatem maxime gratulor, Franciscæ Imperator, de regno Germanico, Imperioque Romano, quod unum tibi paullo ante dicebam, ad perfectam, omnibusque numeris absolutam felicitatem tuam defuisse, neque jam, ut dicebam, quod gradum altissimum summae dignitatis tenueris; sed quod quum Rempublicam Romanam difficillimo atque alienissimo tempore capessiveris, tibi uni contigerit, quod rebus turtatissimis nullo modo fieri posse videbatur, ut pacem dares Germaniæ, & Imperium Romanum ex intestino & crudelissimo bello ad concordiam adduceres: hoc est imperium imperio restitueres. Fuit illa felicitas Septimii Severi Augusti, de qua ipse moriens Eboraci in Britannia valde admodum gloriatus dicitur, ut rempu-

publicam, quam turbatam acceperat, pacatam tandem moriens relinqueret. At longo tempore Severus, & diu multum postquam Imperium susceperat, pacatam quietamque rempublicam reddiderat. Felicitatis tuae, Franciscæ, Imperio Romano accepto, turbas illas Germanicas subito comprimere, atque compescere, & intestina illa, atque tæterrima Germaniae bella tranquillissima & beatissima pace commutare: adeo ut merito in dubium revocari possit, plus ne tibi, Franciscæ Imperator, honoris & gloriae respublica Germanica; an vero tu reipublicae Germanicae plus bonorum & felicitatis attuleris. Quamquam id ipsum, quod non per temporum intervalla, sed statim Franciscus Imperium Romanum, jamdudum turbulentissimum pacaverit, atque ex tristissimo, & calamitosissimo laetissimum atque beatissimum illico fecerit, non tam, mehercule, Francisci felicitati, quam ejus virtuti adscribereudum videatur. Nam profecto virtus Francisci incredibilis, ac plane divina tantum ei fidei atque auctoritatis conciliaverat, ut spes unius illius hominis Imperium Romanum sustentaverit, & simul atque auditum est, creatum cum Imperatorem Romanum, mirabilis omnium rerum mutatio consecuta sit; soloque ipse nomine factiones male foederatas dissipaverit, hostiumque impetus continuerit, ac fregit, totam denique, integramque Germaniam servaverit.

Quid autem hic ego singulas Francisci Lotharingi virtutes enumerem, quae tantam ei auctoritatem universae pepererunt? Quid virtutem bellicam, quae ita in eo excellit, ut praestantissimi quique atque excellentissimi duces Germanorum ex eo uno egregia omnia in bellis administrandis & fortitudinis, & laboris, & industriae, & celeritatis, & consilii exempla sumenda sibi certo esse existimaverint? Quid alias virtutes, quae non in bello magis usui sunt, quam in pace, quumque eae

Re-

Regem atque Imperatorem inprimis deceant, cum in Francisco maxime omnium splendent, ac relucent? quid omnium regiarum virtutum Principes, ac veluti Reginas, religionem, pietatem, justitiam, clementiam, prudentiam, constantiam, temperantiam, alias ejus ordinis virtutes, quae regnare quodammodo, ac triumphare in Francisco Lotharingo videntur? Nam de religione quidem, quae exordium est pietatis, quis nescit, quod publicis documentis est aperte testatum, Franciscum religionem, sanctissimo templo exaedificando, Imperii sui initia consecrasset? Quid jam dicam de justitia? quum justitiae fruendae causa, & Franciscum antea Etrusci Magnum Ducem suum acceperint, & Imperatorem postea Germani constituerint. Quid de clementia, ejusque comite ac focia humanitate? quum utraque haec virtus, nativa utriusque gentis & Austriacae, & Lotharingicae censei possit: Franciscus autem & clementia, & humanitate populorum ita sibi animos devinxerit, ut, quod olim elogium dictum in Titum Vespasianum, simili nunc elogio in Franciscum Lotharingum omnes gentes consentiant, amorem esse Imperii Romani. Quid vero de prudentia? quum rebus Germanicis implicatissimis, atque desperatissimis, virosum principum animis mire exacerbatis, justitia violata, fide labefacta, republica fere versa, ac prostrigata, quae ad pacem, & concordiam Imperii Romani redintegrandam opus erant, ea omnia facillime Franciscus expediverit, atque explicaverit. Quid jam de constantia, perpetuaque animi universaeque vitae aequabilitate? quum Franciscum neque res ullae, ut in vita mortali quomodocumque adversae, unquam dejecerint, aut proposito dimoverint, neque tot res secundissimae atque felicissimae, ipseque gradus summus, atque amplissimus Imperatoriae dignitatis supra sese unquam extulerint; sed ipse unus, semperque sibi aequalis, modum in utraque fortuna eundem

dem servaverit; neque tantum in adversis, sed etiam, quod multo rarius ac difficilius est, in tanta illa prosperitate fortunae, atque in magnitudine illa tanta Imperii Romani ipse sibi inprimis imperaverit. Quid etiam de Francisci Lotharingi temperantia? quum is non possit non esse temperantissimus, qui in maxima potestate ipse sibi imperet, hoc est, quum possit omnia, tamca in voluptates, impetusque animi nequaquam rectos maxime dominetur; sic autem in conjugio cum sanctissima & honestissima conjuge sua Franciscus versetur, ut unus det alteri, vicissumque accipiat clarissima, maximeque praecipua exempla omnis continentiae, & castitatis. Quid ego plura de virtutibus Francisci? quum ita ipse in omni virtute emineat, ut longissime eos superet, qui in unaquaque earum virtutum praecellunt.

Hae igitur tot ac tantae, tamque admirabiles ac divinae Francisci Lotharingi virtutes, quum ultro in oculos totius Germaniae incurrerent, atque in admirationem maximam sui mortales traducerent: quis jam miraretur, Franciscum, posteaquam manum ad reipublicae gubernaculum admovit, Germaniam brevi Germaniae reddere, imperiumque Romanum in integrum restituere potuisse, &, quod nemo quisquam alter armis consequi, aut etiam sperare potuisset, Franciscum nominis sui auctoritate, virtutumque suarum gloria penitus perfecisse? Nam, si antequam Franciscus Imperator fieret, dignissimus ille omnium erat, qui fieret: cur postquam factus idem est Imperator, non in ejus statim sinum universum Imperium Romanum confugeret? non in eo Germania & praesidium & salutem & dignitatem omnem suam reponeret? non de summo ejus imperio omnes una & mente & voce consentirent? non eum vindictam publicae libertatis, non Christianae pacis auctorem, non Imperii Romani defensorem, non denique Patrem Patriae, salutarent eum ac vene-

rarentur? Ac quanto jam id Germaniae bono, quantaque Imperii Romani felicitate factum est, Auditores: ut, quae intestinis civilibusque discordiis membra Germaniae discissa erant, atque discerpra, in unum iterum reipublicae Romanae veluti corpus sub Francisco capite coirent, atque coalescerent! nec enim alias artes, quam quibus Imperium sibi Romanum Franciscus a Germanis Optimatibus peperit, adhibendas sibi esse duxit ad Imperium Romanum regendum, atque gubernandum: ut, quemadmodum nempe virtute Imperium sibi ab iis Optimatibus comparavit; sic etiam virtute ipse regat, atque administret. Scit enim probe Franciscus Imperium sibi Romanum non ad otium datum esse, sed ad laborem; non ad remissionem, sed ad curam; non ad quietem, sed ad functionem muneris longe omnium maximi, atque laboriosissimi. Scit enim Franciscus, non suam esse rempublicam Germanicam, sed semet esse Germanicae reipublicae; nec causa sui, sed populorum causa Regem se Germaniae, & Imperatorem Romanorum declaratum. Scit praeterea Franciscus, quod regis maxime proprium Homerus facit, pastorem se esse populorum, eumque sibi finem propositum esse debere, ut, se duce, ac pastore, commoda beataque vita populi fruatur. Scit denique Franciscus illud esse maximi regni atque imperii, ut maxima semper illud cura ac sollicitudo comitetur. Ergo, quum haec magni regis, maximique Imperatoris munera probe teneat, ac sciat Franciscus Lotharingus, atque ad haec ipsa munera abin-eunte se aetate rectis studiis paraverit, & praeter haec omnia sciat, magnitudinem sibi Austriacam sustinendam pro dignitate esse, immo etiam, si fieri anquam possit, pro viribus augendam: quid aliud pro sapientia & probitate sua faciat nunc Franciscus Imperator optimus, & sapientissimus, quam id, quod facit, ut sese ipsorum in commoda & salutem reipublicae impen-

pendat, ut totam illam magnitudinem Austriacam, ad amplitudinem, dignitatemque Germaniae convertat, ut eo curas, cogitationesque omnes suas referat, Imperii ut Romani majestatem servet, defendat, tuteatur? Quae quidem omnia quum alter nemo quisquam aequae praestare potuerit, ac Franciscus Lotharingus: cur non tandem universus orbis Christianus fateatur, quod tota jam Germania fere & sentit, & fateatur; nemini cuiquam alteri, neque omnino melius, neque ad summas quasque utilitates opportunius, neque ad rerum ac temporum momenta commodius, neque excelsius ad gloriam, neque certius ad salutem, neque tandem, quod ego jamdudum demonstro, dignius quam Francisco transmitti Imperium Romanum potuisse? Ac fuerint fortasse, qui dicant, Franciscum, regno Germaniae, Imperioque Romano obtento, omnis ante aetate vitae, maximarumque virtutum suarum fructum amplissimum, atque honestissimum cepisse. Et bene, ii quidem, dixerint, quod dato Imperio Romano mortales id Francisco, quod rerum humanarum longe maximum erat, dederunt, atque adeo, quod ad summam fortunam attinet, omnia videtur Franciscus, quae virtutibus ejus maximis, planeque divinis debebantur, in Romano Imperio cumulatissime, atque uberrime consequutus. Verum plus ego aliquid dico. Dico enim, quod multo majus est, atque augustius, atque ad laudes etiam Francisci Lotharingi propius, & adcommodatius, magnitudinem illam tantam Imperii Romani minorem quodammodo visam esse Francisco, itaque amplissimam illam & gloriosissimam Imperatoriam dignitatem multo plus ornamentorum & gloriae, quam ipsa Francisco dederit, a Francisco accepisse.

O fortunata, o felix, o beata Germania! O felices, beataeque provinciae Imperii Romani! Quidni enim ego vobis felicitatem ac dignitatem vestram, Fran-


ciseo jam primo Romanorum Imperatore constituto , pro summis ejus atque immortalibus erga vos , atque Imperium Romanum promeritis , gratuler? Narrant Arrium quondam Antoninum, hominem gravissimum , summaque virum auctoritate , Coccejo Nervae Imperatori ita gratulatum fuisse , ut diceret , non sese ei, sed & senatui , & populo , & provinciis gratulari , quod Imperii nimirum Romani commodo , non suo , Imperium Nerva suscepisset. Sic igitur & ego tibi, Imperium Romanum, & vobis, provinciae Imperii Romani, & tibi in primis, Princeps provinciarum, Germania, de Imperio Francisci I. gratulabor. Tibi enim ille, tuaeque saluti ac dignitati, & tranquillitati, & gloriae Imperium suscepit. Ac jam vides, Germania, quo te felicitatis, & gloriae Franciscus provexerit, quantam tibi apud mortales in conspectu orbis terrarum existimationem Franciscus reconciliaverit, quantum tibi bonorum atque utilitatum, & quam large ac prolixè, Franciscus pepererit, quam te spes tua, & opinio de virtute simul & fortuna Francisci minime fefellerit, quam profuse, & quam copiose Franciscus jam Imperator virtutem ac fortunam suam tecum communicaverit, quam beate ac feliciter apud te per Franciscum omnes praeclaræ belli pacisque artes, & liberalissima omnium bonarum litterarum studia atque doctrinarum revixerint, ac restoruerint. Quae quidem postrema, maxima pars ac potissima est, Germania, tuae felicitatis. Nam hac quoque de causa, AA. sapientiae nimirum, & litterarum causa gratulandum inprimis est Germaniae: quando ea demum viris sapientissimis beata olim visa est respublica, quam sapientes, doctique homines regere coepissent. Quis autem doctrinae, sapientiaeque studiis praestantior Francisco Lotharingo? qui studium maximum suum in sapientia & doctrina jam inde a pueritiae disciplina collocaverit. Fuit utriusque semper gentis,

tis, Austriacae atque Lotharingicae, maxime proprium ac singulare, litteras colere ac fovere, industriamque in eo incredibilem ponere, ut honestissimam quaeque praestantissimarum artium, & litterarum studia promoverent, atque exornarent. Quid enim ex gentilibus atque avicis utriusque familiae monumentis, aut Richvini illum Lotharingicum repetam, qui tanti fecit doctrinas, ornamento ut sibi atque honori esse duxerit, Magistrum liberalissimarum artium publice renunciari, aut Ernestum filium nato minimum Leopoldi illius Probi, quod Leopoldo cognomen singularis vitae probitas comparaverat, Ernestum, inquam, Principem illum atque auctorem Austriacae ejusdemque Habsburgicae stirpis, qui in vita privata traditur Bononiae egregiam litteris operam dedisse, adeo ut non immerito dicere quis posse videatur, Ernestum futurae magnitudinis Austriacae firmissimum quasi fundamentum, & initium in doctrina atque sapientia jecisse? Testis Academia illa percelebris Lotharingica, Lotharingicae olim erga bonas litteras, liberalitatis perillustre ad posteros, aeternumque monumentum. Testes Academiae illae Germanicae nobilissimae, & ubique gentium celebratissimae, quae Austriacam erga optima honestissimarum, & praeclarissimarum disciplinarum studia beneficentiam in totam posteritatem loquentur. Testis Academia Viennensis, quam Rodolphus Habsburgicus atque Austriacus; testis Friburgensis, quam Albertus, Ernesti filius, fundavit, certaue etiam dote locupletavit. Testes quoque tot docti, & litterati viri, & Oratores, & Poetae, & omni maximarum rerum scientia peritissimi, liberalitate Austriaca alti, atque sustentati: adeo ut minime mirandum sit, si nulla alia gens toto orbe Christiano, hoc est, meliori praestantiorique parte orbis terrarum, a sapientissimis, & eloquentissimis viris aequae laudibus ornata, ac celebrata sit, atque gens Austriaca, quod nul-


Ia alia gens aequae, atque Austriacae, beneficam se & liberalem erga litteras, & viros litteratos exhibuerit. Nam quid dicam praeterea, quae & quanta amoris significatione, quo, quantoque studio, quae & quanta, quamque incredibili benevolentia atque humanitate heroes illi, & Imperatores Austriaci viros excellenti sapientia atque doctrina praeditos excipere, atque complecti consueverint? Commemorandum illud in omnem aeternitatem maximeque admirandum exemplum Caroli V. Austriaci, qui Rex Germaniae, idemque Rex Hispaniae, idemque magnus Imperator Romanus, tamen tantus & Rex & Imperator, regnorum suorum & Imperii fasces submisisse dicitur doctrinae! quem ajunt Academiae Lovaniensis Rectori loco cessisse, & Carolo Seldio viro perdocto, & pererudito, quo cum sermonem in multam noctem produxerat, lumen etiam abeunti praetulisse. O cetera, eaque plurima, magnaeque exempla Austriacae simul & Lotharingicae, in litteras & doctrinas eximiae benevolentiae, & claritatis!

Quare, quum universae illae & Lotharingicae & Austriacae laudes in te simul unum concurrerint, Francisce Prime Imperator, itaque majorum tuorum exemplo litteris ac litteratis hominibus patrocineris, ut in publicis rerum curis nihil antiquius ac charius sapientia atque doctrina habere videare: quis jam non videat, planeque non sentiat, quam in communi orbis Christiani, Germaniae praesertim, atque Etruriae, laetitia tibi nunc Imperatori omnes bonae artes ac disciplinae praeter ceteris rebus omnibus plaudere debeant, & de imperio tuo, hoc est de felicitate sua secum ipsae laetari? Neque vero jam dubito, quin omnes Academiae Germanicae, quae tanta cum laude studia liberalissima omnium bonarum artium, atque disciplinarum exercent, atque in primis almae illae Academiae tuae, Germanicarum facile principes, Viennensis atque Praagensis, gratulationes

mes tibi suas de tanto dignitatis tuae fastigio certatim significaverint. Qui enim fieri potest, Franciscæ Auguste, ut, quum in tanto orbis terrarum gaudio nemo quisquam vel infans, atque elinguis, non laetitias suas loquatur, de laudibus deinde tuis praeclara illa Academiae eloquentia, quae est loquens ipsa sapientia, conticescat? Quod si haec tibi ab Academiis istis Germanicis debita erant officia gratulationum, & gratiarum: quanto magis, Caesar, ab Academia hac Pisana, cui ad communem publicamque laetitiae causam illae quoque accesserunt propriae, peculiariaeque causae, laetitiae, & gratulationis, quod tua, Franciscæ, proprie est, hoc est, proprio, privatoque jure, Academia Pisana, quod tuis maxime omnium Academiae beneficiis est ornata, quod auspiciis unice tuis tota innixa est, atque sustentata, quod novis tot splendoribus ac luminibus doctrinarum, quot neque ullae aliae, neque ipsa unquam antea, tuo sub ductu atque imperio est illustrata. Itaque etiam nunc gratulatur tibi, Imperator, Academia Pisana, non quantum ceterae; sed quantum nullae omnino Academiae tibi sunt gratulatae; illudque unum veretur, ut, quam animo ipsa laetitiam debitamque tibi gratulationem, concepit, potuerim ego cogitatione consequi, nedum verbis exprimere, atque explicare. Ergo prae laetitiae magnitudine videtur jam Academia Pisana ex sedibus suis quodammodo exsiliare, gratulatumque ad te venire; ipsique jam videntur hujus Academiae parietes laetitia, & gratulationibus, & gratiarum actionibus gestire; ipsaque haec medius fidius Academiae hujus Gymnasia sua quadam voce laudibus tuis undique personare: ut unde coeperat, in laudibus tandem tuis, maxime Imperatorum Franciscæ I. Auguste, haec per me Academiae Pisanae gratulatio conquiescat.



SENATVI . POPVLOQVE . VOLATERRANO
 PRINCIPI . QVONDAM . CIVITATVM . DVODECIM
 E T R V R I A E
 QVOD . ETRVSCI . NOMINIS . DIGNITATEM
 A . MAIORIBVS . ACCEPTAM
 ET . EGREGIE . OLIM . SVSTINVERIT
 E T . NVNC . ETIAM
SVB . FRANCISCI . I. AVGVSTI
 EIVSDEMQUE . MAGNI . ETRVRIAE . DVCIS
 I M P E R I O
 VIRTUTE . SAPIENTIA . RELIGIONE . DOCTRINA
 BENE . MERENDO . DE . RE . ETRVSCA
 ET . BENE . FACIENDO
 A M P L I F I C A V E R I T
ALEXANDER . POLITVS
 O R A T I O N E M . S V A M
 DE . LAVDIBVS . VOLATERRANIS . PANEGYRICAM
 P V B L I C E . A . S E
 AD . ACADEMIAM . PISANAM . HABITAM
 PRO . SVMMIS . VOLATERRANORVM
 ET . VETERIBVS . ET . RECENTIBVS
 IN . ETRVRIAM . PROMERITIS
 HONORIS . MEMORIAEQVE
 S E M P I T E R N A E . C A V S S A
 L . M . Q . D . D . D .



O R A T I O X V .

DE LAUDIBUS VOLATERRANIS.

QUanquam in Sapientiae studiis sollemni atque anniversario ritu auspicandis nullum magis proprium, & rei & tempori accommodatum, orationis argumentum suppetere mihi posse videbatur, quam laudes Sapientiae; tamen nescio quomodo ex ipsis Sapientiae laudibus alia quoque subinde se mihi superioribus annis commodum laudanda obtulerunt, quae & ipsa quodammodo ad Sapientiam pertinere visa sunt, ideoque digna esse in primis, quae in hoc Sapientiae theatrum hoc potissimum celeberrimo atque auspicatissimo die inducerentur. Sic enim & primum a nobis laudata est schola & officina Sapientiae, Academia Pisana; tum, quae stabilem veluti sedem certumque domicilium Sapientiae in Academia Pisana collocaverat, ipsa urbs Pisarum; postremo quae ex perennibus Sapientiae fontibus uberrime fluxerunt, Imperatoris Caesaris Francisci I. Augusti, ejusdemque Magni Etruriae Ducis, laudes Imperatoriae, pro munere meo, publicaeque mihi uni auctoritate demandata, sunt mihi panegyricae concelebrae. Quotus autem quisque vestrum est, Auditores, qui statim non videat, has omnes maxime laudes conjunctas esse cum laudibus Etruriae, dignissimamque esse Etruriam, in quam laudandam omne ingenium nostrum, & , siquid inest in

nobis eloquentiae, impendamus? praesertim quum Etruriae dignitas atque gloria ex Academiae Pisanae laudibus veterique Pisarum splendore, & Francisci Imperatoris maiestate ac sapientia existat nunc in primis atque esilorescat. Quod si Etruriae laudes praetermittere nullo modo possumus, nisi patriae, nisi nobis met ipsis, nisi ipsi etiam Sapientiae, cuius nos studium proficemur, deesse velimus, unde tandem harum laudum initia meliora atque auspiciora ducenda erant, quam ab iis populis Etruriae, qui Etruriae olim populorum antiquissimi juxta atque nobilissimi habentur? Sunt autem hi Volaterrani principes quondam civitatum Etruriae, qui his etiam temporibus, virtute & sapientia, bene merendo de republica & benefaciendo, ceteris tam longe Etruscis excellunt, nulla ut alia gens Etrusca praeferris eis posse videatur. Ergo, quod Pisis antea praeslitimus, urbi nobilissimae, & civitatibus duodecim Etruriae multo vetustiori, ut iusta eam urbem ac publica laudatione asliceremus, cur non id ipsum secundum Pisas Volaterris praestemus, principi quondam urbi, & primae civitatum duodecim Etruriae, ut ejus quoque urbis ex hoc ipso amplissimo atque ornatissimo loco, eodemque festo atque anniversario die, laudes panegyricas dicamus? Quod eo gratius atque acceptius vobis futurum confido, Auditores, quod laudes urbis Volaterranae cum laudibus litterarum quam aptissime cohaerent, magnoque nunc urbis Pisanae, atque adeo Etruriae, commodo evenit, ut re, qua civili, qua sacra, Pisanorum, per cives duos Volaterranos, summa viros gravitate & prudentia, praeclare ac sapienter administrata, Volaterrae jam de Pisis, atque adeo de universa Etruria, optime promeritae esse videantur.

Atque ut ordine mea procedat oratio, primum omnium dicam, quod ad antiquitatem nobilitatemque Volaterrarum attinet, imperio primum Etruscorum ex
ci-

civitatibus duodecim constituto, quarum una Volaterrae, ceteris illis civitatibus Etruscis Volaterras & vultate & dignitate longe antecelluisse! Nam quod graves cum primis scriptores Romani Vejos praeferre videantur, datum id Vejorum viciniae, quod nimirum Veii proxime ab urbe Roma abessent. At Volaterras primas urbium duodecim Etruscarum exaedificatas, principatum quondam reliquae Etruriae obtinuisse, quod viri eruditi affirmant, quis non sibi ex eo facile persuadeat, quod Volaterrani ipsum nomen Etruscum, quod commune erat totius gentis, proprium sibi ac suum vindicarunt, iique, veluti ad notam quandam dignitatis atque excellentiae, Etrusci sunt appellati? Cito te, Cai Plini Secunde, maxima vir doctrina & cognitione antiquitatis, cui inter Etruriae populos Volaterrani dicti sunt cognomine Etrusci: perinde quasi, quum ceteri Etruriae populi suo speciatim singuli nomine distinguerentur, ita inter eos Volaterrani excellerent, ut idem olim fuerit Etruscos dicere, atque Volaterranos. Nec audire eos velim, Cai Plini, qui pro Volaterranis rescribere apud te Volcentinos minime omnium dubitarunt: *Volcentini cognomine Etrusci*. Nam qui, Deus bone, Volcentini isti in Etruria? Volcentanos sane nos novimus, quos tute nominas in Lucanis; Volcentinos nullos omnino novimus in Etruria. Nec enim plane putaverim, vocari ibi a te posse Volcientes, quorum oppidum Cossâ ferebatur: quippe quos paullo ante; tanquam populos diversos, commemorasses. Maneat apud Plinium, Auditores, certoque maneat, ex omnium fere librorum fide; atque ex certissima doctissimorum virorum auctoritate, de omnibus quidem Etruriae populis unos ac solos Volaterranos Etruscos praecipue cognominatos. Neque vero quenquam vestrum vitio mihi daturum esse arbitror, quod in Volaterris collaudandis, ubi, pro antiquissimae urbis gloria atque no-

bi.

bilitate, oratorem quam maxime me agere, omnibusque eloquentiae copiis affluere oportebat, nova quadam & inusitata dicendi ratione, Grammatici fere nunc personam sustinuerim, &, tanto hoc hominum doctissimorum atque litteratissimorum conventu, tam diligenter atque anxie in veram ac genuinam Plinianam lectionem acquisiverim. Etenim, quod quis fortasse valde mirabitur, nostra haec inde in primis apta est ac pendet Volaterrarum laudatio. Nam profecto, si Etruscorum plane nomine maxime omnium intelligendi venerunt Volaterrani, quis non statim etiam perspiciat ac fateatur, iisdem fere finibus Volaterranorum laudes comprehensas, quibus laudes Etruscorum? Quo vero parentiori uberisque in campo mea exultare possit oratio, quam in celebrandis laudibus Etruscorum, quae tot olim ac tantae fuerunt, nulla ut alia tota Italia gens rerum gestarum magnitudine ac gloria Etruscos tunc superasse videatur? Ac mehercule quinam tunc populorum terras ac maria longe lateque per Italiam fama nominis sui impleverunt? Etrusci. Quinam Tyrrheno mari, quinam Adriatico nomen dederunt? Etrusci. Quinam terra marique maxime omnium gentium Italicarum dominati? Etrusci. Quinam terrestribus tunc navalibusque copiis prae cetera Italia valuerunt? Etrusci. Etruscorum virtutis fuit, trecenta Umbriorum oppida expugnasse; Etruscorum, coloniis Italiam munivisse ac frequentasse; Etruscorum, Italiam universam non tam armis, quam victoriis peragrassae. Ergo, quum tale ac tantum, tamque clarum & illustre Etruscorum quondam nomen extiterit, quantum inde splendoris & gloriae ex laudibus Etruscorum accrescere Volaterranis existimabimus, si uni hi ac soli, Etruscorum praecipue nomine censebantur? Neque vero nunc ego inficiar, quod ex hac ipso summae auctoritatis loco alias memini me, dum fasas, principem quondam & nobilissimam

urbem Etruriae publice laudarem, semel atque iterum vehementer affirmasse, quodque etiam nunc tertioque firmissime & constantissime affirmo, quae populis olim Etruscis laudes a copiis praesertim navalibus, imperioque maris sunt in primis tributae, eas quidem laudes proprie fuisse Pisanorum. Certe id quidem (quis enim neget?) posteaquam Pisae in Etrusci nominis societatem venerunt. Antea vero, quam Pisae, urbs illa multo omnium vetustissima ac celebratissima, stante jam ac florente republica Etruscorum, in nomen Etruscum transirent, cum Pisae nimirum in Ligurum, non Etruscorum, gentem contribuebantur, quis mihi dubitet, quin, ut praeclara ac fortia Ligurum facta ad Pisanos potissimum referebantur; ita laudes tunc bellicae Etruscorum ad Volaterranos, populos olim longe potentissimos, & principes Etruscorum, immo & Etruscos praecipue cognominatos, redundaverint? Quid inquam laudes bellicae? quum ex certo exploratoque veterum testimonio satis compertum sit, non belli modo, sed etiam pacis artes praeclarissimas, & liberalissima quaeque bonarum litterarum atque disciplinarum studia apud Etruscos viguisse. Quid hic dicam de disciplina augurali Etruscorum? quum eam totam disciplinam Romani ab Etruscis hauserint, virique principes Romanorum filios suos ea disciplina & Musica aliarumque optimarum artium scientia, bonisque etiam moribus imbuendos mittere in Etruriam consueverint. Quid de ingenio clarisque inventis Etruscorum? quum tuba iude Tyrrhenica ab inventoribus Tyrrhenis sit appellata, & Romani a Tyrrhenis, hoc est, ab Etruscis, insignia quaeque atque ornamenta & magistratuum & imperii, & fasces, & secures, & lictores, & sellam curulem, & togam praetextam, & paludamenta, & alia plura huius generis decora atque insignia & potestatis & dignitatis acceperint. Quid de ceteris laudibus Etruscorum? quum

ido-

idonei quique antiquitatis Romanae scriptores non a potentia modo & epulencia; sed etiam a religione & sapientia, ceteris Italice populis Etruscos longe anteposuerint. Hae omnes laudes quum communes sint Volaterranis cum ceteris Etruscis; tamen Volaterranis quam eae praeicipuae ac propemodum singulares sunt prae ceteris Etruscis? quam eae Volaterranis propriae, quantoque eae magis Volaterranis, debitaе, quam ceteris Etruscis? quippe quum Volaterrani, ut proprie ac praecipue dicti & cognominati sunt Etrusci, ita communes illas laudes Etruscorum sibi praecipue adseruerint. Quid quod litterae Etruscae, quae & olim & nunc etiam tantopere passim celebrantur, non aliae certe fuerunt, nisi Volaterranae, neque aliunde, nisi a Volaterranis, sunt eae in universam gentem Etruscam propagatae? Quid quod ipsae illae litterae nusquam alibi frequentiores, neque pulchriores atque elegantiores, quam apud Volaterras, conspiciuntur? Quid quod eae etiam nunc litterae, ut alia monumenta taceant, tamen satis loquuntur, quo quantoque studio Volaterrani, prae reliqua Etruria, doctrinam & politionem atque reconditiorem eruditionem excoluerint, quamque ii diligenter atque ambiciose res suas posterorum memoriae tradendas curaverint? Quid quod non alibi tota Etruria neque plura, neque vetustiora, quam Volaterris, monumenta Etruscae antiquitatis apparent, atque etiam subinde in dies deteguntur? Argumento vetustatis ipse est situs urbis, conditae in colle excelsò, valdeque natura munito, quo adscensus est ab ima valle perquam difficilis atque arduus quindecim stadiorum; quippe quum mortalium antiquissimi, quo loca tutiora atque munitiora contra hostilem aggressionem haberent, oppida sua in montibus atque editis collibus exaedificaverint. Haec Volaterris a natura munitio: quas, si loci naturam spectes, inexpugnabiles propemodum vocaveris. Nam &
fe.

ferunt, Syllanis temporibus quatuor duntaxat cohortes vel biennii continenti oppugnatione expugnari nullo modo potuisse; sed ipsas sponte sua, fide publica accepta, urbe celsisse. Urbs ibi posita in loco spatiofo ac plano, moenibusque e quadrato lapide ita circumdata atque instructa, ut collibus quinque, interjectisque inter eos colles vallibus profundissimis, speciem quandam manus hominis cum digitis quinque porrectae atque extantae referre videatur. Aditur ad eam nunc urbem portis quinque, quam urbem & fontes aquarum purissimarum, & signa passim marmorea vetustissima atque elegantissima, & aedes nobilissimae atque magnificentissimae, & ipsa etiam vestigia, quae in media adhuc urbe extant, maximi olim amphitheatri, & domorum splendida atria, & pleraque alia perillustria monumenta priscae venerandaeque nobilitatis in primis commendant. Quis enim omnia vel enumerando hic proferat tum vetera, tum etiam recentiora decora atque ornamenta Volaterrarum? aut quis eam unquam urbem satis pro dignitate descripserit, quam prisca illi populi Etruriae, veluti regiam nominisque Etrusci propugnaculum atque arcem habuerunt? Inde e summo montis jugo prospectus est multo pulcherrimus multoque jucundissimus in subjectos late patentisque campos usque ad mare Tyrrhenum. Eo usque, Auditores, agrum jam Volaterranum pertinuisse, veteri est, eaque certa ac probata historia pervulgatum. Unde facile vobis promptumque sit aestimare de prisca quondam opulentia magnisque opibus Volaterranorum, quos historiae Romanae testantur frumento etiam Publii Scipionis in Africam proficiscentis classem juvisse. Etenim quis tota tunc Etruria ager uberior ac fertilior, atque etiam amplior & spatiosior Volaterrano? cujus tunc quidem amplitudo tanta erat, suis ut finibus Populonium quoque contineret. Quis enim nesciat, hoc ipsum Populo-

Qq

nium.

nium, tametsi oppidum per se satis illustre ac clarum; tamen, differentiae veluti causâ, appellatum fuisse Etruscorum, quod Volaterrani, quorum erat Populonium, proprie speciatimque Etrusci vocitarentur? O Volaterrani, o qui cognominati estis Etrusci, ubi, ubi vestra illa ad mare urbs, nomine Etruria? Hac de urbe quondam vestra, Volaterrani, quam prisca diaria vestra diu vos ad oram possedisse commemorabant, sentiant alii, per me licet, ut volunt. Ego equidem opinor, Etruriam hanc vestram nullam esse aliam a Populonia Etruscorum: quandoquidem, si tales vos estis, Volaterrani, quales vere audiis, Etrusci, immo & principes olim Etruscorum, certum etiam mihi ac ratum ex auctoritate minime dubia idoneorum ac nobilissimorum scriptorum, unum ac solum de omnibus Etruscorum oppidis, in littore situm fuisse Populonium Etruscorum. Quid hujus jam agri memorem Vada Volaterrana? quid Thermas Volaterranas? quid Salinas Volaterranas? quid loca quaeque multo illustriora atque insigniora agri Volaterrani? quum, quod de veteri Graccia Poeta quidam non obscurus dixit, nullum ibi sine nomine taxum existisse, usurpari similiter possit de agro Volaterrano, nullum fere agri Volaterrani lapidem nominis, hoc est, celebritatis & gloriae, expertem inveniri. Quid alia quaeque rariora atque admirabiliora agri Volaterrani? quum ipsi etiam lapides, qui plures pluresque in dies ex agro Volaterrano refodiendo eruuntur, reliquiae quaedam pretiosiores, & clarissima quaedam monumenta superioris memoriae eruditaeque antiquitatis esse videantur. Nam, quod ad agri Volaterrani ubertatem ac fertilitatem attinet, quid tandem, bone Deus! profert tota reliqua, non dico, Etruria, sed Italia, vel eximium ac singulare, quod una regio Volaterrana, ipsa tibi per se beata, sive ad vitae usus necessarios, & commoditatem, live ad oblectationem & voluptatem, non abunde suppeditet

tet ac largiatur? Hic vis ingens metallorum, hic salis & aluminis copia, hic fructuum omnis generis mira varietas, hic pastionum bonitas, hic percommoda vel in collibus clivosis aratio. Denique quae alibi atque alibi terrarum ad vitae humanae & necessitatem & utilitatem & jucunditatem singula desiderantur, ea ager Volaterranus affatim impartitur universa. Iam vero quantus ibi olim & quam uber atque copiosus vini optimi & praestantissimi proventus! qui tantus profecto vel antiquissimis temporibus fuit, ut Volaterrae vino totae fluere viderentur. Atque inde sane, nempe ab affluentia vini, nomen huic urbi iudicatum a Graecis accipimus Oenareae. Quippe Oenaream Volaterras vocat Aristoteles in Admirandis. Nec dubitari posse videtur, Auditores, quin eo vere nomine summus ille philosophorum Volaterras designet: quam urbem in Tyrrhenia, seu Etruria, valde munitam, atque in alto colle, leviterque ad triginta stadia assurgente collocatam repraesentat: quandoquidem ab ea parte, quae est ad meridiem, faciliiori utrique planiorique via, ab agro campestri adscensus est Volaterras ad stadia fere triginta. Neque hic ego eos probo, viros scilicet pereruditos, qui nomen urbis Oenaream corruptum apud Aristotelem arbitrantur: pro quo, qua sunt illi scilicet doctrina atque auctoritate, Volaterras audacter reponunt. Cur enim id nominis apud Aristotelem depravatum, quod apud Aristotelem omnino olim Stephanus Byzantinus legebat? Testis tu mihi certus ac locupletissimus, Stephane, cui urbs illa eadem, decurtato plane ex Oenarea nomine, Oena ex Aristotele in Ethnicis tuis est appellata. Ubi etiam apud Aristotelem videre est, quam sedulo ac diligenter Volaterrani jam inde a principio in republica sua administranda (quanquam id obiter ac veluti per transennam Aristoteles) in libertatis retinendae studium incubuerint. Varia postea fortuna, stanti-

tus jam ac vigentibus rebus Romanis, Volaterranos exercuit: quos etiam narrant auxilia Latinis contra Romanos misisse. Deinde, Syllanis difficillimis temporibus, quum Volaterrani municipali jure uterentur, quod patres Marianas sequuti, contra L. Syllam steterissent, memorant eis Syllam agrum ademisse, Romanam etiam civitatem eripere eis voluisse; sed hanc minime potuisse. Fuit quidem magno tunc decori atque ornamento municipibus Volaterranis, summam eis cum M. Tulio intimamque necessitudinem intercessisse. Sed ad cetera illa ornamenta quantus veluti cumulus, M. Tulli, ex commendatione tua accessit, atque ex gravissimo tuo maximoque testimonio de fide & probitate Volaterranorum! Non cives modo vocas Volaterranos; sed etiam optimos cives: de necessitudine tua cum Volaterranis magnopere gloriaris: perpetuum te Volaterranorum defensorem fore, nullumque te officium nullumque certamen, in quo illis prodesse posses, praetermissum profiteris: gratissimum tibi fore praedicas, si Volaterrani omnibus rebus integri incolumesque servantur. Volaterranos denique summo studio populi Romani defensos abs te in Consulatu tuo ais, & hanc actionem tuam ita Cajum postea Caesarem comprobasse, ut & agrum & oppidum Volaterranum omni periculo liberaverit. Dicam ego, quod sentio, Marce Tulli. Tu, qui princeps, immo & pater Romanae eloquentiae, nunquam mihi mehercule eloquentior visus es, quam in Volaterranis commendandis atque defendendis: adeo te sibi Volaterrani beneficiis suis obligaverant: quorum etiam maxima in te promerita ultro ipse gloriosissime depraedicas: quippe qui nec in honoribus tuis, nec in laboribus, tibi unquam defuissent. Nam profecto quinam unquam de populis Etruscis ad gratiam referendam promptiores paratioresque Volaterranis? quorum prae tota Italorum gente eximia semper ac singularis

no-

nota fuit, erga homines bene de se meritos & re ipsa & animo esse quam gratissimos. Fuit inter cives tunc Volaterranos Ciceronis intimus familiaris C. Curtius, homo honestissimo loco natus, eaque vir dignitate atque auctoritate, ut eum Caesar in Senatum legerit. Huic etiam, quum in Syllanae injuriae calamitatem incidisset, adjumento Cicero fuit, ut, quam in agro Volaterrano possessionem habebat, ordinem suum tuendum retineret. Quid Curtium? quid unum aut alterum hominem Volaterranum in medium profero? quum toti municipio Volaterrano adjutor Cicero atque auctor & salutis & dignitatis extiterit. Veruntamen lege postmodum triumvirali Volaterrae ex municipio in coloniam Romanam transferunt. Hac, quam diximus fortuna, ante & post Imperium Romanum Volaterrae sunt conflictatae: donec tandem in ea, quae subsecuta est, Imperii Romani, Italiaeque totius everfione, contigit Volaterris, quod aliis plerisque omnibus civitatibus Etruriae, ut res civitatis quondam florentissimae & clarissimae, veluti in obscuro ac tenebris jacerent. Quantum caligo illa & temporum & rerum patitur, Auditores, scimus, Vandalos, Geisericus rege, Leonis I. Imperatoris temporibus, Populoniam ex Africa appullos, eo usque Volaterras excurrisse, urbemque Volaterras obsedisse, indeque divinitus repullos, re infecta, abiisse. Scimus etiam, Longobardos, imperio harum regionum occupato, urbem in primis Volaterras coluisse, eamque ex urbibus Etruriae unam, sedem sibi ac domicilium tutissimum delegisse, unde iidem dominationem late suam in Etruriam amplificarent. Quo quidem loci, Auditores, nollem tempus illud calamitosissimum recordari, cum Volaterrae incensae vastataeque sunt a Pannoniis, qui ab Aymerico in Italiam vocati, primum omnium in Etruriam ferro & igne hostiliter invaserunt. Verum aliarum quoque magnarum beatarumque urbium

vicissitudo ea fuit, ut ingentibus nunc cladibus afficerentur, nunc ex illis cladibus meliores ac feliciores, certe quidem aliquando nihilo, quam antea fuerant, deteriores existerent, ac rescicerentur. Sic igitur scimus, paucis post annis Volaterras ex clade illa & calamitate Pannonica, ab Othone I. Imperatore, civibus rursus coactis, tamen aliquanto breviori restrictiorque murorum ambitu, restitutas, novisque etiam e Germanicae nobilitatis flore civibus adauctas, multo perro vegetiores atque florentiores, majoribus jam atque augustioribus Othoniani nominis auspiciis, surrexisse. Iam Volaterrani, peraeque atque potentissimi quique populi Etruriae, erigere sese in libertatem coeperant, jam movere lacertos, jam revirescere ac reflorescere, jam libertatem atque imperium suum per Consules duos regere ac tueri, jam denique fortuna Volaterranis ad omnem felicitatem & gloriam favere coepisse videbatur. Ac sane, dum Etruria universa erat in armis, principesque populi Etruriae acerrime inter sese de provinciae hujus principatu dimicabant, ea potentia atque auctoritate Volaterrani erant, ut, quocunque ipsi propenderet, maximum rebus momentum allaturi esse viderentur. Nihil tunc Florentino optatius, quam Volaterranum in partes suas pertrahere. Sed Volaterranus favere, magis visus Pisano, quam Florentino. Hinc bellum inter Florentinos & Volaterranos. Causa & initium belli a Florentino, dum nulla laceffit injuria, agrum Volaterranum depopulatur. Superatus est Volaterranus; sed ita superatus, ut vel sub Florentinorum imperio animi sui magnitudinem, & liberi populi dignitatem servaverit. Visum est Florentinis, ex urbis Volaterranae dignitate, cum Volaterranis, tanquam cum populis foederatis, aequis conditionibus agere. Non vacat hic, Auditores, per singula ire tempora Volaterrana, nec dicere, quam sapienter Volaterrani rem-

pu-

publicam suam, curia exaedificata, duodecimviris populi defensoribus creatis, quindecimviris aerario curando praefectis, consilio civium sexcentorum adhibito, familiis patriciis quadraginta & amplius in album relatis, ordinaverint atque disposuerint, nec referre de civibus Volaterranis, quantum inter eos cives gratia atque opit'us apud omnes valuerit Octavianus, Belfortis filius, eques splendidissimus, atque nobilissimus, ad quem, quum Belfortem filium sollempni ritu equitem faceret, legationes e tota Etruria gratulatum cum donis venisse Volaterras perhibentur; nec sexcentos alios summos cives Volaterranos recensere, maxima viros sapientia nominisque celebritate, quorum prudentia atque consiliis multum utique incrementi res Volaterrana capere, & libera permanere potuisset, si per factiones civiles licuisset. Quo vero te loco commemorabo, Ioannes Ingeranne, vir fortissime, tanta erga patriam tuam charitate, tantoque libertatis avitae studio, ut, dum duodecimvirum, hoc est, populi defentorem, ageres, contra nimiam potentiam dominatumque paucorum, auctor princepsque civibus fieres recuperandae libertatis, libertatemque publice conclamares. Tempora ego illa consulto praeterco, Auditores, ac venio tandem invit'us ad eam orationis meae partem, quae est de clade Volaterrarum a Florentino. Qua tamen clade tantum abest, ut aliquid ego Volaterrarum laudibus detractum censeam, ut in ea potius clade, o cives Volaterrani, vestra in Florentinos promerita, causaeque vestrae summa bonitas & aequitas elucere magis atque enitere videatur. Sed tamen o luctuosam atque acerbam memoriam temporis illius & calamitatis, cum videre erat, militem, bona fide intra moenia receptum, contra jus fatque nobilissimam Etruriae urbem foede ac crudeliter diripere, rebus juxta sacris ac profanis manus inferre, templa violare, in omnem aetatem ac sexum saevire :
ad

ad haec, victores Pontificis tribunal atque aedes diruere, arcemque ibidem construere; agrum tandem adimere, & de clarissimae urbis captivitate, tanquam de victoria aliqua Scythica, missis laureatis quoquoqueversus epistolis, insolenter exultare. Quae tanta urbis Volaterranae calamitas eo dolentius deploranda atque lamentanda visa fuit, quo plura antea atque majora Volaterrani fidei suae in Florentinos documenta dedissent. Quid enim dicam, Volaterranum nullam unquam Florentino injuriarum causam dedisse? quum Volaterrani fidem, quam Florentinis semel obstrinxerant, nunquam prodidissent, nihilque tunc aliud postularent, quam ut ex jure & aequo secum ageretur. Quid? Non ne ut fidem haec Volaterrani sancte ac religiose Florentinis terarent, amicitiam primum Sigismundi Imperatoris semel atque iterum tertioque constantissime recusaverant? Non ne in summis deinde angustiis, quum ab Alphonso Aragonae parte agri privati essent; tamen, ne fidem Florentinis frangerent, oblatas tibi ab eo rege condiciones amplissimas & lautissimas repudiaverant, ejusque regis amicitiae amicitiam & fidem Florentinorum longissime praetulerant? Atque ea sane superiora Volaterranorum promissa in Florentinos. Quid tum postea? Non ne etiam postea Volaterrani, etiam post agros suos amissos, fortunatque suas perditas ac publicatas, Caroli VIII. regis Francorum & Caesaris Borgiae temporibus, cum tota reliqua Etruria tempore commodissimo, atque ad defectionem faciendam maxime opportuno, a Florentinis descisceret, uni ipsi ac soli in Florentinorum fide manserunt, reique eorum publicae periclitanti quaecunque ultro auxilium miserunt? Namque alia longe posteriorum temporum ratio fuit, cum, propter ejectos Florentia Mediceos, nato patriae suae Clemente VII. Mediceo, Pontifice Maximo, missis contra Florentiam Caesarianis, qui causam Medicam tu-

tabantur, ac propugnabant, his se etiam Volaterrani dederunt. Namque alioqui prae omni Etruria Volaterranorum semper fuit, amicitias non ex commodo suo, sed ex honestate, metiri, fidem colere, eamque factam testam servare, & foedera sanctissime custodire. Ac profecto constat, Auditores, Florentinos calidioris consilii sui valde postmodum poenituisse, principique tunc viro civitatis Florentinae, qui id consilii adversus Thomam Soderinum, civem Florentinum, virum clarissimum atque sapientissimum, dederat, rem postea vehementer displicuisse, eundemque sub exitum vitae manifesta & clara poenitentiae suae signa patefecisse; itaque Florentinos talem illam ac tantam injuriam suis postea in Volaterranos beneficiis compensare, aut certe quidem levare omni ratione studuisse. Et quisquam dubitabit, quin Magni Etruriae Duces Medicei, ut reliquam Etruriam, ita prae multis Etruriae urbibus Volaterras tanquam in oculis gestaverint, qui tot tantisque & honoribus & ornamentis & commodis urbem Volaterranam, hominesque Volaterranos affecerunt, ut, collatis tum in Inghiramios, tum in Guidios, tum in Incontrios, tum in alios plerosque summos viros, patricos Volaterranos, maximis praefecturis atque dignitatibus, in unam urbem Volaterras veluti congesta singularia quaeque & clarissima beneficentiae, atque etiam liberalitatis Mediceae exempla fuisse videantur. Sed reservatum divinitus erat Magno Etruriae Duci, eidemque maximo Imperatori Romanorum, Francisco I. Lotharingo, ut Volaterrae, urbs illa Etruscarum civitatum antiquissima pariter & nobilissima, in pristinam suam dignitatem ac gloriam restituerentur. Quod enim antiquissimis quondam temporibus fuerat, republica primum Etruscorum e civitatibus duodecim ordinata, ut totius tunc Etruriae principatus penes Volaterranos resideret; id etiam nunc, auspice atque auctore Caesare, fieri quodammo-

do videtur, ut, re & civili & sacra Etrusca maximam partem & Pisis & Florentiae & Arctii & reliqua Etruria per homines Volaterranos rectissime & felicissime sustentata, quidam veluti sit inter civitates nunc Etruscas Volaterrarum principatus. Id dedisse Deus videtur tum ceteris eximiis Volaterranorum virtutibus, tum maxime pietati eorum ac religioni. Quis neget, magnam hanc, quam diximus, laudem urbis Volaterranae fuisse, quod ceteras civitates Etruriae tempore ac vetustate anteciverit? Magna mehercule haec laus. Attamen laus illa multo major, multoque diviniore urbis Volaterranae, quod omnium ea civitatum Etruscarum prima, sacra Christiana veramque in Christum religionem susceperit. Efferant alii, quaecunque volunt, civitates alias Etruriae: eas a viribus bellicis, a navalibus copiis, ab artibus belli & pacis, ab opulentia & potentia, ab urbium pulchritudine & ornatu, ab amoenitate locorum, ab hominum frequentia, a nobilitate & antiquitate, ab alia quacunque re, vel eximia ac singulari, summis ad caelum laudibus extollant. Si cujus alterius urbis Etruscae, certe quidem & hae olim laudes fuerunt Volaterrarum. Itaque hae etiam laudes sint Volaterris cum aliis Etruriae civitatibus communes: dummodo Volaterris haec praecipua & propria laus concedatur, quod eis civitatum Etruscarum primis lux per Christum divina ac salutaris affluerit. Ferunt enim, quod est vetustissimis monumentis, constantique superioris memoriae fama exploratissimum, Petrum, quem Christus vice sua in terris summo secundum Deum jure fungi jusserat, dum Romam proficisceretur, Volaterras venisse, ibique primum in Etruria Christi nomen ac religionem disseminasse, primumque ejus urbis antistitem Romulum constituisse, quem inde etiam Fesulas ad Christum praedicandum misisset. Quis jam hoc etiam religionis nomine non ceteris Etruriae civitatibus Vo-

Vo-

Volaterras longe anteponat, quod earum civitatum primas Volaterras Petrus ad lucem Christianam vocaverit, quod primae Volaterrae ex ore Petri rudimenta Christiana hauserint, quod eadem primae ab ipso Petro Romulum virum sanctissimum, magistrum ac Pontificem acceperint? O laudem hanc singularem & immortalem, dignamque plane, cui in laudibus Volaterranis primas facile deferamus! O laudem etiam illam multo maximam atque praestantissimam Volaterrarum ad memoriam aeternitatis, Volaterras orbi Christiano Linum Pontificem Maximum, qui beatissimo Petro in Pontificatum statim Romanum successerit, dedisse, & Leonem postea Magnum, ipsum etiam Pontificem Romanum, virum memoria dignum sempiterna, veritatisque Christianae vindicem acerrimum atque fortissimum, protulisse, & religionem semper Christianam, quam a Petro perdidicerant, puram postea atque intemeratam, firmiter ac constanter retinuisse! An tu mihi importune objicias labem nominis Volaterrani Arianam, quam labem Volaterrani Vandalicis potissimum temporibus contraxissent? Ego vero minime omnium feram, maculam hanc turpissimam Volaterrano nomini iniuri, ut Volaterrani religionem unquam in Deum suam Arianismo contaminaverint. Nego igitur, & praecise nego, Volaterranos ad Arianos unquam descivisse; nego, Volaterranos luc se unquam Ariana polluisse; nego Volaterranos pestilentem unquam a Vandalis Arianorum doctrinam percepisse; nego denique, id, quod contra fertur de Arianismo olim Volaterrano, ullo idoneo nixum esse veterum testimonio, ullaque satis certa explorataque auctoritate. An tu mihi putes, Volaterranos partibus Arianis fuisse, quorum urbem Vandali Ariani obsederunt, omnique opere oppugnarunt? an Iustum, summa virum adversus Deum religione & sanctitate, una religionis causa, unoque in Arianismum odio, ab Arianis ex Africa hostiliter expulsum, ad lo-

ea se Arianorum Volaterras cum Clemente suisque sociis, viris religiosissimis ac pientissimis, contulisse? an cetera per Italiam & Siciliam oppida¹, quae Vandali tunc Ariani, Geinserico rege, eo ex Africa profecti, tam male habuerunt, ut alia in servitorem darent, alia solo aequarent, ab Arianis steterisse? Non ne inde potius putandum, quod ad fidem veteris historiae atque ad similitudinem veri accedere propius videtur, oppida tunc Italica ac Sicula tantas illas calamitates a Vandalis Arianis haussisse, quod ea ipsa oppida, atque adeo Volaterrae pravas Arianorum doctrinas, tanquam pestem atque perniciem religionis Christianae, summo opere odissent atque execrarentur? Quae quidem argumenta quis vestrum, Auditores, non videat, eo in primis tota tendere ac referri, ut Arianismi penitus crimine Volaterras absolvant? Namque eas quidem longa Arianorum obsidione per Iustum, virum sanctissimum, patronumque praesentissimum Volaterrarum, divinitus tandem liberatas, historia abunde Volaterrana testatur. Iam vero inde ab eo tempore quot & quanta, quam singularia & praeclara, quam certa atque illustria, verae sinceraeque pietatis ac religionis Volaterranae documenta animo meo obversantur! quot utique & quanta tota simul vix Etruria homini late excurrenti atque evaganti suppeditat. Quid enim est unquam, quod ad religionis quidem studium attinet, quid est in cultioribus religiosioribusque civitatibus Etruriae, tam pium & sacrosanctum, quod non prae reliqua longe Etruria in urbe Volaterrana eniteat, atque excolatur? Omitto basilicas, quibus nullae sunt in Etruria sanctiores atque augustiores: omitto templum vetustate ac religione maxime venerabile, quod in honorem beatissimi Petri dedicatum fuit: omitto quae Alcus quidam vir potentissimus atque locupletissimus templa duo, alterum Iusti, alterum Clementis nomine, magnifice sumptuose-

seque aedificavit: omitto alia multa memorabilia in primis, atque ad exemplum posteritatis praeclara documenta pietatis Volaterranae. Quid dicam de antistite Volaterrano, quo nemo quisquam alter antiquior antistes in Etruria? Eum constat utraque simul potestate, tum sacra, tum etiam civili, quondam polluisse, ejusque jurisdictionem, uni ac soli Pontifici Romano subiectam, latissime olim patuisse. Quid de Pontificibus Volaterranis Hugonem referam, virum sanctissimum, tantaeque in juribus sacerdotalibus defensionibus constantia & fortitudinae, ut nemini cuiquam ea quadantenus jura infringere per Hugonem unquam licuerit? Quid Hildebrandum Pannocchium, summa virum potentia atque nobilitate, quem Fridericus Imperator in virorum Romani Imperii principum numerum adlegit? Quid Raynerium Ubertinum, tanta virum prudentia, ingeniique dexteritate, ut gravissimas saepe perniciosissimasque seditiones compreslerit atque sedaverit? Quid Philippum Belfortium, maxima hominem gratia & auctoritate apud Carolum IV. Imperatorem? Quid Petrum Corsinium, Pontificem simul Volaterranum, & Urbani V. Pontificis Maximi ad Carolum IV. Imperatorem, virosque Germaniae principes legatum? Quid Franciscum Soderinum, singulari virum doctrina, eximiaque rerum civilium moderandarum peritia, quem principem fuisse ajunt nobilissimae Florentinorum legationis ad Sixtum IV. Pontificem Romanum? quem etiam Soderinum adolescentem ferunt leges Pisis civiles publice docuisse. Quid Ioannem Salviatum? Quid ceteros antistites Volaterranos, viros plane magnos & religione & doctrina, & omni laudum genere celebratissimos? Quid recentiori etiam memoria Bernardum Inghiranium, virum & ipsum doctissimum, & doctrinae atque religionis propagandae studiosissimum, qui legum Romanarum interpretationem publice primum Pisis professus, deinde ju-

ris dicundi munere & Senis & Romae summa omnium commendatione perfunctus, tandem Pontificatum Volaterranum adeptus, tantum utilitatis atque incrementi rebus sacris Volaterranorum attulit, ut, quidquid nunc commodorum, decoris atque ornamenti ad Pontificis Volaterrani rerumque sacrarum usum, vel optimorum sanctissimorumque institutorum ad sacrarum divinarumque doctrinarum exercitationem atque culturam habent nunc in paucis urbibus Volaterrae, id totum a Bernardo Inghirami, rerum bene sapienterque gerendarum principe atque auctore, profectum videatur? Quid multa? Nulli omnino homines in Etruria rerum sacrarum studiosiores atque peritiores, nulli in tota antiquitate Christiana indaganda illustrandaque diligentiores attentioresque, nulli denique Christiana vere scientia cultiores atque instructiores hominibus Volaterranis. Qui quidem homines tantum studii atque operae ad antiquitates sacras Volaterranas perquirendas atque describendas contulerunt, ut unae Volaterrae magis, quam tota simul Etruria; de sanctorum beatorumque virorum historia, hoc est, de optima ac praestantissima sacrae Christianaeque historiae parte bene merita esse videantur. Testes cito vos, summa viri religione, & pietate, quorum egregia ac singularia in rem Christianam promerita nulla unquam aetas conticescet. Nam vestrum quidem maximum opus atque laboriosissimum & nunc est, & olim fuit, Christianam historiam summa fide, & probatissimo quoque fideque dignissimo scriptore, rebus sanctorum beatorumque hominum praeclearis atque admirandis exhibitis, veluti per partes totam repraesentare. Multas vos multis gratias debere lubentes volentesque profitemini, quod, missis undique ad vos veterum germanorumque monumentorum subsidiis, plurimum vobis adjumenti ad opus illud vestrum conficiendum attulerint. Sed tamen simul etiam gratissimi profitemini, nemini cui-

cuiquam vel summorum clarissimorumque virorum, oprimeque de vobis meritorum, magis, quam Volaterranis, debere, eo quod neque ulla unquam civitas, neque ullus hominum ordo Volaterranorum ea in re studium vel superaverit, vel etiam exaequaverit. Res mihi plena suavissimae jucundissimaeque voluptatis est, Auditores, cum otio meo vaco, hoc est, cum, abstracto paullisper a Graecis Romanisque litteris animo, valde me totum ad res sanctorum hominum mirabiliter gestas converto, eorumque acta, ut scriptis primis mandata sunt, sedulo atque attente pervoluto, legere in iis commentariis atque intueri, quam grata passim memoria viri illi doctissimi juxta atque pientissimi, quotiescunque eis mentio Volaterrarum incidit (incidit autem saepius) studium illud Volaterranorum, ipsumque etiam nomen Volaterrarum prosequantur, & quam grato animo, quamque honorifice atque profuse laudes Volaterranas praedicent ac recordentur. Erit aliquando, erit (neque vanus ego unquam vaticinator) cum pietatis religionisque Volaterranae studia eximia & singularia palam ad memoriam aeternitatis loquetur commentarius ille Volaterranus, quem ab hominibus Volaterranis, de communi civitatis consilio, communique impensa, diligentissime atque accuratissime de antiquitatibus sacris Volaterranis conscriptum viri iidem religiosissimi se in lucem tandem daturos receperunt. Quid enim jam dicam de doctrina atque eruditione & ingenio Volaterranorum? quando non homines modo Volaterrani in libris suis; sed etiam ipsi in agro Volaterrano lapides, doctrinam abunde & eruditionem Volaterranam loquuntur; unus autem libellus Auli Persii Flacci, civis Volaterrani, doctissimis Romanorum viris indicio fatis fuit, quantum verae laudis ac gloriae ingenia Volaterrana, quocunque sese ea tandem applicarent, promereri potuerint. Quid enim Thomam nunc Phae-

Phaedram, recentioris memoriae commemorem, virum perquam doctum & eruditum, multoque Phaedra doctiorem atque eruditorem, eundemque perinsigni hominem innocentia atque sanctitate, Raphaelem Maffium, quem a patria, propter excellentem hominis famam, Volaterranum nuncupaverunt? aut quid his etiam temporibus viros summos & praeclarissimos, quorum in primis opera auctoritateque & patrocinio & religio & litterae bonaeque omnes artes tota maxime Etruria vigent atque florescunt? Quid plura de laudibus Volaterranis? quum per his laudibus oratio nulla possit inveniri; ita vero Volaterrae omnibus laudibus abundant, ita omnium egregiarum rerum copia, ita litterarum pietatisque studiis, ita opibus excellant, ita civium splendore, avitaeque nobilitate in cunctis Etruriae gentibus eniteant, haec ipsa ut urbs multarum Etruriae civitatum princeps, nulli omnino earum civitatum secunda esse videatur. Atque id quidem nostris his temporibus. Nam, quod ad tempora antiquissima attinet, fateri omnes oportet, quod oratione mea satis demonstratum arbitror, principatum aliquando Etruscorum penes Volaterras exstitisse. Feci ego haec, quod potui, Auditores, ut Volaterranos, populos Etruriae nobilissimos, & de nomine Etrusco optime meritos, ex hoc amplissimo ad dicendum loco, sapientiae & virtutis ergo, pro viribus laudarem. Vestrum est, adolescentibus nonnullissimi, omniumque bonarum artium ac disciplinarum studiosissimi, qui in clarissima Sapientiae Pitanae atque adeo Etruriae luce versamini, fructum cum percipere, quem mihi ab initio, dum ad laudes Volaterranas aggrederer, in primis proposueram, ut, quod alius laudi atque ornamento est, id vobis, adolescentibus, incitamento sit & virtutis & sapientiae ad gloriam patriarum vestrarum totiusque Etruriae sempiternam. Cogitate, cum Etruscas laudes auditis, magni
vos

vos nominis personam sustinere, qui & Etrusci estis, & ex universa fere Etruria huc Pisas, tanquam ad mercaturam sapientiae, frequentes confluxistis; itaque illud vobis enitendum esse, ut ne, quod multo turpissimum foret, tanti nominis auctoritatem dedecoretis; sed, quod vobis longe gloriosissimum est futurum, praeter communes Etruscae gentis laudes, propria vestrum ipsorum laude plenissime cumulati, in patrias tandem vestras revertamini.



SENATVI . POPVLOQVE . LIBVRNENSI
ANTIQVO . ORIGINIS . SVAE
SPLENDORE . RESTITVTO
NAVALI . ETRVSCORVM . VETERI . GLORIA
INSTAVRATA
SAPIENTIAE . SIMVL . ET . MERCATVRAE
STVDIIIS . CONSOCIATIS
DE . RE . ETRVSCA . DE . ITALIA
DE . TOTO . TERRARVM . ORBE
OPTIME . PROMERITO
ALEXANDER . POLITVS
ORATIONEM . SVAM
DE . LAVDIBVS . LIBVRNENSIBVS
PANEGYRICAM
DICTAM . A . SESE . AD . ACADEMIAM
PISANAM
HONORIS . GRATIQVE . ANIMI . CAVSSA
AD . MEMORIAM . NOMINIS
LIBVRNENSIS . SEMPITERNAM
D. D. D.



ORATIO XVI.

DE LAUDIBUS LIBURNENSIBUS.

Mirabatur fortasse antea non nemo vestrum , Auditores , quid esset , quod , hoc auspiciatissimo die atque anniversariis sapientiae laudibus consecrato , aliud quidpiam a sapientia commendandum mihi , & panegyrica oratione , praesertim apud homines sapientissimos , in ipso sapientiae Pisanae theatro , efferendum videretur. Nunc , posteaquam proximis superioribus annis idem ipse intellexit , conjunctas maxime esse Etruriae , atque in primis Pisarum , laudes cum studiis sapientiae , nec percupidis gloriae ac doctrinae adolescentibus majori quidquam iucitamento esse posse & virtutis & laboris , quam si patriarum suarum gloriam propositam sibi esse animadverterent , indeque ex his urbium Etruscarum laudibus mirabiles in litteris atque in sapientiae studio adolescentium Etruscorum progressionem esse consecutas , qui unus est finis habendae hodierno die orationis ; nunc , inquam , posteaquam ex laudibus his Etruscis tantum incrementi atque honoris Etruscae sapientiae accessisse , & rem Academiae Pisanae tantopere amplificatam intellexit , miretur idem ipse potius , necesse est , tamdiu nos sollemnes hujus generis laudationes distulisse ; & , quum Pisas , urbem olim principem Etruriae , omni laude ornare ac cumulare niteremur ; tamen , quae laudem Pisa-

fanarum maxima atque amplissima erat, Liburnum, portum nunc Pisarum celeberrimum, neque Etruriae modo, sed etiam totius Italiae, nobilissimum, praetermississe. Atque equidem fatendum est, tot illa ac tanta decora atque ornamenta Pisarum, quot ac quantis recensendis nostra vix par esse potuit oratio, nosmet longe a nobis distraxisse, mentemque alio nostram avocasse; nec vero in tanta illa & tam immensa Pisanarum laudum multitudine quidquam facilius fieri potuisse, quam ut unius alicujus earum quis laudum oblivisceretur. Quis enim laudes Pisarum universas enumeraverit, quae una urbs complexa in se fuisse videtur omnes laudes Etruriae? At enim ea est gloria ac dignitas & urbis & portus Liburnensis, ut Liburnum non in ceteras urbis Pisanae laudes quadam veluti coacervatione congeri; sed ipsum per se celebrari, propriamque a me quasi suo jure laudationem repetere debuerit. Ergo, quod ad Etruriam, Pisasque perfecte collaudandas restare unum videbatur, orationem Panegyricam, qualem jamdudum debebamus, damus nos hodie ac dedicamus Liburno. Aequum est, Auditores, ut, quemadmodum Pisanas antea a me laudes accepistis, ita me nunc in tanta omnium doctrinarum luce ad sapientiae Pisanae gloriam de Liburnensibus laudibus disserentem benigne attenteque audiat.

Nam qui civitati nunc Liburnensi novitatem objicit, nae ille vehementer fallitur, atque ille etiam tota longissime ratione aberrat. Quid enim in primis dicam de antiquitate, atque adeo de nobilitate Liburni? quod apud homines eruditos in confesso est, Labronis quondam nomine appellatum. Unde etiam merito probari posse videatur, quod viri plerique docti valde affirmant, detorto, ut fieri plerumque solet, vocabulo, nomen postea factum esse Liburno. Nec enim plane videtur, quod alii prodiderunt, Liburnum id nominis ab Arno.

flu-

flumine, a cujus longius ostio abest, accepisse: ut neque unum aliquem vestrum, Auditores, inducturum esse animum arbitror, ut, quod in fabellis Annianis pervulgatum est, sibi persuadeat, vocitatum esse olim Liburnum a Ligure conditore, filio Phaetontis. Fuit equidem, scio, sollemni in more veterum positum, origines suas consecrare, urbiumque suarum primordia, quo ea augustiora atque sanctiora facerent, ad deos, vel heroes auctores ac principes referre. Sed quid tu mihi Liburni gloriam in tot ac tantis veris ejus laudibus ab origine aliqua ejus fabulosa ac commentitia aucupere? cujus quidem nomen adeo celebre atque illustre evasisse ferunt, Graeci ut nonnulli scriptores appellationem inde navium Liburnarum aliquando arcessiverint. Et fallebatur mehercule hac in re, quam qui maxime, Zosimus, scriptor historiarum Graecus: quippe quum inter homines vel leviter eruditos nemo quisquam ignoret, Liburnicas naves a Liburnis Illyricis, qui eas primi naves celeritate ac levitate mirabili excogitarunt, ita fuisse nominatas. Attamen quis non inde etiam vestrum perspiciat, magnam olim de Liburno Etrusco famam in Graecas late atque in alias nationes emanasse? Neque vero frustra credendum est, Cosmum Tertium Mediceum, Magnum Ducem Etruriae, virum multo sapientissimum atque prudentissimum, nobilitatis avitae Liburnensis tum aliunde argumenta, tum etiam ex splendore & vetustate clarissimae gloriosaeque in primis originis repetivisse atque confirmasse. Dicere hic ego si velim laudes navales Etruscorum, non ne laudes simul etiam dixerō Liburni, quem olim portum Etrusci situ opportunissimum ad maritimas in quamcunque partem expeditiones habuerunt? Sed antequam mare hoc immensum laudum Liburnensium ingrediār, finite, me, Auditores, errorem quendam illorum depellere, qui portum quondam Pisenum cum portu Liburno fati-

tis

tis inscire atque imperite confuderunt. Nolite hic errare, homines pereruditi, perstudiosque antiquitatis. Portus hodiernus, idemque gloriosissimus Pisarum (quis enim neget?) Liburnum: quo facilis est ac lenis per fossam ab ipsa urbe Pisana, qualis ab urbe Alexandria fuisse olim Canobum dicitur, ad centum & viginti stadia navigatio. Non ita antiquitus fuit, Auditores. Non ita, ut recentiori, antiquiori etiam memoria Pisae Liburno, tanquam portui suo, navalium unquam usum atque commoditatem attulerunt. Portus vester, Pisani, qui Pisanus a vobis dictus est, longe alius antiquissimis temporibus fuit. Fuerat plane portus ille vester, Pisani, urbi vestrae multo propinquior, ad ostium fluminis Arni, emporium sinus Pisani percelebre, atque oppido ditissimum: ubi & villa, quae vocata fuit Triturita: quo nemo unus appullus olim traditur, quin & portus commoditate mirabili, & summa rerum omnium copia atque affluentia magnopere obstupuerit. Eo si quis navibus veniret, venire atque appellii Pisas; &, si ex eo portu solveret,olvere is aut conscendere Pisas dicebatur. Quippe iunctus fere ille erat portus ipsa urbe Pisarum; certe, si terrestri quis itinere proficisceretur, multo propior Pisas. Contra vero, Auditores, veteribus fuit, Labronem navigare, aut Labrone conscendere. Non fuit id profecto navigare Pisas, aut Pisasolvere, ideo quod nimirum portus ille Labronis longius a portu Pisano, atque adeo a Pisarum urbe, ad quindecim fere passuum millia, distabat. Sed neque idem, qui nunc est, fuit olim situs urbis vestrae, Pisani. Non urbem tum vestram Arnus amnis mediam interfecabat. Erant tum Pisae inter amnes duos, quibus eae veluti cingebantur, Ausserem & Arnunum. Non recta tum Ausser alveo & nomine suo in mare ferebatur, neque in mare, ut nunc, octo & quadraginta ab Arni ostio stadiis, exhibat. Hi ad Pisas amnes

mnes inter se confluebant; jamque ibi Aufer, totus in
 Arnum effusus, amisso nomine suo, in Arni nomen
 transibat; jamque ibi Arnus, suis & Auferis simul a-
 quis auctior atque⁹ superbiore, magna vi & concitatione
 undarum, inde a Pisis in mare paullo amplius duobus
 passuum millibus erumpebat. Eo tum spatio mare ab
 urbe Pisarum recedebat. Ibi igitur ad ostium Arni pri-
 mitus fuit portus nobilissimus & vetustissimus Pisanus.
 Quod quis in dubium revocet in historia Romana, aut
 in Romanorum, Græcorumque scriptorum commen-
 tariis paullo eruditior? Nam quod in consuetudine ve-
 terem fuit dicere, Pisas navigare, Pisas appellere, Pisas
 classe, aut navibus venire, id ipsum aperte declarat,
 proximum tunc urbi Pisanae, atque adeo ad fluminis
 Arni ostium, portum Pisanum exstiterisse. Quae de anti-
 quissimo situ portus Pisani quum tam certa, quam quae
 maxime, esse videantur, neminem quemquam vestrum
 velim ego, Auditores, de antiquissimo illo portu Pi-
 sano idem iudicium ferre, quod de recentiori: quando
 horum locorum facies longissimo annorum cursu ita to-
 ta immutata est, ut, si quis forte veterum ab inferis ad
 superos rediret, neque Pisas, neque Auferem, neque
 ostium Arni, neque portum Pisanum, neque ipsa et-
 iam portus Pisani vestigia esset facile agniturus. Non
 enim jam Pisas urbem, ut prius, inter confluentes po-
 sitam, sed Arno flumine divisam, neque Auferem a-
 mnam, ut prius, in Arnum influentem, sed alio ad
 mare proprio alveo derivatum, neque Arni ostium, ut
 prius, urbi Pisanae proximum, sed, reducto inde mari,
 longius remotum, intueretur; ille denique, quum por-
 tum Pisanum ad Arni ostium, ubi prius erat, nullum
 deprehenderet, alibi eum postea, vel in sinibus Libur-
 nensibus, ubi scilicet eum sibi postea portum Pisani
 paravissent, quaerere cogeretur. Ac novus quidem por-
 tus Pisanus, propior Liburno, fuit & ipse posterioribus

deinceps temporibus multo celebratior, unde Pisani arma nominisque late sui gloriam per Europam, Asiamque & Africam circumtulere: quem etiam portum narrant superiori memoria captum a Genuensibus fuisse, &, necui unquam commodo esse posset Pisanis, onerariis navibus caemento calceque onustis, ibique demersis, oppletum atque obstructum. Sed non est hujus loci, ubi Labronis, seu Liburni, antiquitas agitur, de situ portus Pisani recentioris prope a Liburno, longius disputare. Ergo quum portus ille Labronis, qui est ipse portus Liburni, temporibus Romanis, suo se nomine a portu plane Pisano discerneret atque distingueret, suoque se splendore assereret ac tueretur, quis jam novitatis notam obiectare audeat Liburno, & non certo sibi potius persuadeat, quod est multo verisimilius, atque ad historiae fidem probabilius, quo tempore Etrusci imperio maris potiebantur, & maria & terras Etrusco undique nomine replebant, portum quoque Labronis re navali plurimum valuisse, atque in gloriae maritimae partem cum ceteris Etruriae populis venisse? Verum haec ista multo sunt antiquiora, quam ut in ea longius mihi ac diligentius inquirendum esse censeam: quae propter vetustatem obsolevisse dudum videntur. Neque enim negari potest, clarum illud prius atque illustre nomen Labronis, longissima hominum oblivione, temporumque postea injuria obscuratum ac paene obrutum, ita tandem defecisse, ut, mira & rerum & temporum mutatione consecuta, posteaquam res Etruriae, quae veluti in tenebris diutissime jacuerant, ad meliorem fortunam surrexerunt, non jam Liburnum ad pristinum splendorem revixisse; sed, tanquam si nullum antea usquam exstitisset, de novo prorsus exortum fuisse videatur. Nam quam varia etiam tunc fortuna Liburnenses exercuerit, quid attinet dicere? quum Etrusca superiorum temporum historia palam

lam testetur, Liburnum, portumque simul, quem vocarunt, Pisenum, in Gallorum etiam, mox Florentinorum, potestatem atque diuionem pervenisse. Quod si ita novum Liburnum arbitrato nostro ponimus, quale utique non fuit, ut antiquioribus illis temporibus, aut omnino nullum, aut certe perquam obscurum & ignobile fuerit, putabimus ne, hac ipsa ratione aliquid nos gloriae & dignitatis civitati Liburnensi esse unquam detracturos? Minime omnium. Immo vero tantum abest, ut ex hac ista novitate, siqua tamen ea unquam fuit, civitatis Liburnensis laudes ullo modo imminutae, aut obscuratae censerī possint, ut inde potius nova mihi atque uberior earum laudum materia suboriat. Sic enim tandem de Liburno cogitatote, Auditores, tanquam de hominibus novis, quos egregia aliqua virtus, ac fortuna supra antiquam nobilitatem erexit, civitatem hanc novam, si novam forte vultis, Liburnensem eo jam magnitudinis ac potentiae & felicitatis vel intra breve tempus adspirasse, ut maximas quasque atque antiquissimas & opulentissimas civitates vel superaverit, vel certe exaequaverit. Et quid est, quaeso, quod nonnulli temere ajunt, nova haec civitas Liburnensis? Quasi scilicet ulla esse possit in orbe terrarum civitas tam nobilis atque antiqua, omniumque gentium historiis & constanti temporum fama ita celebrata, ut ea nunquam antea nova existerit. Soleo ego saepe oculos per omnes longe lateque terras circumferre. Soleo etiam mente praeteritorum temporum longissima spatia in annalibus atque in generis humani historia respicere, & hominum memoriam ultimam repetere. Regna & Imperia & nationes maximae, & populi tum Graeci, tum Barbari fere innumerabiles, & civitates amplissimae atque florentissimae in oculos ultro meos atque in mentem incurrunt. Maxima & nobilissima quaeque jam inde ab orbe condito ad nostram usque memoriam vide-

re licet jam mihi, a parvis tenuibusque initiis per quosdam paullatim veluti gradus ad tanta illa rerum incrementa, tantamque magnitudinem excrevisse. Quid hic commemorem, quae vestrum cuique maxime in promptu sunt, atque obvia? quid reginam urbium Romam? quid aemulam illam Romae Carthaginem? quid imperium Poenorum? quid Romanorum? antequam ea nimirum imperia adolescerent atque corroborarentur. Quid translatitia illa, hominumque sermonibus trita totius exempla antiquitatis? quae utique exempla, quasi digito ad fontes intento, aperte commonstrant, civitatibus sapere & rebus publicis maximis atque potentissimis exigua atque obscura etiam principia existisse. Sed antiquiora illa omitto. Venio, quo mea festinat oratio, ad exempla duo multo recentiora, eaque in re nostra longe omnium clarissima, atque ad res Liburnenses illustrandas prae ceteris accommodata atque opportuna. Quid enim clarius ac nobilius Venetiis? quid notius atque celebrius Amsterodamo? atqui eae duae in primis sunt urbes maritimae, quibuscum Liburnum & opportunitate loci, & multitudine navium, & peregrinarum omnis generis mercium varietate, & omnium rerum affluentia, & divitiarum copia, & publicarum privatarumque aedium splendore, & civilis vitae cultu, omnibus denique rebus laudandis, merito comparandum esse videatur. Quibus tamen olim urbibus quis nesciat, pariter atque nunc Liburno, objectam aliquando fuisse novitatem? An vero, si utriusque illius urbis tum primordia, cum earum fundamenta urbium ponebantur, praesentes adspexissemus, suspicati unquam essemus, tam tenui parvoque initio, eo illas tandem tempore processuras, ut altera mari longe lateque Adriatico dominaretur, altera emporium totius terrarum orbis celeberrimum atque locupletissimum fieret? Videre erat, Auditores, urbe Aquileja excita, populos Adriae finiti-

timos, Hunnorum metu, e sedibus semet suis præci-
pites proripere, pavoreque consternatos, recessum, quo
se abderent, quaerere, &, quando locus ab hoste tu-
tior, quo se reciperent, non erat, in parvas insulas
quam plurimas, quas stagnantes ad littus aquae maris
modico inter se spatio discretas reliquerant, tumultua-
ria manu transire, &, quam quisque sibi poterat, do-
mum exaedificare, & insulas inter se conjungere, &
palis in terra sub aqua defixis, urbem superstruere.
Haec Venetiarum aedificatio: quae etiam multitudinis
numero Venetiae sunt appellatae, quod ex insulis am-
plius sexaginta, tanquam ex parvis quibusdam urbibus,
in unam urbem maximam coaluerint, quae nimirum
urbs ab his initiis profecta, in tantam magnitudinem
excrevit, ut nulli prorsus maximarum urbium secunda
esse videatur, locumque inde fabulae illi Poetarum de-
derit, eam deos urbem, non homines, posuisse; cer-
te quidem eam homines in maximis mundi miraculis
numeraverint. Quid Amsterodamum, Batavorum ur-
bem, ipsam quoque maximam atque potentissimam?
Cernere erat, pagum piscatorum ignobilem in urbem
paullatim, eamque palis superstructam, mirifice assur-
gere: quae tamen urbs brevi eo & magnitudinis &
magnificentiae & opulentiae & splendoris evasit, ut &
ipsa in miraculis mundi habita fuerit, & nobilissimas
quasdam atque amplissimas totius terrarum orbis civi-
tates longo post se intervallo quadamtenus reliquerit.
Haec, Auditores, utriusque tandem illius urbis fortu-
na: quam utramque urbem, tanquam in expressa qua-
dam veluti imagine, videor ipse mihi in oppido ac por-
tu Liburnensi palam intueri. Nam, sive Liburnum,
quum gloria olim & dignitate, stantibus rebus Roma-
nis florisset, a pristino illo & antiquissimo gloriae ac
dignitatis statu postea defecerit, quod ego omnino sen-
tio, sive, quod plerique nunc omnes opinantur, Libur-
num

num in tenebris atque obscuritate oblivionis antea penitus latuerit; certe quidem, posteaquam ex tenebris superiorumque temporum silentio in lucem Italiae, atque adeo orbis terrarum emerfit, novae fortunae suae principia, Venetiarum atque Amsterodami instar, Liburnum habuit tenuiora: ex quibus tandem principis ita sese tandem extulit ac confirmavit, ut utriusque tandem illius urbis magnitudinem simul & felicitatem complexum fuisse videatur. Quid enim nunc aliud, quid tandem, per Deum immortalem, aliud, urbs ista Liburnensis, quam utraque illa urbs & Veneta & Amsterodamensis, utraque, inquam, illa urbs & pulcherrima, & nobilissima, & opulentissima in unam simul civitatem Liburnensem contracta atque collecta, ut quod in unaquaque illarum ornamenti inest ac laudis, id in se totum una haec civitas Liburnensis includat atque comprehendat? Age vero, quam uber hic & copiosa, ac propemodum infinita seges mihi ac materia nascitur laudum Liburnensium! quas in laudes si mea se diffundat atque explicet oratio, nullum jam exitum inveniat. Nam cum Liburnum, portum Etruriae munitissimum ac celeberrimum dico, cum Liburnum, urbem egregie conditam, duplici portu clausam, sex arcibus, aliisque atque aliis undique propugnaculis defensam celeberrimum, cum Liburnum, omnium nationum atque gentium receptaculum tutissimum, & navium plenissimum, & mercaturis faciendis commodissimum, & omni hominum genere frequentissimum describo, cum Liburnum, commune orbis terrarum emporium appello, cum Liburnum a mercium simul multitudinae & varietate, ab armamentariorum copia, ab ornatu aedium, a splendore civium, ab opibus, & divitiis, ab omni laude extollo, cum denique insignia quaecunque atque ornamenta Liburni oratione mea singulatim persequor, nolim, putetis, Auditores, qualescunque me laudes de
Li-

Liburno praedicare; sed eas quidem laudes, quibus ego nullas ne cogitatione quidem majores unquam assequi possim. Ac spectaculum quidem ex alto & portus & urbis Liburnensis, quam illud magnificum! quam theatrale, quamque ad hominum admirationem excitandam accommodatum! ubi sese navigantibus in conspectum statim dant longeque ostentant turres ingentes duae, in ipso mari jactis molibus opere mirifico extructae, ac veluti pelago objectae, non ad praesidium, & munitionem modo, sed etiam ad ornamentum Liburni: quarum etiam turrium altera, ad exemplum Phari Alexandrinae, Pharus & ipsa Liburnensis est appellata, quod pariter atque illa olim Alexandrina, accensis noctu facibus, navibus ad longissimum intervallum praecluceat. Ipsa autem urbs spectatu quam digna, adpectu quam pulchra! quae Venetiarum ita pulchritudinem repraesentat, ut novarum quoque Venetiarum appellationem sibi merito vindicaverit: ubi & canales structiles elegantissimi, & pontes lapidei pulcherrimi, & viae latissimae, optimoque inter se ordine dispositae, aliae aliter, aliae etiam in quincuncem directae, & fora amplissima, & aedes picturis varie ac mirabiliter exornatae, & palatia sumptuosissima atque magnificentissima, & quod admirationem maxime omnium mover, opus in ipso portu, artificio singulari ac prorsus stupendo, factum est aere, Ferdinandus Mediceus, Magnus ille Dux Etruriae, qui muro & fossa Liburnum, post Franciscum Mediceum fratrem, eundemque Magnum Etruriae Ducem, circumdedit, cujus quidem Ferdinandi propria ac praecipua laus fuit, ut rem navalem Liburnensem ipse in primis restitueret atque instauraret, itaque Tyrrheni maris dominator vulgo haberetur. Qua de causa ejus ibi stat celeberrimo in loco statua regalis, in excelsu posita, prementis veluti pedibus atque calcantibus mancipia quatuor, catenis constricta, atque ad pedes

des suos abjecta. Quod si ego velim portum & urbem Liburnensem exacte accurateque describere, ejusque urbis pulchritudinem vobis dicendo ante oculos ponere, idem mihi accidat, necesse est, quod pictori, qui pulchram faciem pingere aggressus exprimere nequeat & cingere penicillo, quod ipse oculis intuetur: quem vulgo dicere solemus melius facturum fuisse, eam si oculis faciem spectandam reliquisset. Nam ut Liburni a natura & situ & aedificiis pulchritudinem quibuscunque eloquentiae coloribus depinxerimus; tamen ejus urbis pulchritudo multo illa major, multoque admirabilior videbitur, eam si quis postea cum portu urbem oculis spectaverit. Iam vero quanta illae orarum & littorum Liburnensium ad omnem delectationem prospectumque maris amoenitates! quam probe tota illa littora Liburnensia crebris turribus & propugnaculis, non ad Liburni modo, sed etiam universae Etruriae defensionem & securitatem munita! quam diligenter & caute publicae totius Italiae atque adeo Europae salutis a civibus Liburnensibus provisum duobus illis amplissimis atque ad omnem avertendae luis usum & commoditatem opportuissimis veluti valetudinariis, quibus non omne modo importatae aliunde pestilentiae periculum, sed vel minimam etiam hujus periculi suspicionem longe a se propulsatam voluerunt! Age porro, quam illa facilis atque expedita mercaturae exercendae ratio in portu Liburnensi! Hic autem sentio, me imprudentem in eam orationis meae partem devenisse, quae, si Iuriconsultorum quosdam audimus, civitatis Liburnensis luminibus obstruere, hoc est, ejus urbis nobilitati officere non parum videatur. Quem enim fugiat, quod in scitis vestris, Iuriconsulti, positum atque constitutum voluistis, mercaturam derogare nobilitati? Sed, quod bona venia vestra dictum sit, Iuriconsulti, minime id omnium univerte verum est; sed tum demum verum, cum tenuis

ac-

atque exigua est mercatura. Sin magna illa & copiosa, & multa undique a portans, & multis sine vanitate impertiens, sententia Marci Tullii est, non esse mercaturam admodum vituperandam. Quid, Cicero, non admodum tunc mercaturam vituperandam? Immo vero, quod viris olim sapientissimis atque prudentissimis, & recentiori etiam memoria summis jurisconsultis merito videbatur, & abhinc paucis annis sollemni ac publico pro Liburnensi nobilitate decreto, a Magno illo Duce Cosmo III. mirifice probatum est, magna illa & copiosa mercatura, propter maximarum rerum usum, plurimasque ejus & communes utilitates, novasque etiam necessitudines, quae inde saepe cum maximis gentibus maximisque regibus conjunguntur, est cum primis collaudanda: quam & antiquis temporibus viri nobilissimi & celebratissimi, Solon & Plato & Thales apud Graecos, & Cato Cenforius apud Romanos, magna cum laude, citraque ullam dignitatis suae familiarumque suarum maculam, exercuerunt; & nunc etiam nobilissimi & clarissimi quique viri inter Venetos & Genuenses & Florentinos honeste & laudate, sine ullaque imminutione, aut detrimento vitae nobilitatis suae, exercent. Mercatores autem Liburnenses, homines optimi & honestissimi, pro modestia & sapientia sua, satis habent, eodem plane loco nobilitatem suam duci, quo & Veneta & Genuensis & Florentina nobilitas censetur. Quod si apud hos populos, totius Italiae nobilissimos atque generosissimos, tantum abest, ut magna illa & copiosa mercatura generis nobilitati aut personarum dignitati ulla ex parte obsit aut officiat, ut potius ad nobilitatem splendoremque nominis multum conferat, & quo quisque inter eos longius nobilitate excellit, eo citius sit ille a mercatura celebrior atque laudatior, quanto magis ad nobilitatem nominisque amplitudinem & gloriam apud Liburnenses conferre putanda est, quae tan-

to major atque copiosior apud eos est, negotiatio & mercatura! Nam, Deus bone! quanta vis mercium omnium generis pretiosissimarum ex omnibus terris atque maribus in portum quotidie Liburnensem invehitur, neque solum rebus Europae pacatis, cum mare est in pace, & libero inter se commercio diversae vel Barbarae gentes utuntur; sed etiam belli tempore, cum, negotiatione impedita, fides mercatorum omnibus fere locis concidit, refertoque praedonum mari, nullus ad perfugium relictus portus videtur! Namque illud proprium est, fuitque semper Liburni, commune esse omnium nationum, quamvis & locis & studiis disjunctarum, perfugium, idemque quovis tempore quibuscunque navibus cum mercibus atque oneribus, ex quibuscunque oris partibusque ultimis maximeque diversis terrarum, adventantibus, portum tutissimum atque paratissimum praebere. Qua in re fortasse nescias, utrum magis mirere, an numerum navium atque mercium ex oris disjunctissimis advectarum, an civium Liburnensium opes, quae tot illis ac tantis mercibus coemendis sufficiant. Unde etiam est, quod reliqua Italia, aliaeque etiam regiones ex portu Liburno, tanquam ex communi quadam orbis terrarum officina, rariora quaeque atque pretiosiora, quae frustra alibi terrarum desideres, sibi expectant atque exquirant. Quibus civium Liburnensium in Etruriam, atque adeo in Italiam universam, reliquumque terrarum orbem promeritis quum insignia quaeque atque ornamenta nobilis in primis urbis accesserint, armorum & litterarum gloria, de quibus paulo post dicam, ordinum & classium civitatis distinctio, patriciorum & plebis secretio, munerum publicorum atque dignitatum inter cives differentia, cetera nobilitatis indicia atque argumenta, quorum maxime ratio in civitatibus quibuscunque nobilissimis haberi solet, mirabimur ne, tantum haec omnia apud Magnos Etruriae

riae Duces valuisse, ut in iis permagnum ad veram civitatis Liburnensis nobilitatem momentum collocandum, indeque eam sibi civitatem, nobilissimarum quarumque urbium instar, omnibus honoribus atque titulis ornandam atque augendam esse judicaverit? Neque vero cum Magni Etruriae Duces nobilitati Liburnensi suffragati maxime sunt, fuit illa per eos nobilitatis apud Liburnenses veluti creatio, quasi non etiam antea Liburnenses nobilitate inter Etruscos praestitissent; sed fuit illa certe antiquae nobilitatis Liburnensis quaedam veluti declaratio & confirmatio, quum quam sibi jam inde a vetusta origine nobilitatem Liburnenses virtute clarisque factis pepererant, Magni illi Duces ratam ac firmam habuissent. Cito te prae ceteris, qui ceteris Medicis heroibus sapientia longe & virtute antecedere visus es, cito te, temporum tuorum multo prudentissime, Cosme Tertie Medicee, cujus ea fuit de Liburno, & tam praeclara existimatio, ejus ut civitatis nobilitatem cum nobilissimis quibusque & antiquissimis Etruriae tuae urbibus exaequandam duxeris, &, qui optimo cuique & nobilissimo viro tota Etruria honoris & dignitatis aditus semper patuit, hunc eundem aditum nobilissimis quibusque civibus Liburnensibus, qui amplissimo ejus urbis Vexillarii magistratu functi fuissent, peraeque patere volueris, adeo ut per leges jam ac senatus tua, Cosme Tertie, nobilissimo cuique Liburnensi civi, qui urbis suae Vexillarium egerit, fas sit ac liceat Ordinis tui equestrem dignitatem, tanquam jure avitae nobilitatis sibi debitam, exposcere, &, qui altissimus apud nos gradus est verae praeclaraeque nobilitatis, veluti suam, repetere. Quod si natalibus unum aliquem restituere, principis est ac regiae & imperatoriae auctoritatis, si ii vere ac proprie nobiles, quos Rex, quos Princeps, quos Imperator nobiles facit, si ea demum vera, ac germana, & genuina, & eximia nobilitas est, quae a sum-

mo Principis jure, veluti a fonte legitimo ac suo, derivatur, quod prudentissimis Iuriconsultorum responsis atque decretis sancitum est, quid civitati tandem Liburnensi deesse existimandum est ad summam & excellentem nobilitatem, quae non ex se modo civitas, atque ex civium suorum splendore nobilitata est; sed etiam ex singulari Magnorum Etruriae Ducum commendatione, gravissimae auctoritatis? Et quisquam mirabitur, tantum nominis atque celebritatis Liburnum toti Etruriae attulisse, ut ipsa jam provincia Etruria, ipsa, inquam, celebratissima ubique & laudatissima Etruria, nomen ferre suum apud exterarum & remotissimas nationes amisisset, Liburnique nomine commutasse videatur? Nam & qui provinciae longe lateque Etruriae Magnus Dux dominatur, non jam Etruriae, sed Liburni Dominus, apud Barbaras vulgo ultimasque gentes vocatur, eo quod hoc ipsum nomen Liburni ubicunque terrarum atque locorum multo celebrius ac divulgatus sit, quam nomen Etruriae, unoque illo Liburni nomine, tanquam partis omnium optimae atque praestantissimae, tota regio Etrusca significetur. Ac profecto si urbem ego portumque Liburnensem cum reliqua universa Etruria diligenter contulero, unum ausim Liburnum toti reliquae Etruriae, duodecimque illis Etruriae populis, quibus veluti ex partibus magnitudo Etrusca coalescebat, longe anteponere. Etruriae nos scimus permagnas hodieque esse & olim laudes fuisse: quas ut ego laudes saepe alias ex hoc ipso loco diligenter vobis exponere atque explicare conatus sim, tamen eas nunquam verbis assequi & adaequare potuerim. O beatam, o felicem, o fortunatam Etruriam! quae ipsa per se regio sufficere sibi ad omnem felicitatem videtur, & fertilitate agrorum, & multitudine ac varietate omnium earum rerum, quae tum ad vitae humanae usum sunt, tum ad hominum voluptatem, ceteris facile totius Italiae re-

regionibus antecellit. Laudes has Etruriae maximas atque amplissimas quis non palam utroque praedicet ac fateatur? & tamen quantulae eae sunt, si ad laudes umquam Liburnenses comparantur! Etruriae tandem sui sunt fines; nulli fines Liburno, nisi quibus orbis terrarum finitur. Etruria non nisi Etruriae est, Liburnum est totius terrarum orbis; immo & orbis universus est Liburni. Patria est Etruria Etruscorum; Liburnum, generis humani. Itaque Etruria beneficium hoc debet Liburno, quod sibi jam undique patet totus terrarum orbis, & quae provinciae amplissimae sunt orbis terrarum, & Britannia, & Gallia, & Hispania, & Sicilia, & Africa, & Aegyptus, & Arabia, & Asia, & India, ceterae denique orbis terrarum regiones maximae & opulentissimae, provinciae jam suae censei possunt, unde tanta res copia atque ubertate in Etruriam importantur. Atque hae sere Liburni laudes a mercatura. Quid deinde de laudibus bellicis? quid de religionis Christianae promovendae dilatandaeque studio apud Liburnenses? Nolite enim existimare, Auditores, cives Liburnenses tantas illas opes suas, quas ex mercaturis faciendis compararunt, ut solet alibi mercatorum genus molle plerunque esse ac deliciosum, ad luxum atque ad voluptates retulisse. Immo vero nulli hodie Etruriae populi bellicosiores, atque ad expeditiones maritimas promptiores & alacriores, quam Liburnenses. Ea demum, post portum illum Pisanum clausum atque obstructum, rei militaris ac navalis gloria ad urbem portumque Liburnensem transivit. Itaque divino consilio factum videtur, ut Magni ii Etruriae Duces Medicei, de quibus paullo ante memineram, pro sapientia & prudentia sua; & regendarum atque administrandarum civitatum scientia, Liburnum ex omni Etruria potissimum elegerint, non munimentum modo, & praesidium validissimum Etruriae; sed etiam per-

perfugium tutissimum atque expeditissimum, quo se vel ex ultima barbarie, non tantum ex Graecia, homines, neque mercimonii solum, sed etiam Christianae religionis exercendae causa, undique reciperent; atque unde etiam triremes, & Liburnicae, aliaeque naves Liburnenses, optime instructae atque ornatae, lectissima militum manu, in Christiani nominis hostes excurrerent, & mare in primis Tyrrhenum, deinde alia etiam maria, libera ab immanissimis praedonibus redderent, & magnum captivorum Christianorum numerum ex jugo servitutis barbaricae eriperent, rei denique Christianae quoquoque dilatandae atque amplificandae pro viribus inservirent. Etenim, quae laus inter omnes Etruriae populos propria olim fuerat Pisāorum, mercataram simul & militiam ita exercere, itaque quaestui & rebus simul bellicis studere, ut tamen ex negotiatione non quaestum suum, neque ex re militari maritimisque expeditionibus dominationem suam; sed ex utrisque simul & belli & pacis artibus rei Christianae incrementa, & reipublicae Christianae salutem & dignitatem quaererent; utraque haec tandem laus communicata cum Liburnensibus videtur, ut ii etiam & negotiationis & militiae studia, quam qui maxime confectentur, & fructus ex mercatura uberrimos atque amplissimos percipiant, & clarissimas ex navalibus expeditionibus de impiis barbarisque hominibus subinde victorias reportent; & tamen uni ac soli religioni Christianae lucrentur, eique soli religioni militent, quaestusque suos & victorias navales ad eam unam religionem cohonestandam atque augendam convertant. Quem tandem sibi fructum, qua industriae, qua virtutis suae, maximum atque honestissimum cives semper Liburnenses proposuerunt. Quo ex religionis studio ubi tota Etruria res Christiana atque Orthodoxa florentior, quam Liburni? ubi Christianae pietatis officia cultiora atque frequentiora, quam Liburni? ubi re-

reverentia atque observantia in res divinas sanctior, atque religiosior, quam Liburni? ubi denique in conspectu fere omnium populorum totiusque terrarum orbis virtutum Christianarum exempla clariora atque illustriora, quam Liburni? ut ego jam minime omnium verear exteris quibuscunque, seu Graecis, seu Barbaris, seu Romanis ac Latinis nationibus, quae ex omnibus terris eo frequentissimae confluunt, & virtutis & religionis Etruscae exemplar perfectum atque germanum Liburnum proponere. Quod si verae sinceraeque in Deum religionis certa veluti tessera semper apud Christianos habita fuit eximia pietas ac veneratio erga Matrem Dei, quis in hoc etiam pietatis & venerationis studio Liburnenses anteiverit? quorum prae ceteris Etruscis tam insignia & singularia in Virginem Matrem studia fuisse feruntur, ut & ipsa Mater Dei pignus & argumentum amoris & patrocinii sui existare apud Liburnenses imaginem suam voluerit, eo divinitus ex Euboea importatam. Ac stat quidem ei templum in rupe prope a Liburno, magnificum & augustum, maximoque populorum omnium concursu sane religiosum: adeo ut, quum toto orbe Christiano complures Virginis Matris imagines omni cultu & honore afficiantur; tamen post Virginem Lauretanam, maxime omnium celebretur Liburnensis. Et quis Virginis Matris enumeret & vetera & recentia in Liburnenses beneficia? cuius praesentem opem & olim experti sunt, cum Maximilianus Imperator oppidi oppugnatione desistere divinitus coactus est, & nunc etiam quotidie in tot ac tantis & terraemotuum, & pestilentiarum, & bellorum periculis experiuntur. Quid jam dicam de studiis litterarum & sapientiae apud Liburnenses? Quid jam miramur, Auditores, viros olim doctissimos & sapientissimos mercaturam fecisse, quales certe Athenis & Solon & Plato fuerunt, quorum alter leges Atheniensibus de-

dedit, atque in sapientibus Graeciae est adnumeratus; alter vero in sapientiae studio adeo profecit, ut quidam veluti Philosophorum deus visus sit, certe quidem divinus, & Philosophorum Homerus sit appellatus; quid, inquam, jam miramur, doctos olim ac sapientes viros doctrinae & sapientiae studia cum mercaturae studiis confociasse atque conjunxisse, & de sapientibus viris Graeciae mercatores duos exstitisse, Solonem Atheniensem, & Thaletem Milesium? quando jam Liburni, quo quisque magna illa & copiosa mercatura, opibusque inde ex ea mercatura comparatis, florentior est atque lautior, eo etiam est ille in omni doctrina & sapientia exercitior, atque eruditior. Quippe laus vestra, maximeque vobis propria, haec est, cives Liburnenses, mercaturam ita colere, ut doctrinam atque eruditionem quibuscunque negotiationibus, omnibusque quaestibus & lucris longe anteponatis, idque in lucro deputeretis, omne otii tempus in litterarum & sapientiae culturam impendere: ita ut urbs vestra non mercium modo omnis generis, sed etiam omnium bonarum artium atque disciplinarum commune esse emporium videatur. Unde enim tandem urbs vestra tot & tanta sapientia & doctrina viros ceteris Italiae urbibus, Romae in primis ac Florentiae & Pisis, atque adeo ipsi Academiae Pisanae Etruriaeque universae suppeditaret, qui eas urbes, ipsamque adeo Etruscae sapientiae matrem & magistram, Academiam Pisanam, rerum maximarum scientia augeret ac locupletarent, nisi maxime apud vos doctrina, certe quidem magis, quam mercatura, excoleretur? Unde etiam sit, ut, quum universa fere Etruria huc Pisas, tanquam ad portum omnium bonarum artium, confugiat; tamen adolescentes Liburnenses, & frequentia & studio assiduo sapientiae, inter ceteros Etruscos excellere facile videantur: qui & ipsi omni hic rerum scientia comparata, tanquam mercem omnium


omnium optimam & pretiosissimam, doctrinam atque sapientiam, Liburnum in patriam suam invehant, atque ut opibus ex mercatura, ita & sapientia ex omnium praeclarissimarum artium studiis cumulent atque adaugeant. Hinc illa vestra, mercatores Liburnenses nobilissimi, optima & pretiosissima supellex, ut domus vestrae non auro modo, argentoque & ebore, ceterisque rebus pretiosis niteant atque resplendeant; sed etiam sicut a bonis utilibusque libris instructissima: quorum quidem librorum tanta apud vos copia est atque multitudo, ut vel una unius vestrum bibliotheca cum Etruriae totius cunctis bibliothecis & bonitate & raritate librorum certare facile possit. Quid ego plura de Liburno? quid de ceteris ejus laudibus, quae tot sunt, ac tanta, ut praestet quodammodo de laudibus omnino Liburnensibus tacere, quam eas dicendo laudes imminuere? praesertim quum Magno jam Etruriae Duce, Imperatore Caesare, Francisco I. Augusto, magno illo mercaturae simul ac nobilitatis Liburnensis patrono, eo tandem & magnitudinis & felicitatis Liburnum pervenerit, unum ut solumque Liburnum laudes in se universas Etruriae, immo & totius Italiae, comprehenderit. Atque hae quidem, Auditores, laudes a me qualescunque urbis & portus Liburnensis: quae quum laudes urbem Pisanam, atque adeo Pisanam Academiam, propius contingant, videtis, optimi adolescentes, eas quoque laudes prae reliqua Etruria, proprio quodam & peculiari jure, ad vos pertinere. Nec vero ego dubito, quin auribus vestris qualescunque hoc de Liburnensibus laudibus acroama multo jucundissimum atque gratissimum acciderit. Velim, vos, adolescentes honestissimi, eas laudes, ut sunt, vestras esse ducatis, atque inde, veluti quibusdam stimulis, ad veram solidamque gloriam, quod virtutis ac sapientiae praemium amplissimum atque uberrimum est, excitemini. Nam &

X x

mer-

mercatura est aliqua sapientiae, tanto ea quidem illustrior atque gloriosior, quanto sapientia pecuniis ceterisque rebus fluxis atque caducis praestantior est atque excellentior. Vestrum quoque est, adolescentes ornatissimi, scientiae & doctrinae agere hic mercatores: unde cetera vobis bona ad vestram, patriarumque vestrarum, Etruriaeque totius utilitatem & gloriam facile parabuntur.

SENATVI . POPVLOQVE . SAMMINIA TENSI
VETERI . LANGOBARDICAE . ORIGINIS . SPLENDORE
GERMANICI . IN . ETRVRIA . IMPERII . DOMICILIO
CAESAREI . JVRIS . VICARIA . DIGNITATE
CIVIVM . NOBILITATE . SAPIENTIA
RELIGIONE . DOCTRINA
MILITARI . GLORIA . CETERIS . ORNAMENTIS . OMNIBVS
IN . ETRVRIAE . CIVITATIBVS . PERILLVSTRI
ALEXANDER . POLITVS
ORATIONEM . SVAM
DE . LAVDIBVS . SAMMINIATENSIBVS . PANEGYRICAM
DICTAM . A . SE . AD . ACADEMIAM . PISANAM
PRO . EGREGIIS . SAMMINIATENSIVM
IN . EAM . ACADEMIAM
OMNEMQVE . DOCTRINAM . PROMERITIS
MEMORIAE . ET . HONORIS . CAVSSA
L. M. Q. D. D. D.



ORATIO XVII.

DE LAUDIBUS SAMMINIATENSIBUS.

Fuit consuetudinis meae, quum anniversario hoc celeberrimo die, doctrinisque instaurandis consecrato, veluti auspiciandi causa, pro munere meo, orationem haberem, ipso statim orationis initio rationem reddere, qua de causa haec & illa mihi argumenta pertractanda explicandaque proposuerim, praesertim si qua forte argumenta, quod non semel accidit, peregrina, atque etiam a sapientiae & litterarum laudibus, hoc est, a sollemni hujus diei instituto, paulo alieniora viderentur. Nunc, quando jam constat, Viri excellentissimi, Auditores ornatissimi, aptas quam maxime connexasque esse Etruriae laudes cum laudibus sapientiae, neque ad adolescentes sapientiae amore inflammandos atque excitandos magis quidquam valere, quam si suarum iis, hoc est Etruscarum, urbium laudes celebrentur, non ego jam utar consueta ratione dicendi; sed statim ad rem ipsam aggrediar, ut, hoc frequentissimo florentissimoque Pisanae, hoc est Etruscae sapientiae coventu, urbem Etruriae maxime memorabilem atque illustrem Samminiatensem Panegyrica oratione, pro loci hujus dignitate atque amplitudine extollam. Etsi enim urbes sunt in Etruria, quae antiquitate, quae civium multitudine, quae motorum ambitu, quae descriptione aedificiorum, quae prolati pome-

metu magnitudine, quae copia etiam divitiarum, Samminiatiensi urbi longe praeferi posse videantur; tamen nego, ullam omnino esse in Etruria urbem, quae civium nobilitate, atque splendore, quae vitae cultoris atque liberalioris instituto, quae humanitate civilique elegantia, &c, quod caput est nostrae laudationis, sapientiae ac doctrinarum studiis Samminiatiensi oppido quadantenus antecellat. Quare nulla etiam alia in Etruria est civitas, quae cum Sapientiae Pisanae laudibus, non tam locorum inter se propinquitate, quam similitudine & aemulatione studiorum, conjunctior esse videatur. Itaque Miniaturum grande mihi & insigne in primis exemplum visum est, quod vobis, adolescentes, ad omnem nobilitatem atque virtutem proponerem. Sic enim existimare debetis, Auditores, quidquid unquam dignitatis atque ornamenti in ceteras dispersum esse minaturumque est urbes Etruriae, in una id urbe Samminiatiensi, veluti in summa quadam, comprehensum quodammodo esse, atque inclusum. Quod me breviter demonstraturum confido, si, quas acquirissimas aures Pisani, Volaterranis, Liburnensibus, Cortonensibus laudibus, superioribus annis, tribuistis, easdem etiam mihi aures, Miniatienses nunc laudes persequenti, accommodetis.

Age vero, si qua est, ut certe est, urbium laus ab antiquitate, quis non etiam ab antiquitate collaudandum sibi Miniaturum arbitretur, quod oppidum narrant a Langobardis, rerum tunc in Etruria potentibus, ab hinc mille annos exaedicatum? Namque id primum a vobis pro certo statuendum est, Auditores, quod alii conjecturis & cavillationibus suis frustra in dubium revocare conati sunt, Desiderium, anteaquam, Aistulpho rege demortuo, in Langobardorum regnum invaderet, dum Langobardicarum copiarum dux, Etruriae cum imperio praefllet, Miniaturum oppidum loco & si-

tu

tu & natura perquam munito, ad Etruscos in officio continendos, condidisse. Quod cur quis vestrum non credat? quod non in Annii alicujus, vani nugacisque scriptoris, auctoritate nixum est, sed in certis exploratisque vetustae Langobardicae historiae argumentis, atque in veteri constantique hominum fama, quae jam inde ab antiquissimis temporibus de Langobardica castri Miniatis originis ad haec nostra tempora pervenit. Testem cito te atque auctorem hujus famae, quo neminem quemquam alterum certiorum locupletiorumque proferre unquam possum, Caelestine Tertie, Pontifex Maxime, cujus in epistola ad Gregorium Genesianum Praefulem, gravissimum atque praeclarissimum exstat de Langobardis Samminiatis testimonium. Antiquitatem hanc tantam suam quum ab urbe sua condita viri Samminiatis virtutis gloria factorumque nobilitate omni semper tempore illustraverint, quid est tandem, quod homines quidam inepti, certe quidem parum justis rerum aestimatores, civitati Miniatis novitatem obiectant, quod oppidum Miniatis, patrum duntaxat nostrorum memoria, Pontificem suum a Pontifice Romano, & jura, quae vocant civitatis, obtinuerit? Quasi scilicet nulla jam apud nos esse possit neque urbs, neque civitas, nisi cui Romanus Pontifex Pontificem suum proprio peculiarique jure praefecerit. Quod tamen jurisconsultorum nostrorum nonnulli sunt, si Deo placeat, opinari. Quod si verum esset, hoc est, si tum primum urbs quaeque constituta, civitatisque jure ornata atque munita intelligeretur, quum Pontificatus in eam honorem Pontifex Romanus conferret, quot & quantas, quamque nobiles in primis atque illustres seu urbes, seu civitates, in discrimen antiquae nobilitatis vocarentur! Itaque actum jam esset, Auditores, de antiquitate, atque adeo de veteri nobilitate civitatis inter Etruscas facile antiquissimae atque nobilissimae Cortonenfis, quam

quam ab annis duntaxat paullo amplius quadringentis plerique omnes farentur Sacerdotem tandem suum a Romano Pontifice accepisse. Quod si Cortona multo etiam aure, quam Pontificem suum, aliumque ab Arretino, consequeretur, civitas fuit, si fuit una ea civitas de primariis & principibus civitatibus Etruriae, si jure ea civitatis, & quidem nobilissimae, plerisque praestitit nobilibus civitatibus Etruriae, cur hunc istum civitatis honorem Miniatensibus, viris peracque honestis atque honoratis, tum etiam, cum Pontifice ipsi suo destituebantur, invidemus? praesertim quum quae in viris Miniatensibus Gregorius Quintusdecimus Pontifex maxime omnium commendat, cum jus eis civitatis Pontificium concedit, civili eos civitatis jure, eoque certo plane ac legitimo, egregie jampridem perfunctos fuisse ostendant. Quae enim pars est bene moratae beneque constitutae civitatis, quae superiori etiam tempore, vel ante adeptum jus Pontificium civitatis, non perinde in oppido Miniatensi, atque in cultioribus quibusque & elegantioribus Etruriae urbibus, eluxerit atque triumphaverit? aut quid est, quaeso, civitas, jurisconsulti (id enim a vobis potissimum quaero, qui decernendi de rebus omnibus humanis summum penes vos arbitrium, plenamque potestatem esse voluistis) quid est, inquam, civitas, nisi civium multitudo certis legibus, certisque inter se distinctisque hominum ordinibus, ad bene feliciterque vivendum congregata? Perspecta namque vobis est atque cognita, quam quae maxime (estis enim Iurisconsulti, hoc est, juris-cujusque humani & publici & privati, scientissimi atque peritissimi) civitatis & urbis differentia, quarum altera moenia atque aedificia, altera conjunctionem inter se ac societatem civium proprie ac praecipue designat. Haec igitur species, haec forma, haec notio civitatis: quam ego speciem cum mecum cogito (cogito autem saepius)

pius.) videor ipse mihi in ea, vel sine Pontificio civitatis jure, Samminiatensem olim civitatem intueri. Iam vero qualem & quantam ab ipso Miniatenfis urbis primordio fuisse hanc civitatem oportet, cujus siquis jura civitatis teneret, magnae id nobilitatis argumentum habitum fuit! Testis tu mihi, gens nobilissima atque clarissima Borromaea. Quae enim tota Italia gens te nobilior atque illustrior, cujus vel uno ac solo nomine non Mediolanum modo atque Insubria; sed universa etiam Italia, mirifice illustratur? Namque ea sane est, Auditores, gloria atque amplitudo gentis Borromaeae, ut magnae quaeque potentesque familiae Italicae majus quidquam atque gloriosius sibi esse ducant, Borromaeam gentem affinitate ac necessitudine attingere, quam quocunque alio decore, ceterisque omnibus nobilitatis suae ornamentis praefulgere. Atque illud quidem quam magnum & mirabile, gentem hanc Borromaeam, quae splendorem eximium dignitatis Mediolano, urbi maximae ac celebratissimae, afferat, tamen ipsam singulare nobilitatis suae insigne, civitatem patriamque Miniatensem habuisse, atque ad originis suae gloriam vetustatemque indicandam, Miniatensem se genere magnifice inscripisse, & hac se patriae appellatione magis, quam ceteris quibuscunque honoris & dignitatis titulis, ostentasse! Nimirum magna illa antiquitus fuit nobilitas atque gloria civitatis Miniatenfis, quae tam praeclarae notam nobilitatis civibus suis conciliaret. Quid enim nunc ceteras persequar clarissimas familias Miniatenfes, quarum etiam postea nonnullas commemorabo? quid Malpighiam? quid Mangiadotiam, quae ipsa est Pallavicina? familiam utramque potentissimam, virisque bonis ac fortibus florentissimam, atque in primis facile Italiae numerandam. Quid de Miniatensibus familiis Bonincontriam? quid Bonapartiam? quid Grifoniam? quid Vitalianam? quid Portigianam & Orlandinam, & Gucciam,

ciam, & Miglioratam, & Tellucciam, & Turriam, & Stephaniam, & Cardicigolam? quid plerasque alias insignes cum primis & illustres familias, quas Miniatum, veluti quasdam nobilitatis suae colonias, Lucam, Florentiam, Mediolanum, atque in alias nobilissimas principesque Italiae urbes, transmisit? Quominus miremur, si Florentini, homines, quam qui maxime, verae laudis & nobilitatis appetentes, civitatem suam cum Miniatensibus communicaverint, honorique sibi & gloriae duxerint, loco se civium, & nobilium Miniatensium censerit. Et quisquam dubitabit oppidum Miniatum jam tum cum Pontificem nondum suum acceperat, in numero civitatum putare, quando Florentia, civitas nobilissima, & nobilitatis studiosissima, dignitatis suae esse judicavit, pari se jure olim nobilitatis atque oppidum Miniatum haberi? Quid ni vero antiquitus Miniatum praecipuo quodam jure in principibus Etruriae civitatibus adnumeraretur? quam urbem Desiderius, Dux tum Etruriae potentissimus, a fundamentis exstructam, sedem genti suae Langobardicae certam atque stabilem in Etruria, loco totius Etruriae maxime opportuno, atque ad conjungendas disjungendasque Etruscorum vires accommodato, collocaverat atque muniverat; deinde Otho Primus, Magnus e Germania Imperator, muris atque aedificiis beneficiisque omnibus ita ornaverat, atque auxerat, ejus ut urbis originem aliqui non ignobiles sane scriptores ad Othonem illum Magnum, Germanici Imperii auctorem, retulerint. Haec urbis Miniatensis a Desiderio Langobardo auspicia, haec ab Othone Primo, Magno Imperatore, incrementa; qua quidem urbe, tanquam compede, ut ajunt, Langobardi primum, deinde Germani, constringere Etruriam voluerunt. Est in veteri historia, Philippum Macedoniae regem, nobiles tres urbes, Demetriadem Thessaliae, Chalcidem Euboeae, Corinthum Achajae, solitum fuisse Graeciae com-

compedes appellare, quod iis ad Graeciam veluti vincendam uteretur. Quod Philippo tunc Macedoni tres simul urbes ad Graeciam comprimendam, hoc fere ipsum una plane solaque urbs Miniatenfis primum Desiderio, deinde Othoni ad Etruriam continendam praefecit: unde vos, Auditores, conicere facile possitis, quanta ea olim, & quam potens urbs exstiterit, quantumque ea sibi juris ac potestatis in reliquam Etruriam, ac praesertim in vicina quaeque oppida, vindicaverit. Quid enim dicam de urbis Miniatenfis dignitate? quum eam maxime urbem ad Imperii Germanici dignitatem in Etruria sustinendam Magnus Otho Imperator delegit; qua in urbe, tanquam in sede ac domicilio Imperii, Vicarii sui residerent, hoc est, ii, qui vice Imperatoris Romani in Etruria fungerentur; unde & ipsi jurisdictionem atque jus Caesareum in totam late Etruriam exercerent. Quae sane ratio Gregorium Quintumdecimum Pontificem Maximum potissimum impulit, ut, quae jure suo & publico humanarum gentium civitas erat, hauc Pontificio etiam jure civitatem esse decerneret, hoc est, sancta ei etiam atque Pontificia civitatis jura largiretur. Hic ego quid cetera percurram decora atque ornamenta, quaeque magis memorabilia visa sunt, tum antiqua, tum recentia, civitatis Samminiatenfis? quae omnia oratione persequi neque est hujus loci, neque temporis. Quid enim de antiquis temporibus commemorem, Miniatenfes Gregorium Quintum, Pontificem Maximum, genere illum Saxonem, & de inclita magnaue Saxonum natione praeclarissime meritum, a Romanis atque a Crescentio tyranno profugum, solos ex omnibus Etruscis in urbem suam recepisse, eique hospitium ab hostibus tutum, maximeque liberale, religiosissime praebuisse? Quid Miniatenfes, coacta cum Volaterranis & Pistoriensibus manu, Pisas a Barbaris servasse? Quid Fridericum Primum Impera-

tozem agraria lege, qua Etruscas civitates multaverat, Miniateses solvisse? Quid Fridericum Secundum Miniatem urbem arce ac propugnaculis, turrique altissima egregie instruxisse atque firmasse, summumque ibi iudicem caussarum, ad quem provocatio a tota Etruria fieret, constituisse, & Miniateses cives Genesiano pagus, nobili ac locupletis, fructibusque agrorum, qui ex fluminis Arni alluvionibus contingerent, tertia ex parte donavisse? Quid Miniateses ceteris non semel Etruscis virtute militari antecelluisse, qui, prae ceteris foederatis Etruriae populis, Henrico Septimo Imperatori fortiter resisterint, compluresque de Pisanis victorias reportaverint? Quid Carolum Quartum Imperatorem, summum illum litterarum, & Academiae Pisanae fautorem & patronum, Miniatense oppidum plurimi fecisse, cumque honorem Miniatesibus legatis in urbe Pisana detulisse, ut de omnibus legatis Etruscis, qui eo frequentes convenerant, solos Miniateses ad osculum admiserit? Quid Carolum eundem Imperatorem defensores duodecim Miniateses, qui summus atque amplissimus Miniatis civitatis magistratus est & fuit, vicarios Romani in Etruria imperii creasse? Quid Miniateses nulli alteri populo Etruriae dignitate auctoritateque cussisse, qui & ipsi, aequae atque alii liberi populi, juris sui fuerint, & rempublicam suam, per duodecim, quos modo dicebam, defensores, summa plenaque potestate administraverint, & foedera cum liberis Etruriae populis, ac praesertim cum Florentinis & Senensibus, aequis conditionibus pepigerint, & signata pecunia poluerint, & dominationem late suam in oppida quatuor & triginta cum imperio exercuerint? Quid Miniateses, siqui alii populi Etruriae, de Florentina republica praeclare promeritos fuisse, eique in maximis saepe extremisque rerum discriminibus, magna equitum ac pedum auxilia misisse? Quid Germanicae nobilitatis flo-

rem

rem in urbem olim Miniatensem jam inde ab Othonis Magni temporibus habitatum concessisse, indeque ad generis nobilitatem demonstrandam, atque etiam quia iudex ibi causarum Teutonicus stabilem sibi sedem collocaverat, oppido appellationem ad Teutonum remansisse? Quid Miniatensem civitatem adeo etiam nunc nobilitate inter Etruscos excellere, ut, pro civium numero, in nullo alio Etruriae oppido numerosior atque frequentior, quam Miniati, nobilitas esse videatur? Quid Florentinos Miniatensem civitatem tanti fecisse, ut nobiliores quique potentioresque cives Florentini affinitates cum Miniatensibus jungere sibi semper perhonorificum crediderint, dignosque eos prae reliquis Etruscis esse iudicaverint, quos, utraque inter se civitate, ut paullo ante dicebam, publico decreto jampridem confociata, in cives, nobilesque ac magnates Florentinos allegerent? Quid Clementem Septimum, Pontificem Maximum, temporibus difficillimis atque turbulentissimis, domicilium sibi tutum atque illustre, Miniatum delegisse? Quid ego plura oratione de urbe Miniati veluti concervando percurram? quando Cosmus Secundus Mediceus, Magnus Dux Etruriae, vir oppido magnus atque excellens, ut erat valde magnificus ac liberalis, Mariae Magdalenae Austriacae, uxori suae, de insigni aliqua Etruriae urbe gratificaturus, pro sua & uxoris suae, summae feminae, dignitate, se facturum existimavit, si eximium ei ac regale donum, Miniatum, quippe nobilem urbem atque opulentam, largiretur. Tanti, Auditores, erat Cosmo, viro sapientissimo, Etruriaeque suae aestimatori iustissimo, inter cetera Etruriae oppida Miniatum. Fertur in antiqua historia rex quondam Aegypti reginae uxori suae Anthyllam, urbem Aegypti percelebrem atque copiosam, propriam in calceamenta concessisse. Quanto profecto sapientius, quantoque magnificentius Cosmus ille Secundus urbem Minia-

niatem uxori suae Austriacae dono dedit, quo illa dono non ad usus deliciasque muliebres, sed ad Etrusci Imperii gloriam, atque ad Etruscae dominationis propagationem atque dilatationem uteretur! Quanti igitur Miniatum fuisse censendum est, quod regio munere dignum visum fuit, taleque & tantum, ut in eo magnitudo atque majestas Etrusca tota eluceret! quantum vero inde etiam vobis, Miniatenfes cives, viri utique optimi, omnique virtute praestantissimi, splendoris atque dignitatis accessit! Civitas erat illa quidem vestra, qualis praeclara quaeque & laudabilis civitas esse potest, nobilis, locuples, copiosa, legibus & moribus egregie instituta, clarisque civibus, omniumque rerum laudandarum exemplis referta, talis denique, qualem uno verbo decet esse beatam civitatem. Sed humanarum gentium jure illa vobis erat civitas: sacro Pontificioque jure civitas vobis nondum erat. Talis tandem ut vestra vobis civitas, hoc est, utroque jure, tum humano, tum etiam divino, omnique ex parte perfecta atque absoluta civitas obtingeret, auctoritate sua singularique sapientia perfecit Domina tunc vestra, sanctissima femina atque optima, Maria Magdalena Austriaca, quae Sacerdotem vobis vestrum, propriique gregis pastorem, a Pontifice Romano impetravit. Testes vosmet locupletissimos, viri Miniatenfes, appello, qui, statua Dominae vestrae, Mariae Magdalенаe, in media urbe erecta, collati ab ea in vos beneficii, gratique animi vestri, publicum apud vos testimonium, ad gloriam Miniatenfis civitatis sempiternam, existare voluistis. O fortunatam civitatem Miniatensem! O bonis civitatem auspiciis natam atque adultam! O felicem beatamque civitatem! Quae enim tota Etruria civitas tete beator, atque fortunatior? aut quid tibi unquam deest ad summam perfectamque, pro rerum humanarum natura, felicitatem? Ego quidem sic existimo, felicitatem civitatis, tum ex pluribus

bus aliis rebus, tum maxime ex religione, atque etiam ex virtute militari, optimarumque artium liberalissimis studiis, & litterarum scientia coalescere. Sunt enim illa minora, quae tamen & ipsa in partem veniunt felicitatis, sitam esse urbem loco amoeno ac salubri, caeloque puro uti, & agro perquam opimo ac fertili lactari, omnibusque rebus tum ad usum, tum ad oblationem vitae, opportunis atque necessariis abundare. Haec omnia de urbe Miniatae quis non sibi oratione persequenda esse arbitretur, quae tamen omnia de Miniatae miris ad caelum laudibus Gregorius Pontifex Quintus decimus extollit, cum civitatem eam esse decernit? Atque ut de militari virtute primum aliquid dicam, quae mirum est, quantum ad civitatum felicitatem conducatur, cum religioni ea & patriae atque iustitiae inservit, quis nescit, Miniateses in Etruscis bellis, tanquam in quadam palæstra, ad militarem virtutem assidue exercitatos, ad bella illa tum conjungenda, tum disjungenda, superiori memoria plurimum valuisse, & quocumque se partium vertissent, victoriam plerumque apportasse, itaque saepe Florentinis periclitantibus virtute sua salutem attulisse, auxiliaque eis ad duo aliquando peditum millia misisse, ex eaque Miniatensi palæstra, tanquam ex equo Trojano, tum alios fortissimos heroes, tum in primis Mangiadorios, atque Malpighios & Roffias & Grifonios, & Orlandinos, homines tum rei militaris scientissimos, tum rebus magnis gestis clarissimos, prodixisse? de quibus Grifonii in defendenda contra Benedictum Mangiadorium patria fidei & virtutis suae ad memoriam posteritatis gloriosum specimen dederunt. Age vero, religio quanto est illa quidem firmamento, quantoque praesidio atque ornamento civitati! Atque haec etiam quam sancte atque studiose culta semper est a Miniatensibus! quamque in omni genere pietatis apud eos observata, quo-

quorum singularis religio erga Miniatem, militem Christi fortissimum, usque adeo eluxit, ut de Miniatis, viri sanctissimi, nomine, oppidum suum Samminiatum appellaverint. Nam de religiosa quidem Miniatensium pietate adversus beatissimam Virginem matrem Dei, & praeter ceteris sanctis viris, erga Genesium, virum sanctitate percelebrem, & testimonio, quod pro Christo, profuso sanguine, tulit, perillustrem, quid attinet dicere? quorum alteri, secundum matrem Dei, patrono & tutelari suo praesentissimo, se suaeque omnia Miniatenses, templo etiam civitatis maximo, eoque magnificentissimo, in ejus honorem dedicato, consecrarunt. Fuit semper Miniatensium, fuit, Auditores, pietatem ac religionem colere, virique omni tempore apud eos ab eximio religionis studio apprime sancti, planeque beati, omni virtutis genere floruerunt: quales de multis Genesius alter, vir de Augustinianis penitus sanctus ad exemplum verae sanctitatis, & Borromaeus, & Bonincontrius, & Gherardus Bonamicus, homines religiosi & sancti, perfectique Francisci, viri sanctissimi, imitatores, Landuinus denique Malpighius, fuisse referuntur. Haec igitur religio quum pura semper & sancta, nullisque prorsus erroribus infusata apud Miniatenses in omni cultu pietatis enituerit, quam ea tandem aucta confirmataque est, cum Pontificem ipsi suum, qui verbo & exemplo ad virtutem, atque ad Christiana officia praefens praeiret, acceperunt! Nam, Deus bone, qualis vir & quantus, quamque egregia virtute & sanctimonia praeditus, is fuit, qui primus Miniatensibus Pontifex datus est, Franciscus Norius, qui, ut nihil antiquius, atque sanctius religione habuit, ita vix dici potest, quam sedulam assiduamque diligentiam in studia quaeque pietatis contulerit; qui tamen paucis post annis ex pestilentia moriens, & maximum sui desiderium civibus, & grandia atque immortalia virtutum suarum exem-

exem-


exempla successoribus suis, Miniatensibus Pontificibus, reliquit. Quid enim ceteros nominatim recenscam? quid Alexandrum Strozam? quid Angelum Pichum? quid Petrum Frescobaldum? quid Ioannem Baptistam Barduccium? quid Maurum Corsum? quid Morigiam? quid Cortigianum? quid Poggium? quid Ludovicum Catanium? nota homines nobilitate & sanctimonia, qui sedulitate, atque industria sua perfecerunt, ut, quae magna apud Miniatenses erat in Deum & res divinas religio, multo ea major fieret, eaque nusquam alibi tota Etruria magis, quam Miniati, eniteret. Nam & ejus nunc Pontificis, qui superiorum Pontificum exemplo, rem sacram Miniatensem rectissime ac diligentissime administrat, erunt, qui laudes olim atque virtutes celebrabunt. Reliqua est doctrina, magnum ipsa quidem decus atque ornamentum religionis Christianae. Quis enim nesciat, quantum commodi atque opportunitatis ad usum religionis Christianae non litterae modo divinae, sed etiam humanae, & liberales quaeque disciplinae conferant? quum sine artium liberalium optimarumque disciplinarum scientia ne ipsa quidem oracula divina persaepe alicubi perfecte intelligantur. Namque illud ego tandem dicere audeo, Auditores, quod ab unoquoque vestrum perinde accipi velim, atque egomet intelligo, conjunctionem atque societatem omnium humanarum disciplinarum necessariam esse illam quidem, nedum utilem; ad Theologiam, cui veluti reginae suae, ipsae ancillae famulantur, tamque illam esse necessariam, quam Theologia necessaria est, quae maxime certe est necessaria, ad religionem Christianam, sanctam testam conservandam: quippe quum vera religio sine Theologia pura atque a pestiferis opinionibus inviolata servari nullo modo possit. Quae quum ita se habeant, vigeatque ibi maxime Theologia, ceteraque litteratura, ubi

maxime omnium florent studia pietatis & religionis, quis dubitabit, quin in urbe Miniatae primas semper litterae tulerint tum divinae, tum etiam humanae, omnesque disciplinae liberalissimae, ubi quam maxime semper excellere visa est religio? Nam, quod ad Theologiam attinet, jam inde a tempore Marcovaldi Portigiani, magni in paucis Theologi, qui se totum inter Franciscanos ad Francisci, viri plane admirandi atque divini, virtutes imitandas conformavit, ubi Theologia cultior atque honoratior, quam Miniati? ubi ea frequentior atque celebratior, quam Miniati? ubi quotidiano fere ea usu tritior, atque limatior, quam Miniati? Quid enim de ceteris doctrinis, artibusque liberalissimis? quid de iurisprudencia? quid de arte medica? quid de Philosophia? quid de Mathematicis disciplinis, quid de poetica? quid de oratoria? quid de litteris humanioribus, iisque reconditis atque exquisitis? quae omnes disciplinae a bonis & eruditis magistris traditae, mirum est, quantum decoris & dignitatis civitati Miniatensi conciliaverint: quippe quum praestantia & varietate disciplinarum, quae Miniatae publice docerentur, doctorumque ibi virorum multitudine, qui excellenti eruditione sua multarumque rerum scientia patriae gloriam amplificarent, motum se atque impulsus Gregorius Pontifex fateatur, ut jus civitatis Pontificium Miniatensibus impertiretur. Adde cetera doctrinarum litterarumque subsidia, quae ad studia optimarum artium excolenda, omniumque rerum scientiam comparandam tam magna atque opportuna urbs Miniatensis habet, ut ea maxime urbs ad orium litterarum facta esse videatur, loci amoenitatem, salubritatem aeris, liberum & apertum caelum, adspectum, unde longo studio fatigatus animus subinde recreetur, e nitidissimo colle maximeque apri-
co in subiectos late campos multo jucundissimum, u-
ber.

bertatem agri, beatam rerum copiam, publicam bonif-
que atque utilibus libris refertam bibliothecam, accu-
ratum exquisitumque tabularium, ceteras, easque ma-
ximas, cujuscunque generis, ad liberalissima quaeque
& praeclarissima studia commoditates. Quod si velim
hic enumerare viros sapientissimos ac doctissimos Minia-
tenses, qui doctrina & sapientia mirabilem civitati suae
splendorem attulerunt, quem tandem finem inveniat o-
ratio? Sunt enim jam inde ab antiquitatis memoria
fere innumerabiles: in quibus tamen summis viris, cui
non statim, probitatis & doctrinae nomine, in mentem
veniat utriusque Michaelis Mercati, ac praesertim Mi-
noris, hominis doctrina & sanctimonia celeberrimi, Phi-
lippoque Nerio, viro sanctissimo, planeque admirabili,
amicitia & familiaritate conjunctissimi? aut quis non
sibi a sapientia commemorandum in primis ducat Io-
annem Bonapartium, tanta virum auctoritate, tantaque
prudencia, ut Guelfos & Ghibellinos acerbissimis inter
se odiis dissidentes, sancita pace, inter se ipse concilia-
verit; cumque factiones illae duae potentissimae, spon-
sione maximam pecuniarum facta, praedem accepe-
riat? aut Nicolaum Bonapartium, hominem rerum u-
su peritissimum, cui, ob eximiam ejus rerum agenda-
rum scientiam, Nicolaus Quintus Pontifex Maximus
honorificentissimas legationes decrevit, & impeditissima
quaeque reipublicae negotia expedienda commisit? aut
Andream Bonapartium, magna virum rerum praeser-
tim divinarum, doctrina, qui sacro Liburnensis civitatis
regimini primus omnium est praepositus? aut Antonium
Morahum, acutissimum, & subtilissimum sui tempo-
ris Philosophorum? Aut quis etiam non continuo Re-
coperum utrumque Spadaluagium, magnum utrum-
que jurisconsultum, itemque Iacobum Malpighium, i-
plum quoque perinsigni hominem juris scientia, & An-

faldos recorderetur? aut non etiam memoria prae ceteris Bonincontrium, excellenti virum singularique juris prudentia praeditum, repetat? aut denique de Bonincontris non Laurentium propter reconditam ejus exquisitamque litteraturam admiretur, hominem in omni eruditione atque doctrina versatissimum, Philosophum, Astrologum, Poetam, qui Poetae Manilii Astronomica commentariis primus illustravit? Haec pauca de sexcentis (quis enim enumeret omnia?) sapientiae & doctrinae clarissima Miniatiensium exempla, quum mihi saepe ante oculos proponam, ipsamque illam urbem attente intuear, quae tot ac tantos viros tulit, quid aliud dixerò, quam Miniatum non tam oppidum esse nobile Etruriae, quam bonorum esse ingeniorum patriam, & doctorum sapientiumque Etruriae hominum seminarium? Immo vero, si ego dixerò, Miniatum seminarium esse & fuisse sapientiae hujus Pisanae, non me equidem putem valde aberraturum, propterea quod singulari viri doctrina saepe inde effluerunt, qui Pisanam hanc Academiam omni genere eruditionis maximarumque rerum scientia fecundarent, atque locupletarent. Quorum omnium loco unus tu mihi esto, qui instar omnium es, jurisconsultorum, qui ad tua usque tempora in Etruria, fuerunt, longe maxime, & si quis alius, de civili jure in Academia Pisana optime merite, Nicolae alter Bonaparti, quippe qui juris civilis studium, superiori barbarie incompertum atque horridulum, itaque fere neglectum, instauraveris, jurisque consultos, qui Romane loqui dedidicerant, Romane tandem & Latine loqui docueris, Romanasque leges a barbarie ad pristinam elegantiam revocaveris. O vos de litteris, deque ipsa sapientia Pisana praeclare promeriti, viri Miniatenses! Quam debita vobis haec erat ab Academia Pisana, pro tot tantisque vestris in eam pro-

promeritis laudatio ! Atque haec ista laudatio quam bene, atque apte cum sapientiae laudibus cohaeret ! Quae tota laudatio eo tandem spectat, ut adolescentes nostri, magnis his virtutis gloriaeque exemplis propositis, de spatio curriculoque sapientiae ne tantulum quidem desistant ; sed habeant in hoc curriculo, quod rectis studiis sequantur, ad gloriam patriarum suarum sempiternam.



ORATIO XVIII.

DE LAUDIBUS ARRETINIS.

MUltae quum mihi causae esse videantur, quamobrem hunc totius anni principem diem, eundemque litterarum studiis renovandis sollemnem atque legitimum, ab Etruscarum urbium laudatione auspicandum esse censuerim, tum illa in primis causa visa est, quod nullo alio tempore opportunior atque commodior haec accidere possit laudatio. Nam, si maximo totius Graeciae conventu, ludis Olympiacis, celebratae potissimum sunt civitates Graecorum, quod earum laudibus fortes viri, veluti quibusdam stimulis, ad Olympiae certamina concitabantur, iisdemque laudibus, veluti praemiis, si forte victores evasisent, donabantur, quanto magis hodierno die in hoc amplissimo, non dicam jam Pisanae, sed Etruscae Sapientiae theatro, quum huc se nobilissimi studiosissimique adolescentes ad anniversarios Sapientiae ludos instaurandos diligentissime contulerint, Etruscarum civitatum laudes dicere oportebat, quibus ipsi laudibus incitati, verae & virtutis & gloriae stadium conficerent! Equidem hic Pisis Olympia sunt, Auditores, hic ludi universae Etruscae celeberrimi, hic, tanquam in quinquertio, omnium honestissimarum artium atque disciplinarum plurima exercitatio, hic de doctrina & sapientia certamen, hic victoribus corona, hic vestra vobis,

bis, qualis Olympionicis tribui consuevit, laudatio. Atque ego sane eo mihi ad vos laudationis genere utendum esse judicavi, quo Pindarus nobilis Poeta, ulus fuisse dicitur, qui quum Xenophontem Corinthium Olympionicam, virum fortissimum, exornare laudibus vellet, ipsam ejus patriam, urbem clarissimam Corinthum, sibi in caelum laudibus offerendam suscepit. Ita igitur & ego mihi jam inde ab aliquot annis vobiscum agendum arbitratus sum, Adolescentes, ut quo laudibus vos vestris ad litterarum virtutisque studia vehementius provocarem atque incenderem, hac tanta hujus diei celebritate, atque hoc tanto Etruscarum civitatum concursu, patriarum vobis vestrarum laudes praedicarem. Ac plures huc usque Etruriae ego civitates laudavi, Tempus nunc est, ut, quam maxime possum, urbem vobis Etruriae commendem, ab antiquitate, a nobilitate, a virtute, a sapientia, a doctrina, ab opulentia, a ceteris omnibus ornamentis, vel in primis facile adnumerandam. Arretium dico, cujus vel unum ac solum nomen ad omnem abunde laudem sufficere posse videatur.

Quis enim in Etruscorum rebus paullo versatior non statim fateatur, Etruscarum laudum partem multo maximam Arretinis laudibus contineri? Ac primum omnium habetote, Auditores, ceteris Etruscorum urbibus Arretium, quippe quod opibus & potentia ante florasset, quam Etrusci in hanc istam regionem, quae ab illis Etruria est nominata, advenirent, vetustate multum antecelluisse. Itaque cum Etruscorum urbes dico, ne eas urbes cogitatis, quae in Etruscorum postea censum ac nomen concesserunt, sed quas primas ipsi Etrusci in his locis condiderunt, quales certe fuerunt Volaterrae, urbs quondam princeps Etruscorum. Ac vero Arretium urbs antea fuerat Umbrorum, quae a Pelasgis capta, iis demum expulsis, una de principi-

pibus Etruriae urbibus evasit. Quantum vero inde incrementi ac dignitatis putandum est res Etruscas accepisse, quantamque eam urbem, & quam validam ac potentem existisse, quae tantum nominis ac potentiae Etruscorum rebus attulisset! Nam veteris quidem historia proditum est, fuisse Arretium inter tria capita populorum validissimorum Etruriae, fuisse Arretium unam de urbibus duodecim principibus Etruriae, fuisse Arretium vel ante tempora Trojana, cum tota Italia Etrusci terra marique dominabantur, urbem maxime omnium memorabilem Etruriae. Becuinam veterum seu Graecorum, seu Romanorum Scriptorum, dum de Etruscorum rebus agerent, non prae multis Etruscorum oppidis, Arretium commemoratum? quasi rerum summa Etruscarum Arretinis potissimum populis niteretur. Pervolute hic mihi, quaeſo, historias Romanorum, pervolvite Dionysium Halicarnassensem, Diodorum Siculum, Livium Patavinum, Polybium Megalopolitanum, quos non Scriptores veterum historiarum, seu etiam Poetas? Videre in his est, Arretium in oppidis & civitatibus Etruscis, honoris saepe causa, nominatum. Legere est, Arretinos, pariter atque Clusinos & Volaterranos, auxilia Latinis contra Tarquinium Romanorum Regem misisse. Cernere est, Arretinos, universa Etruria ad arma contra Romanos concurrente, Sutrioque oppido oppugnato, pacis consilia agitasse, simulque cum Cortonenſibus & Perusinis, missis Romam legatis, inducias in triginta annos impetravisse. Erat Arretii gens Cilnia, praepotens atque opulenta: quae quum ex divitiarum invidia apud Arretinos laboraret, inde ab eorum seditionibus ortum narrant novum bellum Etruscum, quod & magnum & difficile, tamen brevi, seditionibus iis sedatis, Cilniaque gente cum populo in gratiam tandem reducta, restitutum fuit. Alia subiinde in Livio legere est, renata bella Etruscorum,

quae ita Arretini, Volsinii, Perusini, Oratoribus Romanam missis, composuisse feruntur, ut quadraginta annorum inducias cum Senatu Romano iniverint. Insequentibus postea temporibus, quum Annibal in Italia bellum gereret, eamque a Romanorum fide atque societate avertere summo opere conaretur, quis nescit, Romanos magis sibi ab uno Arretio, urbe potentissima atque opulentissima Etruscorum, quam a tota reliqua Etruria, metuuisse, ideoque ab Arretio moveri exercitum vetuisse, atque ab Arretinis etiam Senatoribus obfides centum viginti, eorundem liberos, accepisse, eorumque urbi, ne quid ea tumultus faceret, validum firmumque praesidium imposuisse? qua urbe quieta, nihil a reliqua Etruria sibi timendum esse videretur. Rebus ita Arretinis paratis & tranquillis, quam brevi, & quanta Arretinorum opulentia affloruit, qui P. Cornelium Scipionem, ad bellum Carthaginense proficiscentem, prae ceteris omnibus populis Etruscis, frumento & armis juverunt! Satis bene ac feliciter actum deinceps est cum Arretinis, donec in Syllanorum iidem temporum acerbicatem inciderunt. O tempora illa Syllana! o tempora illa misera & calamitosa, diuque & multum & Arretinis & Volaterranis, ceterisque municipiis deplorata, quibus Lucius Sylla, quod contra se a Mario stetissent, & civitatem & agros ademitt! Quippe Arretium municipium fuit longe nobilissimum, ex eo hominum genere, ut ego quidem opinor, quorum universa civitas in civitatem Romanam venerat. Nondum enim tunc ante Syllanam calamitatem Arretium in coloniae jus transferat: ut minime ego protare vobis possim, Viri pereruditi, quod arbitrati estis, fuisse tunc Arretinos ex eo municipum genere, qui in civitatem ita Romanam suscepti essent, ut suae municipes simul essent & civitatis & coloniae. Arretinis igitur Lucius Sylla, pariter atque Volaterranis, & civi-

vitatem & agros ademerat: quorum causæ quis ignorat, Marcum Tullium, hominem eloquentissimum, eundemque in civili jure versatissimum, ita patrocinio suo adfuisse, ut, quod ad agrum a Sylla publicatum, sed non divisum, attinebat, Volaterranos & Arretinos in sua possessione retineret; quod vero ad Romanam civitatem, apertissime & constantissime negaret, civitatem a Sylla Arretinis & Volaterranis adimi unquam potuisse, eaque de causâ Arretinae mulieris libertatem contra Cajum Cottam, hominem Romanorum disertissimum, vehementissime atque acerrime defenderet. Tanti Ciceronis interfuit municipiî Arretini dignitatem atque libertatem, pro summis Arretinorum in se meritis fartam tectam conservare & tueri. Iam vero Arretium, colonis eo a Sylla missis, coloniae jus obtinuerat, ut municipes iidem simul essent suae & civitatis & coloniae: quo etiam, lege postea triumvirali, novam coloniam deductam fuisse, historiae Romanae Scriptores testantur. Unde etiam tres illae Arretinorum appellationes celebratae, Arretini veteres, Arretini Fidentes, Arretini Iulenses. Quid tibi ad Plinium in mentem venerat, Harduine doctissime, ut ex hoc triplici Arretinorum nomine oppida Arretinorum tria re & loco diversa excogitares? quasi scilicet, semel atque iterum Romanorum colonia Arretium deducta, non potuerint novi coloni, neque vero debuerint, tum inter se, tum a veteribus Arretinis, cognomine aliquo separari ac distingui. Itaque, Harduine, Arretini veteres nuncupati, qui & veteri municipio erant, Arretini Fidentes, quos dictator Sylla, Arretini Iulenses, quos triumvirali lege Augustus Cæsar, colonos Arretium deduxerat. Hanc vos etiam, Viri pereruditi, mecum fabebimini, esse Plinianorum verborum sententiam. Videtis hic, Auditores, me, dum de rebus Arretinis & reconditori ultimatque antiquitate diligentius aliquid in-

vestigo, locum me Plinianum, perobscurum sane & ancipitem, obiter declarasse. Quid enim minora illa persequar; quae homines veterum doctissimi, iique diligentissimi investigatores antiquitatis, minime sibi praetermittenda esse duxerunt, vasa Arretina, ejusdem ferè pretii atque Samia; & calices Arretinos, & lateritium murum mirabili altitudine Arretinum? quid talpanam atque etesiacam & consemineam de vitibus Arretinis? quid uvas Arretinas? quid alia in primis memorabilia; eaque rariora Arretina? Quanto illa praeclariora, atque ad Arretinum nomen commendandum accommodatiora Arretinae urbis decora atque ornamenta, quae a doctrina atque ab auctoritate summorum clarissimorumque virorum ad ejus urbis gloriam profluxerunt! Quorum omnium loco unus tu mihi esto, vir nobilissime, Cai Cilni Mecaenas, qui ceteris omnibus doctrina atque auctoritate longissime antecellis, quippe qui patrocinio litterarum tuo, liberalique erga doctos homines beneficentia; id sis consecutus, ut, quod nemini adhuc cuiquam mortalium contigit, tuo ipsius nomine Mecaenates liberalissimorum studiorum patroni appellarentur, ii nimirum, qui doctorum hominum egestatem opibus suis sublevarent. Tibi, Mecaenas, viro locupletissimo, equitique Romano splendidissimo, patricia, Arretium: cujus etiam genus ad prisca Etruriae reges referebatur. Namque atavi tui, reges Etruriae. Unde vos tandem, Auditores, antiquam Arretii inter cetera oppida Etruriae dignitatem atque potentiam colligere facile possitis: qua ex urbe reges in tota reliqua late Etruria dominarentur. Quid enim tu mihi male eruditus Etruscos illos reges de Mecaenatis majoribus, optimates dumtaxat, virosque primarios atque opulentos, non qui verè reges fuerint, intelligas? Scilicet nulli unquam antiqui Etruriae reges existerunt, ex quibus Cilnia gens pernobilis atque patricia oriri apud Arretinos

nos potuerit. Atque haec quidem interea satis, Auditores, de veteri dignitate atque splendore urbis Arretinae. Nam qui Clemens fertur Arretinus, maxima vir nobilitate, & cum Vespasiano Imperatore affinitate devinctus, non fuit ille quidem, ut doctis hominibus visum fuit, Arretinus, sed Aricinus. Nunc mihi quisque vestrum animum ad subsequenda tempora intendat, cum Romano Imperio labeunte atque inclinato, eadem plane fortuna, quae ceteros Etruscos, Arretinos quoque variis casibus & calamitatibus afflixit. Longam malorum Iliadem contexere esset, Auditores, si, quibus subinde incommodis Arretina respublica est confictata, atque in maximum saepe discrimen adducta, ea vellemus omnia in medium proferre. Quid enim malorum urbs Arretina non perpessa est? quas elades non accepit? quae pericula non adivit? a Gothis & Longobardis crudeliter habita, bello a Florentinis saepius divexata, civilibus misere factionibus agitata, tyrannidis iugo indignissime oppressa, in servitutem data, Florentinis divendita, ac tantum non funditus perdit. Quibus omnibus malis ereptum divinitus Arretium, ita nunc omnibus rebus omnique laude abundat ac floret, ut pristinam felicitatem suam, quam, re maxime Etrusca vigente, antiquitus habuerat, cum videlicet inter Etruscae capita numerabatur, nunc tandem veluti postliminio recepisse videatur. Nam, Deus bone! quid unquam est beatiorum fortunatiorumque civitatum Etruscae, quod non civitas etiam Arretina pariter atque illae, vel etiam aliquando prae illis civitatibus, jactitet atque ostendet? Quid enim dicam de situ urbis? jacet Arretium in campis amoenis & per jucundis, situ communito, atque ad aspectum praeclaro. Quid de aëris salubritate? aere Arretium fruitor puro & aperto, & si alibi tota Etruria, maxime temperato. Quid de fertilitate agrorum? quae fertilitas tanta est agri Arretini a magna fructuum frugumque omnis generis, frumen-

ti.

tique in primis copia atque ubertate, ut Arretium totius Etruriae horreum esse videatur. Quid de Arretinae urbis opulencia? quae urbs opes sibi maximas ex uberimis atque amplissimis agrorum proventibus comparavit. Quid de Arretina nobilitate? quando tota longe lateque Etruria nulla est antiquior, nullaque purior, atque jam inde ab Etruscis regibus illustrior nobilitas quam Arretina. Quid de urbis Arretinae gloria ab urbis potentia, & rerum gestarum magnitudine? quando nulli alii populi Etruriae, peraeque atque Arretini, armis in finitimas regiones propagatis, nobile praeclarumque argumentum Etruscae Florentinaeque historiae suppeditarunt. Quid de sapientia atque virtute civium Arretinorum? quae mirum in modum eluxit, cum Arretini, semetipsi in libertatem superiori memoria vindicantes, sexaginta viris creatis, rempublicam per se suam aliquamdiu felicissime atque sapientissime rexerunt. Quid de litterarum apud Arretinos studiis, omnique genere doctrinarum? de quibus paullo post aliquanto nos uberius, Auditores. Quid denique de religione, singularique in Deum pietate civium Arretinorum? quandoquidem ita semper Arretini jam inde a Christiano nomine suscepto pietatis religionisque studia coluerunt, mihi ut plane quovis tempore persuaserim, Deum Optimum Maximum religioni illud Arretinorum retribuisse, ut summo eos ex discrimine, extremisque ex calamitatibus liberatos, in clarissima rursus Etruriae luce collocaret. Veteri historia proditum est, eandem a principio Arretinis, quae ceteros Etruriae populos illustravit, Christianam lucem affuisse, quae Decii Imperatoris tempore tam altas validasque radices in Arretinorum animis egerat, ut Pergentinus ac Laurentius fratres, nobiles adolescentes Arretini, litterisque satis eruditi, simulque cum iis viri etiam quadringenti, pro Christiani nominis confessione mortem Arreii subire minime omnium

omnium dubitaverint. O nobile illud & praeclarum spectaculum, neque hominibus modo, sed etiam caelo ac terris admirabile! cum in Arretinae multitudinis conspectu videre fuit, adolescentes duos, summo loco natos, eisdemque fratres, ipso aetatis flore, post acerbissimos cruciatus, mori alacriter pro Christo, & sanguine suo, tanquam semine, Christianam religionem in spectantium animis progignere, atque, ut ita dicam, procreare. O grande illud in posteros exemplum, atque in omnem aeternitatem memorabile! Quam exemplum illud valuit ad religionem Christianam apud Arretinos confirmandam, atque etiam in dies magis magisque augendam! quam etiam multo post tempore religionem Donatus vir sanctissimus, atque in omnibus & divinis & humanis disciplinis eruditissimus, sanguine suo gloriosaque Christi confessione constabilivit. Hic ille est Donatus, Auditores, Pontifex Arretinus, qui Saturno, eximia homini sanctitate, in Pontificatum successit: quem Donatum cives Arretini tutelarem suum & patronum urbis praesentissimum venerantur: cujus quum egregia & singularis sanctimonia, ac mira admodum facinora in ore omnium versentur, tum illud maxime celebre ac memorandum visum est, quod Zenobium Tribunum, virum Senatorium, hominem praepotentem, copiosum plane atque locupletem, Christianum reddiderit. Donate, vel hoc unum benefactum tuum quam gloriosum atque illustre ad memoriam Arretinae, atque adeo Etruscae nobilitatis! quo ex facto tot ac tanta promerita tua, Donate, in Arretinam urbem exstiterunt, ut affirmare propemodum posse videar, quod admirabile videri potest, & tamen verum est, magis te unum, quam ceteros simul omnes Arretinos Pontifices, plurimos illos quidem, & magnos viros (absit verbo invidia) de re Arretina promeritum fuisse. Nam quod Pontifex Arretinus dominationem suam mirifice amplave-

verit, finesque jurisdictionis suae quoquoque versus prorogaverit, quod Senensis quae nunc est territorii partem magnam obnoxiam sibi atque subditam habuerit; quod totam Cortonensem dioecesim ac Pientinam in potestate ac ditione sua tenuerit, quod montes & Alcinum & Policianum sub imperii sui jura subjunxerit, quod Burgensem civitatem nutu atque jure suo gubernaverit, quod plura alia loca atque oppida in ditionis suae finibus numeraverit, quod auctoritatem denique ac dominatum suum in circumjectas late regiones pro imperio exercuerit, fructus hic maximus atque uberissimus fuit pietatis religionisque Zenobii Tribuni, qui sacro Christianorum ritu a Donato Pontifice initiatus, amplissimis copiosissimisque latifundiis, regisque plane largitionibus Arretinum Sacerdotium locupletavit, & possessiones suas, & quae multa castella aedificaverat, & totum patrimonium suum amplissimum atque lautissimum Arretino Pontifici donavit, ejusque jurisdictioni, quae sui juris sui que regiminis erant, loca omnia submisit atque subjecit. Unde tandem intelligimus, quod frustra huc ufque a me atque ab aliis quaesitum fuit, quid causae fuerit, quamobrem Cortona, nobilis in primis & antiqua civitas, suo tandiu proprioque Pontifice caruerit, quae cum demum nata esse fertur ab hinc annos amplius quadringentos, eo quia nimirum, quam Zenobius Tribunus longe lateque circumcirca regionem in potestate sua habebat, atque administrabat, eam ipse jam Christianus totam sub Arreti Pontificis, per quem se Christo mancipaverat, jurisdictionem subegisset; itaque Arretinae jurisdictionis ac dioecesis fines quoquoque dilataisset. Ac videte jam, Auditores, quam latis atque amplis olim terminis Arretina dioecesis, cum una ea atque indivisa erat, circumscriberetur, quae, posteaquam tam multa inde, & tam magna membra discissa & divulsa fuerunt, tanta adhuc, tamque in omnem

maem partem extenta, superest, ut parvum quid de magno corpore detractum tantum videatur. Itaque desinite jam mirari, quod & ego vobiscum mirabar, si Arretinorum Pontificum nonnulli eo potentiae atque audaciae devenerunt, ut bellum etiam Florentinis atque Senensibus inferre non dubitaverint. Quod quidem quis ignorat fecisse utrumque Ubertinum, Guilielmum & Bosum, & principem gentis Tarlatorum Guidonem de Petra Mala, homines plane armis magis natos, quam religioni? Qui utinam Pontifices tanta illa potentia non ad imperium augendum, sed ad religionem amplificandam atque condecorandam abusi fuissent! qui tamen eo ipso, quod male usi sunt, satis declararunt, quantum Pontifex Arretinus ceteris omnibus Etruriae Pontificibus potentia ac viribus antecelleret. Atque hinc etiam quis non intelligat, quantum contra pietati religionique Christianae profuerint boni illi Pontifices Arretini, qui tantam illam potentiam suam non ad ambitionem, sed ad pietatem, non ad imperium, sed ad divinarum rerum cultum, non ad fastum atque insolentiam, sed ad vitae morumque sanctitatem, atque ad Christiana religionis officia adhibuerunt? Et quam illi multi & quam celebres; & quanta sapientiae sanctitatisque gloria praestantes! in quibus non quis sibi commemorandum praefertim esse ducat Gelasium, eum, qui Donatum Pontificem, sanctissimum excepit, & Gaudentium, & Decentium; & Laurentium, quorum quidem celeberrimus, sanguine Religionis Christianae causa profuso, Gaudentius? aut non prae ceteris Elimbertum extollat, qui Romualdi Camaldulensis, viri plane admirandi, opem suam in Camaldulensi altissimae contemplationis instituto inchoando atque perficiendo implorantis, patrociniū suscepit? aut non memoriae etiam hominum Theodaldum commendat, ea virum integritate atque innocentia, ut animum purum & castum corporis valetu-

B b b

di.


dini longissime praetulerit? aut non etiam hominum sanctissimorum & religiosissimorum atque in Arretini Sacerdotii jure defendendo fortissimorum, Constantini & Vidonis de Guidi Comitibus recordetur? aut non etiam Laurentium Accajolium Florentinum, Gentilemque Bechium Urbinatem, excellenti homines prudentia ac doctrina, maximis laudibus efferat? aut non etiam Cosmum Pactium, hominem Graeca Latinaque litteratura perinsigni, eundemque ingenio ad consilia quaeque gravissima atque difficillima expedienda accommodatissimo, omni laude exornet? Dies me deficiat, Auditores, si, qui Arretinum Sacerdotium Pontifices optimi ac sapientissimi, summa pietatis & doctrinae gloria administrant, proferre in medium omnes velim, eorumque virtutes enumerare. Quid enim utrumque Minerbetum, Franciscum & Bernardum, praedicem? quid Stephanum Bonuccium? quid Thomam Salviatum? quid Nerium Corsinum? quid Alexandrum Strozziam? quid lumen quondam & ornamentum Academiae Pisanae, Benedictum Falconcinum Volaterranum? quid denique alterum Volaterranum, ut alios praetermittam, qui olim pro benefactis suis celebrabuntur, quid, inquam, Franciscum de Comitibus Guidi, qui ad Pisanum Pontificatum translatus, Pontificibus quibusque Etruriae exemplo ad omnem, sacram praesertim Christianamque eruditionem, fuit? His Arretinis Pontificibus, qui toto pectore & animo in eam curam & cogitationem incubuerunt, ut tanquam boni pastores viam salutis errantibus monstrarent, & monitis atque exemplis salutaribus gregem suum pascere, quantum putatis incrementi rem divinam apud Arretinos accepisse, quando, Guidone etiam Tarlato Pontifice, qui tamen militem potius, quam Pontificem, agere visus fuit, magna ad religionem accessio facta videri potuit per Bernardum Ptolemaeum, & Franciscum Patricium, homi-

nes

nes plane sanctos & religiosos, qui, auspice ac patrono Guidone de Petra Mala Pontifice, religiosi in Olivetano monte instituti initia posuerunt. Iam vero ex illo Arretinorum Pontificum in res divinas ac religiosas studio mirum, quantum apud Arretinos pietas atque religio effloruit! quae ita etiam nunc efflorescit, ut Christianae religionis officiis, templorum ornatu atque magnificentia, cultus divini frequentatione, quotidiana exercitatione pietatis, non una modo via urbis Arretinae, quae sacra vocatur; sed urbs plane universa, sacra merito appellanda, neque ulla alia urbs in Etruria sanctior atque religiosior, quam Arretina, esse videatur. Quid enim de litterarum doctrinarumque honestissimis studiis atinet dicere? quae ita fere apta & connexa cum religionis Christianae veraeque pietatis studiis esse consueverunt, ut, ubi Christiana vere religio floret ac viget, ibi litterae, tanquam in regno suo, exultent ac triumphent. Quae autem urbs in Etruria doctior atque litteratior, quam urbs Arretina? quae profecto urbs de litterarum doctrinarumque principatu cum doctissimis quibusque atque litteratissimis urbibus facile contenderit. Nam si dixerō, Mecenatem civibus suis Arretinis illustre exemplum suum, veluti optimam hereditatem, omni patrimonio praestantiorē, reliquisse, ut & ipsi litteras omni studio prosequerentur atque excolerent, & iis, qui litterarum studia profiterentur, praesidio atque ornamento essent, ego quidem puto, vos mihi, Auditores, statim esse assensuros. Tam multi in nobilitate Arretina & studiosi sunt ipsi doctrinarum, & doctorum hominum fautores: quibus etiam verae avitaeque nobilitatis argumentum minime omnium obscurum habitum est, litteratura. Quid enim de Arretinis civibus eos potissimum nominem, qui & litterarum summam scientiam & litterarum summum patrocinium cum rerum bellicarum scientia, armorumque felicitate,

utraque in re Caesares, conjunxerunt? Itaque, quum Florentia, quae princeps nunc urbs est Etruriae, restitutarum post longissima tempora litterarum gloriam sibi in primis vindicet, quis nesciat, in partem multo maximam principemque hujus gloriae Arretium venire vel propter unum Leonardum Arretinum, qui reipublicae Florentinae a secretis fuit, hominem Graece Latineque eruditissimum, quem primum in Italia narrant Graecas litteras, immani barbarorum tyrannide a multis saeculis proculcatas erexisse atque restituisse, itemque primum inconditam, quae tunc erat, scribendi consuetudinem ad numerosum quendam & concinnum sonum inflexisse? cui quidem Leonardo quis non proximum in Graecarum Latinarumque litterarum scientia universa, quae eruditione Carolum Arretinum fateatur, qui & a magna doctrinae celebritate Leonardo in idem Florentinae reipublicae munus successit? aut non etiam tertium in eodem munere Benedictum Arretinum adjiciat? quem Benedictum e gente nobili Accoltia, hominem oppido quam doctum & eruditum, ferunt, bello Asiatico magno atque difficili diligentissime conscripto, nobili hoc argumento, veluti exemplari proposito, Torquato postea Tasso, Poetae clarissimo, ad praeclarum Poema de bello Hierosolymitano, quod Christiani gesserunt, condendum praeluxisse. Quid enim alium Benedictum Arretinum Accoltium referam; avamque ejus Petrum Accoltium; utrumque magna vitam dignitate atque doctrina? aut etiam, ut ad superiora paullo tempora redeam, Franciscum Arretinum Accoltium, unum omnium doctissimorum jurisconsultissimum, commemorem? quo de viro fama erat, nihil litteris mandatum, nihilque in artibus disciplinisque omnibus traditum fuisse, quod ab illo homine non esset aut cognitum, aut investigatum; memoria autem tanta eum fuisse & verborum & rerum, ut omnia quae unquam

legeret, meminisset; aut Guidonem Arretinum Baccium, hominem plane sapientem, recorder, qui sex primus musicas notas admirabili solertia adinvenit? aut denique Ioannem Arretinum Tortellium praedicem, hominem & ipsum doctissimum, unumque de iis, qui ingenio & labore suo sopita bonarum litterarum studia excitaverunt? Non enim aut instituti mei est, aut huius temporis, oratione persequi recentioris memoriae homines Arretinos, qui partem a maioribus doctrinae ac litteraturae famam conservare, aut, si fieri unquam posset, amplificare studuerunt. Prima illa ego vobis, optimi adolescentes, renatarum litterarum praeclarissima exemplaria propono, unde ipsae nimirum litterae, quae veluti intermortuae erant, & renatae sunt, & per totam late Etruriam, atque adeo Italiam, & Galliam, & Germaniam propagatae. Fontes vobis aperio, unde vos, elegantissimi adolescentes, magis decet omnium doctrinarum elegantias haurire, quam rivulos, qui non ita inde puri deducti sunt, consuetari. Haec vos grandia exempla capite, adolescentes, haec sequimini, haec imitamini, atque in his etiam exemplis videte, quam iustas Arretium & meritas laudes inter ceteras Etruriae urbes, in hoc amplissimo Pisanae sapientiae theatro, atque in his Pisanae sapientiae ludis celeberrimis, hodierno a nobis die, religionis & sapientiae nomine, repetiverit: quippe quae urbs luculenta maxime & illustra doctrinae atque religionis exempla ceteris omnibus Etruriae urbibus suppeditaverit.



ORATIO XIX.

DE LAUDIBUS CORTONENSIBUS.

QUOD moris fuit Graecorum, ut, quum totius Graeciae conventum celeberrimum, maximo ludorum apparatu in Olympiis agerent, laudes dicerent urbium Graeciae nobilissimarum, unde Olympionicae exstiterent, hoc ipsum fere jam inde ab aliquot annis hodierno mihi, eoque anniversario die faciendum esse duxi. Audiores, ut, tota prope modum Etruria huc Pisas in hoc amplissimum universae sapientiae theatrum, ad studia litterarum instauranda, quotannis coeunte, Etruscarum ego civitatum laudes panegyrica oratione concelebrarem. Idque eo magis muneri meo consentaneum esse judicavi, quod non, ut illi, ad corpora gymnasticis ludis quinquertioque exercenda, sed ad ingenia optimis disciplinis excolenda, atque ad animos nostros sapientia informandos convenimus. Quod si illi, quinquertiones videlicet & fortes viri, patriarum suarum ita gloria afficiebantur, ut multo inde promptiores atque alacriores in certamina descenderent, quot & quantos, quamque vehementes atque acres doctrinarum stimulos putandum est verissimas & iustissimas urbium Etruscarum laudes adolescentibus Etruscis esse admoturas, qui non huc ad palaestram, sed ad disciplinas honestissimas atque liberalissimas; non huc ad saltum atque ad discum, sed
ad.

ad rerum praeclarissimarum scientiam; non huc ad cæstus atque ad cursum, sed ad eruditionem atque doctrinam; non huc ad lupos, sed ad sapientiam, frequentissimi confluerunt? Equidem sic ego existimo, adolecentes Etruscos urbium suarum laudibus, veluti quibusdam gloriae stimulis, ad curriculum virtutis atque sapientiae tum ingrediendum tum consuecundum maxime impelli atque incitari. Vidimus, Auditores, proximis superioribus annis, quam sese ad has laudes juvenus nostra tota commoverit atque excitaverit. At enim inter urbes Etruriae laudationem in primis jure a nobis exigere videbatur Cortona, urbs illa Etruscarum multo vetustissima atque nobilissima, quae de antiquitate cum ipsis Pisis facile contendat, & quod ad doctrinam, atque ad sapientiam attinet, totius nunc Etruriae principatum petere sibi posse videatur. Quibus fere capitibus summa ejus laudationis continetur, quam hodierno nos eoque auspiciatissimo die in tanto doctissimorum sapientissimorumque virorum conventu, ad Etrusci nominis gloriam, Cortonensi urbi apud Academiam Pisanam impertimur.

Unde vero nos Etrusci auspiciatus atque opportunius vertentis anni, annique litterarum cursus exordia, quam a Cortonensibus laudibus duceremus? Neque enim tota Etruria urbs est honoratior atque nobilior Cortona. Siquidem neque est in Etruria urbs Cortona antiquior. Athenienses ceteris Graecis nobilitate longe praestare; ex eo Isocrates ille eloquentissimus in Panegyrico ostendit, quod ipsi ceteris antiquitate anseirent. Quam quidem antiquitatem suam tanti fecisse Athenienses dicuntur, ut ipsi se terrigenas, quasi terra primum ortos, nuncuparent, magisque hoc cognomine, quam ceteris quibuscunque appellationibus, gloriarentur, atque ad hoc ipsum ostentandum, tanquam certum atque exploratum antiquitatis hujus

suae

suae insigne, cicadas aureas capillis implicatas atque
 annexas gestarent. Profecto magnum nobilitatis argu-
 mentum, antiquitas. Quid? Barbaras ipsas nationes,
 quae tum ceteris rebus, tum potentia, rerumque ge-
 starum gloria in primis floruerant, nonne litterarum
 monumentis proditum est diu inter se de generis ve-
 tustate contendisse, eaque vi & contentione animorum,
 ut de imperii finibus non acrius inter se, neque vehe-
 mentius armis certaturae fuisset viderentur? At quae
 unquam urbium Etruscarum de antiquitate cum Cor-
 tonensibus contendat? quando ne contenderint quidem
 Volaterrae. Atque ut omnes intelligant, nihil hic me
 de laudibus Volaterranis detrachere, quas bene vos me-
 ministis & veras & multas ex hoc ipso amplissimo lo-
 co biennio me ante pro viribus meis, meisque officiis
 erga Urbem praeclare de me, meique Ordinis homi-
 nibus promeritam, dixisse; scitote, quod tunc dixerim,
 id me nunc liquido & sancte confirmare, Etruscos pri-
 mas urbium suarum Volaterras exaedificasse, indeque
 Volaterras reliquarum civitatum Etruriae principatum
 quondam habuisse, & Volaterranos ipsum nomen E-
 truscum, quod commune erat gentis, proprium sibi
 quasi suo jure vindicasse. Hae a me verae & justae &
 propriae laudes datae sunt Volaterris, atque ita, Au-
 ditores, ut nemo alter quisquam peraeque Volaterras,
 ex hoc isto certe loco, laudaverit. Sed enim Corto-
 na multo est Volaterris, atque adeo ceteris urbibus E-
 truscorum antiquior. Illa mehercule magna est tempo-
 rum inter utramque hanc urbem differentia, quod Vo-
 laterrae primae conditae sunt ab Etruscis; Cortona; tam-
 etsi relata postea est in censum civitatum Etrusca-
 rum; tamen multo illa prior fuit adventu Etruscorum.
 Quid autem in commentariis Graecorum vetustissimis
 exploratius atque perspectius, quam Cortonam, urbem
 prius Umbrorum, longe ante tempora Trojana po-

rentia omnibusque copiis floruisse, unamque de numero urbium beatarum fuisse, eamque urbem Pelasgos, bello Umbris illato, repentinò incursum cepisse? De Pelasgis non una sententia Graecorum fuit, quibusdam opinantibus, vocatos eos postea Tyrrhenos, qui Pelasgi antea appellabantur. Sed ego facile credo Dionysio Halicarnassensi, gravi cum primis & accurato Scriptori, alios Pelasgos, alios Tyrrhenos fuisse. Unde etiam ego prorsus existimo, quod idonea certaue veterum auctoritate nixum est, inclinata ante bellum Trojanum Pelasgorum fortuna, Tyrrhenos urbem Pelasgorum Cortonam occupavisse, eamque in urbium Tyrrhenicarum numerum retulisse, & quod Pelasgi fecerunt, ea urbe munienda praesidium Tyrrheniae contra Umbros quaesivisse. Urbem autem Pelasgicam Cortonam aliquando fuisse quis neget? quando ex Herodoto compertum est, quod & Dionysius Halicarnassensis restatur, Cortonenses linguam olim Pelasgicam, eamque a Tyrrhenica diversam, adhibuisse. Quo in primis argumento usus est Dionysius, ut Pelasgos a Tyrrhenis omnino diversos demonstraret. Quod si Cortonam Pelasgi longe ante Tyrrhenos possederunt, videris plane, Auditores, hanc istam urbem omnibus urbibus Tyrrhenicis multo esse antiquiorem, hoc est iis urbibus, quas Tyrrheni aedificaverunt: ejus sane antiquitatem vel usque ab ultima hominum memoria Poetae repetunt, cum Dardanum illum antiquissimum, Corithi filium, gentisque Trojanae inclytum conditorem, ex ea urbe profectum commemorant. Iam vero quanto tum nomine, quantaue urbem existimatione Cortonam fuisse oportuit, cum eam sibi urbem primum Pelasgi, deinde Tyrrheni, arcem belli ac munimentum contra potentissimos hostes firmissimum delegerunt? Quae porro urbium Tyrrhenicarum, una fortasse Caeretanorum urbe excepta, in commentariis olim Graecorum frequen-

quentior atque celebratior Cortona? quam memoratu in primis dignam Dionysius appellavit: quam etiam urbem antiquitatum Graecarum Scriptores vetustissimi, ique oppido non contemnendi, narrant, Ulyssi, quum ab expeditione is Trojana rediret, rebus Penelopes, uxoris suae cognitis, in Tyrrheniam abiisset, certum ac stabile domicilium prae buisse, ubi is & reliquum vitae transegerit, & demortuus, Pergam, montem proximum, nobilem ac memorabilem tumulum acceperit. Et quot illa, quae so, & quam varia, & quam clara atque illustria urbis Cortonae olim nomina apud Graecos! Nam Cortona recentiori hodieque usitato nomine est Ptolemaeo, Croton Dionysio, Halicarnassensi atque Stephano, Gortynia Lycophroni, atque Theopompo, Cyrtonia, seu Cyrtonium Polybio, Cothornia rursus Dionysio, Creston Herodoto: immo & Corithus, Graecis sine dubio auctoribus, eadem est urbs a Poetis nostris appellata. Graecis scilicet, magnis rerum suarum aestimatoribus, placuit, quae nomina urbium Graecarum clarissimarum ac nobilissimarum erant, ea ad hanc istam urbem Pelasgicam, seu Tyrrhenicam, celebrem in primis & gloriosam, transfere atque accommodasse. Ego quidem ceris fabulas Poetarum in tanta praesertim certarum verarumque laudum copia minime omnino loquor. Verumtamen unde firmitus atque efficacius antiquitatis urbis Cortonae argumentum sumi potest, quam ex auctoritate summorum gravissimorumque Poetarum, qui peculiari quadam vetustatis nota urbem Cortonam prae reliquis urbibus Tyrrhenicis insignitanti repraesentant, in eaque urbe Corithum, Iovis filium, Daedali patrem, primum regnasse, eamque de nomine suo Corithum vocasse fabulantur? Eum inde longe lateque imperium in regionem, quae postea a Tyrrhenis Tyrrhenta dicta est, propagasse, indicio illud fuerit, quod Latinorum Poetarum princeps,

C c c 2

idem.

idemque antiquitatum Etruscarum scientissimus, Corinthi urbes, Tyrrhenicas appellat, ad quas Aeneas auxilia conquisturus penetraverit. Quare ego etiam facile arbitror, Graecos Cortonam primariam urbem Tyrrheniae, urbiumque Tyrrhenicarum matrem nuncupasse, non quod, quo tempore Corinthus, quae Cortona postea dicta est, principatum regionis obtinebat, Tyrrheni in iis tum locis dominarentur; sed quod ejus tum urbis imperio regio subiecta esset, quam postea regionem Tyrrheni occuparunt. Quis enim jam non fateatur, quod alias opinor me ex hoc ipso amplissimo loco satis demonstrasse, Tyrrhenos postea urbi Volaterranae, quam ipsi primam urbium suarum exaedificarunt, totius Tyrrheniae principatum detulisse? Sed & temporibus illis Tyrrhenicis quanta dignitas atque auctoritas urbis Cortonae fuit! cum Tarcon ille Tyrrhenius sedem ac domicilium suum in ea urbe collocasset. Quanta etiam temporibus Romanis! quum illis etiam temporibus Cortonenses, pariter atque Arretini & Perusini, inter populorum Etruriae capita censerentur, itaque inter eos populos viribus & potentia excellerent, ut de pace & foedere cum Senatu Romano egisse, induciasque in triginta annos impetrasse memorentur. Quid? Cortona, similiter atque Clusium & Arretium, nonne tanti a Romanis habita fuit, ut Silius ille Italicus, nobilis Poeta, qui bellum Punicum secundum elegantibus versibus descripsit, in Poemate suo Flaminium Consulem arci Cortonensi, pariter atque muris Clusii & Arretii, ipsique urbi Romae ab Annibale metuentem inducat? Credo scilicet Romanos urbem non neglecturos fuisse, natura & situ munitam, omnibusque rebus copiosam: quae in urbe Romani ad res suas, Romanamque fortunam tuendam maximum momentum inesse, pro certo habuissent. Itaque Augusti tandem, seu potius Triumvirorum, temporibus, facta est Cor-

to-

tona Romanorum colonia: quam profecto urbem Dionysius Halicarnassensis & nomen & cives paullo ante tempora sua mutasse testatur. Nam de agro quidem Cortonenſi omitto hic dicere, quam ille ager fertilis sit & opimus, quam pascuus & salubris, quam jucundus & frugifer, quam fructuosus & amoenus, quamque ubertate & varietate fructuum nulli alii agro Etruscorum cedat, multis Etruscorum terris antecellat. Nec vero frustra arva beata vocare illa visus est Rutilius Numatianus. Cives autem Cortonenses tribu Stellatina censos fuisse, quis jam hominum eruditorum ex veteribus lapidibus non fateatur? Quid deinde, Romano imperio penitus inclinato atque everſo, factum sit Cortona, non promptum est dicere, Auditores, in tanta historiarum praesertim obscuritate, rerumque Cortonenſium oblivione: nisi forte dicendum illud videatur, quod verisimillimum est, id ipsam Cortonenſibus, quod reliquis Etruriae populis, contigisse; Cortonam tandem cecidiſſe, cum a gentibus Barbaris Imperium Romanum cecidit, ex eoque postea casu Cortonenses surrexiſſe, seque in libertatem vindicaſſe. Quam vellem, urbs nobilissima, vetera laudum tuarum atque amplissima monumenta nancisci potuiſſem, ut in eas laudes, tanquam in apertum quendam & immensum campum, mea se diffunderet atque explicaret oratio. Nam antiquae nobilitatis tuae prislinaeque tuae libertatis insignia adhuc clarissima exstant, victoriati, quos illis temporibus juris ac consuetudinis tuae fuit, praeceteris Etruriae liberis civitatibus, percutere: quibus in nummis videre plane est expressam veluti imaginem Etruscae antiquitatis. Quid enim dicam, optimis te legibus republicam tuam munivisse atque firmasse, eamque per Consules ac Senatum, more Romano, sapientissime administrasse, omnibusque belli & pacis praeclaris artibus adornasse, atque ad omnem felicitatem instruxisse? Quae

tibi bonæ, urbs nobilissima, multo diuturniora fuissent, nisi quæ in ceteras civitates Etruriæ, in tuam etiam rempublicam factiones civium perniciosissimæ, invasis-
sent. Nollem, Auditores, recordari tempora illa calamitosissima, cum, scissa in partes Etruria, altera alteri civitas perfidiose insidiabatur. Sed tamen magno sensu doloris recordor, urbem Cortonam ex incestina illa civium suorum discordia in prædam Arretinæ celsisse. Quæ vero, & qualis, & quanta, & quam misera acque miseranda clades illa Cortonensis, ab Arretinis! cum cives Cortonenses clarissimi atque opulentissimi, alii rebus ac fortunis suis spoliabantur, alii exsules a patria atque extorres agebantur, civitas denique olim domina, princepsque regionis, & divitiis atque armis præpollens, libertate ac dominatione exuebatur, &, quod ipsa morte acerbius ac luctuosius erat, servire Cortonæ Arretio cogebatur. Sed sua Cortonensibus, viris bonis ac fortibus, virtus non defuit, ut servitutis tandem Arretinæ jugum fortiter excuterent, seque in libertatem suam adferrent, ac vindicaret. Hic mihi locus erat percommodus & peropportunos, Cortonæ, gratulandi tibi de recuperata libertate & dignitate tua. Quam etiam tibi libertatem Henricus Septimus Imperator, quem hospitem publice ac magnificentissime acceperas, iurandi religione adhibita, confirmavit. Videbare tum, Cortonæ, vicinis civitatibus, quæ jam inde a longinquis temporibus æmulæ felicitatis tuæ existerant, &, quibuscum de dignitate ac principatu sæpe armis discerneras, præire exemplo tuo posse ad Etruscæ dignitatem atque amplitudinem tuendam; tanta sapientia, ac probitate, tantaque fortitudine ac prudentia, respública a Consulibus tuis regebatur. Sed enim, hac pace, & felicitate sibi diu tibi non licuit per factiones civiles. Seditio te popularis in servitutem rursus dedit, Cortonæ, sed ita, ut ex eo casu, ex eaque gravi calamitate.

mitate melior ac florentior, multoque beator surgeres. Nam & illud in tanta rerum tuarum perturbatione, tantoque illo infortunio perbelle accidit, ut Pontifex tuus, quo tota superiori memoria caruisse ferebare, tibi divinitus tribueretur. Enimvero fatendum est, Auditores, me unquam a memetipso extorquere illud potuisse, ut crederem id, quod in vulgari hominum sermone versatur, quum ceterae urbes Etruriae jam inde a primis Christianis temporibus Pontificem, ac Sacerdotem suum habuerint, qui sacris Christianis eas urbes imbuerent; tamen Cortonae, urbi antiquissimae & celebratissimae, & temporibus adhuc Honorii & Theodosii Imperatorum, inter Etruriae urbes perinsigni, Pontificem suum desuisse; quumque Romulus, vir sanctissimus, primum Volaterras, deinde Fesulas, alii alias civitates Etruriae luce antiquitus Christiana perfuderint, & Pontifices, Herculani Perusinae, Donatus Arretii, miris ad caelum laudibus extollantur; tamen uni urbi Cortonae de universa Etruria, qui Christum Sospitem, humanique generis Servatorem nuntiaret, & Sacra Pontifex ministraret, neminem quemquam existisse. Quis autem sibi facile persuadeat, quum salutaris Christi doctrina reliqua passim Etruria praeceps illis temporibus mirifice propagaretur, non eam etiam Cortonae dispersam in populum & disseminatam fuisse: quumque tota alibi Etruria sacrosanctum Christi nomen divulgaretur; & viri & mulieres religionem certatim Christi amplecterentur, sacrorumque Christianorum coetus inirent, neminem unum mortalium Cortonae Christo nomen dedisse, coetusque Christianos sociasse? aut, quum Imperatorum complurium Romanorum, puta, ut uno, aut altero exemplo utar, Marci Antonini, aut Maximiani Herculi, iussu, tota Italia homines Christiani vinculis ac verberibus omnique supplicio excruciat, pro Christi nomine necarentur, nullos omnino eorum qui Christum

stum Cortonae, ejusque doctrinam, profiterentur, mortem pro Christo obiisse? Quod si Cortonae tum etiam, cum gentes in Christianos omnem crudelitatem adhiberent, fuerunt Christiani; si Cortonae Christiani coetus suos frequentarunt, laudetque Christo Deo dixerunt; si Cortonae Christiani vitam pro Christo gloriosissime profuderunt, cur non etiam Cortonae loco nobili, celebrique ac frequenti urbe eademque Sede Rectorum, seu Praesidium Etruriae, fuerit Antistes suis Christianis, qui sacra iis administraret, pabulumque iis veritatis divinae, pro boni pastoris munere atque officio, praeberet? Nam & in urbe Cortona, tanquam in magno & illustri Theatro, spectata est virtus mirabilis ac propemodum divina Christianorum; spectaculum illud quam egregium, quam praeclarum, quam admirabile! cum tempore Decii Imperatoris, saeviente quam cum maxime impiorum hominum rabie in Christianos, videre fuit in urbe Cortona milites Christi, fortissimos plaqueque heroes, Secundianum & Marcellianum ac Verianum (hoc enim nomine vocabantur), tanquam in justa pugna, fortiter pro Christo dimicare, & supplicia gravissima constantissime perferre, fustibus caedi, in equuleo suspendi, ungulis abradi, igne ad latera asfari, capite cervicibus abscisso, mortem oppetere, itaque, victoria clarissima reportata, de impietate atque errore gloriosissime triumphare. Non me equidem fugit, de loco hujus certaminis Scriptores cum primis graves, atque in sacrarum historiarum monumentis opido, quam versatos, mecum dissentire, qui locum hujus certaminis Centumcellas assignant. Sed multo mihi potior Uluardi auctoritas. Atque is est Uluardus, Auditores, quem in falsis sacris diurnis auctorem certo exploratoque consilio secuti sunt, & nunc etiam fere sequuntur, quorum ceteri auctoritatem sequi debent, Pontifices Romani. Testem cito te, Uluarde, in falsis

stis tuis, cum viros illos sanctissimos ac fortissimos dicis apud Cortoniam urbem Tusciae, morte pro Christo obita, praeclarum atque illustre in primis certamen peregrisse. Nec vero putetis, Auditores, imprudentem me atque invitum Cortoniam dixisse, quam vosmet & ego sciens Cortonam. Nam Coloniam quidem Tusciae scripsisse videtur Ufuardus; pro quo in promptu fuit conicere, scribendum ab Ufuardo fuisse Cortoniam, quo tandem nomine Crotonem, urbem Tyrrheniae, cum eo Romani coloniam deduxerunt, esse appellatam, in veteribus certe codicibus legitimus apud Dionysium Halicarnassensem. Sed maneat apud Ufuardum nomen urbi Coloniae. Croton, quae Romanis Cortona, urbs illa celeberrima Etruriae, a colonia eo a Romanis missa e tribu Stellatina, nomen aliquando suum non in Cortoniam modo, sed etiam in Coloniam, mutaverit. Hinc etiam quam clarum & illustre novae eximiaeque laudis argumentum exoritur, cum certo inde colligimus & praedicamus, urbem Cortoniam inter omnes urbes Etruriae adeo excelluisse, ut, quam aliae etiam urbes Etruscae, ipsae etiam Pisae urbs nobilissima Etruriae, coloniae factae fuerint Romanorum, tamen una Cortona, propria quadam & insigni excellentiae nota, Coloniae sibi appellationem, praereliquis Etruriae urbibus, ipsisque Pisis, suo veluti jure vindicaverit! Quis autem nunc hominum pereruditiorum neget, Coloniae in Tuscia nomine urbem aliquando Cortonam venisse? quando antiquae appellationis vestigium etiam nunc existat una portarum urbis Cortonae, cui hodieque nomen Colonia; & hanc istam urbem, Coloniam diserte nominat stratagematum Scriptor, Sextus Iulius Frontinus: apud quam urbem Frontinus narrat, Aemilium Consulem copias in subiectos campos demissurum, e citatiore avium volatu insidias hostium latitantes intellexisse. Apage hinc a Fron-

D d d

ti-

tino, homo erudite, de oppido Colonia vanas atque inutiles conjecturas tuas. Quod obiter dictum est. Nunc si Christianis temporibus vetustissimis Cortonae in Thuscia Christianorum hominum de impietate devicta triumpho, iique gloriosissimi, visi sunt, quis non facile inde percipiat, lucem tunc Christianam Cortonam accepisse, ipsamque adeo urbem Cortonam, pariter atque alias urbes, quas veritas divina illustrasset, Sacerdotem suum, gregisque Christiani pastorem habuisse? At enim pervolutemus licet omnia monumenta antiquitatis, nullum in iis plane Pontificatus tum Cortonenfis vestigium apparet. Scilicet, credo, post imperium Decii, aut post Honorii Theodosique minoris tempora, cum Claudius Rutilius Cortonam urbem in Etruria celebrabat, ne fuit quidem per sexcentos & amplius annos urbs Cortona, quando totidem fere deinceps annorum de Cortona silentium fuisse in historiis videtur. An tu inde mihi ex tanto illo & tam diuturno silentio, atque ex illa tam longa temporum oblivione existimas, nullos unquam antea Pontifices Cortonenses existisse? Ego vero silentii illius inde potius causas investigaverim, quam suos olim urbi Cortonae Pontifices denegaverim. Quanto enim illud probabilius, Auditores, atque ad faciendam fidem accommodatius, quod Ioannes Villanius, Scriptor historiarum non ignobilis, adfirmat, Pontificem urbi Cortonae ab Ioanne vigesimo primo, Pontifice Romano, non quidem datum, sed restitutum. Scribit Villanius, quod ex populari fama acceperat, homines olim Cortonenses Pontificem suum interfecisse, seque ipsos regendos ac gubernandos Pontifici Arretino tradidisse. Quod seditione aliqua civili fieri potuisse quis neget? Ego quidem sic censeo, Pontificis olim Cortonenfis mentionem in vetustis alicubi monumentis Christianis inveniri; sed, qui vocandus erat Cortonenfis, dictum hunc antiquitus Crotonensem,

ex

ex usu Graecorum, quibus Cortona, quae nobis vocatur, Croton est appellata. Sic igitur & Cortonenfis Pontifex fuit Iordanes, quem tamen alii Crotonensem nominarunt: cujus quidem meminit Vigili Pontificis Maximi sententia contra Theodorum Caesariensem. Fuit & Cortonenfis Theodosius, is, qui aliis Crotoniensis: qui Concilio Lateranensi sub Martino Primo Pontifice subscripsit. Alii etiam quia olim Pontifices Cortonenses fuerint, minime est dubitandum, Auditores. Verum subsequenribus temporibus videntur Pontifices Arretini viribus atque armis praepotentes in Sacerdotii Cortonenfis jura commodum invasisse, illudque sibi Sacerdotium usurpasse, & cum Pontificatu Arretino ita in unum conjunxisse, atque consociasse, ut Pontificatus Cortonenfis in Arretinum totus transisset, nomenque etiam suum penitus amisisse videatur. O misera sequiorum illorum temporum conditio! o rudis & inculta temporum illorum barbaries! cum lux veritatis & temporum testis ita historia negligebatur, ut ne rerum quidem suarum historias plerique Italiae populi memorarent. Quanta illorum temporum obscuratio, quanta vis oblivionis, quae vel ipsorum Pontificum Cortonensum omnem omnino memoriam obruisset atque exstinxisset! Itaque, perinde quasi superiores illi Pontifices ex omni hominum memoria evulsis fuissent, planeque evanuisent, dicitur tandem Ioannes vigesimus primus, quem alii secundum & vigesimum numerant, Pontifex Maximus Pontificem Cortonensem de novo creasse atque instituisse, communicque oppidi Cortonae petenti enixeque roganti concessisse. Quid quod Ioannes ibi Pontifex jura se civitatis dare ait Cortonae, & quae sunt ejus verba, Cortonam se in civitatem erigere? Et bene Ioannes, si tum primum Pontifices Cortonae efflorescerunt. Quid? an non Cortona civitas antiquissima Etruriae? an non Cortona similiter atque

D d 2

Ar-

Arretium, inter capita quondam Etruriae? an non primaria ipsa olim civitas, & veluti mater civitatum Etruriae? Intelligite hinc, Auditores, post Etruriam Christiana luce illustratam atque perfusam, tam caruisse antiquitus Cortonam Pontificibus suis, quam ea antiquitus civitas non fuit. Nam si civitas Cortona fuit, & una de primariis ac principibus civitatibus Etruriae, cur ea una sine Pontifice suo civitas in Etruria? Quae omnia eo spectant, ut quisque jam vestrum videat ac fateatur, quo jure civitas fuit olim Cortona, eodem plane jure Pontifices eam olim suos habuisse. Sed enim maxima aliqua atque incredibilis calamitas visa est urbem aliquando Cortonam afflixisse ac propemodum perdidisse, quae Cortonam Cortonae eripuerit: hoc est, non pristinam modo felicitatem ex ea urbe abstulerit, sed etiam memoriam prioris fortunae ac felicitatis. Scilicet sui suaeque pristinae dignitatis oblita erat Cortona, civitas Etruriae nobilissima, cum eam Ioannes Pontifex Maximus civitatem esse decrevit. Namque alioquin jura se civitatis Cortonae restituere, quum ei Pontificem restitueret, Ioannes Romanus Pontifex dixisset. Nunc quum Pontificem dare se dicat Cortonae, dicit etiam se Cortonam facere civitatem. Qua in re (id enim tandem fatendum est) ex antiquorum temporum veraeque historiae ignorantia illi tum homines vehementer fallebantur. Me vero, cum temporum illorum infelicitatem egomet mecum multum & diu cogito, valde admodum tui miseret, beatissima quondam & fortunatissima urbium Etruscarum, Cortona, quod tanta temet tui, & pristinae dignitatis tuae, & veterum laudum tuarum, oblivio cepisset. Verum, cum animo me & cogitatione ad Pontifices postea tuos converto, quam ego non jam in sinu, quod dici solet, sed vulgo ac publice gaudeo, quanta jam laetitia gestio, atque exultatio, quam tibi egomet, Cortonae, de felici-

ta

rate ac dignitate tua gratulor! Nec sane nescio, Auditores, pro rerum humanarum varietate, aliquos interea casus, tum a factiosis turbulentisque civibus, tum a Ladislao in primis rege Neapolitano incidisse, qui quasi libertatis luce reviviscentem civitatis Cortonenfis fortunam interturbarent atque permiscerent. Sed quam tum etiam prospere ac commode evenit, ut tandem Cortonenses ex tot illis ac tantis tamque ancipitibus rerum suarum discriminibus in ditionem ac potestatem Florentinorum transirent! cum per Florentinos nobilitatis & antiquitatis Cortonenfis justos ac veros aestimatores, civibus tandem Cortonensibus licuit e vadis veluti emergere, eoque jam gloriae adspirare, ut in omni genere laudis nulli penitus civitatum Etruscarum secunda esse Cortona videatur. Quae enim nunc urbs Etruriae, sive belli, sive pacis artes praeclaras respicias, nobilior atque illustrior Cortona? quae quum omni tempore viros fortes & magnos, & industrios & ingeniosos, omnique laude excellentes, & sapientia ac sanctimonia perinsignes protulerit, habet nunc, Academia Etrusca instituta, quod doctrinae studiis ac litterarum celebritate supra reliquam se Etruriam longius extollat. Nam, quod ad religionem attinet, tamen si superiori etiam memoria egregie ibi ea semper culta atque observata fuit, quod & sanctissimi & religiosissimi viri quamplurimi Cortonenses exemplo satis suo demonstrarunt, de quibus etiam fuit Guido, discipulus atque adscela Francisci, mirabili vir pietate & sanctimonia; tamen mirum est, quantum religio Cortonae suis sub Pontificibus efflorescit. Fatendum namque est, quod Ioannes Pontifex Maximus litteris suis testatum voluit, rem divinam Cortonae, sub Pontificibus aliquando Arretinis negligentius curatam jacuisse, quae, post Pontifices suos urbi Cortonae restitutos, ita ibi resurgere ac revirescere visa est, ut reliqua nusquam Etruria cultior

tior atque florentior videri unquam potuerit. Qua in urbe spectaculum illud quam admirabile, quamque ad veram religionem comprobendam luculentum, corpus a quadringentis & quinquaginta annis integrum adhuc & incorruptum Margaritae Cortonensis, mulieris sanctissimae, quae, cum ad frugem bonam se recepit, ut exemplo fuit, dum viveret, omnis sanctimoniae & virtutis, ita & demortua integritatem incorruptam corporis, testimonium divinitus certissimum atque clarissimum habet sanctitatis suae! Quis autem Pontificum Cortonensium laudes pro dignitate unquam celebraverit, quorum unum ac solum fere nomen ad omnem abunde laudem suffecerit? Namque id Cortonae datum divinitus videtur, ut ejus urbis Pontificatum summi fere & sapientissimi viri magna cum laude administraverint. Quid enim dicam de Raynerio Ubertino, primo seu dato, seu restituto Cortonensibus Pontifice, viro fortissimo & acerrimo juris Cortonensis contra Guidonis Tarlati tyrannidem propugnatore, cujus maxime Raynerii virtute, atque consilio Cortonensis est Pontificatus confirmatus atque stabilitus? Quid de Ubaldino Florentino, viro magno & praeclaro, qui Florentini Senatus nomine nobilem ad Caesarem legationem de gravissimis ac difficillimis negotiis obivit? Quid de Christophoro Ugolino, qui Concilio Florentino interfuit? Quid de Mariano Salvino, mira viro doctrina & probitate, quem Antoninus Pontifex Florentinus, vir sanctissimus, ad mores suorum populorum rectius informandos atque componendos socium sibi industriae & laboris adscivit? Quid de Francisco Cardinali Soderino? Quid de Guilhelmo Capponio? Quid de Silvio Passerino Cardinali? Hic est ille Passerinus, Auditores, vir temporum suorum sapientissimus, neque de patria modo sua Cortona, sed etiam de universa Etruria praeclare meritis, cujus maxime prudentia ac consilio domus

mus Medicea ad Etruriae felicitatem & gloriam stetit .
 Quid de Hieronymo Gaddio ? Hic est ille Gaddius , qui
 Florentiae nobili loco natus , Angelo patre , Senatore
 clarissimo , Isabella Guicciardinia matre , femina longe
 honestissima , sapientia & doctrina tum generi suo , tum
 urbi Cortonae , maximo ornamento fuit , atque a Co-
 smo Primo , Magno Etruriae Duce , legati nomine ad
 Concilium Tridentinum missus , qua legati , qua Pon-
 tificis personam , neque Cortonae modo suae , sed et-
 iam totius Etruriae , Magnique Etruriae Ducis dignita-
 tem tam plene cumulareque sustinuit , ut Senatum il-
 lum , universi orbis Christiani amplissimum atque san-
 ctissimum , in magnam admirationem sui traduxerit .
 Quid ego longius persequar reliquos Antistites Corto-
 nenses ? quid Ioannem Albertium ? quid Philippum Bar-
 dium ? quid Cosmum Minerbettum ? quid Ludovicum
 Serristorium ? quid Sebastianum Zuccherium ? quid ce-
 teros nostra etiam memoria viros celeberrimos & sa-
 pientissimos , qui Cortonensi Sacerdotio Pontifices prae-
 fuerunt ? qui quum omnes omni Christiana virtute , sa-
 lutisque populorum ardentissimo studio mirabiliter ex-
 celluerint , nescias profecto , quis eorum ceteris praefer-
 ri posse videatur . Quid plura ? his ducibus atque au-
 floribus , his religionis ac pietatis Christianae magistris
 atque antesignanis , quid miremur , rem divinam , reli-
 gionisque studia Cortonae ita exulta esse , ac florere ,
 ut , tametsi ea urbs omnibus omnino laudibus circum-
 fluat , atque abundet , tamen nulla alia re magis , quam
 re divina & religione , sit ea urbs laudata ? Nam si omnes
 quidem laudes civitatis Cortonensis velim ego dicendo
 comprehendere , aut etiam in his praefertim temporum
 angustiis percurrere , quem tandem finem inveniat ora-
 tio ? quum ex laudibus quibuscunque urbis Cortonae
 aliae aliaeque subinde laudes , tanquam ex germine quo-
 dam fecundissimo , pullulent atque nascantur . Quid si
 enim

enim homines hic ego Cortonenſes a fide collaudem ? fidem Cortonenſes Florentinis, etiam cum Florentini a reliquis Etruriae civitatibus in bello Caefariano perfidioſe defererentur, inviolatam atque integram ſervaverunt. Quid ſi a nobilitate ? nulla eſt tota Etruria nobilitas neque antiquior, neque purior Cortonenſi. Quid ſi a virtute militari, reiſque bellicae gloria ? ſumma haec eſt virtus equitum Cortonenſium, eaque in utroque equeſtri nobiliſſimo Ordine tum Etruſco, tum Hieroſolymitano, ſpectatiſſima, Quid ſi a ſumma ſummarum artificum in artibus quibuſque nobilioribus planeque ingenuis peritia atque excellentia ? neque in ſtatuaria, neque in ſculptura, ſculpturae, neque in pictura, neque vero in architectura, ullos unquam reperiſſas praetantiores celebrioresque artiſces hominibus Cortonenſibus. Quid ſi a patria, hoc eſt, ab ornatu urbis, aediumque tum publicarum, tum privatarum ſplendore, majeſtateque baſilicarum ? nuſquam tota Etruria neque aedes, neque baſilicae, quam in urbe Cortona, auguſtiores. Quid ſi ab urbis ſitu, deſcriptioneque aedificiorum ? urbs Cortona, natura & ſitu munita, firmiſſimis moeniis circumdata, deſcriptioneque aedificiorum nobilis, in edito monte collocata, loco maxime ſalubri, proſpectum habet in ſubjectam late regionem multo pulcherrimum atque jucundiſſimum. Quid ſi ab opulentia ? quum ager Cortonenſis mira ſit frugum viniſque & olei, omniſque generis fruſtuum ubertate, ac metallis etiam nobilium verſicolorumque lapidum abundet. Quid ſi tandem a ſtudiis ſapientiae & celebritate litterarum ? hoc videlicet poſtremum, propoſitum mihi caput erat huius laudationis Cortonenſis. Illud enim denique fatendum eſt, quo mea in primis jam inde a principio tendebat oratio, urbem Cortonam ſapientiae ac doctrinae, artiumque liberaliſſimarum laude toti longe Etruriae antecellere. Nec de antiquiſſimis jam tem-

po-

poribus disputo, cum Cortonae nomen fuit Crotoni, & Pythagorae fama in omnes regiones manaverat. Quis enim illis de temporibus dubitet, quin Cortona prae reliqua tunc Etruria doctrinarum studiis & Philosophorum praestantia floruerit, immo & sapientiae tota Italia principatum obtinuerit, si verum est, quod vulgo jactitant, Pythagoram, summum Philosophum, eum, qui nomen Philosophiae invenit, genere Etruscum, patria Cortonensem fuisse, ibique in patria sua festam Italicam condidisse, secretioremque sapientiam, & reconditiores quasque atque exquisitiores litteras docuisse, ex eaque schola viros multos sapientissimos omnique eruditione ac doctrina excultissimos prodivisse? Verum sunt illa multo antiquiora, quam ut in hodiernas urbis Cortonensis laudes commodum cadere possent videantur: praesertim quum in magna veterum opinionum diversitate nihil minus nobis tutum atque integrum sit, quam judicium nostrum de Pythagorae patria interponere, qua de patria nihilo sane minor, quam de patria Homeri, fuit quondam inter celeberrimas ac florentissimas civitates concertatio. Neque vero eget nunc Cortona antiquis illis laudibus eruditionis & sapientiae. Quae enim nunc tandem urbs, non dico universa Etruria, quanquam id etiam dico, sed tota Italia, litterarum gloria atque dignitate urbi se Cortonae praeferat, aut cum ea etiam se urbe exaequet? quando per societatem Cortonensem, quam Academiam Etruscam appellant, omni barbarie depulsa, elegantiores reconditioresque ita litterae, quasi luce humanitatis recreatae; revixerunt, ut domicilium ibi ac sedem suam collocasse, ac veluti in regno dominari videantur. Et quid miri est, Auditores, si, quum tot ac tanta decora atque ornamenta in unam urbem Cortonam confluxerint, Magni Etruriae Duces Mediaei prae multis Etruriae urbibus veluti in oculis Cortonam tulerunt,

Ecc

& ma.

& magnus nunc Imperator Romanorum, idemque Magnus Dux Etruriae Franciscus Primus Lotharingus, Cortonam auctoritate sua cohonestandam in primis atque exornandam judicavit? Ac quale illud ac quantum beneficium est litterarum, quibus factum est, ut, quam olim res Cortonenses obscurae, temporumque injuria veluti in tenebris involutae fuerunt, tam nunc clarae illustresque evaserint, atque in aperta jam orbis terrarum luce versentur! Namque eo jam famae & celebritatis Cortona a litterarum splendore, veluti e longa multorum saeculorum oblivione emerfit, ut, ubicunque litterae in pretio habentur, gloriosius propemodum ac majus apud homines doctos atque eruditos ducatur, in Academiam Cortonensem cooptari, quam patriae suae principem locum tenere. Enimvero Etruscae patria eruditionis est Cortona: cujus etiam artis ea, quae reconditorum est litterarum, societas nobilissima, museo pulcherrimo atque elegantissimo exstructo, omnisque doctrinae ac litteraturae, qua in rarioribus quibusque antiquitatis monumentis, qua in libris quibusque melioribus ac pretiosioribus, copiosissima supellectile sumptuosissime undique ac laboriosissime accumulata, assidueque omnium bonarum artium ac disciplinarum cultura, inter omnes celebriores florentioresque societates Etruriae tantum una excellit, ut, quum ceterae, suo quaeque peculiari nomine, propriae nota distinguantur, ipsa una ac sola societas Cortonenfis Academiae sibi Etruscae generalem appellationem asseruerit. Huc spectare vos decet, optimi adolescentes, veraeque gloriae, quae a litteris atque a sapientia est, studiosissimi. Nam ad vos potissimum excitandos atque cohortandos mea haec pertinet urbis Cortonae laudatio. Videte, quantum Cortonae nominis atque gloriae litterae conciliaverint, ut quae urbs, litterarum quondam incuria, pro temporum illorum in-

infelicitate , veluti in silentio oblivionis sepulta , diutissime jacuerat , litterarum tandem beneficio , supra reliquam se Etruriam erexit , longiusque extulerit . Vos , quibus patria Cortona est (nam & praesentes aliqui adestis) exemplum domesticum omnis doctrinae & eruditionis habetis , ut ne gloriosam patriam vestram , vestra ipsi ignavia atque inertia dedecoretis . Ceteri vero , quibus alia , eaque fortasse obscurior , patria est , clarum vobis & insigne exemplum , quod sequamini , Cortonam proponite , ut & ipsi , quantum in vobis est , splendore sapientiae atque doctrinarum patrias vestras illustretis .

F I N I S .

[illegible]

2 6 4 8 1

005673800



